

PERKINS LIBRARY

Duke University

Rare Books

CARMINA

POETARUM

LIBRUM



CARMINA

ILLUSTRIUM

POETARUM

ITALORUM.

CAARMINA
ILLUSTRUM
POETARUM
ITALORUM.

CARMINA
ILLUSTRIUM
POETARUM
ITALORUM.

TOMUS SEXTUS.

Bottari, G.G. ed




FLORENTIÆ. M DCC. XX.
Typis Regiæ Celsitudinis, apud Joannem Cajetanum
Tartinium, & Sanctem Franchium.

Superiorum permissu.

CARMINA
ILLUSTRIUM
POETARUM
ITALICORUM.
TOMUS SEXTUS.



FLORENTIAE. MDCCLXX.
Typis Reu. Celsitudinis, et Joh. Joann. Casp. Joann.
Tassinum, & Sanguin. P. B. Joann. P. B.



CATALOGUS

ITALORUM POETARUM

Tomi Sexti.

L

RRR
B751C
V. 6

L <i>Ampridius Benedictus.</i>	pag. 1.
<i>Landinus Christophorus.</i>	82.
<i>Lapaccinus Alexius.</i>	122.
<i>Lapius Angelus.</i>	123.
<i>Leo Joannes.</i>	126.
<i>Lignamineus.</i>	126.
<i>Lippius Laurentius.</i>	127.
<i>Lubranus Jacobus.</i>	140.
<i>Lucatellus Bernardinus.</i>	145.

M

M <i>Acheropæus Nicolaus.</i>	pag. 151.
<i>Malatesta Carolus.</i>	152.
<i>Malevoltus Horatius.</i>	156.
<i>Mancinellus Antonius.</i>	156.
<i>Maninus Octavius.</i>	163.
<i>Mannius Fulvius Sigismundus.</i>	174.
<i>Man-</i>	

<i>Mannius Marcellus Jacobus.</i>	pag. 178.
<i>Mantuanus Joannes Baptista.</i>	184.
<i>Manutius Paulus.</i>	241.
<i>Marius Antonius.</i>	225.
<i>Marrasius.</i>	251.
<i>Marsuppinus Carolus.</i>	267.
<i>Maschianus Benedictus.</i>	287.
<i>Menzinus Benedictus.</i>	292.
de <i>Mileto Checchius.</i>	315.
<i>Minturnus Antonius Sebastianus.</i>	318.
<i>Modicius Gulielmus.</i>	329.
<i>Molsa Franciscus Marius.</i>	336.
<i>Montorius Joannes Rinaldus.</i>	370.
<i>Morandus Franciscus.</i>	371.
<i>Motia Joannes.</i>	373.
<i>Musconius Joannes Thomas.</i>	374.
<i>Mutius Joannes Aurelius.</i>	385.
del Muto <i>Lucas Nicolaus.</i>	392.
<i>Myrteus Petrus.</i>	404.

N

de N <i>Aldis Naldus.</i>	pag. 412.
<i>Naugerius Andreas.</i>	466.
<i>Naugerius Bernardus.</i>	499.
<i>Nausea Fridericus.</i>	500.
<i>Nobilius Flaminius.</i>	506.
<i>Nogarola Ludovicus.</i>	507.
<i>Nomius Hieronymus.</i>	507.



CARMINA
ILLUSTRUM
POETARUM
ITALORUM.

20-02

BENEDICTI LAMPRIDII
CREMONENSIS.

Ad Cremonam Patriam.

Tua illa tandem maxima vota Dii
Audivere boni: hinc favens
Nunc cœtus celebras; memorque lucis,
Quæ modò fulsit tibi, eam quotannis
Lætam, Cremona, publicis ludis voves.
Ut fervidi currant equi,
Nuda palestra viros fatiget,
Concurrat audax pinu eques trabali;
Tercentum sua spectet
Ludrica vulgus.

Videbis alta de specula novas

Tom. VI.

A

Nu.

B E N E D I C T I

Nuptas despiciere in viam,
 Quæis monilia pulchra & arte, & auro
 Sint & intexto preciosæ acantho
 Vestes, Tyros quas non avara tinxerit,
 Cultu locus quis divite,
 Quis locus egregiis carebit
 Forma puellis, mater unde Amorum
 Ridens pectora curis
 Figat amaris?

Ibit hac illac juvenis pallidus, & redibit
 Se se in equo lupata
 Mandenti ostentans, auroque, & crine decorus
 Composito, qui vulnere Amoris
 Victus stare loco nesciet; ac, certa velut canum
 Fides herum querit latentem,
 Per fora perque domos,
 Sic illum trepidans cor feret, ac miser
 Suspiciens, oculos vertet modo huc, illuc modo,
 Cernere ut queat suam;
 Licet hinc obstiterit magnus & inde
 Populus, qui studiis se paribus fundet eodem.

Nam quæ voluptas fugerit invida?
 Seu certamina blandius,
 Seu te percutient stolæ decentes,
 Totque luxu regifico apparatus,
 Ut hæsites, quo lumina intendas tua,
 Ubive defigas prius.
 Inde ubi præmia jam peracta, &
 Confecti erunt ludi, serena quando
 Nox induxerit atro
 Sidera cælo,

Ipsas inibunt lætitiæ domos,
 Tunc cœnæ arbiter, & meri,
 Vincit crinem apio, decem jubebit
 Principem Augustum cyathis bibamus,
 Quem nuper aureus capitum maximè
 Sol reddidit genti suæ,
 Præcipuè tibi præter omnes,

Quæ

Quæ cara semper Sfortiis fuisti,

Ex quo se omine primo,

Dia jugarat

Blanca Francisco, unde decus Sfortiadum, furorem

Qui toties repressit

Hostilem, victus numquam: justissimus idem

Sive forum, seu castra tenerent.

Sponsæ ergo pater optat generum, mœnibus ipsum emit

Nostriis Philippus Rex locorum.

Filia sola domum

Servans Blanca, & opes divitis Imperii,

Additur egregio conjux duci, illa Heroidum

Quæ fuere, quæque sunt

Honor: ex illo igitur tempore nostram

Coluit Sfortiades præ reliquis urbibus urbem,

Quod hic pudentis tunc patuit viro

Nuptæ virginitas novo,

Et plus seque suaque luce terras

Illā dotales, populumque amabat.

Quin & Cremona principium Regni fuit,

Tantæque fortunæ caput,

Nota virum ingeniis Cremona, &

Armis, profusa argenti, avara laudis,

Formosissima & intra

Mœnia, & extra,

Quam multa de te nunc mihi se offerunt,

O desiderium meum:

Quæ chordis resonem integris, laborem

Post tot annorum, nisi vellat aurem

Pudor? mihi namque es parens carissima;

In teque & ipsum me probem;

Adiciam tamen, ut sequuta es

Semper fidelis, quo vocaret Euris

Volvens aspera nigro

Æquora fluctu:

Atque tempestas ubi jam candidior refulsit,

Lætitia subinde

Exultas, lucent ignes, festusque per urbem

Clamor, humum alterno pede pulsant,
 Læti dulce rosis impediunt nectar olentibus,
 Et tibias conviviorum
 Mutuus usus amat.
 At nil ipse modis præfero Doricis,
 Astra quibus volucris continget heros vertice.
 Sed quis audeat facer
 Heliconis fidicen tollere cantu
 Juvenem magnanimum fortiaque examina bello?

Terras, io, nunc obtinet Italas
 Magni ille egregius patris
 Ultor: proditio patrem infidelis,
 Unde non pulchrum fuerat cavere,
 Divendidit, simulque regnatum gregem.
 Tunc dura venit servitus,
 Tunc miseram exiliis coacti
 Cives salutem quævere immercentes,
 Caris cum pueris &
 Coniuge carâ.

Cum Reg: plestuntur populi suo:
 Is fructus tamen in malis
 Se profert, vice quod soluta dulcis
 Explicat frontes, magis & voluptas
 Merentum acuto corda tentat gaudio,
 Franciscus attulit nepos
 Quale modo, in sua dum rediret
 Regna, & cruorem dum ruens per atrum,
 Nostro milite favos
 Frangeret hostes.

Non metus posthac redeant, atque iterum tumultu
 Facto equitare tentent
 Ausonios per agros, aut ipsi, aut postera gentis
 Proles: nam quos Marte cruento
 Ereptos voluit Rex supremus, voce per oppida
 Testatur ingenti, monentes.
 Solvite spes animis,
 Neve ultro Italiam invadite: jam satis
 Flevimus. Italia est genus virorum, quos licet

Vice-

Viceris, domum male
 Referas pressa alacri tempora lauru;
 Animis illi adeo corripunt arma resectis.

Ad Franciscum Sfortiam.

Es cordi Superis, optime Rex, meæ
 Gentis, Sfortiadum genus
 Francisce, ab illo nomen inditum duce,
 Quo bellante aliquid sibi placebat
 Mavors; fluebat campus atro
 Cruore, sævas jam pigro
 Cædesolvebat Padus amne:

Tunc Nymphæ insolito prætrepidæ metu
 Fugere intima sub vada.
 Talem parentum scripta avum tuum docent
 Quem jam nunc teneris sequens ab annis,
 Insigne virtutis dedisti
 Nobis decus, reponeres
 Gallis dum te in sceptrâ fugatis.

Hi copiis te Belgicis premebant,
 Militeque Helvetio, tremendæ
 Quos obarmant (ut vetus his mos patrius) secures:
 Tu tamen quamvis studio esset illa
 Gens duri aspera belli,
 Irrueretque multa,

Nil contra es veritus agmina ducere
 Insubres juvenum manus;
 Cumque hoste, securus necis pro patriâ,
 Hastas conferere, Italumque robur.
 Hæfere scutis scuta: mæstus
 Hinc clamor; inde gloria
 Mæstantumque, virumque cadentium:

Cum Galli rapidam corripunt fugam,
 Vosque occidere pergitis,
 Ut quemque fortuna obtulisset ultimum,
 Tandem funera nox, diemque clausit,
 Ac læta pubes venit urbem;

Quos inter ibas sordidus

Pulchro pulvere, sanguine pulchro.

Gratatur omnis Civitas, tuumque

Nomen ubique reponit Echo.

Reddita ut lux, templa Deum cœtu adeunt frequenti;

Cum tamen spectes lacrimis madere

Multos, lætitiæque

Et medios doloris.

Patrem eheu repetunt mente tuum boni,

Quo prudentior haud fuit,

Nec justior quisquam nec acrior manu.

Fama ille ad solium Jovis volarat:

Sed laudibus dispar sequuta est

Fortuna tantis, nec datum

Infandas evadere fraudes.

Nullam fata domum perpetuo beant,

Mutatamque probant viceni,

Verum, Deus si quos amet dispendia

Ipsi illi reparant, opesque fractas.

Quin sæpe damnum res sequuta

Opimior, venitque Sol,

Fœnore qui reddat caput uncto.

Transibis Alpes fortis, & catervas

Incipies Italas per agros

Celticos immittere, nec barbaricis ruinis

Desines incumbere, donec aurum,

Præstantique puellas

Dividat ore miles.

Ipsæ autem populis des tua subditis

Jura, ac latius imperes.

Curas remordentes premunt oblivia,

Cum se fors reditu ferat secundo,

Majoraque amissis rependat:

Nam quidquid accidit semel,

Non homines, non Dii revocarint.

Imprimis cineres, sanctæque barbatæ

De busto ossa revulseris,

Quæ semper ossa culta nos habebimus:

Ipsam

Ipsum vero etiam sacrata in æde
 Votis vocantes rite, honorem
 Imponemus aris supplices.
 Est genitor perpeffus easdem

Clades tuus, quæ sceptrâ liberofque
 Regis Echionii infequutæ
 Olim erant, dum vita fuit, sæva pericla adibant;
 Non aqua, aut tellus miseris patebat.
 At post Juppiter æquus
 Annuit arcem Olympi.

Non fiunt homini de nihilo bona;
 Semper nescio quid patit,
 Fugiffe quod velles: sed hortatur memor,
 Virtus, pectore fufferas ut æquo:
 Servesque gaudiis te futuris.
 Ergo quid incassum angimur,
 Quod te lecto affixit iniqua

Febris, nec metum adhuc follicitum elevat
 Fidus cultor Apollinis?
 Salus redibit afferens vires novas,
 Atque e morbo animosior refurges.
 Sic Hercules quondam ruebat
 Laboriosas in feras
 Ex ærumnâ ingentior ipsâ.

Majora rebus te manent peractis,
 An dubitamus adhuc, finiftrum
 Cum tonet, cum lanificæ faufta neant forores?
 Quod fevero pollice Parca voluit,
 Non industria, non vis,
 Ante diem refringet.

Ad Janum Rufum.

Humana sæpe fallimur
 Gens, sæpe nostræ spes, fluunt inanes,
 Quamquam illas ratio, & confilium regat.
 Omnis in quo spes fuit
 Nostra olim fita; longum

Officium ille tempfit
Securus veteris de se pendentis amici.

At Rufus audito meo vix nomine

Contulit festæ otia tuta Musæ.

Age dic memori carmine magnum,

Pimplea, Rufum, dignior

Est nemo, blandis quem sacrare nervis

Optes implicitum flore comam novo,

Si virorum gloria

Quidquam pectora tentat

Grata, animusque dulci

Afficitur cura, & referendæ laudis amore,

Qua fulget heros Livienſis plurima,

Orbe se quocunque teneret, annos

Seu demeret ætas, sive adderet.

Testis urbs Quiritum

Æterna Jovis alite

Condita Roma, hominum

Judex: ubi renidet

Aurea, tamquam in lumine magno,

Virtus, sequuta est quæ benignum

Rufum adeo, foret ut secundus

Nemo, proximi trecenti,

Non ergo divus Julius

Secum anxius longum revolvit atra

Quærens mente, gravi qui sapientia,

Et fide immutabili

Effet præditus, idem

Fideret æquitati

Auro incorruptus, linguaque, & pectore forti:

Deliberantem anceps moratur copia,

Cum quid excellens animum remordet,

Summâ & de re novus instat labor.

Fernandus æquo Iberiam

Sceptro tenebat clarus ille famâ,

Qui regnum valido milite Bethicum;

Et sibi & nostris Deis

Subjecit melius, quo

Sospite nullus esset
 Nunc timor audito magnas Oriente carinas
 Parare, ne stet nomen amplius pium:
 At repositum hoc in gremiis Deorum
 Quibus omnia fiunt auctoribus.

Regem ad hunc gravissimus
 Rufus mittitur: ille eo
 Omnia consilio
 Perfecit, ut virorum
 Terræ præstantum genitrici
 Laudem adderet summam, forumque
 Tolleret ætheris paternum
 Ignibus, suamque gentem;
 Quam, magna origo, Livius
 Dux condidit, qui sævius furentes
 Pœnos, & tumidas Asdrubalis minas
 Contudit bello ferox.
 Refert principe quo stent
 Mœnia civitatum,
 Et manet antiquum populis per sæcula robur.
 Hoc Gallus olim expertus ingentem suæ
 Rettulit luctum patriæ, & tacenda
 Cupidus noscere damna uxoribus.

Hic militaris gignitur
 Juventus, hic qui lucida astra norint:
 Hic est uber agri; has Thespiadum chorus
 Maxime terras amat.
 Ecquis singula speret
 Dicere? non laborem hunc
 Ipse adeam sanus, numerique & finis egentem
 Dein ipse me Rufus vocat, Rufus, premi
 Qui vetat raram ingenii feracis
 Vim stemmate avorum longissimo.

Dii, quis eruditior?
 Ille & scriberet, erat catus,
 Carmine seu nitido,
 Sermone seu pedestri
 Docta effingere orsa parentum,

Ac tanta cum præstare posset
 Facta etiam, mage judicavit
 Hanc viam impiger terendam.

Loqui est decorum; at altius
 Se tollit, humanum genus juvare
 Qui rebus sapiens egregiis potest,
 Hac viâ mortalibus
 Fulgentem itur in aulam
 Dique probantur esse;
 Te divina quibus virtutum gloria miscet,
 Ut Ruse compellare te tandem audeam,
 Qui merere, ut tres domini approbarint.
 Quando id prius accidit, aut olim erit?

Uni placere principi
 Et casus, & libido præbeant satis.
 Certe hoc ipse sagax rerum animus dedit:
 Te Leo, Te Julius
 Experti prius, ac nunc
 Optimus Hadrianus,
 Sectatus famamq; tuam, exemplumq; priorum
 Tibi recludit pectoris sacra intimi?
 Ut juves in partem onus, atque prudens
 Cures, deceat quis populos status,
 Neu quod obtigit suum
 Cuique injuria secum agat,
 Præsidium miseris
 Ne desit, & superbos
 Leges, juraque debita frenent.
 Felix, io, sanctumque sæclum
 Dii proprium finite, omnis ore
 Vos precatur orbis uno.

In Orpheum a Julio Medice dicatum.

Sudore quæsitam impigro
 Virtutem Pater usque muneratus
 Creditur Cœli plagâ.
 Hunc olim Semeles puer

Dum

Dum terit callem pedibus decoris;
 Ignem auxit Olympo.
 Castorem vagi Notis
 Sævum tumultuantibus nautæ vocant,
 Non caret Hercules numero labor,
 Ut stravit ingenti manu leones
 Monstraque Lernæ

Neque tacitum tua relinquunt
 Fila lyræ canora
 Orphen, quem patrio super Hemo,
 Dum querere modis
 Tristibus Eurydicen ademptam,
 Arbores ferunt sequutas,
 Vatemque mobili umbrâ
 Munisse, pedes per aprica
 Thrace ferentem

Tunc stetit celer Hebrus,
 Tunc lyræ studio
 Aurita repserunt gelidi juga Pindi;
 Non Nerei fremitus obstrepuit sono.
 Quin & colubris hispida colla tumens
 Cessit Tenaræ canis triceps domus,
 Ebur ut blandis crepuit nervis.

Animo gaudebat tacito
 Fruuisse mater
 Calliope, Jove nata supremo;
 Non tamen immemorum
 Fugit iniqua hominum venena,
 Antequam petiisset astra,
 Ubi ille nec caduco,
 Nec bono fragili potitur nunc,
 Diis, Jovique carus.

Ergo plurima laudum
 Orta materies
 Ævoque functis, sospitibusque Poëtis,
 Qui faustos Medicum densi adeunt lares
 Hymnis canentes Orphica nobilibus,
 Teque spes bona natum, Juli, qui dicas

Illum simili marmore positum.

Antonio Tebaldeo.

Tebalde, carminum meorum candide
 Judex, pudor quis, aut modus
 Fiet dolori? flere tandem desine
 Tam dulce, tam carum caput.
 Non ille vidit ultimum solus diem,
 Solive flendus contigit.
 Nam quem viri non excitarat cognita
 Virtus amore vinciens?
 Seu pangeret verbis poëma Lydiis,
 Sive os Latino solveret
 Concentu, aquas potus jugo sub Aone
 Priscis easdem vatibus:
 Unde inclitum Ferrariæ vestræ decus
 Nullum tacebit sæculum.
 At te ista, quamvis magna, non sola incitant,
 Sed mutua additur fides
 Animi; paresque moribus raris viæ,
 Idemque virtutum calor,
 Qui sæpe conjunxit sub uno ambos lare
 Totâ beans anni morâ.
 Heu dum revolve hæc, mens perhorrescit mea,
 Nec quid loquar, satis scio.
 An quicquam amico dulcius nobis datum?
 Vincis, Thebalde, & me simul
 Rapis gravem in luctum, dolentem tene ego
 Videbo, quin sum particeps
 Doloris? anne quenquam amare tu potes,
 Ut non eundem tecum amem,
 Visum licet numquam? sed ut cunctos dies
 Bonum fleamus Timotheum,
 Nunquam remixtæ lacrimis voces piis
 Plutonium flectant canem.
 Quicumque nascimur brevi post lumine
 Æternus impedit sopor

Nec

Nec tum genus, purique candor ingens,
Nec qualis illius fuit
Plena hospirum domus, semel vinctum excitent.
Fatis nihil potentius:
Mutare sæva fata nec volubilis
Valet potens cœli Deus.
Qui si velit caris rogos depellere,
Evadat irritus labor.

In obitum Card. Sedunensis.

Ergo ne sic positum aspicio, ergo ne
Te vetitum æthereâ
Luce pasci, te, optime
Matthæe, qui majoribus edite nullis
Tantus fuisti? rursus obversabitur
Ille mihi ante oculos,
Quo majus inter millia nullum aliud
Monstrum urbs alit, quo sospite semper erunt
Pestes, Venenaque omne genus, nihil intabidum
Videre licebit?

Visum ita Cœlicolum supero patri,
Quem fera præcipitat
Ira mortale in genus,
Perditque sublati simul his, simul illis
Damnū relictis in malum malâ vîce.
Ah quoties melior
Largis tuum olim fletibus interitum
Pars conqueritur! te pereunte diem
Involuit atra nox, furit undique tristis dolor
Acuto ululatu.

Quis vos, o miseri, manet
Nuntius, Helvetii? Sedunensis præsul, heu
Occidit, occidit,
Qui patrium claro extulit polo decus;
Estis unde novo vocati honore,
Templorum, & Fidei præsidium sacræ;
Juvit fatigata ille magnæ

Romæ numina, vobis
 Dum pium nomenque, decusque suadet.
 Ah sæva nostris gens malis cachinnat;
 Exultat invisissimus
 Hostis, qui magno prius auro,
 Rejectus ab Italiâ toties,
 Emisset dura hæc nostri spectacula luctus.
 Laborem sequitur labor:
 Nec redeuntibus usque sæclis
 Proveniet nefandâ
 Ullius de morte seges uberior dolorum.

Ad Gibertum:

Giberte, pectus maximarum
 Rerum capax, ætas licet
 Matura nondum, vixque signes laneo
 Mentum flore novum, & purpureas genas,
 Cum tibi recte est, facilisque puppim
 Ventus prosequitur, tuam,
 Tunc me nemo hominum beatiorum
 Gaudis prætervolat
 Ignifero super æthere pendulum.

Turbata rursus ceu columba
 Pavore suspensus tremo,
 Si diva præses Antii transversum agat,
 Et fracto pelagus remigio nates.
 Aut, ubi sævit pater æstu, & irâ,
 Si te inter miserrabiles
 Luctus, terrificumque mortis agmen,
 (Heu loquentem horror subit)
 Longa morentur urbe negotia.

An sunt ulla negotia tanti,
 Tuam ut nefandis expositam sinas
 Pestibus animam, manifesto & rogo?
 Latio cum excideret Gallia vecors,
 Armis turpe relictis,
 Segesque dudum increverit per agros

Lætior Aufonios
 Pota cruorem,
 Quem ferox tandem Anguigero sub duce miles hausit;
 Cumque auctum pulchro miremur fidere cœlum,
 Liquerit & solum Quirini
 Gentium potens Leo.
 Credebat omnes ille curas
 Tibi atque rerum maximos
 Motus, velut patente noras pectore,
 Quid ni? quando, fidem expertus aheneam.
 Ante laudavit Julius, & severis
 Versans ille laboribus
 Formarat docilem, ut subire posses
 Tanta rerum pondera,
 Non secus ac patruī pietas solet.
 Natura prodesset nil, parumve:
 Sed vim latentem proferas,
 Quali magistro, evadat in talem puer.
 O felix igitur tu juvenum, tuus
 Si Leo terras habitet, suamque
 Romam ille imperiis regat,
 Legesque, & sua jura ponat orbi.
 Non tamen solum attigit
 Te dolor, omne pium queritur genus.
 Eheu se Stygio extulit amne
 Cohors malorum sine carentium,
 Bonaque omnia corripuerunt fugam,
 Miseri quæ modo cognoscimus: eheu
 Fallunt nos bona dum sunt:
 Elapsa produnt se illico, arguuntque
 Stultitias hominum &
 Frigida corda.
 Dum Leo Tarpeia sceptrā incolumis teneret,
 Vidimus expulsos hostes, felicia cuncta:
 Usque adeo erubuit Leonem
 Rex Olympicæ domus.
 At mox laborum influxit agmen,
 Clausisq̃ue laxatis ruunt

Morbi : Deorumque omnis ingruit timor .

Nec majore alibi strage necessitas

Ista bacchatur , graviorve surgit ,

Quam Romæ , superest modo

Si Romæ quid , inane nomen ultra ,

Nec penates Troicum

Numen & hæc profugi sola verterint .

Heu tu loca hæc vates , Deoque

Cedas : amat Deus pios ,

Sed ni audiant , exemplaue attendant , & hos

Ignavo pariter cum populo metit .

Collis ille Etruriæ ocellus altæ

Formoso excipiat sinu .

Namque olim mihi sæpe tu solebas

Hunc super dulci mero

Præcipuis dare laudibus angulum .

Olim vivax fama sequentes

Dicet per annos : hic juvenum fuit

Decus , hic studiorum fuit unicum

Specimen , dum fugeret tristia fata :

Horret pectus amore .

Jam jam propinquam te videre ad Elfam

Mente novâ videor .

An mea læti

Vota respectant superi ? jam mihi , Bacche , Gnosum

Linque tuam , huc super Icaros allabere fluctus ,

Delie , sospite nil patrono

Dii beatius ferant .

Ad Olivetam villam Laurentii Puccii .

Dii collium , & Pallas te , Olivetum tua ,

Omnes diligit annos :

Læta etenim gremio excipis obvio

Nos urbium actos principe

Româ cedere , finibusque amatis ,

Quando immane sonans arcus Apollinis

Sævit , & atra lues

Contigit omnia penè testa.

Huc ergo venimus, tuum sequenti herum,

Per discrimina multa,

Cùm populis fugeremur ab omnibus,

Contagium ceu pestilens;

Nec victu revocare, nec sopore

Tellus sollicitos ulla animos daret,

Quin etiam horrida nox

Per nemora & loca senta euntes

Dispicit ignaros viarum.

O quandiu te sulphurina silva

Mente tenebo!

Quandiu tristis memorem subibit

Casus, & dolor novus!

Cùm ego, meusque Nerlius sequentem

Pone amissum optimum,

Bombasium unanimumque sodalem.

O quæ querelæ, ô pui gemitus dati!

Lucerna, communisque lectus conscii.

Nam nos ardua tandem

Flora receperat, hospes & oppidum

Regens avitum Bossius:

Unum hoc auxilium fuit laborum,

Ni nos Bombasii cura remordeat,

Qui tamen incolumis

Adfuit exoriente Phœbo.

Tunc solvimus tristi tumultu pectora,

Tunc per celsa fremebat

Templa Jovis vacuumque per æthera

Non usitatum gaudium.

At prius, mala sæva finxeramus:

Eheu corripuit dente vorax lupo,

Aur jugulo incubuit

Exuviis latro ovans cruentis.

Quondam & revolventes salebras,

Durisque rupes cautibus tremendas,

Unde profundus

Lapsus & mortem omnia comminantur,

Ille quis ista viderit,
 Suae modo potens sit ille mentis,
 Sicco lumine ferreus?
 Pectore & hæc mæsto repetentes
 Omnes nefandus perculerat timor.

Non ponit unquam mente Juppiter bonos,
 Testaturque periclis
 Quos amat; ergo sub arbore lassulum
 Notat sagax quærentium
 Cura, non secus ac canes Lacænas
 Vis innata, & amor prædæ inhians regit.
 Interea & reliqui
 Casum animo tulerant acerbo:

Nemo tamen Laurentio magis duce,
 Quo propensior alter
 Non fuit inque Deum, inque hominum genus:
 Cui si latens vis acrior,
 Si mens læua patrum minus fuisset,
 Antiquum obtulerant Imperium Remi,
 Ægraque nunc lacrimis
 Roma vacet, miseroque luctu.

O Roma qualis nunc es, ô quam
 Mutata! sed quid nœnias Thalia
 Ingrediamur nunc?
 Nunc choris & lætitiæ vacandum.
 Pan loci potens jubet,
 Id Hella Naiadum decora, quæ cum
 Se oblectat modò per nemus
 Palladium correptus amore;
 Modò propè amnis murmura limpidi.

In obitum M. Antonii Columnæ.

Te flemus almo Marce cassum lumine,
 Et nostra damna flemus occasu tuo.
 Non, quandiu sospes fuisti tu, fuit,
 Quacumque belli surgeret furor, metus;
 Consulta sive poscerent focii duces,

L A M P R I D I I.

Seu tempus esset arma cingi fulgida,
 Et plurimas miscere lethi imagines,
 Cum funebrem pulsæ cient sonum tubæ.
 Testantur Etruscorum amœna collium,
 Notasque Veronæ domos interfluens
 Sacro Athetis amne, quem tegebas cognita
 Non ante vi, non usiratis artibus,
 Neptuniæ quando obsiderent Veneriæ,
 Totoque militum incubarent robore.
 Ah nunc tuis dum gratiam persolveres
 Gallis, Ducem acri Sfortiam bello petens,
 Direxit istum ferreæ Mavors pilæ,
 Ceu fulmen atris emicat de nubibus.
 Genti an quod invisæ doleret additum,
 An quod doleret esse Diis parem virum,
 Ortumque Tydeo timere alterum,
 Cum te eminentem ceteros omnes super,
 Humerosque latos cum Leonis lumina,
 Et cerneret non imparatum, aut vincere
 Quoquo irruisses, aut perire fortiter.
 Utrumque magnis editos avis decet,
 Virtute juxta vivere & mori auspice.
 Ergo jaces, ita æmulo visum est Deo:
 Sed non jacet nomen tuum famâ inclitum,
 Pro quâ genus Columnidarum ducitis
 Nihil grave; at nos civitas omnis tamen,
 Atque Itali omnes, Galliæque omnes male
 Tantum dolorem ferre possumus pii,
 Eheu pii frustra: Charon omnes rate
 Ultra vehendos accipit, nullum citra.

Ad Petrum Melinum.

Quando, Pierides, tristior urbs fuit
 Quam nunc, quum subitus perculit omnia
 Romani populi pectora nuntius
 Implens sollicito metu?
 Eheu ne tenebris sæva Proserpina

Involvat juvenum præcipuum decus:
 Eheu ne generis corruat ultima
 Spes, ipse corruat ultima,
Melinus generis semper in hospites
 Æqui, siue rubris hæc pareret domus
 Vitti, pileoloque implicitos sacro,
 Seu magnos potius Duces.
Romanum est rigidas tollere fraxinos,
 Et ferro egregiam quærere gloriam;
 Marte ut Bistonio progenitos decet
 Ater quem galeâ cruor
Percussâ exiliens & cerebrum juvat
 Disiectum intrepidi vulnere militis,
 Qualem olim Marium pertimuit ferox
 Rex, & cuncta Neapolis:
Cujus tu Marii sanguis eras, Petre,
 Namque illum populus non modo bellicis
 Acrem rebus, at & justitiæ gravem
 Nuper carmine lugubri
Flevit; nec dum etiam lumina lacrimis
 Sunt absterfa, recens est adeo dolor,
 Quem duro nimium tu cumulo auxeras.
 Eheu pectus inhorruit.
Dii tantum scelus avertite, neve sit
 Mens diro Superum obnoxia crimini.
 Sed flenti melius reddite coniugi,
 Et matris genibus piæ
Cui pars vix superest tertia nominis
 Hujus lapsam agedum restituat domum
 Petrus, neu patriam prolis inops bonæ
 Tanto sanguine pauperet.
Sed nobis alii sese Hieronymi,
 Sese Celsi alii, nomina proferant
 Non ignota; tener ludat in arcâ.
 Imprimis Marius puer.

Ad Vejōs.

Vos tandem video diu cupitos,
Veii, quos memorant viris
O ini Martigenis horrida prœlia
Ausos conferere, & lato dare plurima campo
Sævæ corpora morti.

Sed vobis fuit hæc priore in ævo
Laus: nunc percutiunt meum
Pectus causæ aliæ, quæ magis attinent.
Gratum Divitiō arridetis, quo mihi in uno
Vita est sospite sospes.

Quam dulce magnis a viris
Iisdem est amari de studiis! lyrâ
Suaviore tamen præterit Angelus,
Nam ducit agmen ille, quidquid aggredi
Ausus est amplo, & tenui peræque
Comis amico.

Non turgēt, fora non superbus ore
Incessuque perambulat.
Sed laudem tribuit cuique suam bonus;
Nec se ut miremur, sed Diis auctoribus omnia
Vult accepta referri.

Quin etsi patrui efferas galerum;
Surdis audiat auribus;
Narrarique hominis postulet inclitum
Ingenium, quo se æthereis permiscuit oris:
Fortunæ illud enim dat.

Virtutis esse hoc autumat,
Quæ sola veri nomen habet boni,
Proinde, quod decet, hunc quisquis amat, simul
Et vos amet lubenter hac vos gratiâ
Visoque: & salvum volo utrumque leni hoc
Carmine sexum.

Balthass. Castilioni.

Quid cessas? agedum cingere Cypriâ
 Myrto & tu nitidas, Castilio, comas,
 Et paulum abiice magnas
 Curas rege super tuo.
 Non semper madidis Juppiter imbris
 Terras, & trifidis fulminibus petit.
 Nec lux permanet alma,
 Sed noctis vice pellitur.
 Si Mellina nihil te domus afficit,
 Et fontes positis ordine Medicis
 Pomis, & speculæ, omnem
 Unde urbem licet æstimes:
 At Tyrrhena, brevi fronte, oculis nigris
 Nigro crine, parat quæ tibi dulcia
 Doctis carmina chordis,
 Et vocis liquidæ sonos,
 Tangat, te cyathis en vocat Angelus
 Ter ternis, juvenum nobilium decus.
 Non contemnere Musas
 Te vatum decet impares,
 Vates incolumis maxime sæculi.
 Te fas ante alios ducere Liberum;
 Ingenti Ennius ore
 Dicturus grave prælium,
 Victos & populos imbuerat prius
 Se vino. dupicem potus Ulysseum, &
 Trojæ funera Homerus
 Divinis cecinit modis.

Xantho.

Quid Xanthe. Roma convenit Theonio,
 Cui nulla virtus ingeni?
 Ad verba quamvis ille doctorum virum
 De litteris loqui audeat;

Ceu garrir, alites Jovis corvus videns
 Excelsa tentantes sola.
 Quæ spes misellum illuc ut iret impulit
 Omni oblitum turpi notâ?
 Nunc regnat optimus Leo; qui, quòd tenet
 Virtute sceptrâ, odit malos.
 An conditorem urbis quod enixa est sacra
 Vestæ Sacerdos Ilia,
 Putat fore, ut natalium conjunctio
 Gradus ad altos evehat?
 Theoni aberras; quamquam eosdem Romulo
 Ortus habes, pater facit.
 Discrimen. ille maximo belli Deo est
 Tu navitâ stulto fatus.

In diem Cosmi Medici.

Cosmi lux rediit sacra,
 Quam festam populi semper habebimus;
 Hæc, quando proavum Jovi
 Nostro, & Mediceis principibus refert,
 Qui magnis Patriæ Pater
 Quæsito meritis nomine dictus est.
 Ille urbi mala libera
 Auro, consiliis, pectore depulit.
 Illum facta, refecta que
 Privatis memorant templa pecuniis,
 Quæ Florentia Etruriæ
 Flos clavis solita est in decus advenis
 Ostentare; magis neque
 Dii laudant alium, nec sua patria,
 Quam Cosmum, unde suus Leo
 Romæ est, quem titulis, & nova imagine
 Testatur Capitolium
 Patrem: hoc hoc cecidit sæva licentia,
 Infandumque jacet scelus.
 Nunc tuti, gladiis lege coërcitis,
 In luce, in tenebris sumus;
 Quod numquam fieri posse putavimus;

In tantum mala creverat
 Consuetudo, rei est quisque potens suæ.
 Regnat iustitia, & fides:
 Durâ non inopes esuriunt fame,
 Laudi præmia sunt sua,
 Quamvis sacrilego Rex ferus agmine
 In nostra irruat otia,
 Et tentare Deos audeat Italos.
 Pœnas, Galle dabis, memor
 Culparum, videt hæc Juppiter, hæc videt.
 Disces quid Leo Maximus.
 Quid possit dominæ proxima Julius
 Tutela Italiæ, & potens,
 Examen juvenum; sed melius bonâ
 Te missum faciam die,
 Ne inviso maculem gaudia nomine:
 Perfundi liquido juvat,
 Nardo, & fronde caput nectere myrtæ.
 Terpander citharâ modos;
 Vos gratis alii promite vocibus,
 Phryne docta leves choros
 Quid lenta es facili pellere humum pede?
 Quin Græcam celer amphoram,
 Quin, & vina moves, Lydie, Massica?
 Nos altum ætheris arbitrum
 Orantes prius, hæc ut redeat dies
 Semper pulchra mage & mage,
 Inter lætitiâ, & dulcia pocula,
 Dicamus, Leo, te omnium
 Quot sunt, quorque fuere optime principum,
 Et Cosmum, & reliquum genus,
 Natalesque hilari carmine Fesulas,

Herculi Ragonio.

Quid audio? qui nuntii? cheu Postumus
 Obiit Poëta maximus.
 Acutus idem, & promptus entymemata
 Torquere non vulgaria.

Nam

Nam siue motus postulasses eloqui,
 Natura quos parens facit;
 Seu progredi ad Deos magis; nec differat
 Quis acius, nec verius.
 Testis meorum Roma dictorum, & Leo
 Augustus, attentâ bibens
 Aure, illa quum lepore malitissimo
 Condit: verba promeret
 Eheu fugit mortalium quis invidæ
 Furvam Proserpinæ domum?
 Eheu redire cui datur, quisquis semel
 Transnarit inferos lacus?
 Ugemus hunc nos fletibus tamen piis,
 Frustraque amici pulverem
 Afamur ingratum. Sed, optime Hercules,
 Communis iste vos magis
 Tangit dolor, vos præter omnes insulis
 Sacrabat ille ditibus;
 Si pace tu quid feceras, bello tui
 Fratres tot agminum duces.
 Quis dicet acrem Martiis tumultibus
 Guidum gerentem pectore
 Nunc bella forti, & complimentem barbaras
 Nostro catervas milite?
 Desueta Guidus Italorum robora
 Priscas ad artes excitat.
 Quis dicet, improbis ubi visum est Deis,
 Desiderari Pæstumum?
 Multi quidem volent, sed in conatibus
 Ipsis inani spe cadent.
 Pctens erat pari unius ille grandia
 Æquare facta carmine.

Giberto.

Quid dilecta moror, Pieri, longius?
 Jan tandem incipiam dicere nobilem
 Gbertum; ille etenim dum patuli tegunt

Me rami timidum, decus

Ne tantum exiguis attenuem modis,

Fit longe melior, tollit & in dies

Sese; teu tacito tempore populus

Udo confita margine.

Sic pondus, mea dum prorogo munera,

Crescens usque humero sustineo impari,

Nil quamvis aliud mecum agitem diu

Secretum peragrans nemus,

Quam grato ut juvenem pectine concinant,

Qui (nam sæpe animo prima remetior,)

Jam tum & Calliopes voce, & Apollinis

Cantandus citharâ fuit.

Ergo de teneris dicitur unguibus

Non temnenda virum consiliis loqui

Aufus, quod Siculis gaudia civibus,

Et spem præbuit haud levem;

Fruges terra licet Sicelis, & genus

Divum, & pennipedes jasset Olympiæ

In certamine equos, unde virentibus

Intactæ foliis Deæ,

Altum vincta caput, lætitiâ, & vagos

Per longum fremitus audiit æthera.

Ornatumque lyre laudibus hospitæ,

Narraruntque domestici

Vates: blanda viris, quum dapibus super

Plectro dividerent carmina Dorico:

Hæc suprema homines gloria lucidas

Evexit superum ad demos.

Hæc victor meruit, degeret ut sequens

Ævum lene oculis altior invidis.

Addamne illa sacro mira celebrum

Vatum cognita carmine?

Nempe ut multiplici laude superbiat,

Non parvi tamen hunc fecerat insula,

Sed quin te a reliquâ Trinacaria eximo,

Panorme? o decus urbium,

Quas Tethys vitreo præluit æquore,

Aut terra in spatiiis suspicit intimis,
 Gibertus gremio vaguit in tuo,
 Primum, sed patre non tuo,
 Nam Francus Genuâ venerat inclitâ
 Forti remigio, sive opus est equis.
 Nî virtutem odio plebs levis in sua
 Vertat pectora mutuo.
 At Cyllenius hanc sic quoque diligit,
 Prognatusque Rheâ, quem Superi tremunt,
 Nodis horrida ubi vincula ferreis,
 Aut intentat atrox vaga
 Late præcipitis flumina Tænari.
 Unde Orci nigra se regia subiicit,
 Quantum infra vacuum decubat æthera;
 Quare immensa Ligusticis
 Huc rerum advehitur copia fluctibus,
 Seu nota occiduis remiget a plagis,
 Seu lævum ratibus velivolis mare
 Proscindat, liquidum diu,
 Giberte & genitor fecit iter tuus.
 Dicebat siquidem: nulla vetat mori
 Lex factorum homines, quid patrio in lare
 Cessem, inglorius ut grave
 Procurem senium, ignavaque tempora?
 Tandem, emensus ubi est tot pelagi freta!
 Panormo, inquit, erit nulla beation
 Terra illic igitur fuit,
 Donec te his puerum finibus appulit.
 Atque auxit veteris divitias avi.
 Mores ille hominum vidit, & oppida
 Multorum prius, at suis
 Nunc rebus sapiens, & patriâ, & domo
 Antiquâ fruitur, lassus & æquorum
 Vastorum, & validæ militiæ bona
 Sub magni alite Julii.
 An non sollicitis rebus inest modus?
 Non illi puto mens integra, quem labor
 Urget, perpetuum si valeat jugum.

Collo demerè libero .

Quem non dos nitidi litoris incitet?

Villa , urbem propius despicias tuam

Unde , & latiflui per strepitum salis

Puppes currere fervidas?

Hac & pomiferis mensibus inferunt

Seſe virginis Nereidum chori ;

Et longum mancant , ni trepidæ ſalax

Formident Satyros genus .

Hic nunc ille comâ ſub viridi arborum ,

Nunc & garrulæ ubi deſiliunt aquæ

Saxo , æſtus rapidos frigore amabili

Solans te interea vocât ;

Te abſentem patruſi quærit amor ſenis .

At deſiderii temperat impetus

Mox , quum reputat jam melior parens ,

Laudatque in dominos fidem .

Te magnus Leo , cui rector Olympicus

Caros imperium detulit in greges ,

Te tanti facit ut participem ſui

Arcani velit intimi ,

Atque altis opibus ſemper adaugeat ;

Quæ ſolæ ut miſero nil homini ferant ,

Nil virtute tamen non faciunt duce ,

In te plurima quæ niter :

Quamquam immitis adhuc , ſed tamen ut ſenes

Maturi ſtupeant , nam tibi contigit

Ante annos , aliis quod dare cœlites

Raro ætate gravi ſolent .

Quid mirum ? egregiam nutriit indolem

Julius ; qui vereor , ne ſub imagine

Noſtra , cœli aliquem diſſimulet Deum :

Certè ſupra hominem ſapit .

Vis patrum eſt pueris inſita : ſed niſi

Præcepta , & monitus rite colant boni ,

Spem mentita obeunt ſemina , nec dabit

Fruges ingenium ferax .

Hinc te ornat pietas , hinc tribui ſuum

Vis cuique, & miseros officiis juvas
 Aquis, hinc animo largus es, & manu,
 Si quid decesse probis vides.

Quid conor tenui singula carmine?

In te uno veteres nostra refert viros

Ætas, te populus prosequitur memor,

Votoque, omineque, & prece.

O virtuti utinam maximæ honos suus

Accedat, dubitem? jam video ut paret

Digna istis meritis præmia, qui regit

Te felix Deus & tua.

Quod si idem mihi det, te acius ut canam,

Insuetas adeam sidera per vias,

Corvorumque cohors rauca voracium

Rostro obgarriat irrita.

De Venere & Cupidine fugitivo.

Cui tantas Cytherea proflat iras?

Quid quærit sibi? Mænas it furore

Velut concita Bacchico; minatur

Dextrâ, fert creperum altera flagellum.

Natum quærit, ais? puellulum ipse

Vidi flammigero ore nescientem

Loco stare; volat citus: pavit nil;

Dulcibus lacrimis mader, cachinnat

Simâ nare, loqui usquequaque certat:

Est nudus, gerit & facem, & sagittam.

Nunquid is Citherea? longe aberras:

Te tuum fugitivum ego docebo.

Non audis Citherea? te te retro

Verte. vidi ego, sensi ego, liquefco

Ego, hæc per loca vade, Teutonillam

Post fanum Sophiæ sacrum require,

Erronem invenies, modo è papillis,

Modò è luminibus puellulæ, immo

E totâ jacere & facem, & sagittam.

De Julio Med. agrotante.

Vexator laterum dolor

Quid tentas Latii præsidium alterum?

An quo, pessime, ceteros,

Hoc & nobilem habes ordine Julium?

Ille sospite sospes est,

Si contra acciderit, non valeat Leo.

O quam consuluit bene

Rebus falciferi progenies senis,

Quæ nostram hunc voluit ratem

Fundari geminis firmitus anchoris,

In magnis licet altera

Longè immobilior fluctibus hæreat!

Sed multi facias decet,

In partem solidum si quis onus juvet,

Di, pro munere maximo,

Nobis incolumem reddite Julium.

Et servate diu domum

Cosmi, quo Pietas vindice claruit.

Unum hoc: præterea nihil

Orant sollicitâ vos populi prece.

Leoni Decimo,

Cui sumpsi citharam in manus?

Dircæis potius quem referam modis?

Certè non alius meum

Curis æque animum dulcibus occupat,

Atque is qui pater urbium

Non falso a populis nomine dicitur,

Qui Romam imperio tener

Æquo, præesse piis quem voluit Deus

Prudens gentibus. eja age

Magnum Pierides dicite Cosmiden.

Nam vestrà ille operâ puer

Crevit suaviloquæ flumen ad Arnidos,

Cum

Cum vos nobilis in sui
Visendi studium movit Etruria :
Quæ multis alias bonis
Semper nota , tamen tunc mage claruit ,
Quod Laurens Medices pater
Nostri Regis , in hoc lumine dum foret ,
Tantam prætulerat facem :
Illo non alius nec sapientior ,
Nec fieri potior fuit
Is supremo etiam , quod bonus , & pius
Effet , gratus erat Jovi ;
Quin & dives opum , nec timidus frui .
Non ulli deerat probo ,
Post laudem egregiè divitiis habens .
His ille artibus aureis
Ditabat veterem patriam honoribus :
Tunc Florentia floridis
Virtutum rutilans laudibus omnium ,
Quem non misit in angulum
Mundi extenta suæ lumina gloriæ ?
At non vita homini data est
Olim exors gelidi funeris , & mala
Expulsis redeunt bonis .
Alternas veniens tempus agit vices .
Infanda ecce tibi dies ,
Cum vertit rabidus fraude malâ furor
Mœstis gaudia luctibus ,
Natalique manus iniicit impias
Urbi turba Deum ebria
Donis , nec sua jam tot bona concoquens .
Huc illuc igitur nimis
Adversa immeritam fata trahunt domum ,
Quos tandem , licet antea
Passos multa , tamen rettulit in jubar
Opratum pietas : memor
Quas ædes Superis . quæ sacra fecerant ,
Hostem ultrix scelerum fides
Incertum exiliis perpetuis agit .

Quid.

Quidquid qualubet audeas,
Ne sperato Deos immemores fore,
At Laurentiadis sua
Cornu fudit opes copia plurimo,
Quique ipsis Genius favet.
Et si indigna suos duraque perpeti
Lævo in tempore siverint,
Magnis Di cumulis damna refarciunt.
Decedunt pede fervido
Clades sævæ animis, cum tribuit Deus
Nobis lætitiæ æquior:
Majorique cadunt victa bono mala.
Nondum jungere dexteras,
Nondum finierant dividere oscula,
Cum Rex æthereæ domus,
Cui curæ soboles Romulæ maximè,
Sceptrum, dive Leo, tibi
Acceptum penitus detulit in gregem;
Tot virtutibus ut tuis,
Se se Roma iterum tolleret, & decus
Priscum agnosceret inclita,
Ut secuta bonum degeret otium.
Augusti alite Cæsaris,
Ut sanctis regeres consiliis pios,
Et Turcam quateres metu
Nunc, bel is alio tempore perderes.
Felix Æneadum genus.
Felices reliqui, quos regis ac foves.
Et Florentia ter quater
Felix, Diis homines quæ generat pares.
Eheu quid laniat genas?
Quid velat foliis omnia tristibus?
Eheu Di statuunt nihil
Tam faustum, ut penitus quidquid adest probes,
Quo dux, quo juvenum optime,
Quo verè Medicis orte parentibus?
Quo Laurens raperis nepos?
Tecum spes Itali Martis obit nova.

Verum ut civis ut advena
Hunc desiderii lugeat anxiis;
Non te, dive Leo, tamen
Mutat plus nimio dura necessitas.
Sic cum Magdaleos pudor,
Sic cum deseruit te soror altera,
Sic cum junior occidit
Frater, dos animi quem tibi junxerat,
Quam vis sanguinis arctius:
Nam virtutum apices legerat omnium.
Quo te cumque petit modo
Fors, tectum clypeis pectus aheneis
Offers strenuus undique
Adversisque adeo fortior ictibus.
Tum novit sapiens probè,
Quæ vulgus maneat vincula noxium,
Quæ pænæ, simul horridum
Verbum Tartarei judicis audiit.
Quæ rursus loca debita his,
Qui vitam ingenuis moribus egerint.
Illic perpetuus dies,
Nec perturbat hiems gaudia tristior,
Aut versâ vice Sirius,
Non remis tumidum vertere opus mare,
Ut fias opulentior:
Nec glebam rigido vomere findere
Cogunt irrita commoda.
Illic Oceano patre Favonii
Spirant non sine flumine,
Manante auricomis lene sub arbutis.
Ultra denique nil cupit,
Esse in divitibus cui licet insulis.
Quas Saturnus habet Rheæ
Conjux, vester ubi Cosmus, ubi duo
Petri, & non piger emori.
Antiquum patruus Julius ob larem.
Cui sub funera hic editus
Divum in lumen habens nomen idem patri,

Carus tanquam oculi tibi ,
 Quod comi ingenio præditus, & gravi.
 Quod prudens alios supra ,
 Te tam magni oneris dimidio levat.
 Quod doctos colit hospites
 Quod toto miseros excipiens sinu ,
 Et plantis tumidos premens ,
 Sublimis vacuum contigit æthera.
 Sed quid provehor impotens ;
 Et clavo melius barbite pendeas .
 Et pulvis numerum fugit :
 Nec dignè Medicum tu resones genus .
 Sit tentasse aliquid tamen :
 Non quisquis spatiis sudat Olympicis ,
 Veloces agitans equos ,
 Pulchris juncta refert tempora frondibus .

In Rosas , quarum spino puella fuerat contacta .

At vobis mala multa Di , Deæque ,
 Dent custodia inutilis rosarum
 Spinæ , quas digitorum meæ puellæ
 Juvit culpe perculisse durâ .
 Quæ fiducia , quæve causa vobis
 Injecitque animus . scelusque movit ?
 Nam si incedit amœna Fancioli ,
 Per vireta , & amabiles per hortos
 Hinc legens teneras rosas & inde ;
 Nulla injuria facta , nulla vobis
 Vis allata , malæ , impiæque spinæ .
 Non vos , sed dominus virentis agri
 Est Marcus meus ; ille quando vestrum
 Factum intelliget , haud feret sereno
 Vultu , nec sine maximâ ultione .
 Audetis nimium : an putatis esse
 Pulchrum , lædere sic bonas puellas ?
 Scelestæ , ordine vos habetis omnes
 Uno : vos etiam pedem Aphrodites

Divinum Veneris (sed una prœna
 Uleiscetur & hoc, & illud) olim
 Scilicet cute sauciata summâ est,
 Ut persæpe alias solebat, unde
 Vix prurit nota vulneris pusilli.
 At sensit digito puella læso
 Altum corde merum, manum & nitentem
 Fudit purpureo liquore sanguis,
 Unde expalluit ilicet relabens.
 An nisi comites, sinu fideli
 Tulissent miserâ reclinem in herbâ
 Adpersuque animam levi vocassent
 Retro, nunc eat inferas per oras,
 Nullis unde datum est pedem referre.
 Quando vos aliquid pudebit? ite
 Ite opprobria summa Fancioli.

Ad Furnium.

Ergo tu sine me, me sine tu gradum
 Vertis, Furni, animæ non quota pars meæ,
 Natalem ad Mutinam & Garzium tuæ
 Speluncæ nemus adsitum.
 Motum quæsieris rerum ubi, quas pater
 Arcanâ æthereum vi rapit in jubar;
 Errent sponte suâ iussane sidera;
 Quid Phœbi niteat soror.
 Hæc tu quæsieris, & superas bonus
 Res tentare animo præpete, & inferas.
 Ast ipse interea videro barbaras
 Regis reliquias feri.
 An unquam, miseris libera pestibus,
 Clementem insolitis laudibus efferet
 Urbs, & lætities audiet integras
 Convexi domus ætheris?
 Heu lentis abeunt tristia passibus,
 Si quoquam in horrifonos intulerunt pedes,
 At quando veteris mœnia Romuli
 Felix Juppiter adspicit,

Jam tempus dabitur, cum tibi carmina
Ostendam; dabitur cum resonet lyra

Pulsus Janiculi clivus, & advena

Tibrim Musa patrem excitet.

Quamquam o ne ingenii crimine deteram

Paces egregii, bellaque principis;

Bella illata Asiæ, vinctaque cum piis

Regum fœdera honoribus.

Victum cernere erit Persidis incolam,

Medorumque duces nostra pari juga,

Nilum cernere erit Mediceâ viâ

Duci flumine languido.

Gignet terra alium Bistonis Orphea,

Nasceturque iterum Mœonius senex:

Non profcindet humum vomere villicus,

Non remis mare navita.

Nos vixisse sequens aurea sæcula

Ætas sæpe legat; sese agat huc redux

Virgo sollicito illecta cupidine in-

Gratarum prius urbium.

Hæc quondam fuerint nunc etiam subest

Fraudis priscae aliquid, quod nisi tempore

Moles nulla queat diruere, & bona

Præcedit labor otia.

O tecum liceat si mihi currere

Id vitæ spatium: nil grave perferam:

Jam jamque incipiant pollice stamina

Fulvo tracta nitescere.

Neæræ.

Quo vos proripitis Neæræ ocelli?

Meæ fiderei Neæræ ocelli

Quo vos proripitis gradu citato?

Quin hæres animo magis Neæra?

Hære hære animo meo, Neæra.

Nil tu visa licet mihi, frequenter

Hære fixa meæ Neæra menti:

Da

Da (nam fata iubent abire) saltem
 Dulci oblecter imaginatione,
 Et graves ita leniantur æstus,
 Seu vicina jugi Bononiensis
 Æger transgrediar, meum sequutus
 Regem, siue Dovattulam tenebo,
 Quo Laurens vocat optimus, merendo
 Omnes qui sibi me obligavit annos.
 Anne alas etiam hunc Cupido in usum
 Gestat, ut revoletis elegantes
 Formæ, durum, animos perosæ amantum?
 Eheu quid volui? supremus ille
 Decor par Cypriæ, ut negat videri,
 Quasi de speculo illicet refugit.

In obitu Adorni.

Silicet superbiat,
 Quem magnis populus laudibus excipit,
 Quod patrium defenderit
 Ille decus laborans
 Longum, atque suam spernens anima,
 Dum virtutis avitæ
 Non immemor, mavult profundo
 Se demittere Tartaro,
 Quam ferum exigere indecorus ævum.

Non movebit inferos
 Manes pulchra viri laurea maximi:
 Non movit antea: sedet
 Horridus illâ in aulâ
 Custos, nec flectitur ullâ vi,
 Quidquid jam semel umbris
 Damnarit æternis silentum
 Judex, urnaque Gnoſſia,
 Sors unde exilit involuta fumo.

Hectora sub patriis
 Mœnibus olim
 Raptarunt biuges equi; arsit Æaci

Nepos, & utilem manu Camillum
 Transmisit atro flumine portiter.
 Esto, hominum misero generi jubet
 Fata deberi ultima

Æthereo qui regnat Olympo
 Diæpiter sceptrum gerens micanti
 Dexterâ vasti exitum Tiphœi.

At saltem aliquis pudor esse

Debuit, genus cadit

Mortale omnibus horis temerè, ut lubet
 Fatis nec animos tristium

Evaleat Deorum

Vincere pietas, & cultus frequens ;

Quin intercipiatur

Vir summus ipse, cum magis res

Instant, & timor anxius

Urget, cardoque volvitur supremus.

Laverunt nigris pedem

Sic multi ante vadis, at decus Italæ

Telluris, heu, nunc quatit

Pectora luctuosis,

Singultu & mœstu, ululatus.

Eheu nos iterum Dei

In damna tradunt cœlo ab alto ;

Rursum præcipites ruunt,

Nec dum ipsis luimus fatis malorum.

Nulla licet careat

Hesperiaæ ora

Bellantum scelere, & licentia gravi,

Atque alba quanquam ubique putrescunt

Ossa oppetentum vulnere civium,

Sæpe quibus doluit sua rusticus

Cultor arma obtundier,

Nam quacumque infigit aratrum,

In dura campo busta pro feraci

Incidit, tellusque rubens cruores

Exudat adhuc miserandos.

Ecquis ore differat

Hæc sicco, aut rapidis oppida in ignibus
 Absumpta? matres vidi ego
 Dum fugerent nefandum
 Hostem fluvii sanguine turbidi
 Sese proicere aulæ,
 Dextrâ trahentes, & sinistrâ
 Infelicia pignora,
 Passis crinibus, & querelâ acutâ.

Horror heu loqui verat,
 Quin aras etiam exercitus insolens
 Fœdavit impia necē.
 Ah cecidit Deorum
 Simulacra senex suppliciter tenens.
 O qui proelia sævus
 Invenit, atræ condidissent
 Hunc nubes prius, aut fera
 Nodo Tartara ferreo illigassent!

Ille etenim mala tot
 Primus ab Orco
 Evexit, neque pallidam horruit famem,
 Nec tabidam luem ore territantem
 Nigro refugit; scilicet expetens
 Prorsus ut Japeti soboles ruat.
 Sic agris flaventibus,
 Durum immittit villicus agmen, ut
 Primum jacet campo seges patenti.
 Inde, quod ferro superest, sequuntur
 Muliebris turba, leguntque.

Sic in mari accidit
 Insano; obstreperos Æolus Africos
 Licet refrenet vinculis,
 Moleque montium altâ,
 Non unda tamen placidum sternitur,
 Aut stat continuo æstus:
 Sed pertinax longum gementi
 Incumbit pelago fragor.
 Vexanturque etiam trabes per altum.

Sæpe etiam antequam quies

Undis detur, hiems turbida inhorruit,
Rursum atra nox ponto redit:

Non secus heu tenebris
Itali repetitis involvimur,
Postquam extinctus Adorni
Fulgor, caret postquam ille patris
Almo munere Delii,
Et novo Latium premit dolore,

Egregias animas
Funera semper
Importuna, gravique tempore occupant,
Petiverat modo ille civitatem
Dirissimam auri, & consiliis gravem,
Indomitam vel origine ab ultimâ,
Quæ Jovis nutu optimi
Se tollit Neptuno in alto
Regina latè, nobilisque rerum
Laudibus tellure, fretoque partis,
Veneti sedes imperii.

Multa ubi tulit diu
Sacrorum meditans vincula fœderum,
Unde esset optatissimus.
Italiæ quærenti
Modus ærumnarum tantarum,
Dii quæ verba tonabat
Illa severorum in coronâ
Patrum, cœpit ut eloqui,
Immota illicet ora cuncti habebant.

Differebat ut solent
Discordes animi diruere oppida,
Et obsoleto fulgida
Vertere regna tectis,
Altis rationibus addebat
Ævi exempla vetusti;
Namque ille norat, quidquid ante
Saturno memores libri
Et felicibus Insulis sacrarant.

Fando etiam (miserum)

Tempora gentis,
Maternæ repetebat, utque avus potens,
Et tota Lascaris domus, coacta est,
Antiqua Thracum sceptrâ relinquere:
Plurimus unde pios timor obsidet
Unde formidabiles
Turcæ, cum nullo prius essent
In nomine, at mox crevit heu ruinis
Barbarus; quas intulit ille nobis,
Quasque intulimus nos ipsi.

Nam quod alteri hostium
Demas robur, id apponitur alteri,
Tantoque surgit fortior.
Hic memorabat, esset
Qualis nunc Italia, qualis prius,
Ut longo populata
Bello, jacet nunc penè nulla,
Cum tam florida, tam potens
Integris opibus fuisset ante.

At nihil magis tamen,
Quam natale solum pectora strinxerat.
Is dum paternam in regiam
Exilium remensus
Longum, fatisque agitatus malis,
Sese tandem animosus
Ultor referret Gallo in hosce
Totus, milite opes rapi
Infelix socio audiit suorum:

Sive quod ipsa lucrum
Castra sequuntur,
Seu quod visa Deis beata civitas
Nimis fuisset atque par Olympo,
Thronis ubi se collocat aureis,
Fulmina sceptriferi venerans, Jovis,
Cœlitum fulgens chorus.
Oderunt nobis mera Parcæ
Bona esse, quare temperare gaudent
Alterâ forte, haud ita se gerentes

Mox cum fugienda apportant.

Sed nec omnium parens

Tempus contigerint quæ prius, efficit

Infecta longo mensium

Alipedum recurfu.

Nec jam Ligurem dolor urgebat

Tristis, tanta repente

Fortuna fulsit tamque pulchro

Arrisit lumine Cynthius,

Ut regum rediit status priorum.

Pectore excidunt mala,

Cum felice labor vincitur exitu:

Hieronymus tamen pius

Quem calor incitarat,

Non æqua illum dulcis patriæ

Casum mente ferebat,

Sed lacrimis os irrigabat

Inter verba cadentibus,

Figebatque animis senum dolorem.

Denique quid fieri

Vellet amicè

Fatus, sedit hiantè adhuc patrum globe.

Vir consularis utili excitatur

Sermone, rerumque ubere copiâ.

Acrem igitur animum, & sapientia

Verba mirati, v'rum

Egregiâ omnes laude ferebant:

Nec scire rum primum quid ille posset

Expedito ore, ingenioque culto,

Dicebant, & quid in armis

Edidisset impiger,

Non si quis solido pectore concipit

Virtutis antiquum decus,

Lucis eget coruscæ,

Qua lata patet tellus, qua mare.

Quis de stipite tanto,

Quod tale germen pullularit,

Credat lentior? aut ea in

Ora quam decuit sonari avorum

Auriori tibiâ?

Hæc olim valido renige fervidos

Regum minantium impetus

Contudit, atque ternos

Ostendit ahenis implicitos

Nodis colla, manusque.

Dura adde pro Diis bella nostris,

Et volvens mare corpora,

Tot adde exuvias ab hoste raptas,

Civibus unde nitens

Fulsit acervus

Auri, & sumptibus alta testis regiis

Crevere muros intra, & in paterno

De se vocati litore Nerei,

Quo nihil Itala jactat amœnius

Terra, nec formosius;

Tot nec usquam præsignia Divum

Templa, hic Catini visitur smaragdus,

Omni opus majus pretio, invidendum

Clare spoliū virtutis.

Quis Adornus haud fuit,

Factis dedecori; quem penitus honor

Magni supremus Cæsaris

Ante alios amabat.

Onus ille huic mandarat fœderum;

Sævo ut neceret hosti

Vincula, & minante perdomaret

Regnatorem Asiæ, sibi

Adjuncto populo Adriæ potenti.

Diis Jovique non ita

Visum est, non Italis tam bene consulunt,

Vocantque pœnas in novas.

Heu jacet ille templi

Mediâ in testudine, funebri

Obducta undique panno,

Ardetque funus triste circum;

Circum stant famuli humido

Mæsti lumine, implicantque palmas.

Audiet unanims

Frater ademptum

Fratrem, tempore tam malo, urbe in extera.

Et audient cives boni, dolore

Tunc muta primum videris omnia:

Mox subitus trepidæ feriet vaga

Clamor urbis sidera.

Quo non rumor pennipes ibit?

Percellet aures Cæsaris, patefcet

Ira Divum: non alio licebit

Hæc fœdera jungi auctore.

Lazaro Bonamico.

Superum quisquis venit

In lumen, amica sibi

Fata ne confidat esse,

Quandiu current equi

Solis fugaces, & recurrent

Per spatia æthereâ:

Lucis vice dum nitidâ

Interituræ abigunt genti tenebras.

Ille beatus erit

Mihi, fulvam cui colum auri

Pollice Parca benigno

Trahet, ex quo partium

Lucina potens facili

Mota voto, infantis ortum

Reddidit lætum, horridus

Donec Proserpinæ maritus

Inferæ ab egregio

Urnæ arbitrio, tenuem

Hospitis accipiat frigentis umbram.

Anne, ubi Deucalion

Lapides jactos, & auro

Pyrrha comam religata,

Consiliis Themidos

Adducti, animâ calefecerunt novâ;
Aut priusquam rex olympi
Imbris illuvieque
Habitata homini
Loca stravit, nec in aëris
Apparuit ulla plagis
Urbs minans ardentem in æthram,
Undique cum vitreus
Thetidos inundaret liquor, ardua que
Pelagus Pharfaliæ
Juga celaret vago
Impetu, Parnassium præter cacumen,
Tulerat quo se trabe
Curvâ Æmonix dominus.
Ergo prospectabat ille
Tutus æquor, virginem
Solans paventem belluarum;
Scilicet insolitas
Formas caput è tumidis
Horrificum pelagi undis exerentum,
Atque etiam vetitâ
Nisi tellure arceantur,
Rictibus illæ adapertis
Subito allapsu ruant,
Et pulchricomæ teneras
In genas Nymphæ, & tyranni
Nobile in pectus viri.
Sed rector omnium supremus,
Cui dare perpetuo
Non visum erat interitu
Japeti sobolem, servavit ambos
Propterea incolumes:
Hominum damna unde cernis
Usque adeo reparata.
Annè vel ante aliquis
Hæc tempora, vel potuit post aureum
Consequi nomen beati?
Nascimur; atque elementa

Ab origine fert
 Tenta quisque suâ: nec erit
 Unquam illa ut superstitibus
 Occidant nobis priora.
 Ede, age Lazare, quem
 Vetera Pelasgum oracula nota beant,
 Sapit & multa animus
 Duce non ullo tuus,
 Ede cantem Deliis an digna lauris.

Mala nobis sæpe sunt
 Mentita hilares oculos;
 Ceterum paucis resecta
 Mensibus post, arguunt
 Cordis minores: atque tristi
 Jam facie invehitur
 Fortuna trahens subito
 Turbine perniciem mæstos ad imam.
 Terminus haud etenim
 Mali adest, quorum rubente
 Contigit atria dextrâ

Pater olim: donec &
 Illi, & genus omne cadant
 Ultimam in fati barathrum.
 Juppiter, nutu movet
 Qui cuncta felix verè habetur,
 Quem nequit ulla virum
 Vis, ullæ agitare vices
 Fulminis, & sonitu & flammis tremendis,
 Quem neque mors capiat
 Domitrix rerum, nec ortus
 Sæcula nacta perennes,

At sine fine domum
 Sceptro ille regit nitidam stellis potens
 Antea, nunc, quotque posthac
 Cynthius afferet annos,
 Age, in urbibus hac
 Lege homines fruimur positi
 Damnis procul a miseris;

Terream spes docta gentem
 Ducere quo libeat,
 Venit aliquando lærior; est ubi nos
 Virtiosis adigit
 Scopulis eludere
 Pertinax errore jactatos marino.

Ad Trebatium.

Quid, supremo nata Jove
 Dea, Pimpleæ decus
 Rupis, quid heu nunc condita mœnia prisce
 Ab Remo tot Pieriis habitant
 Noti studiis, citharaque?
 At mihi nemo, Trebati, cor magis
 Ulcerat atque tuum
 Caput, est Vincentiæ
 Cara Diis tellus tuæ.

Illius campos, etenim
 Videt ex alto Ceres
 Aprilibus laudata sacris, & agresti
 Læta frugum munere, vota probat
 Terram ferientis inertem
 Agricolæ pedibus certum ad sonum.
 Nec Semeles puer hæc
 Loca contempsit jugis
 Grata amœnis collium;

Ducit choreas ubi Lenæus mitræ
 Implicitus comam & auro:
 Ponè citæ subeunt
 Mænades ordine non brevi, cava
 Terga bovis quatientes.
 Clamor it Evius, atris
 Ignibus ardet opaca
 Nox; piceamque ferunt.
 Lucet teneris redimitus pampinis,
 Lene surgens tumulus. Satyros
 Bacchæ manuprehendunt leves.

Respicit risu comites
Hilari dux, telaque
Præfuta molli fronde, hederamque virentem
Laudat, & dulci agmina læta mero.
His quale locis pater ipse
Instituit patulo fundi è lacu.
Præterea gemino
Coiuit vos munere
Nata magno è vertice
Pallas, æternoque Jove,
Parituro Mulciber
Vulcanius ferro chalibum obstitit arte.
Illa flavum cincta caput galeâ
Hastamque movens, clypeumque
Prosiluit gravido de vulnere
Terrificum ore fremens.
Tremuit tellus parens
Et Deum illustris domus.
Urbi studium tribuit bombicinum
Diva tuæ, neque Coi
Fervet honore magis
Ulla operis, pretioque Serico.
Gens habet unde beata
Nomen opum, speciemque.
Magna palatia in urbe
Cernere, magna in agris
Pulchrum est, pecudumque boumque in latis genus
Pascuis errat, opes opibus
Gignuntur; ut ramos jacit
Plurimos, cælumque comâ
Petit altum frondea
Quercus corusco a Sole supernè refulgens,
Paret aurum dignius; id sapiens
Ufu regit æquus amico:
Nec, nisi divitias promissis, nites
Paupere fulgidior
Honor hic vestram plagis
Eripit gentem inferis.

Idque

Idque ego, testansque patris
 Cineres, huncque æthera
 Certo eloquar sermone; nec irrita in aures
 Ibit arcu nostra sagitta leues.
 Sunt multa, quibus gravium ora
 Vatum, animosque agites Vincentia:
 At nihil Æolios
 Digitis tentem ut sonos,
 Excitavit me magis,

Dum cura movet tui alumni non levis,
 Meque Trebatius angit,
 Canaque amicitie
 Fœdera sollicito trahunt metu,
 Altera quam egregii laus
 Ingenii, unigenæque
 Dona secunda Minervæ.
 Addidit ingenuas
 Artes Dea, Pierium & cultum, neque
 Desides lenta terunt pueri
 Hic otia, & perdunt dies.

Pulchra sed jam tum teneris
 Meditati de unguibus
 Virtute surgunt auspice, flamina pennis
 Et secant famæ, patriumque solum
 Portant, ubi vertit in hostem
 Spicula equo fugiens Parthus, colit
 Aut ubi Ibera ferum
 Dominum gens exteris
 Austriæ missum a locis.

Invidi affinxere nigrâ
 Maculam loliginè,
 Quicumque monstratur digitis, & honore
 Cultus in plenaque viâ, & Superum
 Templis, & in urbe, forisque
 Gaudet: at in tacitis præcordiis
 Victor honorum oleâ
 Caput ornatus piâ,
 Quale non penisula

Doris genus, aut Asia tellus parit.
Unus in arboris umbra
Divite ager tegitur
Cecropius, foliisque; nec cata
Ullius arte jubentis,
Sponte sed ipse virescit
Termite frondifero, quem
Nemo adit intrepidus.
Hunc cæsia præsidio Pallas tegit,
Nec manum olim Lacedæmonius
Admovit hostis impiam,
Marte cum vastaret agros
Reliquos, & Tæseï
Regnum vetus decussit, Archidamantis
Innocens sacros venerata focos
Numenque Deæ, tibi longè
Quæ faver Euganeos omnes supra.
Id prius Italiæ
Docuit lux inclitæ
Roma; nunc cheu ruit
Urbium regina: furor
Miserè vexat nothi
Prolem Quirini, Trojugenasque, pudendam
Concitantque in vim scelerum, inque nefas,
Ut Noricus imperet hostis.
Arma manu Æneades crudelia
Suscipere in patriam
Potuit terram irruens
Templaque in Divum sacra?
At, Romule degener haud clarum latent
Ista oculum Jovis: olim
Teque, tuumque manet
Pœna genus sine termino gravis.
Quique tibi ampla recepit
Egregius pretia emptor,
Quid sapientia possit
Julia, & indomitum
Numen Petri, ab Italia ejectus sciet.

Interim opto videat patriæ
Florem Trebatius sue.

Petro Cursio.

Loqui docte pedestria
Verba carmine. Cursi,
Idem lepidò decus
Labentis modò sæculi.
Nos amœni læta tener
Collibus Doattula
Nunc lauri sub comâ virentis
Prope novos Lares,
Nunc ad contigui dulcia murmura
Amnis, jacentes qui rigat Livii Fori
Campos, vetustamque Ravennam,
Ut flexuosus vallium
Liquit recessus, antraque frigida.

Ego hic desideo libens,
Sunt ubi omnia falsa,
Tranquillus ubi suo,
Adventu revehit dies
Lucido Phœbus, nec abit
Noctiluca, conscias
Æstus ducens mali tenebras.
Neque etiam frequens
Plebs vano miseris obstrepat auribus
Rumore; securi quid Hispanus doli
Nunc verset, Hispanus adire
Quemvis nefandi ausi gradum
Fortis, Sardonycem præferat ut manus.

Nec militiæ sua quod
Addidit arma Italæ Gallus, memori ab
Fulmine redditus
Tandem sapiens; duce fines
Sfortiada, & populos
Tuente avitos.
Nec mihi commoveret hoc animum

Lætitiam ob properatam laureæ,
 Musæ frequens ego cultor infuere
 Culpâ ingeniorum sequentum,
 Priscos ipse reducens numeros,
 Sensu beor vulgi relicto.

Repostus mihi sufficit
 Hic enim locus, apta
 Et villa mei memor
 Laurentis, dum erit ipsaque
 Sole volvente incolumis,
 Et Dei, quibus modo
 Pulchram ille hanc dedicavit aulam,
 Studia dum fovet
 Heros Pierius libera, commodam
 Sacris paravit dum quietem cantibus
 Haud sumptuum parcus, & ruri.
 Emissa pulchræ quatenus
 Ufu resurgunt signa pecuniæ.

Quid ergo juvenem liræ
 Parcius celebrarint?
 Aut tibia buxæ
 Laudes rara foramine,
 Maximosque efferre viros
 Altè olympicam ad domum;
 Virtutem qui colunt, aperta
 Iter habent viâ,
 Atque excelsa oculo sidera perlegunt
 Illi beato pendulis de curribus.
 Nec finis hos ultima tentat,
 Mæstos trilinguis belluæ, &
 Vinclosum, & orbis Sisyphii metu.

Tales via clara Jovis
 Ducit ad Elysiam turrim, & nitida
 Arva, ubi lenibus
 Usque Oceanitides auræ
 Spiritibus nemora
 Alunt beata.

Tum simul auricomis rutilos

Terra dat arboribus flores, simul
 Unda, aliens placidum renidente
 Fluctu, impediunt unde quisque
 Illic litore toto digitos
 Monilibus flavente & auro.

Manent ista, sed ultimam
 Post diem, seniumque
 Longum; interea cheles
 Bartholinus amabiles,
 Sobriis & Pieridum
 Nectar auribus bibet,
 Expressit quale separatis,
 Mea sub his jugis,
 Mens lætata novo lumine turbidum,
 Ah cur abes tu, quem decorus aureæ
 Phœbus comâ diligit. o quæ
 Hic in virenti frondium
 Umbra reclinis carmina diceres?

Nihil non referet tibi
 Thespias, Satyrorum
 Tu capripedum genus,
 Et Nympharum agiles choros
 Audiendo percutias,
 Nosque, mente quod petis
 Totâ, complectier liceret.
 Caput at urbs habet
 Fidum terra meum Rómula Cursum.
 Tenet canentem digna Phœbo; tabidus
 Frangit virum æther, aliisque
 Illic remordens sauciat
 Gentes nefandis cura tumultibus.

Insensa bonis studiis,
 Cura hominum ingenuas mentes lacerat.
 Ac veluri freto
 Cum Bistonio Notus ater,
 Aut Aquilo incubuit
 Furens, ab imo
 [Nec mora] surgit arena Erebo;

Fit fremitus pelago in summo; gemunt
 Percussa litora fluctibus nigris:
 Sic illa animos jactat, æstu
 Bacchante, leves adimens somnos,
 Dulcesque Musarum lepores.

Ad Baptistam Cassalium.

Baptista, stirpis Cassaliæ decus,
 Quem Roma longo stemmate nobilem
 Partu dedit, dic quæso, ut urbem
 Hanc mediis in aquis repostam
 Mirere, nam Sol jam celeri semel
 Æthræ peregit curriculum rotâ,
 Legatus ex quo hic res Britannas,
 Imperiumque juvas amicum:
 Henricus ex quo te utitur optimus,
 Quo sceptrâ numquam a vatibus insulæ
 Dictæ fatis, tractante avita,
 Flos hominum influit ultimo orbi.
 Sejuncta nostris ut loca finibus,
 Regemque visat, quem sapientiæ
 Laus raræ olympo miscet alto
 Æthereâ volitantem in aurâ.
 Nec te filebo, cui potuit catus
 Princeps habenas credere regias,
 Divine Thoma, illos ut æquis
 Consiliis populos gubernes.
 I nunc Catones prisca fides tuos
 Extolle, nostri major adest honos
 Virtusque Thomæ, cujus instar
 Sideris ætherei refulgens
 Nomen nec Indos sepositos latet,
 Nec sub cadenti lumine Delio
 Nescitur: albæ, cantilenis
 Talibus insenuere Musæ.
 Præclara Musæ facta mori vetant,
 Quarum qui egebit muneribus sacris

Non ille per longos beatus
 Lætitiæ potietur annos.
 Ast hunc lyrarum suaviloquus lepos,
 Mixtæque dulci carmine tibiæ
 Dixere, tollentes superba
 Oxoniæ monumenta claræ.
 Quæ Frisudæ, quæ juvenum novis
 Ille instruendis mentibus erigit.
 Nec cantu eget pulchro, paratus
 Laudibus egregiis, galerus
 Hunc non galerum quilibet obtinet:
 Verum illi habent, quos Juppiter æquior
 Virtutis insignes honore,
 Justitiæque probavit auctos.
 Quæ flectit acres bello animos, velint
 Auctore Thomâ prælia ponere,
 Quæ Christianus sævit orbis,
 Italiaque intumescere busta.
 Cum Turca fines interea suos,
 Et regna captis proferat urbibus;
 Cum jam Rhodos diversa longe
 Numina, Pannoniusque adorent.
 Discordia nil non metuas mali:
 Quod si rediret candida regibus
 Pax, non labor sit multus armis
 Castra piis inimica vinci
 Illum o diem si nunc referat Deus
 Rerum supremus conditor omnium,
 Baptista: namque id tu labore
 Sedulus assiduo, tuusque
 Frater studeas, Gregorium pater
 Audit Quirinali è solio, tribus
 Fulgens coronis, qui recludit,
 Cum liber, aulam, aperitque Divum;
 At consulentis quid deceat, tuas
 Sermone laudum prosequitur gravi
 Sententias Græci verenda
 Cum reliquo facies Senaru;

Præstare famâ quid melius bonâ?
 Allexit hæc vos, impulit hæc, solum
 Ut post haberetis paternum,
 Nostraque Principum amica corda.
 Sit magna Thomæ gratia, qui suo
 Regi ab remotis vel regionibus
 Tradit profectos, si fideque
 Ingenioque vigere cernat.
 Sed quid tuas nunc carmine demoror
 Aures meo? vos rerum aliæ præmunt,
 Moles procurare: o Latinis
 Otia porgite læta terris.

Victoria Columnæ Avulæ.

Viros novâ laude claros
 Fidibus apto dum integris;
 Gelidaque redimo ab Styge
 Sublime eorum decus,
 Quod orta Jove nobis
 Dedit Thespias
 Munus; haud ista mea
 Unquam trepida mens fuit,
 Neque pavor nescium
 Subit pectus adeo.
 Quid hoc? insolens
 Tremo totus, ardet
 Dum splendide mihi animus:
 Cupidine Inarimes.
 Ubi insulæ, dia, sceptrum
 Regis opimum, ubi priscae
 Reparas decora gloriæ,
 Victoria, & mitigas
 Rogos (grave) mariti
 Acerbos tui,
 Fataque invida nimis,
 Si Musa tamen inclita
 Fidicinum, si finis

Eburnæ ipsa citharæ
 Sciens, frigida hunc.
 Teneri Orci in aula,
 Inglorios quasi dies,
 Domi egerit latitans,
 Nec viderit Mars Avalum stupens,
 Cum manuque, equoque celeri
 Cruentos per hostes
 Rueret, hæc, illaque
 Metu impigra fugans agmina,
 Campumque fuso replens sanguine cadentum
 Ferro temere militum;
 Troja vim qualem Achillei videbat,

Jacere cum primum amicas
 Subita iit per urbes vox
 Patroclum, suæque barbaræ
 Genti arma fastum addere,
 Quibus juvenis hostem
 Furentem malâ
 Heu fefellerat avi:
 Tunc mente vetus excidit
 Dolor, & æstus diu
 Amicus Priamidis.
 At (ajebat) at
 Decens crine equino
 Nunc est opus galea: nunc
 Lacertus in clypeum
 Mihi induendus, mihi hastam,
 Mihi parate lorica.
 Salit in sonipedem simul
 Arma induens ærea,
 Satus Thetide Mavors.
 Furit lata per
 Dardani sola: modo
 Alba cute Cycnus; modo
 Cadit atrox, præliis,
 Opus, seu regere equos
 Erat, præpeti

Volans axe Memnon,
Aurora quem pepererat
Sinu micans roseo.

Vitæ ergo Achilles adimit diem
Aureum his, & Hectorem, Asiæ
Columnam, revellit
Avidus ultor, capi
Fuit levior unde urbs Phrygum.
At non minores dabat dux Avalus ille
Cædes, jacula conferens
Maximis, cum e ferocibus catervis,

Repetente quas hæc in arva
Nive per alidas Alpes
Fremitu penitus horrido,
Asperrimis rex potens
Viris, dareque largus
Opes fortibus,
Duxit ultima minans
Ille excidia, sed suis
Vacuus in Galliis
Fuisset melius: ut
Brevis postea
Dies certa fixit
Immane vulnus animo,
Perenneque opprobrium.

Quam erit diu terra cœli
Medio in orbe, nec totam
Teget Oceanus, ut ferat
Nobis, vago & pabula
Gregi: neque caducæ
Rubentis poli
Lampades, neque minæ
Imi nocuerint Jovis
Celebribus laureis,
Triumphoque, similem
Memor nulla cui
Prius vidit ætas.
Euge, o Columnia, Ayalides

Equis

Equis redit tuus in
Albis, canis tu propriæ jubar
Gloriæ, canis spolia tu
Domus vestræ opima,
Celebrat invictum io
Tuum tua te meritum chelys.
Nec sola tu, sed lyra quisque crepat illum
Gratâ, incola biverricis
Quisquis est clivi, eum nemus per altum

Refert, novus refulsit
Italiæ Deus nostræ.
Placuit tum etiam amabilis
Huic barbitos; verbaque
Lepore lita vatum
Amavit; neque
Pulchra facta validis
Ingentia viribus
Facere duxit satis.
Atridas nisi sacro
Pius carmine
Poëta expedisset
Morte, horridisque tenebris,
Agelios quis audierit?
Colendus est rite vates;
Reliqua enim rapax Orcus
Avidis vorat hiatibus:
Laus permanet, vitæque
Redit, canit ut acri
Beatum sono
Tibia, & volucris
Puri sola per ætheris.
Nitida sublimem agit
Rotis fama, sed ego
Quid hæc persequor
Tibi? cui repostam
Phœbus recludere solet
Benignus Aoniam;
Plectroque caram ambrosio beat?

Unde tanta es, ut verear an
Dearum una dulci
Facile sis addita
Choro decima Musa, an (pater
Quodd maximus dictus est Fabritius, ille
Ore egregius, omnia
Qui sui laude nominis replebat,
Vir attamen, gentiumque
Habitus & ipse nostrarum)
Hominum potius in grege
Te collocem, nobili
Sed in grege hominum, quos
Pater cœlitum,
Quosque Delius amat,
Omnisque Superum cohors.
Dea sed es sive, seu
Magis nata hominibus;
Olympo haud putem
Minorem corusco,
Cui contingere bona tot
Deum simul Superum.
Fides enim post canoras
Quibus humum altior linquis,
Tibi munifica mens, tibi
Numquam tacendus pudor.
Decor similis est cui?
Nites feminas
Inter, ore comites
Nymphas Cypris ut aureo
Superat, & Gratias.
Adhuc pergo? numerum
Arena effugit.
Avito quoque amplos
Fines tueris animo
Parata vel nitidam
Ornare levi galeâ comam,
Sit quies ut alma populis,
Amas quos, parens ceu

Melior, ut sentiat
 Tuo facile se quilibet
 Heroë, sceptroque miti, oreque beatum,
 Salve: meminero tui
 Nunc ego, & pluribus lubens in annos.

Jano Lascari.

Virum sumpta refer chelys,
 Qui modò Remi ad urbem
 Rediit Alpium per
 Juga frigoribus redimita,
 Degat his ut ultimæ
 In locis sua vitæ
 Tempora otiosior;
 Atque se veterum,
 (Quod unum avet) libris virorum
 Latinisque reddat, &
 Atticis, utramque quando
 De teneris unguibus,
 Solida bona colens,
 Novit elegantiam:
 Ut antiqua gloria nihil
 Magis pulchra tangat astra capite
 Levi, folium & aureum Jovis,

Nihil sapientia
 Tollit altiùs, alis
 Celebribus per omnem
 Iter illa tetendit Olympum.
 Cui nigram citra notam es,
 Magne Lascari, carus,
 Intimusque vel supra
 Ceteros homines:
 Quod Itali exterique reges,
 Apud quos tibi loqui
 Contigit, gravesque rerum
 Volvere moles, sciunt.
 Leone tribuerit

Plurimum ut tibi, feram;
 Leo decus tiaræ; & apicis
 Sacri, quoniam ante majus aliquid
 Fuit, nec aliàs dabunt Dei.

Amavit animo ille toto
 Caput eruditum:
 Amaverat prius
 Lascarin ejus
 Pater avidus decoræ ille gloriæ,
 Lyrâ tacitus nullâ, Erruriæque
 Potens divitis, asperæque præliis,
 Musarum Heliconidum gravis
 Custos, & hospitem
 Doctorum adamator.
 Namque his patebat illic
 Opima domus cognitæ:
 Ferax unde semper data copia
 Ingeniis canendi

Genus Mediceum, & viros
 Inclitos super astra
 Fidicinum canoris
 Humeris, citharaque locatos.
 Sed diem ultimum improbo
 Rumpit pollice Clothæ;
 Noxque luminis nitens
 Condit atra jubar,
 In almaque ipse intulit se
 Jovis regna, vidit &
 Insolens corusca Phœbi
 Tela: ita Laurentius
 Sua bonus obiit
 Fata. Janus id videns,
 Amatam relinquere locum
 Parabat, dolore victus, obitum ob
 Nefarium, & acerba sidera.

Tubis tunc fera Martiis
 Bella forte sonabant,
 Nitidaque induebat

Furor arma cruore linenda
 Militum ferocium ,
 Carlus ab Rhodano quos
 Finibusque Galliæ
 Acer innumeros
 Agebat Ausonum per agros .
 Frequens rumor , ire eam
 Grandinem fuit virorum ,
 Incuteret quæ novum
 Facile metum Asiæ
 Toti , & impio frero ,
 Tener quæ modò loca sacer
 Deorum hostis insulæque Latæ ,
 Palæologus antea pius

Quæ Lascaris avus tenebat .

Igitur paterna
 Repentè perculit res animum ; nec
 Mora , adiit haud pavens ille regiam ,
 Quis esset ait . Rex loquentis omnem
 Stupebat faciem , stupebat elegans
 Sermonis acumen , haud enim
 Princeps loqui genus
 Consuevit eodem
 Quo plebs modo , nec ab rudi
 Parum sapiens discrepat :
 Ad hoc interest virne Pelasgus , an
 Barbarus os recludat .

Ibi autem simul ac fuit

Finis , appositumque .
 Satis erat locutus ,
 Mora nulla manum manui rex
 Jungit , atque lumine
 Conspicatus amico
 Pauca subdidit bonus .
 Fata si dederint
 Mea , & Deus , gerenda pro quo
 Mihi hæc bella , quæ vides
 Undecunque jam parata ,

Te patrias in domos
Volo ego repositum:
Fide dexteræ meæ.
(Datam templerit nisi manum
Homo perfidus quis?) in vetera te
Brevi refero regna tempore.

Juva consiliis tuis
Me interim, neque castris
Latereque hoc recede:
Mihi præcipuos eris inter.
Rex prius Neapolin,
Jure quam veteri urbem
Gallus esse vult suam;
Hoc studebat eam
Ne haberet hostis, idque nimbus
Facit vix aheneus.
Cum statim potentiam auctam
Clam veriti, fœdera
Nova socii ineunt
Mente principes levi.
Parum eheu fides hominibus
Sinistrâ institutione colitur,
Sit ut mala necesse mox pati.

Redire igitur immerens Rex,
Aliamque mentem
Habere cogitur, militiam dum
Recreat, & hostibus robora apparet
Timenda magis, ceterum deabus
Secus lanificis, Jovique federat.
Nam vix patrium attigit solum
Casus per asperos,
Cum lumina fato
Augusta claudit, effero
Sonora ululatu omnia
Relinquens suis, Lascari maxime,
Cui nitida occidit spes.

Simul quam tamen excitat
Postea Ludovicus,

Nova ubi sceptrâ sumplit :
 Etenim tua cognita virtus
 Te jacere non rulit,
 Ergo mittere ad urbes
 Italas, labantium
 Robores qui animos,
 Et in fide colas manentes :
 Quod haud quisque onus ferat.
 Ille sed labor quoque auram
 In tenuem evanuit :
 Lachesis etenim & hunc
 Er pit nimis cita
 Dolorem dolore cumulans.
 Adest tertius, parem tibi animum
 Juberque habcas, amaque te.
 Minatur sed, agitque dum
 Multa pulchraque rerum,
 Modo tuo Leone,
 Modò sospite fratre Leonis;
 Experitur omnia
 Hastenus Jove iniquo.
 Irritæ ergo quòd moræ
 Pectus extimulant,
 Gravitque deterit senectâ
 Vigorem usque fervidum,
 Otio dicas beato
 Quod superest temporis,
 Studiaque melius
 Ad priora te refers,
 Quirini in virente tumulto ;
 Nitor qui loci antea quoque tibi
 Solebat animo esse maximè.
 Locus quis etenim tumultu
 Vacat urbis æquè?
 Ut urbs frequens & oracla Rodulphus
 Bibit ea, cultor ille intimus sacri
 Jugis ex Heliconis unus oppida
 Chori Aonidum; arcana scita quarum

In nostra tulisti, ubi solum
 Natæ barbarus
 Victor rapuit vi,
 Et regna nobiles sua
 Male heu fugiunt Lascæres.
 Sed ô nœnias, Pieri, quid cies?
 Quid refricas dolorem?

Epistola ad Latinum Juvenalem.

Magnas regum aulas homines plerumque frequentant,
 Diffusi livore malo, invidiæque venenum
 Pectore gestantes atro, qui semper id instant,
 Vipereo afflitu contingant hunc feri, & illum.
 Hoc ego dum mecum reputo, persuasus amore
 Nostro perveteri (nam tu me semper amasti,
 Quæ facilis natura tua est, animusque, Latine
 Optime, & officiis, juvisti; pectore servo
 Quæ nemori, neque te nobis oblivio veller,
 Opæ â liceat vefci dum luminis aurâ)
 Institui ante omnes carmen tibi tradere nostrum,
 Quod dulcem ad citharæ strepitum, Thebanaque fila
 Paulo concinui, magnæ dum gratulor Urbi,
 Paulò supremum virtus cui nuper honorem
 Detulit, & triplici crines innexuit auro;
 Lætitiâ unde omnes fundunt, & gaudia, nam quis
 Sepofitis adeo traducit tempora terris,
 Ut Solem, radiosque novos, & pulchra diei
 Tela renascentis, hilari non corde receptet?
 Quæ mihi lux animum suavi percussit amore:
 Unde novum increpui carmen testudine sumptâ;
 Ausus in Italiâ natus propterque fluenta
 Eridani, sacrum Dirces haurire liquorem,
 Et patria externis adjungere verba choreis:
 Non leve onus; neque enim triti nos ducere calles
 Huc possunt: aliud juga per Parnasia nectar
 Vestigo, neque difficilis me semita terret.

Hoc

Hoc autem male nonnullos habet (ut fit in omni
Semper laude) rudes arcanæ rupis: id ergo
Mœrent, si cui monstrat iter Pimplea, nec ante
Cessant bacchari, quàm cuncta eversa relinquant.
Quid verò tandem? quàm culpam infligere certant?
Nota sit ut tibi res omnis. crimenque repellam.
Aures his (ajunt) nondum assuevere Latine;
Hos Flaccus numeros, hos contempserè poëtæ,
Quisquis Romanas Musæo pectine voces
Molliit in cantum, citharæque aptavit eburnæ.
Audisti? quasi non liceat quicquam addere partis,
Et quæ majores liquere intacta, veremur
Ipsi invadere, nec plantâ signare recenti
Possimus terram, & vestigia figere nostra:
Præsertim ostendat vacuos cum Græcia campos,
Atque invitet adhuc integros carpere fructus.
Si ferat intro quis sese, duretque laborem;
Quem fugiunt, pejusque nigris serpentibus horrent,
Ignavi à testis versu discedere notis.
Ire opus est mare translatum, formosæque rura
Visere: quæ quamvis cingantur vepribus hirtis,
Densior & sepes defendat vimine acuto;
Musa tamen favet ingeniis, & tanta recludit
Mœnia paulatim, si te non deficiis ipse,
At Flaccus non hac potius se fronde coronat.
Contemnitne igitur ramos, qui fontibus umbram
Obtendunt lætam veteris prope mœnia Cadmi?
Pulchrum aliis aliud, studiis nec vivimus iisdem
Mortales, nec cuiquam uni dant omnia Parcæ:
Quod placuit, fecit; sua libera cuique voluntas.
In magno veluti prato si splendeat omnis
Florum copia, & huc Nymphas Cytherea decentes
Vere illecta novo, rediit cum mensis amatus,
Duxerit, & jubeat digitos intendere fertis,
Non capiet color idem omnes: legat illa hyacinthos,
Hæc violas, aliam delectet lutea caltha,
Quosque volent flores addant, texantque corollas,
Nec vitio cuiquam quod fecit vertere fas est.

Hi vero inclamant stulti, obliſtuntque repente,
Præcepit niſi quod quiſquam, decerpſeris illud
Tu quoque idem. At rauco cælum clangore voraces
Ceſu corvi repleant, ſola qui per ſumma volantem
Cum Jovis armigerum ſuſpectant, guttura rumpunt;
At volucrum regina humiles illudere gaudet
Alarum ſe remigio ſub ſidera tollens.
Ne tamen, hac quia ſum forte uſus imagine, tergo
Crede meo celeres aquilæ me aſſingere pennas.
Nec tantum agnoſco, nec poſtulo: ſed mihi ſæpe
Hi bello faciunt ludos, & rideo ſæpe
Invitus licet interea nam & pectora fervent,
Rideo ſed tamen, & poſſum quâ, perfe'o, mente.
Quid refert his ſi nondum aſſuevere Quirites
Verſibus? aſſueſcant, quid enim vetat? anne Latinas
Uſque adeo novitas offendit carminis aures?
Incidit unde novus ſtupor, & dementia vecors?
Omnibus ergo datur maculas apponere rebus,
E quas majorum nobis induſtria liquit,
Et quas ingeniis ſolers hæc repperit ætas.
Poſteritas etenim noſtris inventa diebus
Plurima laudabit, quæ ſæcula priſca latebant,
Nunc prandet jucunda loquax obſonia livor.
Si, quia nata modo res eſt, abolenda videtur,
Debuit hæc ſemper lex eſſe, ut Opuntius heros
Caſfecit lapides animâ, ſobolemaue novavit
Humanam, effuſis quæ nulla remaſſerat undis
At fruimur multis quæ ſi ſublata fuſſent
Continuo ex illo quo primum tempore in almam
Ingeniis prognata hominum ſunt edita lucem,
Natura indigeat, vitæque expoſtulet uſus
Cum ſuperis, quod ſe ſtent multa incommoda circum,
Cum quibus aut non naſci homines, aut illico natis
Præſtiterat Lacheſim vitalia rumpere fata,
Adde: poteſt noſtris priſcum nihil eſſe diebus,
Quod fuerit non ante novum, aut res tempore fruſtra
Metimur, falſoque imis numeramus ab annis.
Tum natura viros magno novitatis amore

Incendit: quare nequeunt consistere mentes.
Perpetuique agitant cognatâ indagine motus,
Denique quid nobis vetus est cum nascimur? illa
Quæ prius haud vidi, nequidquam antiqua putabo:
Nempe mihi saltem nova sunt, in quæ incido primum.
Fusior at sermo est; certum nunc dirigo ferrum,
Si Deli præses facilem non invidet arcum.
Nonne fuit tempus, cum nondum cornua nostri
Bellica, Tyrrhenasque tubas, & prælia lærent,
Herois complexa modis, & carmine grandi?
Nemo negat, mox descriptus cum obrunderet aures
Romuleas clangor, ruerentque in bella poetæ
Ausonii, & gladios tractarent, scutaque tabo
Illita, & undantes auferent cœdibus amnes
Num regum ex tectis ploratum Musa recessit?
Musa, dedit quæ mox ævo labente Mironem,
Et Varium, atque alios, quorum extant nomina tantum:
Ut nil de ingeniis demas, sed tempora culpes.
Non igitur quamvis litui nondum antè fuissent
Auditi, nondumque acies per carmina dictæ,
Bellantes tamen antiqui explere Camœnas,
Tunc primum advectas mirati culmina septem,
Tibridis & ripas resonare horrentia bella.
Hoc mihi jam cum dent, nequeunt ultra addere verbum:
Quod valet in simili re qualibet, usque valebit.
Auctores utrinque graves, & mater utramque
Cum Musis genuit scribentum Græcia prolem.
Cetera quid memorem generatim lumina vatum,
Quique Sophocleo furas vinxere cothurno.
Et qui maluerunt humiles inducere soccos?
Tantundem est, neque propterea plus fecero: adepti
Cum simus punctum, medioque infederit orbe
Adverso cuspis, quid perdere tela moramur?
Non secus ac si quis, postquam confecerit hostem,
Et fugisse animam moribundos viderit artus,
Nequidquam evacuet frigenti in corpore vires.
Sed cedo, mihi cur novitatis crimen inurunt?
Ut vitium magnum novitatem assentiar esse,

Nunquid ego peperit Flacco vel teste, quod urbi
 Æneadum fuerit non ante hæc tempora natum?
 Quin potius quasi de stratis Musam excito longo
 Oppressam somno, confectaue pulvere multo
 Barbata detergo, ut casie purgata, siuque
 Explore, an possint laudatos promere cantus.
 Musica floreret cum res, quo tempore Flaccus,
 Non satis audiri potuit, nec ob id, quod ineptè
 Scripserit, aut multâ sine doctrinâ, ingenioque;
 Sed Venusina modos auditu reddere blandos
 Carmina quod nequeant digitis percussa sonoris.
 Quare cantorem verbis infestat acutis
 Hermogenem vates, pugnasque exercet amaras.
 At non iudicium hoc nostrum est, neque solvere lite
 Hanc veni demens, sed Horati limina solum
 Tangere si possum, bene mi nunc, atque beate est,
 Cujus ego illoto non tractem pollice librum;
 Sed veneror timidus, semperque excerpo, fideli
 Quod scribam in mentis tabulâ, nec poenitet ergo
 Me iuvat internum citharam pulsare Martinam.
 Est ubi Pindarico me oblectet tibia versu,
 Acrior & sonitus rapit in speciosa virorum
 Ornamenta, animum curis sublimibus augens:
 Nam bene de patriâ sudore, opibusque merentes
 Heroas celebrare decet: merces sua cuique est.
 Vomere qui proscindit humum, & qui retia ponit
 Alitibus, pecorique fero, qui flava virentes
 Servat per campos armenta errantia, quique
 Prædam ex æquoribus petit, omnibus una laborum
 Spes. ut latrantem possint compescere ventrem.
 At res qui gerit egregias tunc munera factis
 Digna refert tantis, nictidum cum fama per urbes
 Ostendit, vestum Musarum in curribus altis,
 Ter felix auriga. potest qui dexter habenas
 Æthereo in spacio versare, & currere cælum.
 Difficile est: tamen id studio contenditur omni,
 Tollam ut humo, si qui nomen gessere, decusque:
 Hoc dampnant, hoc occultos illidere dentes

Absenti tentant non consuetudine pulchrâ
 Scilicet auxilio quoniam præsentia nobis
 Esse nequit nostra, & morsus defendere nigros;
 At spes magna in te posita est: non nescio quale
 Alloquor ingenium, nec te pugnantiôr ullus
 Pro veri neque pro iusti ratione fideque
 Dulcis amicitiae: tum me solatur & illud,
 Quamvis avertant hinc publica commoda, quod non
 Res agitur nunc indoctâ cum Principis aure:
 Quin omnes novit numeros, & tramite rupem
 Saxoso quondam Cirrheam adscendit, & amnes
 Epotus sanctos, & pulchræ frondis amator,
 Quâ caput implicitus pexum ludente sororum
 Cœru Thespiadum carmen modulatur Apollo.
 O utinam Italiæ claris in mœnibus essent,
 Qui salebras, possentque vias aperire latentes
 Castalium ad fontem nostro sic tempore, ut olim
 Fervebant doctæ studiis florentibus artes,
 Cum primos nondum fructus ostenderet ævi
 Paullus, nec tenerâ indueret lanugine malas.
 Non hos audirem strepitus, sapiuntque poëtæ
 Plus nostri, invidiaque gravi minus ilia rumpunt.
 Nobilis ante etenim fuit hæc contentio nostris
 Principibus, quisnam plures quisnam meliores
 Cogeret accitos pretiis non vilibus, omnes
 Quamvis vel longo præcesserit intervallo
 Laurentis virtus Medicis: si dicere verum
 Nil prohibet, veniamque aliis ab regibus æquam
 Impetro. pollicita est quid non Florentia nobis
 Dum Laurens dio frueretur munere lucis?
 Namque ubi mortem obiit, patuerunt ostia belli,
 Et bona turbavit placidæ furor otia pacis.
 Quocirca immeritos traxit fortuna nepotes,
 Atque hunc expunxit titulum, donec Leo casus
 Post varios, robur tenuit ditione Quiritum,
 Qui subito accersit sapientum pectora, Bembum,
 Præcipuè Bembum, ac Sadoletum æqualia sæcli
 Incolumis decora, inde alios, quibus aurea pleno

Dona sinu dabat effundens, aluit quoque Achaos
 Artibus ingenuis pueros, linguaque vetustâ
 Gentis, quo studia illa magis se tolerare possent.
 Fecerat id pater ante, fuitque perurile doctor.
 Unde meus age Musuro da lilia, manes
 Lacte voca, fletuque pium venerare sepulchrum.
 Spero equidem jam tempus adstet v. lventibus horis,
 Cum simul illustis juvenum flos instar avorum
 Expedient aditus Musis, lauroque nitebunt
 Antiquâ generis, magno quod fama beatas
 Laurens, et rat ad sedes: latabitur heros,
 Cujus dissimulat nomen non ultimus orbis.
 Terrarum, non nascentis qui flumina Nili
 Potat Hyperboreo non qui se jungitur Istro.
 Huic Divæ primum collos Helicone relicto
 Tyrrhenos habitare, atque Arni flumen amœnum.
 Non dedignatæ sunt haustu ducere pleno,
 Pieriosque talis cantus extollere in arvis.
 Ergo diversis huc turba ferebat ab oris
 Se se discentum, natalia mœnia linquens;
 Ingeniumque omnes pulchrâ virtute colebant.
 Rettulit inter quos, non ultima præmia laudis;
 Qui nunc imperio beat æquo, & legibus orbem.
 Quare vel primis croceo exornatus honore
 Annis, tunc tandem trabeâ fulgente decorus
 Iliadæ folio magni subnîtitur alto.
 Nullæ ergo ambiguis poterunt seducere dictis,
 Infidæ Paulum, non candida vertere furvis
 Proderit invidiæ, quâ se nihil extulit unquam
 Tristius infernis, hominique nocentius umbris
 Virtutem contra, & meliores comminus audet:
 Cum vitio pax summa, & cum pejoribus illi est,
 Non etiam nuge cantando pondus habebunt,
 Non furti honos ullus erit: nam si Maro, vates
 Et repetant alii sua, non miretur olores
 Tanquam albos cœco fertur quod pectore vulgus.
 Ante Therapnei, cum res Spartana vigeret,
 Sanxere, ut cuivis furari impune liceret,

Dum

Dum recte id facerent; alioquin poëta manebat
Deprensis gravior duplo, atque infamia longe
Formidabilior poëta, quod nemo volebat,
Pauperis ingenii vitio, crassique notari;
Quandoquidem calare catus qui furta valeret,
Huic Lacedamonii tribuebant mentis acumen
Egregium, stetit hæc autem sententia propter
Assiduum bellorum usum, quibus utile fraudes
Moliri: dolus an virtus quis in hoste requirat?
Varibus hæc nostris si lex penderet, opinor
Non tot haberemus fures; pereantque poësés
Confutæ ex fractis aliorum versibus, o quam
Odi ego, qui rapto carmen sibi pangere quærent,
Præcipuè vis ingenii si nulla repidet.
Aut per se scire, aut fallendi addiscere debent
Artem, si proprium nequeunt excutere quidquam,
Qui se se cupiunt laudari ab civibus amplis.
At nostri Autolyçi perumpunt limina vatum
Nobilium. lucet quando, vultuque patenti,
Quod neque lex prohibet fatuos peccare poëtas,
Ferrea nec frons, quin vitium quoque nomine donant
Virtutis: nam si dicas, hoc Publius ante,
Hoc dixit Flaccus, docti illud forte Catulli est,
Ut cornix olim cultus studiosa nirentis
Pennarum sese furive compsit amictu;
Tunc in se toto sibi magni pectore gaudent,
Tunc nectar fundunt oculi dulcedine pleni,
Tunc animam cernas metos gestire per artus,
Tamquam hæc ingenii sua sint stellantia verba,
Non horum, a quibus haud ullo eripere pudore.
Id saltem non negligerent, ut rapta coirent
Egregiè facta; at sperabitur id quoque frustra.
Denique nil sani est: huc imprudentia & illuc
Effrenis saltus, atque æquora plana peragrat,
Donec præcipiti vectorem fregerit axe
Ferre domo est opus, at si quem natura relinquit
Judicii expertem, calamum deponere mandem,
Et tabulas: bimarem non omnes ire Corinthum

Possumus, ut non te fallit, cui nota, Latine,
 Sunt exempla domi, dein tu quoque labra rigasti
 Fonte sacro, & poteris Juvenalibus esse coruscum
 Sidus Musarum, & patriæ illucescere terræ.
 Namque tibi ingenium, scribendi Phœbus & artem
 Contulit, atque Deæ non deferuere canentem.
 Præsertim tua cum præcordia palceret ignis
 Formosæ Lydes, teneros quæ dicere versus
 Sæpe hortabatur, numeris & capta Latinis,
 Et Thulcis, quamquam est Thulco gavisa lepore
 Illa magis, quem portasti tu primus in Urbem
 Romanus duplici religatus tempora myrto.
 At mox, lene orsus, maturos edere fœtus
 Cum nondum posses, pietas & fata sororis
 Atrox in rerum fluctus, & tempora dura,
 Ignarum maris, abstulerunt florente juventâ.
 Hîc vero ambages longæ, & diversa pericla
 Verum hiemem quamvis terram, passusque frementes
 Sis pelagi cumulos, & monstra minantia fauces;
 Attamen exceptit patrius te portus ovantem
 Puppe coronatâ, & sonuerunt litora plausu.
 Quin & parta tibi ex cursu, horrissonoque fragore
 Curarum patrio sapientia nomine digna;
 Quæ Paulum non præteriit, vix ergo tiaræ
 Accepit decus, ut magno regat omnia sceptro,
 Cum salis Hadriaci dominam te mittit ad urbem,
 Ut summis de rebus agas, atque ipse Senatum
 Consiliis constantem, opibusque, & robore gentis
 Fœderibus firmes, & nodo pacis aheni.
 Hæc igitur nunc conficies: sed læta reversum
 Excipiet cum Roma pedi dantem oscula sacro,
 Molleque tempus erit post tanta negotia, vatem
 Laudabis domino, & nostrum te carmen habere
 Interea dices? tum si subriserit ore
 Pacato, & fuerit visus tibi poscere, reddes.



Andrea Cornelio.

Andrea, cui maternum genus atque paternum
Attulit incolumis longum servata per ævum
Nobilitas, quid te externa in regione morari
Augurer, Eugeanæ fueris cum redditus urbi
Unde æger (si quid mentes ego discere possum
Ex hominum facie) modo decessisse videris,
Jacturam veritus studiorum, adeo tibi curæ
Quæ sunt, ut reliquis præponas omnibus unam
Virtutem rebus, duplicem ut mereare coronam;
Quod durum inter opes tantas, ubi tota renidet
Argento domus, atque auro, luxuque potenti,
Quid falsum vero, quidve album discrepet atro
Quærere, & ante pedes extructis undique chartis
Malle voluptati egregium præferre laborem.
Præsertim cum sint (patitur fortuna quod ampla)
Qui juvenem obliqui rapere in contraria certent.
Verum illi nequeunt conatu abducere pulchro.
Ac veluti quercus oreis Alpina resistit
Pulsa, licet summo contingat sæpe flagello
Tellurem, jam jamque putet dare quisque ruinam
Qui videt, & montem ramis implere caducis,
Illa adeo obfistens ventos contemnit, & imbres:
Sic pugnas, firmisque adeo radicibus hæres
Immotus, nec te fallit sapientia, quantum
Præstet, & ut vivax cælum dum sustinet Atlas
Sola pererratis homines admisceat astris.
Ergo nocturnus libros versasque diurnus,
Libros, unde animum informes, meliorque recedas.
Imprimis docuit virtus quæ dia Platonis,
Quæque etiam nobis post illum scripta reliquit
Summus Aristoteles, manibus deponere nescis.
Non tamen ut spernas ultorem patris Orestem
Noscere, & Ajacis Termeßam fata querentem.
Sæpe etiam stomachum impigri miraris Achillei,
Et dum Telemacho Pylius dux cæde peractum

Bellum incredibili narrat, curruque sonanti
 Dimittit Spartam, multo te incendit amore.
 Et merito; nam non modulantur futile vates
 Divini quidquam, sed dulci seria lusu
 Apportant, suavemque linunt gravitate leporem,
 Denique non croceis loris, & veste libelli
 Purpurea, nec librarii multa arte magistris,
 Atticus in studia incumbis, nosterque decora;
 Verum tota tibi est infumere tempora chartis
 Unum opus, ut, si, præterea quid contigit, illud
 Confestim mœrore animum conturbet acerbo.
 O felix animi juvenis, cui Palladis artes
 Sunt adeo cordi, & nihil est antiquius illis!
 Quas nunc deseris, atque viam celer ire juberis.
 Difficile in campo cervam prostrasse patenti
 Assuetum silvis catulum, prædæque fugaci.
 Sed patrui tanto quis non obtemperet amens?
 Purpureos inter patres fulgente Senatu
 Quem Roma accepit; dum tandem censet honores
 Virtuti dandos summæ, ingeniisque paratos.
 Quid quod amat te, nec patri concedit amore?
 Quamvis nemo suo sit patri filius æque
 Atque tuo tu carus; habes & pignora certa,
 Quod factum te Pontificem jam tota salutat
 Brixia: spes & majorum est, si forte regatur
 Ipsius auspiciis olim præcella Quirini
 Urbs, mandetque suis populis jura ille cupita.
 Verum his Dii præsunt superi: quod fata jubebunt,
 Illud erit, quin tu declaras gaudia præ te,
 Quando ut præteream conspectum, atque ora sereni
 Principis, offertur non contemnenda voluptas,
 Atque etiam votis sapiens quam tu omnibus optes,
 Quæ non una erit & simplex: invisere primum
 Continget tibi Flaminium, dulcique tenere
 Egregiam complexu animam cum intraveris altæ
 Mœnia Veronæ, nam nunc se continet illic
 Giberto gerat ut morem, primum ergo videbis
 Flaminium, dein Frastorium, reliquosque Latini

Sermonis, si quisquam alius, Græcique peritos,
Collegit quos Gibertus post urbis omillas
Curas, & tantâ postquam se mole levavit.
Quin & sublatis accurret Turrius ulnis,
Lætitia plenum ille ferens vultumque, animumque,
Non minus, ingenium cui est nobilitate, nec ortus
Magnis, non proavos tantos virtutibus æquat.
Ipse etiam te cognoscit Gibertus, amatque,
Nec nihil adventu veteris gaudebit amici,
Atque aliquid studium gravius, frontemque remittet,
Hoc tibi concedens uni: & fortasse virentes
Illos per colles ducet, fluctusque cientem
Benacum Hadriacos cernes, & litora circum
Frondea perpetuos foliis, quæ frigore, & æstu
Mala ferunt vulgo pendentibus aurea ramis.
Eja iter ingressus pulchrum, ne damna verere
Ulla futura, urbem Trojæ qui cœpit, ab usu
Est habitus prudens longo, & sermone virorum
Quales exposui, aut etiam fortasse minorum.
Præterea non magna tuis, ita censeo, possunt
Exigui portare dies dispendia Musis;
Quin contra melior studiisq; paratior aptis
Ad nos te referes, & libros mente resecta
Noctes atque dies evolves acrior, o quam
Non unquam assiduas juvat intermittere curas!
Et longos gratâ requie finire labores!
Præcipit & natura vices: nec flamina semper
In terræ gremium ex aliovolvuntur Olympo.
Nec semper blandos per roscida prata Napeæ
Ungue legunt viridi flores, & curvus arator
Depellit juga taurorum è cervibus, atque
Reddidit ut fessos solitis præsepibus, herbam
Sufficit, & manibus sudorem abstergit amicis:
Ut cum se extulerit glaucis Aurora quadrigis,
Restanti sulcos infundat crastinus agro.
Quod fieri secus haud poterat. revoca ergo libenter,
Andrea, defessum animum, pareque jubenti
Fato alacris, nos interea te carmine cœlo

Tollemus, siquid contingit neſtare luſus
 Muſa o noſtros Clio, cui rite vocatæ
 Nuper Medoaci ripam inãdefecimus agnâ,
 Sæpe tuum nomen repetentes audiit unda;
 Vicinufque jugo reſpondit Teplus amœno.

Ludovico Beccatello.

Leſta fuit poſtquam tua dulcis epiſtola nobis,
 Ante omnes dilectæ mihi Ludovice ſodales,
 Ex qua te lætum didici recteque valentem,
 Excepto, deſiderium quod non bene ferres
 Noſtri, nec poſſes mordacem evellere curam,
 Hoc unum tibi præterea nil deeſſe quod opres:
 Non potui id valde non angî, namque fatebor,
 Ante quidem me cura minor. ſed cura premebat,
 Quod non aut hic tu ſimul eſſes, aut ego Jani.
 Vel quia me docuit fortuna. & ſerior ætas
 Ferre, malo aſſuerum, quidquid contingat acerbi
 Vel quoniam ſe noti alii veteresque novique
 Adglomerant lateri noſtro, intereaque levamur,
 Sicque importunas nugando fallimus horas.
 Verum ubi quæ ſcribis nobis ſunt cognita, ſenſi
 Illico devinctum graviore vulnere. meque
 Tam mœrore tuo percuſſum, ut nempe puderet
 Quod mihi non eſſet tecum pars æqua doloris.
 Quare incuſabam noſtris obſtantia votis
 Primum fata, & tam diverſos eſſe querebar.
 Alloquiſque carere & conſuetudine noſtrâ,
 Temporibus quâ nulla fuit jucundior ullis.
 Nam quæ tam conjuncta animis quæ pectora cernas;
 Quæ vis nulla queat nullum diſſolvere tempus?
 Poſt tamen ad ſe animus rediit: caſusque ferendo,
 Vincere conſtitui quotquot fortuna tuliffet:
 Namque Deis viſum ſuperis, ut luce fruamur
 Raro albâ, tenebris ſæpe obverſemur ut atris.
 Quo deinde antiquis oculos deſigere chartis
 Contractum, & libros noctes verſare dieſque,

Ni numerum fugimus gnavi; eripimurque popello?
Nilque mæ in studiis profunt, longique labores,
Quos ferimus, veræ quicumque cupidine laudis
Incensi sequimur quo nos sapientia ducit,
His ego fomentis me solor, & explico frontem
Sæpe mero, viridi caput incingente coronâ,
Ergo & tu immeritum solves a corde dolorem.
Spargereque audebis, & flores poscere, Bacchum,
Spumantem attollens pateram me sæpe vocabis,
Absentemque abiens animo præsentem revives,
Corpora si nequeunt spatiis disjuncta coire.
Sic ego sæpe ratem conscendo, & navigo fluctus
Adriacos, videorque istis allabier oris,
Et portum ingredier tandem, & succedere testo.
Quo simul adveni, multa impertire salute
Cosmum & te videor, multa impertire cohortem,
Tum post complexus lætos, post oscula læta,
Ducere sermonem, & cœnam quam longa, per omnem
Ridere, & juvenum, Patavi ut disceatis ab urbe,
Nobilium studia & curas aperire decoras.
De quibus accipies, quoniâ in hoc quoque scire laboras,
Nosque tibi officium merito, & præstamus amorem.
Accipies non multa: vetor nam scribere multa
Tempus ob angustum & majora negotia, sed ne
Tu diffide tamen dictis, neve abiice nostram
Hac de causâ operam, naso aspernatus adunco,
Te tanquam voti sim dimissurus inanem.
Magna sitis compressa brevi persæpe lagenâ est,
Sustolluntque etiam scintillæ incendia: forsan
Sponte sua e verbis nostris consurget abunde
Commoditas, reliquum possis mox tradere ut orbem
Ipse tibi, quamvis apices ego legero summos.

Naturam certant omnes, elementaque rerum
Discere prima (quibus res quælibet informatur)
Subjecta, est habitu postquam nudata priore:
Omnia vestigant, sive immortalia nostris
Se se oculis præbent longum spectanda per ævum,
Debita seu nigra cernantur corpora morti,

Protulit æthereas volvens quæ tempus in auras.
 Scilicet unde imbres fiant, cœlum unde tonantes
 Sullineat currus, micet æther unde coruscis
 Ignibus: hæc studio conantur noscere summo.
 Addunt quænam herbas submittant prima virentes
 Semina quænam altis educant montibus alnos.
 Addunt, quid gemmæ & marmor quid fulgeat aurum
 Argentumque decus cœnarum, & sumptibus aprum,
 Quidque æs inventum prius, & post lamina ferri,
 Quæque greges avium pictos, quæ caussa ferarum
 Omne genus, piscesque maris quæ caussa propaget.
 Est ipsis etiam curæ primordia nostra
 Discere, & humanam penitus cognoscere gentem,
 Curque homines præstent aliis animantibus usu
 Sermonis, cur judicio & ratione potiti,
 Cetera cum careant animalia lumine mentis.
 Præterea innumèris decoret fulgentibus astris
 Quid cœlum, & curant geminos quid torquat axes:
 Curant errantumque globos signisque decorum
 Solis iter variis obliquo tramite mundi,
 Et Solis consanguineam splendescere Lunam;
 Est ubi nonnunquam mirantur lucis egere.
 Denique quid rerum valeat natura creatrix,
 Et quid ferre neget, studiis æqualibus ardent
 Corripere, & nitidâ crinem insignire coronâ.
 Attamen hos agitat dispar sententia, censet
 Esse vias alias tentandas Barbarus, huic nec
 Accedit Laurens, nec vestri dia Macigni
 Virtus: hæret adhuc partes Boldunius utras
 Laudet, quisque tamen puras accommodat aures
 Egregiis Genuæ dictis, & percipit artem.
 Jam sat habes pulchri quid agat studiosa juvenus,
 Cum qua communem Musarum è fontibus haustum
 Ducebas, cum te colles Cosmumque tenerent
 Euganei? Cosmum, quo non præstantior alter
 Condere seu liquidum dulci testudine carmen,
 Seu sermone opus est aliquid narrare pedestri.
 Quem verbis primum nostris salvere jubebis,

Deinde Casim, si forte Casis, se contulit istuc
 Urbis lassus, & ut caros invisat amicos.
 Vive, valeque memor nostri, mandataque serva.

In candorem Veneris.


Candida sunt nivei concreta coagula lactis,
 Candida sunt oculis visa ligustra meis;
 Candida dona eboris nigro mittuntur ab Indo,
 Candida sunt Pariis marmora cæsa jugis
 Candida pluma tuos, Cythereia, vestit olores,
 Candida Sithonia est terra refusa nive:
 Candidior cunctis geminorum est mater Amorum,
 Lacte, ligustro, ebore, marmore, olore, nive.

De suis temporibus.

Olim habuit Cypris sua tempora: tempora Mavors
 Olim habuit: sua nunc tempora Pallas habet.

Ad Leonem X.

Saulus, & insanâ rabie Lupa concita nuper
 Quærebant tacitis perdere te insidiis.
 Si tibi, uti nomen, generosi est ira leonis,
 Non in tam vilem sæviet illa feram.
 Si Deus es, Saulo ignoscas: Sauli est, prius hostem
 Esse Dei, sed mox pro Jove cuncta pati.



CHRISTOPHORI LANDINI

FLORENTINI

*Ad Bartholomæum Opiscum Scalam
Collensem.*

Quæris cur nostros macies contraxerit artus,
 Inque dies crescat pallor in ore mihi.
 Cur p. acidus miseris releuet non somnus ocellos,
 Cur lacrimæ a facie fluminis instar eant.
 Ah neicis quantæ vexent mea pectora flammæ,
 Hæc, mi Scala, vides quid sit amare malum.
 Quod si te certa Deus hic violare sagitta
 Cœperit, & faculis urere corda novis;
 Tunc Titii duros poteris ridere dolores,
 Vulturis, & sævi rostra putare jocos.
 Tantalexque voles potius succumbere forti,
 Oraque Tartarei terna videre canis.
 Quam semel infano mentem vitiare veneno,
 Et sentire quibus ignibus urat amor.
 In me tela volant, in me sua fulmina tædas
 Concutit, inque dies durius instat amor.
 Tu tamen infando non dum, mea Xandra, furori
 Succurris, moriar si mihi lena venis.
 Quæ tibi, quæ laus est, quæ gloria tanta, misellum
 Perdere me? damno stant mihi fata tuo.
 Quis roseam faciem, quis cygnea colla manusque
 Si peream, vel quis lumina nigra canet.

Seni Senarii ad imitationem Petrarce.

Jam satis extremo fuerit servisse furori
 Dum vigil insonnes poteram producere noctes
 Sic satis heu frustra tantos tolerasse labores
 Ni cupiam hanc omnem vitam traducere luctu,
 Postquam sperata privas me, Xandra quiete,
 Atque jubes tota sic, o, lugere juventa
 Ah quot nostra tulit (norunt dii) Xandra, juventa,
 Quam tu perpetuo vexasti sæpe furore;
 Ergo quod restat placidæ donare quieti
 Fas erit, ac reliquas levius producere noctes
 Insanum cum sit tam duro tempora luctu
 Conterere, & nulla requiæ donare labores.

Morte olim tantos placuit finire labores,
 Atque id fecissem prima, fera Xandra, juventa,
 Sed spes semper erat posse hoc tua flectere luctu
 Pectora, nam numquam duxi talem esse furorem
 Qui vel nostra dies vel posset pectora noctes
 Perdere, & æterna mentem privare quiete.

Sed postquam tecum stultum est sperare quietem,
 Hæc mihi tam duro sunt præmia digna labori,
 Has statui curæ meliori impendere noctes,
 Quodque pudet prima non perfecisse juventa,
 Nunc faciam; tu Phœbe, tuo mea corda furore
 Incute, nam tristes cupio nunc ludere luctus

Præteritos referam læto jam tempore luctus
 Te duce, Phœbe, tuo vati, da, Phœbe, quietem,
 Da mentem mihi, Phœbe, novam, sanctumque furorem
 Inspira, ut vanos valeam enarrare labores,
 Ut nostris edocta malis ventura juventa
 Teque cupido dies fugiat, teque improbe noctes.

Cur unam de mille mihi saltem improba noctem,
 Qua mihi tam tristes licuisset ponere luctus,
 Huic ego præteritæ pensarem dura juventæ
 Tempora, & hanc solam possem preferre quietem
 Cunctis, quos olim pro te, mea Xandra, labores

Excœpi duro correptus corda furore.

Sed prius æolio crescent sub vellere noctes
Atque labor Phœbi poterit sibi ferre quietem,
Quam furor, aut luctus sinat hanc lætam ire juventam.

Ad Leonem Baptistam Albertum.

Ibis sed tremulo, libelle, gressu,
Nam cursus pedibus malis negatur,
Verum ibis tamen, & meum Leonem
Baptistam Aonidum decus sororum
Antiqua Æneadum videbis urbe.
Quid stas? quid trepidas, libelle, inepte?
Cur non sumis iter? times ne tanti
Forsan iudicium viri subire?
Nil est quod timeas; legit poëtas
Dætos ille libens; falsosque laudat.
Lenes, & placidos probat lepores,
Sed nec rancidulos, malosque vates
Quamvis molliculi nihil bonique
Candoris teneant, fugit severus;
Laudat siquid inest, tamen modeste
Laudandum, reliquum nec usque mordens
Coram carpit opus, bonusque amice
Secreta monet aure nigriora.
Quæ tolli deceant. simulque verti
Albis carmina versibus, suumque
Non hunc grande sophos, decensque lusus,
Quamquam utroque valet nimis diserte,
Non Alberta domus facit superbum,
Cunctis est facilis, gravisque nulli,
Hinc te, parve liber sinu benigno
Lætus suscipiet, suisque ponet
Libris hospitulum, sed heus, libelle,
Audin, nequitix tuæ memento,
Quare si sapiēs severiores;
Quos ille ingenuo pios pudore
Multos composuit, relinque libros,

Et te pasceres illius querelis
Doctis, sive canis jocus Hyberi,
Argutæ, lepidæque sive musæ
Extremum comitem dabis, superque est
Istis si potes ultimus sedere.

Epitaphium in Leonardum Aretinum.

Hic, cui frondenti nectuntur tempora lauro,
Romanæ linguæ dos Leonardus erat.
Qui Florentini descripsit gesta Leonis,
Transtulit & Latius dogmata Græca viris.

Laudes Diana.

Candide laudes age jam canamus
Musa Dianæ nemus illa manes
Inferos, cælum colit & ferenum
Terna potestas.
O Jovis summi decus omne prolis
Virgo, quæ fratrem modo nata diva
Diligens partu relevas parentis
Lucida Juno.
Tu suis septem Niobem superbam
Ulta Latonam celeri sagitta
Filiis orbas, prohibesque matris
Numina temni.
Nec tuos ausus temerare fontes,
Cernere & nudas vetito Napeas
Lumine Aëteon meritas refugit
Pendere pœnas.
Nunc enim prisca fugiente forma
Cornibus spargi comites stupebant,
Hic sibi notis canibus revelli
Viscera sentit.
Nulla sed major tibi diva venit
Fama quam per te rudis insolenti
Miles in partu mea magna cura

Xandra superfit.

Tu meæ partus dominæ dolentis

Mitigas felix nimios dolores

Tu sinu natum puerum benigno

Læta receptas.

Digne nunc tali puer o parente,

Quem nec alatus superet Cupido.

Sis precor matris decus, & voluptas

Maxima matris.

Namque tam cunctos roseis labellis

Candido vultu pueris preibis,

Quam parens cunctas superat nitenti

Fronte puellas.

Ad Bartholomæum Opiscum Scalæ Collensem.

Define jam leges nostro præscribere amor,

Define solus amor nescit habere modum.

Quis modus aut Myrrhæ, cum matris adultera facta est

Aut qui Medæ finis, amice, fuit?

Quis modus aut Scyllæ cum crinem dura puella

Execrat infami regna paterna manu?

Solus amor vaccam ligno simulare dolato

Pasiphen iussit, furtaque ferre bovis.

Phyllida solus amor laqueo subnectit amaro,

Dum tu Demophon fallis inique fidem.

Sed quid femineos nunc est numerare furores

Adiicit hic superos in sua regna Deos.

Nec puduit cygnum, parer cui regia cæli

Induere, & plumis spargere membra novis.

Et crinitus oves ad flumina pavit Apollo,

Ut posset dominæ se refovere sinu.

Inque jubas abiit magnus Saturnus equinas

Vallibus Ideis gramina pastus amans.

Nec matri Deus iste suæ, Deus iste pepercit,

Illius imperium sensit & alma Venus.

Ah quoties Paphon, quoties sua regna Cithera

Deseruit flammis jam calefacta novis.

Et

LANDINI.

Et modo Pancheis demens errabat in agris
 Cerneret ut vultus pulcher Adoni, tuos.
 Et modo Myrthea requiescens fessa sub umbra
 Pectore fusa quo balia mille dabat.
 Nec visum indignum niveos ornare lacertos
 Retibus, & duro ducere monte canes.
 Nec suus a puero poterat divellere conjux,
 Non Mavors quondam maxima cura sibi.
 Quin etiam montes, ac turpia lustra ferarum
 Prætuleraſt cœlo, prætuleraſtque Jovi.
 Omnia formosa propter faciebat Adona,
 Tantum nostra valet vertere corda furor.
 Ergo, Scala, meo leges imponere amor
 Desine, solus amor nescit habere modum.

Ad Baribolemaum Scalam, de suis Majoribus.

Inquis veteres ubi quondam Scala penates
 Majores norim composuisse meos.
 Non ego Cœropia refero de stirpe parentes,
 Nec domus antiquos Julia præbet avos.
 Nullus & egregios titulus mihi signat honores
 Quos inhiat laudis ambitiosa sitis.
 Tecta nec e Fesulis spectantur fulta columnis,
 Nec regum nobis arca recondit opes.
 Tu tamen alma meis præscas Florentia sedes
 Spiritus classis non procul æde locas.
 Est vicus Tusci putei cognomine clarus
 Urbis, qui in levo mœnia colle videt.
 Hic, tu Scala, meæ cernes primordia gentis,
 Quamvis parva tamen hic monumenta patent.
 Nam licet ex humili populo mea surgat origo,
 Casta tamen semper & sine labe fuit;
 Nec Musis odiosa piis, nec inutilis armis,
 Nec venit hæc patriæ dissimulanda suæ.
 Hoc Campaldinæ testantur funera pugne
 Tempore, quo rubris fluxerat Arnus aquis.

Namque huc Landinus comitatus signa tribunum,
 Quæ velis niveis nigra flagella notant,
 Sumpserat a proprio non a pernanda tribuno
 Munera dum cæso victor ab hoste redit.
 Hic avus, o Franciscæ, tibi, cui Musa canora
 Arte dedit priscos æquiparare viros;
 Nec magis Aoniæ gaudent Amphione Thebæ,
 Cum stupeant dulci saxa coisse lira.
 Quam tua Tyrreni soliti per templa, per ædes
 Organa tam facili cernere pulsa manu.
 Lesbous celeres cantu Delphinas Arion
 Permulsit, vitreas dum rate findit aquas.
 At Rhodopes gelidis ducebat montibus urfos,
 Orpheus, & fulvæ per jûga summa lupos.
 Sed neque per silvas, neque per freta dulcius illo
 Hactenus audisse jurat Apollo melos.
 Quin & adoptiva Musam de stirpe parentem
 Rettulit, & Musis dignus alumnus erat.
 Sed simul heu nulli superi dii cuncta dedere,
 Nullus & ex omni parte beatus erit.
 Nam qui Syrenas superabat voce canoras,
 Damnata æternâ lumina nocte tulit.
 Non quis sic meritis fuerit, sed noscite quanta
 Invidia livor infera regna premat.
 Est inter Stygiâs Phthone deterrima nymphas,
 Tempora cui multus oraque pallor obit.
 Hanc pater, & Stigiæ Phthonem dixere sorores,
 Invida quod tristi fronte secunda videt.
 Hæc patrias primis tenebras jam liquit ab annis,
 Ausa per excelsas ætheris ire plagas.
 Namque potest hominum res si turbare secundas,
 Tunc fruitur proprio nympha maligna bono.
 Ergo forte trium perscrutans fata sororum
 Audierat Lachesis talia voce dari.
 Nascetur Fesula Franciscus origine tali
 Diræum quali vidimus arte linum.
 Protinus invidia tumuit Dea sæva, suisque
 Supplicibus Clothon vocibus alloquitur:

O Dea, nam nulli vitæ sub lumen ituro
 Te sine mortali janua prima datur;
 Castalii quæ sacra colunt Eliconides antri,
 Jam mira cupiunt arte parare virum;
 Et cupiunt; & tanta illas fiducia cœpit,
 Ut sibi vel sine te cuncta licere putent.
 At tu ne quisquam quondam tua numina temhat,
 Ne lateat, possit quid tuus orbe furor
 Illius æterna damnabis lumina nocte,
 Sit Linus, ut jactant, dummodo cæcus eat;
 Hæc olim Tamyrim pœna affligere Camœnæ,
 Certaret canu cum superare Deas.
 Hæc nunc illarum pœna afficiatur alumnus,
 Sic tua qui spernat numina nullus erit.
 Dixerat, & partas maturi venerat hora;
 Atque tuam mater, Parca, petebat opem.
 Ergo ades, & puero referas dum limen, adempta
 Ætheris in lucem luce venire jubes.
 Non tamen Aonia cæcum spreveris puellæ,
 Nec puduit molli sæpe fovere sinu.
 Musarum silvis, Musarum montibus olim
 Ludit, Musarum captus amore puer.
 Quin & Pierias Phœbo ducente per umbras
 Audivit sacros ex Helicone choros.
 Audivit varia modulantes voce sorores,
 Hæc ore, hæc tibiis, concinit illa fide.
 Atque hic disparibus nato distincta cicutis
 Organa porrexit Calliopea suo.
 Atque ait Ausonias summe hæc, i nate per urbes,
 I nostras laudes, nostraque facta cane.
 Tanta hic carminibus tibi gloria surget Etruscis,
 Threicii quanta carmine vatis erat.
 Nam mire Tusco vivens celebraberis Arno,
 Lydia qua fulvus temperat arva leo.
 Nulla dies sacrum poterit subducere nomen,
 Sed tua post major funera crescet honos.
 Nec mater de te quidquam mentita, suisque
 Egregiam verbis facta tulere fidem.

Nam-

Namque Fluentini solus dum cantibus ædem
 Pontificis celebras Tuscia tota ruit.
 Teque rudes, doctique simul, juvenumque, senumque
 Pectora divinis obstupuerunt sonis.
 Sed nec tu fueras una contentus in arte
 Cum posses veterum dogmata nosse patrum;
 Nam solers rerum causas, penitusque repositæ
 Naturæ occultas tendis inire vias.
 Et quod terrenis oculis vidisse negatum est,
 Cernere mente parens Calliopea dedit.
 Jamque tuum nomen duras transcenderat alpes
 Oraque complectat arans freta longa virum.
 Quin & marmoreo moriens donare sepulchro,
 Quod nunc Laurenti templa vetusta tegunt
 Tempia tegunt, quem mox Cosmus suffulta columnis
 Fornice sublimi conspicienda dabit.
 Tunc licet aurato niteant laquearia tecto,
 Et Fesulus multa splendeat arte lapis,
 Non tamen ex media quoque removeberis æde;
 Nec volet hoc doctis qui favet ingeniis.
 Nam favet ingeniis Cosmus, quin luce canrentum
 Inviolata loco busta manere jubet.
 Æternum, Franciscè, igitur per sæcula vives,
 Et tuus Elisium spiritus arva colet.
 Sed nec degeneres referet tibi fama minores,
 Nullaque de turpi posteritate nota est.
 Nam tibi germanus fuerat, cui cara nepotem
 Progenies magna non sine laude dedit.
 Nam Gabriel, quem forte sua Camaldula legit
 Religio niveis conspicienda togis;
 Ambrosi primos nutritus lacte per annos
 Roscida Gorgoneis antra subivit aquis.
 Hinc fidibus procures cœli laudavit, & illos
 Militiam summi qui meruere Dei;
 Qui nobis patriam pro Christo vulnera passi,
 Sanguine divinam jam peperere suo.
 Mox dum Parthasiæ Pisano in litore gentis
 Victa Fluentino mœnia Marte canit.

Ante expectatum juvenilibus obrurus annis
 Deferit heu quanto prælia cæpta pede.
 Sic nobis Gabriel prima fraudate juvena
 Complesti luctu faucibus corda gravi.
 Nam tibi me Musæ, tibi me patruelis origo
 Junxit, & ex uno sanguine ducta domus.
 Tu me Musarum magno inflammatus amore
 Cyrrhei impuleras scandere celsa jugi;
 Te duce Permessi liquidas ad fluminis undas
 Venimus, & sacro tinximus ora lacu.
 At nunc si Phœbus velit aspirare canenti,
 Magnorum ut possim dicere facta virum,
 Si qui rauca canit gracili nunc carmina plectro,
 Intonet altiloquo major in ore sonus.
 Cosmus, & egregii cernent me pignora Cosmi,
 A patribus nusquam degenerasse meis.

Adversus Avaros.

Divitiæ vobis variis quarantur Avari
 Artibus, ut multas arca recondat opes.
 Atque alius terras primo sub sole calentes,
 Et petat Eoo litora juncta salo.
 Alter ad extremas Hispani gurgitis urbes
 Merce gravem Tuscos solvat ab æne ratem.
 Adversasque hiemes durus, fluctusque marinos
 Substineat, navi sæpe labante miser.
 At hic militiæ favos tolerare labores
 Discat, & ad sonitum castra movere tubæ.
 Sæpeque brumales horrenti sub Jove noctes
 Exigat; aut pluvio fidere currat iter.
 Quid tamen hinc pretii post tanta pericula vitæ
 Proveniet? semper ut miser esse velim.
 An tanti est digressos nitidis ornare lapillis?
 Vel Tyrio bibulam murice ferre togam?
 Verum agite, o cupidi: sed quantum crescet acervus
 Nummorum, tantum crescet avara sitis.
 Sollicita assiduis involvite pectora curis,
 Nec veniat vobis lætior ulla dies.

Me nec pauperies, nec tristior ulla cupido
 Impellet patrio longius ire solo,
 Quod mihi si Musis fieri contingat amicum,
 Illarumque meo si sonet ore furor,
 Tunc ego Perlarum ditissima limina regum
 Ridebo, aut si quid pulchrius Indus habet.
 Tunc dignum nostra carmen cantare puella
 Dulce erit, & dominæ sic placuisse meæ.
 Tunc tua forma meis nitide depicta libellis,
 Diffugiet nigros, aurea Xandra, rogos.
 Verum agite, o Musæ, mihi maxima numina Musæ,
 Jam liceat vestro pellere fonte sirim.
 Me vestrum ventura ætas cognoscat alumnum,
 Eductum vestris sentiat esse jugis.
 Quod si me indignum vos tanto munere divæ,
 Ducitis, & nostri gratia nulla movet,
 Hoc saltem tali libeat præstare puellæ
 Non mihi, sed dominæ carmina vestra peto.
 Quæ si forte suo sic defraudetur honore,
 Invidia nemo vos caruisse putet.
 Castior hæc Helena est, fuerat nec pulchrior illa
 Smyrneam potuit quæ mœruisse tubam.

*Ad Petrum Medicem Magni Cosini
 filium.*

Purpureis semper vident tibi busta rosetis,
 Inque tuum tellus sit levis usque caput;
 Ulla nec Elysios passim celebrata per agros
 Quam tua Mecœnas, rideat umbra magis.
 Mecœnas inopes quondam miserate poëtas,
 Mecœnas Phœbi, Pieridumque decus.
 Te duce grandifonas consurgit in arma virumque,
 Olim qui denas vix cecinisset oves.
 Alter erat tenuis pauper præconis alumnus,
 Cujus erat Lalagen dicere posse labor.
 Hic ubi Campanos a te deductus in agros,
 Pauperiem verso sensit abire pede.

Protinus heroum Lesboo carmine laudes,
 Et superum cecinit dulcia furta Deūm.
 Nec mirum tristi pulsus e pectore curis
 Libera si tantum mens agitabat opus.
 Sed nunc Mecœnas Tyrrenis alter in oris
 Conspicitur, claris qui favet ingeniis.
 Vos modo sublimi vates confurgite versu,
 Qui cupitis sacra cingere fronde caput.
 Sive Sophocleis libet hæc cantare cothurnis,
 Seu juvat Aonii ludere more senis.
 Nam Medicum Fesulis stabunt dum fulta columnis
 Atria, magnanimis concelebrata viris,
 Nec vos materies, nec merces carminis unquam
 Deferet, hoc virtus præstat utrumque Petri;
 Ille colit Musas, doctos colit ille poëtas,
 Unquam nec merita laude carere sinit.
 Nam novit quæcumque armis, quæcumque togata
 Pace gerant clari nobilitate viri.
 Ni fuerint magno Musarum fulta favore
 Tendere in æternum non reditura situm.
 Ergo colit doctos, doctorum & carmine vatum,
 Quæ sint digna cani, maxima facta gerit.
 Nusquam magnanimo genitus, fortique parente
 Inceptis gravibus degener ipse fuit.
 Nam tantum emicuit juvenili in pectore quondam
 Consilium, quantum vix solet esse seni.
 Inque dies crevit virtus crescentibus annis,
 Seque tulit gradibus accumulata novis.
 Unde & maturo gravior cum accesserat ætas,
 Nam cuncta ex usu mens meliora facit,
 Quid mage jam sanctum, vel quid divinius unquam
 Lydius Etrusca vidit in urbe Leo?
 Ergo agite, o vates, sublimi insurgite versu,
 Seu libeat natum dicere, sive patrem.
 Jam canite altisono Medicum pia carmine facta,
 Queis servata salus sæpe fuit patriæ.
 Et si vos patriæ pietas tenet ulla, parentes
 Jam patriæ versu concelebrate novo.

Ad Xandram.

Quarta nimis misero mihi jam devolvitur æstis,
Ex qua, Xandra, tuus me male vexat amor.
Talis amor, qualem nec mater sensit amoris
Cum stupuit vultus pulcher Adoni tuos.
Pontica nec qualem sensit male facta puella,
Esonide timuit cum sæva iuga suo.
Ardebant ambæ miserae penitusque medullas,
Exurens ibat tosta per ossa calor.
Ad mea si spectes quantæ præcordia flammæ
Involvant, quantis ignibus urat amor,
Ultima jam nostri poterit scintilla caloris
Colchidos, & Veneris exuperare faces.
Me miserrimum, non ora cibus, non lumina somnus
Intrat, & in toto corpore nulla quies.
Multaque jam fractum quassant suspiria pectus,
Sic miser in luctu tempora nostra tero.
Ah quoties totas gelido subsidere noctes
Egimus ante tuas dura puella fores.
Tristiaque in junctos torquens convitia postes
Lugebam misero limina clausa mihi.
Heu modo vernali suspendi flore coronas
Intexens rubris lilia cana rosis.
Et modo per rimam tenui sub voce querelas
Immisi, & tenui verba notata sono.
At cecini surdæ, nam cum tibi carmina dicto,
Protinus aspideis auribus ista caves.
Sed jam tam sævo subducere linthea vento
Tempus adest, portum fessa carina petat.
Tempus adest requiem tanto præstare dolori,
Nostraque disrupto solvere colla iugo.
Seu juvat æterno pectus damnare furore,
Altera mi dabitur quæ velit esse mea.
Tu quamvis tibi sim marcenti vilior herba,
Nec nostræ tangant pectora dura preces;
Amissum frustra quondam revocabis amicum,
Ista tibi penitus verba superba cadent.

Novi ego poscentes semper iulistis amantes,
 Irrisæ cupitis sponse subire viros.
 Oenone Paridem nimium patienter amavit,
 Dum putat igne suo posse perire Parim.
 Ast ubi Tyndaridos juvenis succensus amore
 Iliacas movit per freta longa rates,
 Tum primum damnasse suos male saucia fastus
 Dicitur, & flammis incaluisse novis;
 Tum primum penitus non indulsisse furori,
 Et doluit lentæ damna subisse moræ.
 Ah quoties patrio recubans resupina sub antro
 Torsit in absentem talia verba Parim:
 Men refugis tanto, crudelis, flumine natam?
 Qua sine jurabas posse placere nihil?
 Illa ego si nescis sum quam laudare solebas,
 Præferre & cunctis, perfide, Nayadibus.
 Nunc aliam sequeris pro qua Trojana juvenus
 Occidat, & Priami pergama celsa ruant.
 Talibus implebat juga proxima sæpe querelis,
 Et gemitum audierat jam nemus omne suum.
 Quin etiam lacrimis fluvios auxisse paternos
 Fama fuit; tantus sensibus ardor erat.
 Non tamen his lacrimis Phrygiam retinere carinam,
 Nec Paridos potuit sistere vela sui.
 Ergo si sapient fastus fugisse decebit
 Pulchras, pulchra licet nulla superba placet.
 Quod si jam nobis advertis mitius aures,
 Et flectis precibus pectora, Xandra, meis.
 Quod mihi cumque olim dabitur, pulcherrima, vitæ
 Scribam: sic nobis nostra puella dedit.

*Descriptio Montis Asinarii, ad Laurentianam
 Crescium.*

Est mons æternum tribuit cui nomen asellus,
 Quem Tusca octavus signat ab urbe lapis.
 Hinc densis regitur silvis, & mollibus umbris,
 Floribus hinc rident prata decora novis.

Nec

Nec non & varii passim per gramina rivi,
 Scabra inter rauco murmure saxa fluunt,
 Et purum innumerae circum sua rura volantes
 Effundunt liquido guttore carmen aves.
 Verticis at summo Reginae Virginis aram
 Indigenae prisca religione colunt.
 Namque ibi miranda constructum ex arte facellum
 Sancta Sacerdotum, pullaque turba tenet.
 Huc nos, dum rapidi ferventia terga leonis
 Altior, & flavas urit Apollo jubas,
 Laurenti dulcis saevos ex urbe calores
 Fugimus; hic placido nos fovet aura gelu.
 At te, cui patriae celebres debentur honores,
 Fas erit urbanae tædia ferre togæ;
 Sollicitumque piis pectus componere curis,
 Civibus unde queas consuluisse tuis.
 At me, quem magnis fors adversissima rebus
 Inferiore dedit sæva jacere gradu,
 Sit satis umbroso viridis sub tegmine quercus
 Ludere Pierio carmina grata choro
 Quod si Castalios nequeam libare liquores,
 Nec folia ex lauro carpere, Phœbe, tua,
 Quis vetet, imbellesque capras, leporesque fugaces
 Urgere alipede per juga summa cane?
 Aut pingui incautas volucres innectere visco,
 Aut gregis insidias fallere casse lupos.
 Ipsaque jam nantes liventi calce supinum
 Pisciculos nobis flumina parva dabunt.
 Nuper & emuncto poscenti villica lacte
 Occurret multa rusticitate decens.
 O te felicem quisquis civilia temnens
 Munera florentis ocia ruris amas;
 Nulla hic mulorum poterit tibi rumpere somnos
 Turma, nec ærato calce recussa filex.
 Nec faber ardenti nocturnum forcipe versans
 Ferrum, nec querula stridula plaustra rota.
 Et procul hinc aberit, juvat hoc quoque, nec mihi fastus
 Opponet totiens Xandra superba suos.

Non

Non erit ad surdæ cantandum limen amicæ,
 Crudelis dominæ jurgia nulla feram,
 Totum præteriit, sed quæ sunt præmia? lustrum,
 Ex quo Xandra tuus me male vexat amor.
 Et tamen interea mitis quandoque fuisti:
 Multa sed heu minimo toxica melle bibi.
 Nunc quoniam penitus nostro adversaris amori
 Inque dies minus est jam tibi cura mei;
 Concedam; sed tu, ni me Venus impia ridet,
 Flebis adhuc fido verba dedisse viro.

Epitaphium Philippi Architecti.

Qui venis externis fama commotus ab oris,
 Virginis ut cernas splendida templa Deæ,
 Me quoque tam vasta celebrem testudine fabrum
 Hoc tumulo clausum nosce: Philippus eram.

Ad Urbem Florentiam.

Hætenus egregiam niveo candore puellam
 Et dominæ lusi lumina nigra meæ.
 Nunc tua majori præstans, Florentia, versu,
 Dent modo fata viam, fortia facta canam.
 Quid juvat antiquas heroum dicere laudes?
 Aut quid Thebanos bella nefanda duces?
 Nil mihi cum Priamo, nil tecum, fortis Achille,
 Tu Paris atque Helene fabula nota vale.
 Hæc Grai, hæc Latii quondam cecinere poëtæ,
 Tritaque sunt nostris auribus ista satis.
 Dicam ego Romanæ florentes urbis alumnos
 A patribus numquam degenerasse suis.
 Et referam versasque acies, & mœnia celsi
 Boniti plano iussa jacere solo.
 Et vos, o Pisæ, cantabimus altera nobis
 Carthago tandem nostra tulisse juga.
 Nec semel adverso jam fractos marte Senenses,
 Atque lupam turpi terga dedisse fugæ.

Quid Volaterranis sublimi monte superbis
Profuit in summis mœnia habere locis?
Dispositæque suis muris armare cohortes,
Volvereque in nostros saxa superna viros.
Scanduntur rupes, tum denso milite porta
Frangitur, & medio ponimus arma foro.
Ah quam felici præclaræ mater alumna
Roma fluentina mœnia condis ave!
Hinc manibus nostri procero corpore Chascha
Foresti moriens sanguine tingit humum,
Chascha unus solitus reginas sistere turmas
Non tulit Etrusci fortia tela ducis.
Sed nimis heu gracili tam grandia prælia versu
Ludo, meos humeros non onus omne decet.
Est furor, est, cymba vasto me credere ponto
Exigua, fluvios nostra phaselus amet
Sitque satis dominam miseris urgere querelis,
Mulcere & gracili pectora dura lyra.
Imparibusque modis teneros disponere amores,
Hæc tibi materies parve libelle, datur.
Nec tamen exiguum talem dixisse puellam
Duxeris, hæc laudis gloria magna mea est.
Gloria magna quidem talem dixisse puellam,
Cui similis quondam nulla puella fuit.
Nam niveos vidi flores, vidique rubentes
Virgineo mixtos molle decere sinu.
At dominæ faciem si contemplabere nostræ,
Pulchrius in Xandra est fusus uterque color.
Quale ebur æquabit dentes? quæ rubra labellum
Purpura? quæ vincent cygnea colla nives?
Fulgeat ut libuit, tersum perfulgeat aurum,
Non tamen has superet candida Xandra comas.
Ipsa tuis oculis cedit Venus, ipsa Deorum
Regina incessus optet habere tuos.
Una fluentinis nata es tu gloria nymphis,
In te congeffit quidquid habebat amor.
Sis modo, iusta peto, nostro non sæva furori:
Hinc laus est formæ tota futura tuæ.

Laudamus fateor flavos in virgine crines,
 Candidulam frontem, candidulasque genas.
 Sed magis laudamus mores in cuncta venustos,
 Aut si quam precibus flectere possit amans.
 Contra autem fastus qui non odere superbos?
 Quamvis pulchra tamen nulla superba placet.
 Oderunt superi crudelia pectora divi,
 Et trucibus mymphis multa dedere mala.
 Heu poteras Phœbo Daphne gaudere marito,
 Et conjux talem scandere læta thorum.
 Sed dum illum durè refugis, vah stulta puella!
 Qui, modo sana fores, ultro rogandus erat.
 Candida frondenti tibi sunt circumdata lauro,
 Pectora, & in ramos brachia versa novos.
 Sic hominis veterem penitus mutata figuram.
 Flumina nunc arbor facta paterna colis,
 Sic Arethusa sui nimium dum sæva querelas
 Alpei, & placidas spernit amata preces.
 Vel dictu miserum, vitreas mutatur in undas:
 I nunc, te Alpheo dura Arethusa nega,
 Iphis Anaxaretes nimia feritate repulsus
 Ante diem Stygiæ flumina vidit aquæ:
 At Venus indignos fastus non passa puellæ,
 In lapidem verti candida membra jubet.
 Ergo si sapias externis docta periculis
 Xandra in me facilis mitia corda geres.
 Neve heu sit tanti lacrimas vidisse furentis,
 Tristitia cum falsus irrigat ora liquor.
 Vel tibi vel minimum jubeat nigrescere dentem
 Si quis adhuc miserans vindicat ista Deus.

*Ad Musam ut Florentiam, ad Johannem
 Antonium pergat.*

Curre, sed extemplo Tuscum visura leonem,
 Atque fluentinas, candida musa, domos.
 Verum ubi sublimem turrim, portamque Senensem
 Intraris, recta perge subinde via.

Et Veterem transi Pontem, quem mollibus undis
 Subfluit, & placidis irrigat Arnus aquis.
 Ex hinc Sericeas intervectere tabernas,
 Et Mercatorum compita pulchra Fori.
 Neve Malum post hæc Callem transire timebis,
 Namque habet hic falsi nomina vana metus.
 Neve iter inflectes, quamvis sit propter eundem
 Lustra lupæ: fugit hanc femina nulla viam.
 Hinc trivium a Paleis dictum, & Laurentia velox
 Templa petes opibus nobilitata novis.
 Non tamen hic vastis moles miranda columnis,
 Inquæ dies surgens te remoretur opus.
 Nec latus in dextrum dum magna palatia magni
 Suspectas Cosmi, pes tibi lentus eat;
 Sed breve quod spatium superest decurre, Camæna;
 Sic demum in Gallani musa ferere viam.
 Dulcis ubi ædículas, carique subibis amici,
 In cujus primum fessa quiesce sinu.
 Exhinc quam multam memori refer ore salutem,
 Johannemque meum longa valere jube.
 At te quid Romæ faciam si forte rogarit,
 Dicit me veterum discere reliquias.
 Quas oculis si quis poterit jam cernere siccis,
 Hunc hominis pectus non habuisse putem.

De Roma fere diruta.

Et cunctis rebus instant sua fata creatis,
 Et quod, Roma, doces, omnia tempus edit.
 Roma doces, olim tectis miranda superbis,
 At nunc sub tanta diruta mole jaces.
 Heu quid tam magno præter sua nomina Circo
 Restat, ubi exquiliæ sola capella colit?
 Nec sua Tarpejum servarunt nomina montem,
 Nec Capitolas Juppiter ipse domos.
 Quid Mario, Cæsar, dejecta trophæa reponis,
 Si quod Sylla fuit hoc sibi tempus erit?
 Alta quid ad cælum Tite furrigis amphitheatra
 Ista olim in calcem marmora pulchra ruent.

Nauta Palatini Phœbi cantaverat ædes,
 Dic tua, dic, Phœbe, nunc ubi tēpla manent?
 Heu puduit statuas Scopæ spectare refractas,
 Hæc caput, ista pedes perdidit, illa manus.
 Nec, Praxiteles potuit defendere nomen.
 Quo minus ah putris Herma tegaris humo
 Hanc nec Phydica vivos ostendere vultus
 Arte juvat, doctus Mentor ubique perit.
 Quin etiam Augusto Stygias remeare paludes
 Si licet, & vita rursus in orbe frui,
 Inquirens totam quamvis percurrit urbem,
 Nulla videre sui jam monumenta queat.

*Ad Antonium Canisianum, de primordiis urbis
 Florentiæ.*

Has omnes lautis opibus quas suspicis ædes,
 Seu sacra te stupidum, sive prophana tenent.
 Nullas Syllanus miles conspexerat olim,
 Fesuluos cum jam sorte teneret agros.
 Sed quæ nunc multo splendent exulta labore
 Limoso turpis texerat alga lacu.
 Namque retardatus spumantis vertice saxi
 In stagnum pigras verterat Arnus aquas.
 Nec pedibus tellus habilis, nec lintribus unda,
 Nec fluvius pisci, nec fuit herba bovi.
 Quattuor & nondum suspectans advena pontes
 Transibat sicco flumina recta pede.
 Nondum sublimi in nostram defluerat urbem
 Fornice longinquis unda petita locis.
 Excelsam sed nunc ubi tollit Curia Turrim,
 Piscator nullam fecerat arte casam.
 Et baptisteri sacras ubi condimus undas,
 Garrula ranarum voce lacuna fuit.
 Nam quis tēpla Crucis, quis saxis ducta superbis
 Viderat Albertum tot monumenta virum?
 Quis Florentini norat prætoria juris,
 Aut quod te cingit Curia celsa Forum?

Omnia limosa squalabant arva palude,
 Quæ nunc erectis molibus astra petunt.
 Syllanus primus fugiens asperrima montis
 Purgavit nostros arte colonus agros.
 Atque Arnum recta contractis undique lymphis
 Obice disrupto compulit ire via.
 Vicinumque libens primus descendit in æquor,
 Ut strueret pulchrum nobilis urbis opus.
 Hic Capitolinæ primus non immemor arcis
 Romano nobis nomine testâ dedit.
 Et fora disposuit Romano condita ritu,
 Romano ritu Curia prima fuit.
 Quin & Gradivo longis suffulta columnis
 Construxit vario marmore templa Deo.
 Et quæ rupta jacent turpi vitiata senecta
 Mœnibus adjunxit alta theatra novis.
 Alite felici sic prima exordia nostræ
 Urbi, & præclaro contrulit auspicio.
 Ipsaque paulatim sæclo deserta sequenti
 Implevit nostras Fesula prisca domos.
 Migrantescque viri montis de sede vetusta
 Auxerunt opibus mœnia nostra suis.
 Quos inter stirpis, generisque novissimus auctor
 Affuit, Antoni Canisiane, tui.
 Hinc tibi qua mancant patriæ monumenta prioris
 Aërea in niveo marmore Luna micat.
 Fesuleus Lunam populus gestaverat olim,
 Index quæ priscae nobilitatis erat.
 Fesulea Lunam tu qui descendis ab urbe
 Insigne antiquæ nobilitatis habes.
 Longa referre mora est priscorum stirpis avorum
 Si quot erunt nobis enumerare velim.
 At tibi, quem simili, Medices, dignemur honore
 Nullum quod norim sanguis avitus habet.
 Namque inter reliquos tantum domus ista decorum
 Egregios cives erigit alta caput.
 Quantum Christophora gaudet quod virgine templum
 Molibus exuperat cetera templa suis.

Hinc

Hinc meritisque gravis multa & pietate verendus,
Eloquioque potens Verius exoritur.
Namque hic civiles rabie insurgente tumultus
Pressit, & exortum seditione malum
Nunquam alias majore luit plebs concita motu,
Portabatque atras jam fera turba faces.
Tum Medices prævestus equo, quique albus ubique
Signabat maculis candida terga nigris;
Vixque erat aspectus populo, & jam nota furentis
Majestas vulgi presserat ora sui,
Utque fretum hinc Sicula cohibet quod parte Pelorus
Hinc claudunt Latiae regia saxa plagæ,
Nunc Scyllæ illidit scopulis, nunc atra Charybdis
Gurgitibus rapidis ima per antra vorat,
Et vorat & rursus fluctus eiecit in auras
Saxa tegunt spumæ litora curva fremunt.
At si cæruleos magnarum rector aquarum
Illa Neptunus parte reflexit equos.
Tunc cadit omne maris murmur, rabidosque furentum
Latratus cohibet Scylla maligna canum.
Excipiunt pelagi tunc muta silentia regem,
Ille volat paribus per freta summa rotis.
Sic rabies populi cecidit; taciturnaque cunctis
Jam placuit stupidis ora tenere viris.
Verius at placidis commiscens aspera dictis
Pectora multifonæ plebis acerba domat.
Nam notus pietate sui qui publica semper
Duxit privatis anteferenda bonis.
Insanos multa cum libertate furorēs
Rettulit in veram Verius ipse viam.
Hæc igitur sumens exempla domestica magnus
Ante omnes Cosmus enumeratur avos.
Dicite vos veterem quisquis laudare senatum
Oprarit, patriæ quis bona tanta tulit.
Nemo prior vidit ventura pericula, nemo
Succurrit visis promptius usque malis.
Alter Aristides, alter Cato, publica iusto
Munera magnanimus jure gerenda capit.

Dives erat quondam Crassus, sed dives avara
Sollicitus vetitas arte parabat opes.
Nec parrem posuitve suis inopesve levavit
Cives, nec sacris stant pia testæ focis.
At diversa locis struxit quæ Cosmus eodem
Si fundare solo ditia templa velis,
Vix Capitolinæ circumdent mœnibus arcis
Tarpejo quondam limina sacra Jovi.
Adde etiam excelsos urbis decora alta penates,
Quæque tot hospitibus testæ benigna patent.
Rebus at in duris illo quid fortius unquam
Cive tulit magnis urbs populosa viris?
Testis erit nobis armis, opibusque superbus
Qui sua Rex Calabris castra referat equis.
Et quicumque gravi Tyrrheni sceptræ Leonis
Ausus erat duro subdere Marte iugo
Nam neque magnanimum fregerunt horrida pectus
Bella, nec adverso prælia gesta Deo.
Turris ut in summi fundata cacumine montis
Immotam scopulis se tenet alta suis,
Et licet hinc Boreas, rapidis hinc flatibus Euræ
Certent, & pluvii flamina nigra Noti,
Sedibus illa suis hæret tamen usque, nec ima
Parte, nec in summo vertice pulsa tremit.
Sic ille intrepida quæcumque pericula mente
Excipit, & duris casibus ante venit.
Hinc igitur felix populus, felixque senatus,
Natis & Cosmo sospite, noster erit.
Ille quidem magnos hoc consultore tumultus
Reppulit, & mitis otia pacis habet;
Ille etiam Cosmi conductas ære catervas
Instruit, & Cosmi militat ære Leo.
Aspicite, o cives, quidquid micat urbe decorum,
Quæ multis annis ædificata nitet.
Hoc decus ille novum populoque urbiq; paravit,
Ut verus ingenti cresceret arte decus.
Vos ergo humano geniti de semine divi,
Quis nova templa pius Cosmus habere dedit.

Tu Virgo ante alios, tibi jam si rite columnis
Suspendit Medices marmora pulchra Petrus.
Hunc nobis servate senem, date candida Cosmo
Vellera longævis continuare colis.
Ut natos, serum dum jam sub tempus habenas
Tractant, longævus cernat utrosque senes.

Eulogium in fratrem suum.

Ergo heu mi misero sine te; nec fata pudebit?
Perpetuus, frater, pectora luctus edet?
Te sine nunc vitæ, frater, pars maxima nostræ,
Cogar in æterna vivere mœstitia?
Nam mihi te teneris durus Mars surripit annis,
Quinta nec ah licuit lustra videre tibi.
Ille etenim octava Saturno a sede malignè
Oppositus vitæ contrudit astra tuæ.
Unde & crudeles nimium te sævus in hostes
Impulit irato sidere ferre pedem.
Attamen hunc Stygiæ submerserit unda paludis.
Bellica qui primus duxit in arma viros.
Qui pacem subito potuit turbare tumultu.
Dum movet horrenti martia castra tuba.
Hic adamanta tulit ferrato in pectore durum,
Durius aut si quid esse adamante potest.
Hic miseram nato privavit sæpe parentem,
Et caruit Sponso pacta puella viro.
Hic te subripuit, teque hic mihi, frater, ademit,
Et vita, atque oculis frater amabilior.
Tam dilecte mihi quantum nec Castora Pollux,
Unica nec quantum pignora mater amat.
Sed tamen hæc durum mulcent solatia casum,
Et faciunt tantis me superesse malis,
Quod nihil indignum tam diræ mortis imago,
Impulit audaci te subiisse viro.
Nec Lusitani vidit te turma tyranni,
Nec Calabrum cunei terga dedisse fugæ.

Sed

Sed pedes adversos equitis jaculatus in armos
Prendisti occurrens frena fugacis equi.
Nam vires aderant, volucrisque celerrima plantæ,
Quæ posset fluvios exuperare fuga;
Sed frustra heu miseri si nobis fata repugnent.
Nitimur impositas exsuperare colos.
Jam Lusitanum victus porrexerat ensē
Hostis, & innexus brachia capta dabat.
Ecce ferox Arago turmam prævectus, & acri
Auxilio comiti tela inimica quatit,
Et tibi, me miserum, frater, dum vincula nectis
Captivo & reditus ad tua signa paras,
Improvvisus adest, & dexteras vulnere costas
Transigit, & medium pervolat hasta jecur.
Accurrit tum densa cohors, cunctique manipuli,
Et clypeo flentes faucibus membra locant.
Ille ubi se certa vidit jam morte teneri;
Talia magnanimo pectore verba refert.
Sensimus hoc dudum, cum durum in viscera ferrum
Irruit, extremum lucis adesse diem.
Verum communis veni cum Martis ad arma,
Noram quas soleat fors variare vices.
Ut duræ immineant quam sæva pericula pugnae,
Ut circa fatum militis arma volet.
Nec mihi tum certam statui sperare salutem,
Aut quod commune est posse carere malo.
Sive igitur quodcumque meæ de stamine vitæ
Restitit, ante diem fors inimica tulit,
Seu potius certum nec devitabile fatum
Hoc tantum dederat quod superare nefas,
Intrepidus forti quamvis horrenda subibo
Quæ natura parens ultima dona dedit.
Nam qui militiæ pulchro raptatur amore
Exuat hic omni pectora mollitiæ.
Vulgus enim, & vilem demulcent prospera plebem
Quæ sua denervat corda cupidinibus.
Terrores vero mortis, trepidosque tumultus
Est animi proprium vincere fortis opus.

Non ergo invitus cogar, sequor ecce volensque,
Jamque ego nunc Lethes pocula nigra bibam.
Sed tamen heu cari miserum genitoris imago
Sauciat, atque domus maxima cura soror.
Politianas nam me dum tristis in arces
Aletis adversæ mitteret ominibus,
Egressum laribus me ad portas usque secutus
Illacrimans fracta talia voce dabat.
Novi ego, quæ sedeat juvenili in corde cupido
Laudis, & egregiæ gloria militiæ.
Quis furor in bello, quam nescia cedere virtus
Viribus inferior maxima sæpe ciens;
Nunc te per nostros annos, lacrimasque seniles,
Quæ nunc ex oculis fluminis instar eunt.
Si pia solliciti flectit te cura parentis,
Atque suum pondus verba precantis habent.
Parce precor, miseroque patri qui dura senectæ
Incolumi nato tædia ferre potest.
Si quis at adversus casus (sed triste recusat
Omen inhorrescens lingua referre metu)
Hoc prius omnipotens cœli qui templa frequentas
Ad Styga terribili fulmine mitte caput.
Ad Styga mitte caput prius hoc, quam dura superstes
Ante diem nati funera conspiciam.
Hæc tunc ille gemens, verum interrupta frequenti
Singultu falsæ flumina fudit aquæ.
Hæc mihi nunc animum: sed mors jam degravat artus,
Deficit in medio frigida lingua sono.
Sic ille, at stridens crassum vomit ore cruorem
Vulnus, & è gelido sanguine vita fugit.
Proh dolor, at magno quis possit verba dolore,
Musa licet faveat, digna referre satis?
Ille per obscuras fauces graveolentis averni
Ingreditur nigrum non rediturus iter.
Lurida rimosa jam trānat flumina cymba,
Cernit Echidnei guttura lata canis.
At soror interea [quanta ah caligine rerum
Obruimur!] totis noctibus urget opus

Utque reversuro, tenui velamina lino
Consulit heu votis fisa puella piis.
Nocturnum & vario cantu solata laborem
Ad breve qui periit tempus adesse putat.
At nobis fusco velatus somnus amictu,
Heu nimium veris venit imaginibus.
Nam quam porta nigri Plutonis cornea misit,
Nota mihi ante oculos affuit umbra tui.
Hæc properans nostræ frater persolvimus inquit,
Transfuga nec venio, munera militiæ.
Nunc reditum (in sedes mater me accersit avitas
Lætus & ad patriæ limina prisca paro
Jamque vâle dixit simul, & vestigia torquens;
Elapsa est visus umbra benigna meos.
O me infelicem, nox o mihi prima malorum
Nuntia, quid potuit durius esse mihi?
Excitor infelix, & jam præfaga futuri
Mens mihi sollicito pectore concutitur.
At mox fama ruens somnique obscura recludit
Atque prius dubium narrat aperta malum..
Ex illo binos sensi mea lumina fontes,
Qui mihi perpetuis imbribus ora lavant.
Ex illo curæ mœrentis cordis edaces
Noctes, atque dies pectora nostra premunt.
Nec possunt docti a luctu seducere amici,
Multa licet vera de ratione ferant.
Nec me longa dies lacrimas quæ siccant aniles
Quæque oblita mali mollia corda levat,
Sed nec Pierides quo manes conjugis Orpheus
Demulsit, possunt me revocare sono.
At tu casta parens felix, quam prævia tanto
Mœrori eripuit de tribus una soror.
Nam quos heu luctus, gemitus quos dulcis acerbos
Viventi natus funere concuteret.
Tu rui sensisses ah! quanto victa dolore
Viscera barbarica dilaniata manu.
Cumque tuo æternis lacrimis damnata marito,
Ærumnas præter quid tibi vita daret?

Eulogium in Carolum Aretinum.

Ergo immaturo nec te tua sancta juvabit
Carle fides? nobis funere raptus abis
Sed vos dum vestri celebramus funera vatis
Dicite Pierides carmina pauca mihi.
Dicite, sed tanto sintquæ dicenda poetæ:
Efficite ut nostro crescat in ore sonus.
Occidit heu Latiae lumen, splendorque camœnæ
Carolus Etrusci gloria magna soli.
Carolus Abnio qui vos de monte vocabat,
Viseret Etrusca vester ut antra chorus.
Ergo ut defunctum luxit Verona Catullum,
Utque tuum flevit Umbria nauta rogam.
Lesbos ut Alcæo simul & tibi mascula Sappho
Legitimas merito contulit inferias.
Sic pia nunc doctum luget Florentia vatem,
Et quærit tumulo præmia digna suo.
At vos crudeles o ferrea pectora Parcæ
Ante diem quid vos hunc rapuisse juvat?
Non ego mortali immortalem sorte creatum
Optabam, aut cervi sæcula longa feni.
Sed veteris ternos Saturni evincere cursus
Humana potuit conditione dari.
Hoc fas, hoc fuerat jus, sed nunc publica cura
Heu jacet in gelido corpus inane toro.
Purpureaque toga clarus, Phœbique corona,
Jam subit obscurum non rediturus iter.
Lucida præcedunt longa funalia pompa,
Et signa a multis tradita principibus.
Namque sua Antistes tibi dat vexilla latinus:
Ex illo hoc magni pignus amoris habes.
Aureaque hinc Galli succedunt lilia Regis,
Illinc Bæbriaci signa superba ducis.
Quarta Flumentini sequitur crux rubra leonis,
Nam sunt hæc populi munera magna tui.
Nam quid ego Arreti quod te patriæque parentem
Quodque decus dicit, ultima dona loquar.

Ipsa

Ipsa tuum subeunt gymnasia nostra feretrum
Doctaque turba pio fungitur officio.

Quattuor adsunt ecce quaterna è classe tribuni,
Quique decem curant bella gerenda viri.

Adsunt custodes magnæ bis quattuor Urbis
Quosque Magistratus longa referre mora est.

At vos inprimis Guelfæ quibus inclita sectæ
Est aquila in viridi facta dracone potens,
Nec non Syllani populariter inde Quirites,
Certatim celebrant triste ministerium.

Omnia supremo possunt quæ tempore reddi,
Reddita sunt tumulto, doctæ Poëta, tuo.

Nec tamen heu quisquam meritos impendere honores
Sat putat, huic vati quid satis esse potest?

Quis tenuit lacrimas? quis non crudelia dixit
Astra? quid in tota non fuit urbe dolens?

Sed quod præcipuum est magni suspiria Cosmi
Et lacrimas tanto vidimus ire viro.

Quin & vicinos dicunt gemuisse leones.
Et triviis fidos exululasse canes.

Ipsæ per montes sacrataque flumina nymphæ
Solverunt mæstas in sua colla comas.

Sed tamen ante alias pulcherrima sola sororum
Ploravit natum Calliopea suum.

Hanc aderant circum Phœbus, doctæque sorores
Frigida Parnassi quæ juga summa tenent.

Nec liquido ut quondam mulcebant aëra cantu,
Nec cythara in manibus, nec coma culta fuit.

Squalebant atris in vestibus ipsaque laurus
Castalii, frondes vidit abire suas.

Quin & gorgonei quas eruit ungula monstri
Bellorophontæ delituistis aquæ.

Heu tunc fata pii damnans immitia nati
Edidit hos quæstus Calliopea novos.

Quod scelus admisit, vel quo vos crimine Parcæ
Læserat? an tristis vos quoque livor habet?

Huic ego cum primæ polleret flore juventæ
Versibus in lyricis aurea plectra dedi.

His juvenum curas & nobile pectus amantum
 Lufit, & aligeri regna superba Dei
 His etiam laudes, rectæ & virtutis amorem
 Quem sequitur vera nobilitate decus.
 At matura gravem multis ubi fecerat ætas
 Artibus, & poterat carmen hiare novum.
 Me duce Cyrrhæi vatis deductus in antrum,
 Sylva quod horrenti laurea fronde tegit.
 Hic tantum a Phœbo suscepit mente furoris
 Mæonius quantum cæperat ante senex.
 Sic igitur majora sonans jam pectore pleno
 Ausus sublimis spiritus alta loqui.
 Ausus quod vatum pauci de stirpe priorum
 Ausus quod veteres vix potuere patres.
 Ut quod Smyrneo cognoscunt carmine Grai
 Hoc legerent Italo sæcula nostra pede.
 Spes hominum fallax, medio quæ perfida cursu
 Sæpe cadens miseris irrita vota facit.
 Nam quod jam multos frustra vigilaverit annos
 Cum minus heu credes auferet una dies.
 I nunc, Cecropiis vigilanti pectore chartis
 Infuda ut veterum dogmata prisca legas.
 Et nunc Socratici noscas præcepta Platonis
 Nunc quod Aristotelis pagina multa docet.
 Tu mundi secreta paras atque abdita rerum
 Discere, quid cælum quid mare terra ferat.
 Unde genus nostrum vel quo plantaria surgant
 Sydere, num cuncta hæc ignis & humor alat.
 Unde nives volitent cumque humida grando rigescat,
 Qua vi de summo fulmina torta ruant.
 Quid natura petat, rectæ quæ munera vitæ,
 Et quæ sint animi vera putanda bona.
 Scilicet hoc memori divino pectore Carolus
 Noctes atque dies advigilabat opus.
 Artibus ut post hæc vates suffultus honestis
 Mæoniâ posset digna referre tuba.
 Jam Danaum morbos Phœbique furentia tela
 Dixerat, & densis funera nigra rogis.

Pelidæque animos, & verba minantis Atridæ,
Quique bonus fuerat Nestora consiliis,
Sacraque navigii ad Chrysam vesta Pelasgis,
Redditaque irato pignora cara patri.
Tunc etenim culti torrentem sensimus oris
Qui foret, & quantum surgeret ingenium.
Quantum divini spirarent corda furoris,
Cresceret & quanto lingua canora sono.
Heu jam felici Carolus turgentia vento
Ausus erat vasto credere vela mari.
Jam procul a terra, scopulisque, vadisque relictis
Currebat celeri per freta longa rate.
Ecce autem, infandum! subito nil tale timenti
Mutavit faciem fors inimica suam.
Nam subito fluctu vastaque impulsâ procella
Mersa est in mediis naufraga puppis aquis.
Quæ si speratum tetigisset sospita portum
Et pleno intrasset ostia tuta sinu.
Nullo Arnus tantum sese jactasset alumno
Egregios quamvis viderit ante senes.
Talia mœsta parens flebat, sed plura parentem
Non tulit infandus addere verba dolor.
Pluraque dicturæ rumpunt suspiria pectus
Et flendo mediis deficit in lacrimis.
Te Florentini gymnasia docta leonis
Natorum ut luget turba relicta patrem.
Te rebus dubiis nunc publica cura Senatus
Advigilans tanto cive carere dolet.
Intima tu magni noras præcordia Cosmi,
Et quæcumque sacro pectore clausa tenet.
Nec comitem rebus dubiis te respuit unquam,
Consuleret populo cum bonus ille suo.
Tu felix tanti posses qui principis aures
Implere & tantò grata referre viro.
Namque tibi ingenium, veloxque, tenaxque reperti,
Plurima quod posset condere mente, fuit
Adde tot egregias artes, vitæque magistrum
Adde usum, & longa multa notata die:

Legerat historias omnes, torque eruta prisco
Noverat annali maxima facta virum.
Nemo quidem melius Romani ænigmata juris
Solvit, & ambiguis vincula cæca reis.
Nam quid ego æterno labentia sidera cursu,
Aut referam certis cognita signa locis?
Te maris undisoni, te, quæ gerit omnia, terræ
Mensorem certa novimus esse fide
Hinc te purpureis sublimem ad sidera pennis
Docta per ora virum Carole fama levat.
Nec ventura tuas reticebunt sæcula laudes
Neve teget nomen qui tegit ossa lapis.
Dumque fluentini vestigia magna leonis
Molibus ostendet curia celsa suis,
Dumque domos Medicum magnique palatia Cosmi
Suspiciet stupidis advena luminibus.
Usque tui de te dictabunt maxima cives,
Livida nec poterit lingua nocere tibi.
Elysios igitur lucos, umbrasque beatas,
Nam sic fata jubent, docte poëta petes.
Illic quos genitor produxit in omnia Nilus,
Quique artes primum perdocuere bonas.
Quos genuit Persis, quos & Babylonia tellus,
Doctorum occurrent maxima turba tibi.
Illic Cecropiæ quot jam vidistis Athenæ.
Et quisquis Latii claruit urbe Remi.
Sed tu Tyrrhenæ gentis contentus honore
Etruscis cupies semper adesse tuis
Sunt in secessu liquidi prope fluminis undam
Quæ rident herbis prata decora novis.
Quot natura tulit, tot habent hæc prata colores,
Pictaque diverso flore relucet humus.
Non illic Phrygiis suspensa theatra columnis,
Nec sunt artificii plurima facta manu.
Sponte sua variis confurgit mixta rosetis
Buxus nativis sedibus unus honor.
Desuper & platani castæ daphnæque laurus
Extendunt sacrum fronde virente nemus.

Flumen habet cygnos, at cetera turba volantum
 Permulent liquidis ruris amœna modis.
 Non illic rapidos accendit Sirius æstus,
 Non riget Arcturi fidere tristis hiems.
 Sed levibus Zephyris & lenis flatibus auro
 Æterno ridens tempore vernat ager.
 Hic Fesulæ placuit sedem componere genti;
 Huc veniens priscos dinumerabis avos.
 Nam qui pulchra tuos cecinit Proserpina raptus
 Prima tenet yates primus in urbe sua.
 Cui nec concedit qui terras, sidera, manes,
 Quod stupeant omnes evigilavit opus.
 Hunc juxta Gallam Tyrrheno carmine Lauram
 Qui canit & Latio Punica bella pede.
 Hic & Bocchacci spectabis nobile nomen,
 Qui pinxit varium doctus amoris opus.
 Nec Leonardus abest tibi qui Florentia tantum
 Quantum Romanis Livius ipse dedit.
 Enumerare mora est variis quos artibus olim
 Edidit illustres lenibus Arnus aquis.
 Hic te certa manet sedes, vitæque laborum
 Hic bene transactæ præmia Carle teres.
 At nos æterni sint quæ monumenta decoris
 Addemus tumulo carmina nostra tuo.
 Urbs tulit Arreti Carolum, Florentia lauro
 Cinxit, at ingenium Calliopea dedit.
 Luferat hic lyricos, mox dum convertit Homerum,
 Occidit heu patriæ gloria magna suæ.

Epitaphium Dantis clarissimi Poëta Florentini.

Nostras qui terras, clari qui sidera mundi
 Dixit & infernos tertia regna lacus;
 Ille ego sum Dantes, Tusco me carmine vatem
 Ornavit lauro pulcher Apollo sua.



Aliud Epitaphium ejusdem Dantis.

Mantua Virgilium, Smyrnæ mirantur Homerum:
 Quippe decus Latii hic venit, ille tuis
 Nunc paribus celebret mater Florentia Dantem,
 Laudibus; Etruscæ nam decus omne lyræ est.

*Epitaphium Francisci Petrarchæ Poëte
 Florentini.*

Quantum Pindarico vix debet Græcia plectro,
 Et quantum Latia vix tibi, Flacce, lyra;
 Tantum Etrusca pio concessit musa Petrarchæ,
 Quo celebri fama Laura pudica viret.

Aliud Epitaphium ejusdem Petrarchæ.

Cantasti patrio Tyrrhena poemata versu:
 Cantasti Latio Punica bella pede.
 Hinc te fronde sua Phœbus, Petrarcha, coronat,
 Hinc vates Fesula doctus in urbe vires.

De Farinata Uberto.

Guelpha meo fateor superavimus agmina ductu,
 Sanguine cum rubris Arbia fluxit aquis.
 Sed tamen ut priscas teneas, Florentia, sedes,
 Sola Farinatæ mens tibi magna dedit.

*Ad Petrum Medicem magni Cosmi filium de laudibus
 Cl. Viri Poggii, Poëte Florentini
 laureati.*

Jam gelidum nigris subvesta per aëra bigis
 Nox maris occiduas prona subibat aquas,
 Cum matutina Tethis statione relicta
 Oceanum rutilo lucifer exit equo.

Hic mihi Castalii nemoris regina nitentes
 Venit Apollinea fronde revincta comas.
 Nulla tamen docto resonabant pollice fila,
 Nec fuit in levi barbitos ulla manu.
 Sed tamen ut mæsto tristis dedit ore querelas,
 Cognita mi voce est Calliopea sua.
 Hæc ita: prohi vestri scelus atque infamia feci!
 Prohi dolor heu musis hiccine venit honos?
 Hiccine venit honor musis? quis semper Etrusca
 Supremus fuerat hætenus urbe locus.
 Te propter Grajos olim, Florentia, fontes
 Et nemus, & Clarii liquimus antra Dei.
 Nec piguit Fesulos montes, nec claustra Mugelli,
 Neve Casentini visere sæpe iuga.
 Quin & aquas placidi nobis sacravimus Arni,
 Seque suo castus lavit in amne Chorus.
 Ut vobis celebres vates, celebresque venirent
 Rhetores, & quidquid floret in historia.
 Hinc Dantes terras, & clari sidera cæli
 Dixit & infernos tercia regna lacus.
 Hinc tu divino Petrarcha incensus amore
 Cantasti Lauræ candida colla tuæ.
 Cantasti patrio Tyrrhena poemata versu,
 Cantasti Latio Punica bella pede.
 Nam quid Bocchacci lusus, quid docta Colucci
 Dicta Salutati nunc numerare juvat?
 At nuper Tuscæ dedimus duo lumina genti
 Quales rara solent sæcula ferre viros.
 Gesta Fluentinûm descripserat alter & arma,
 Quæque notanda domi, quæque notanda foris.
 Alter Cecropiis imbutus pectora chartis
 Viribus ingenii subdidit artis opus.
 Nemo magis dubiis potuit cognoscere rebus
 Utile, nec docto promptius ore loqui.
 Ille etiam nostri nemoris pius incola fonte
 Cum biberet tota proluit ora sacro
 Hic cecinit lyricos; mox dum convertit Homerum
 Occidit heu patriæ gloria magna suæ.

His ego Daphnæa populo plaudente corona
Ornavi propria tempora docta manu.
Nam duce me quondam magni secreta Palati
Mandarat tantis Curia vestra viris.
Sic olim vestram semper celebravimus Urbem,
Dum meruit magnus præmia digna labor.
Nunc ne defunctis dignus successor abesset,
Instructum egregia misimus arte virum.
Hunc nos irriguis Parnassi eduximus arvis,
Bellorophonteï qua fluit unda feri.
Et dedimus gravibus dictis, placidoque lepore
Edere grandiloquo verba soluta sono.
Ergo quis docti divina volumina Poggi
Nesciat & libris cuncta referta suis?
Ah quam præcipiti stultos conturbat avaros:
Fulmine! quam veras imprimit ille notas!
Quamquam asper reteggit qui summa in pelle decori
Dum lateant, alacres in scelus omne ruunt.
Hic nihil esse docet miseris mortalibus usquam
Humana majus conditione malum.
Atque docet varios fluxus variosque refluxus
Fortunæ & jussu cuncta movenda suo.
Quamque sit infelix cujusvis principis aula,
Ipsa licet veri nescia turba neget.
Et recte addubitat senibus ducenda sit uxor.
Cum multum teneat utraque causa mali.
At te, nobilitas, generoso pectore veris
Laudibus a vulgo jam procul ipse canit.
Nec te præterit rerum fortissime Cæsar,
Nec te cui nomen Africa victa dedit.
Sed longum est monumenta viri si cuncta revolvam,
Nec præsentis opus temporis esse reor.
Multa puer, juvenis, descripsit plura, senexque
Plurima, nec salibus nec gravitate carens.
Quam variis redimita novi sub sidere tauri
Floribus in verno tempore ridet humus,
Tam varia in doctis resplendent lumina chartis,
Tam varius signat splendida verba color.

Ut qui purpurea distinguit veste lapillos,
Quo referat multum discolor aura decus,
Quin etiam ut veterum erueret monumenta virorum,
Nec sineret turpem tot bona ferre situm,
Ausus barbaricos populos penitusque reposita
Poscere Lingonicis oppida celsa jugis.
Illius ergo manu nobis doctissime Rhetor
Integer in Laciū Quintiliane redis.
Illius atque manu divina poemata Sili
Italicis redeunt usque legenda viris,
Et ne nos lateat variorum cultus agrorum,
Ipse Columellæ grande reportat opus.
Et te Lucreti longo post tempore tandem
Civibus & patriæ reddit habere tuæ,
Tartareis potuit fratrem revocare tenebris
Alternæ Pollux dum statione movet.
Conjugis at rursus nigras subitura lacunas
Eurydice sequitur fila canora sui,
Poggius at salvos nigra e caligine tantos
Ducit ubi æternum lux sit aperta viros.
Rhetora, philosophum varem, doctumque colonum
Merferat in nigra barbara nocte manus.
Poggius hos vita potuit donare secunda,
Dum mira turpi liberat arte situ.
Nec satis est ex se quod scripsit, quodque vetusta
Eruit e tenebris multa labore suo.
Verum etiam grajos nostro sermone libellos
Vertit in antiqua nobilis historia.
Et nunc, o mores, o tempora! debitus illi,
Ferre quis hoc poterit? eripietur honos.
Ah tantum vobis licuit, civilia jura,
Pieridum casta pellere sede chorum!
Formula quæ vobis, quæ competit actio summum,
Per scelus audaces inseruisse manus?
Non ego Tyrrhena posco vos pellier urbe,
Nec sua caudicis præmia digna nego.
Auro cingantur nitido, semperque superbos.
Ingenti titulos ambitione gerant.

Et pretio ingenti sanctarum ænigmata legum
 Arbitrio veniant discutienda suo.
 Denique, si fas est, inter mortalia regnent,
 Illorumque brevis cuncta libellus agat.
 A nobis tantum, si qua est reverentia, divos
 Quæ colat, a nobis jam cohibetæ manus.
 Nam quæ vobiscum nobis commercia, quæve
 Consimilis vitæ mos ratione fuit.
 Nos neque clamores sequimur, nec præmia voci
 Poscimus & casta nil nisi ferta juvant.
 Vos inter strepitus fas est turbamque sonantem
 Spargere clamoso jurgia multa foro.
 Insanasque sequi lites, rabidoque tumultu
 Venali tristes voce citare reos
 Sed quid ego hæc frustra? Cum jam civilia jura
 Per fraudem posito jus sibi jure parent.
 Et poterit Medices veteres oblitus amores,
 Oblitusque mei talia facta pari?
 Non poterit; neque enim Latiis est alter in oris
 Reddere pro meritis qui magis æqua velit.
 Quin & Musarum sacro perculsus amore,
 Et noctes studiis invigilatque dies.
 Rhetoras hinc omnes novit, sanctosque poëtas,
 Et veterum callet dogmata prisca patrum.
 Hinc etiam doctus doctis indulget amice,
 Atque inopes opibus consilioque fovet.
 Nec Meccænatæ fuerat clementia major,
 Communis vatum cui dedit astra favor.
 Ergo hujus gremio nostrum nomenque decusque
 Ponimus: hic nobis rite Patronus erit.
 Hic etenim fessas e tempestate Camænas
 In tutos referet restituetque sinus.
 Hoc duce nostra pio sedes reddetur alumno,
 Et stabunt doctis præmia digna viris;
 Nec tamen immemores dicet nos muneris ille,
 Nec veniet merito gratia parva suo.
 Nam surget quandoque meo de fonte poëta
 Qui magnum Petri nomen in astra ferat.

Qui referat magnumque Petrum Cosmumque parentem
 Egregium patriæ lumen utrumque suæ.
 Ille modo niveis reddat sua flumina cygnis,
 Impleat ut liquida voce canorus aquas.
 Flumina reddantur cygnis, quæ limpida quondam
 Bellerophonteos sint aditura lacus.
 Quis nisi præduros adamantas pectore gesser,
 Solerti nidos reddere nolit api?
 Reddite jam dulces apibus jam reddite nidos:
 Hinc vobis posthac plurima mella fluent.
 Hæc & plurâ mihi: sed quis meminisse Deorum
 Cuncta queat? mæsto Musa locuta sono est.
 Mox sua dum celeri vertit vestigia passu,
 Cuncta, ait, hæc Medici dixeris, atque vale.
 Cuncta, ait, atque abiens ne quid sibi triste videret,
 Conspectum fugit Curia Tusca tuum.

*Eulogium in Nerium Caponium Gini filium, ad
 Johannem Canisianum.*

Non ergo immerito tam clari in funere civis
 Sollicitas pectus, Canisiane, tuum.
 Cernis enim magno testatu sæpe dolore
 Suscepit quantum publica causa mali.
 Nam quid tam miserum jamdudum, tamque dolendum
 Lydius Etrusca vidit in urbe leo?
 Nam qui pace bonus fuerat, qui magnus in armis,
 Occidit omne togæ militiæque decus.
 Ah quanta in dubiis velox prudentia rebus
 Pectoris impendens vaticinantis erat
 Quamque graves casus, quam multa pericula quondam
 Effugit monitis curia nostra suis!
 Auctor enim pacis semper fuit, hæc sua virtus,
 Hoc fuit excelsæ nobile mentis opus
 At si quem excierat nobis ut bella moveret
 Improba renandi sæva cupido ducem,
 patre magnanimo Nerius, dum fortia contra
 Arma movet, nusquam degener ipse fuit.

Gallia sit testis Gallicque horrenda Philippi
Agmina, & undosi flumina magna Padi.
Testis & Anglari vallis, cum Bracchia turpi
Piccinine tibi signa relicta fuga.
Testis & Aragonum ductor. Calabræque cohortes
Et Lusitanis castra referta viris
Hic Fefulos subito sperabat Marte Quirites
Turpiter insolito subdere colla iugo.
At vigilat Nerius, turmasque opponit amicas,
Ne manus excultos barbara vaster agros.
Ergo qui nuper nulli cessurus in armis
Japygiis ruerat usque tremendus equis,
Paulatim vires Fabia delusus ab arte,
Quæ magnæ fuerant perdidit ille suas.
Hunc Roma inspexit contritis turpiter armis
Milite vix inopi signa referre domum.
Et dubitem Nerium patrius populoque salutem
Cunctando lenta restituisse mora?
Sed quis in Hesperia locus est, ubi magna Caponum
Hoc duce non fuerit cognita fama domus?
Sed quis in Hesperia dux est qui plurima bello
Consilium Nerii non valuisse neget?
Nec te Sforziade præsens mihi Cæsar in armis
Hunc comitem bellis sæpe habuisse pudet.
Hujus enim noras divini pectoris artes,
Et rerum certos in genus omne modos.
Ast heu nunc ipsum, quem fortis Etruria multis
Deploret lacrimis, abstulit atra dies.
Non ergo immerito tam clari in funere civis
Sollicitas pectus, Canisiane, tuum.
Nec te magnanimi casus nunc urget amici,
Actum nec secum durius esse putas.
Nam civis quæcumque potest optare modestus
Omnipotens illi fors cumulata dedit.
Florenti in patria natus, quæ libera iusto
Tyrrhenas urbes temperat imperio.
Et patriæ magnus dum tractat Cosmus habenas,
Proxima post Cosmum dignus habere loca.

Adde

Adde genus clarum simul & numerosa nepotum
 Nomina & agnatis stemmata plena suis.
 Adde & Parrhasiæ Pisano in litore gentis
 Inclita victa patris mœnia Marte sui.
 Adde animi vires, fortunæ commoda, vitæ
 Quæ validus duxit tempora longa senex.
 Sed te communis populi jactura, tuæque
 Urbis amor magnus, Canisiane, movet.
 Tempore nam duro tali privatur alumno
 Publica res, qualem sæcula rara ferunt.

ALEXII LAPACCINI

FLORENTINI.

*Ad Carolum Aldobrandum.*

DUm nos paterni funeris uberes,
 Novasque semper, Carole, lacrimas
 Siccare nequidquam studemus
 Illecebris genialis agri,
Tu Gellianis Noctibus interim
 Jam vindicatis a carie & situ,
 Caliginosæ oblivioni
 Eripis, haud sine laude, nomen.
Hæc te laborum tot vigilum manet
 Condigna merces, hæc tibi premia
 Debentur: evades labantis
 Perniciem moriturus ævi.
Quamvis nec, o, te, Laure, superstitute,
 Sit defuturus nunc honor artibus
 Sacrisque fortitis patronum
 Vratibus, & meliora sæcla.
Agnovit in te nomen, & os avi

Urbs

Urbs nostra, tanti vindicis immemor
Futura nunquam agnoscat olim
Tempora per te eadem beara.

At nos & agro non inamabili,
Atque his serenis, Carole, noctibus
Solabimur longas paterni
Interea tumuli querelas.

De Comœdia Jacobi Nardii, cui titulus amicitia.

Legerat hunc Samius qua nescio sorte libellum
Pythagoras veteris grande decus Sophiæ.
Miratusque sales, vitæ & documenta severæ,
Et lepida urbanis scommata carminibus,
Plautinas, inquit, Veneres agnosco jocosque;
Et Latium Thusco vatis in ore decus:
Scilicet haud quaquam nostra est sententia mendax,
Quis namque huic Plauti spiritum inesse neget?

A N G E L I L A P I

F A V E N T I N I.



Ad Magnificum Cosmum Medicum.

Cosme, vir Etruscos inter clarissime, & ingens
Florentinæ urbis gloria, spesque, salus.

Audio, te multum sacros adamare poëtas:

Si facis id, famæ consulis ipse tuæ.

Quando hominum nequeunt evadere corpora mortem,

Quodque oritur pereat denique oportet idem.

Curandum est illis vivant post funera fama,

Pulchra relinquantur ut monumenta sui.

Hæc simul atque ævi cursu labente peribit,

Scriptorum si non sustineatur ope.

Et

Et quid ei melius possit succurrere censes,
 Quam vatis cultum carmen Apollinei?
 Carminibus reges celebrantur, & inclita regum
 Gesta, & victrici parta trophæa manu.
 Carmine lustrantur mores, virtusque virorum,
 Mortales faciunt carmina nempe Deos
 In pretio quondam, magnoque in honore fuerunt,
 Fonte Museo qui pepulere sitim.
 Tunc sacer incubuit Musarum, ac nobilis ardor
 Fortius & Phœbi tunc mage culta lyra est.
 Hoc etiam invenias (dentur modo præmia) vates
 Tempore & hæc ætas non caret ingeniis.
 Verum Pierio defunt qui digna labori
 (Hei mihi) fautores emo umenta ferant.
 Nuper enim excudi versus parvumque poemâ
 Non abique immenso, Cosme, labore tamen.
 Quod cum Florentis patriæ, divique Johannis
 Contineat laudes Astoremque decus,
 Dignius haud vidi dono cui tradere possem
 Quam tibi, nec cui tum gratius esset opus.
 Ergo hæc mente hilari, & placido munuscula vultu
 Accipe, quæ nostri pignus amoris habe.
 At non purpureas vestes, Indique lapillos
 Æquoris, aut Phidiæ marmora sculpta manu.
 Quarum nulla mihi, & magna est tibi copia rerum,
 Nec te aliter rota ditior Italia.
 Castalias præbemus opes, quas nescit avarum
 Vulgus, & in quæstu sedula turba suo.
 Cosme vale, sacrosque animo complectere vates,
 Auxilio sacris vatibus usque fave.
 Quippe tuas illi poterunt intexere laudes
 Versibus, & nomen tollere ad astra tuum.



Cosme, tui mores præstantes, claraque virtus,
 Nobilitas, honor, & probitas, clementia, vatum
 Sacrorum pia cura movet, me scribere carmen
 Præsens, & sacro divas deducere colle

Pieridas, pulchro quæ laudes dicere cantu
Usque tuas certent, quas omnis concinat ætas,
Tollent. Cosme, tuum vates ad sidera nomen
Clara per Ausonias urbes, populosque Latinos
Fama tulit nomen Cosmum. Quod protinus ipsum
Efficit, ut vates nullus mereatur haberi
Qui non digna canat cedro; nunc carmina Cosmo
Si non clara tibi cantabunt carmina vates,
Scribere quod possint nil prorsus habebitur illis.
Tollent, Cosme, tuum vates ad sidera nomen;
Non orator erit, qui Cosmica tangere gesta
Non studeat, dignus tali si domiæ curet
Esse; sed historiæ finis nunc hic erit omni,
Ni scriptis tua gesta velint mandare superba,
Non humili focco tractandaque, non pede Sapphus
Digna, sed altifono jam decantanda cothurno.
Tollent, Cosme, tuum vates ad sidera nomen:
Cosme dedere Dei præstantia prædia, summas
Divitias, gazam, quæ sit miranda poëtis,
Non miranda piis, quibus ad clarissima gesta
Uritur in largis impensis, mente benigna,
Religione Deum, votis patriæ, inque suorum
Rebus amicorum, quorum stat copia magna,
Tollent, Cosme, tuum vates ad sidera nomen;
Cosmo rura Dii statuere ingentia, quorum
Nullus erit numerus, simul alta palatia magno
Sumptu facta, virum magnoque educta labore;
Adde simul prolem claram, simul atria semper
Plena cliente novo ac veteri; perque atria tantum
Servorum numerum, qui lata palatia complent,
Tollent, Cosme, tuum vates ad sidera nomen.
Cosmus erit pollens fama, clarusque trophæis.
Græce sis Cosmos, Cosmus Latieque decenter
Sic poteris dici, tanto res publica cive
Claret, fama cui toto diffunditur orbe,
Tuscia tota tua fulget virtute tuisque
Moribus. Italiam decoras tu nomine tanto.
Tollent, Cosme, tuum, vates ad sidera nomen.



JOANNIS LEONIS

MUTINENSIS.

*Jo, in vaccam mutata.*


IN somnis sibi visa parens mea fundere partu
 Brutum. hominem; atq; Deam, somnia vana rata est.
 Me parit, immutor, renovor, color; in tribus una
 Io, Vacca, Isis, brutum, homo, diva fui.

LIGNAMINEI.

*Ad Hieronymam Columnam.*


Judicium Paridis risit Cytherea, quod ipsa
 Nuda Deas formâ vicerit una duas;
 Abs te nunc vinci dolet, alma Columnia; tanta est
 In te nobilitas, gratia, forma, decus.





LAURENTII LIPPI

COLLENSIS.



Ad Laurentium Medicum.

Fastidit magnus numerosa volumina lector,
Post cœnam læta disticha fronte legit.

Ad Eundem.

Hic te surripuit patriæ, qui Syrmata misit;
Lemmata qui misit restituit patriæ.

Eidem.

Post patriæ curas: post tanta negocia; si fas
Percurras oculis disticha pauca tuis.

Ad Saccharum.

Aurea jactatis sic cedere sæcula vobis,
Quid mirum? e cannis dulcia mella fluunt.

Lactuca.

Surgentem Venerem mollis lactuca moratus:
Devoret erucas qui cupit esse salax.

Lactuca.

Augustus per me relevat fastidia morbi:
Et Lactucinos Roma togata vocat.

Rapum.

Sub prunâ tostum mensis apponere rapum
Non pudeat : tetrico sic placuit Curio.

Ficus Africana.

Sum ficus Lybiæ : per me Carthago superba
Corruit : & per me tanta ruina fuit.

Faba.

Sum faba, si docti me damnant Pythagorei :
At magnis Fabiis nomina tanta dedi.

Porrum.

Sum porrum, valui vocem servare Neronis ;
Inque Palatinis me numera dapibus.

Cucumis.

Hic tibi sit cucumis, terris dum Sirius ardet :
Tales Tiberius dicitur esse dapes.

Ad Angelum Siculum. Carduus.

Carduus in Siculâ mensâ, quem linquit asellus,
Ponitur, i Siculas, Angele, tolle dapes.

Allium.

Radicem betæ comedas super igne perustam ;
Non animam reddent alia sumpta gravem :

De Cauliculis.

Cauliculos teneros, si te delectat Apicî
Præceptum ; verno tempore carpe, puer.

Betæ.

Betis Niliacam poteris confundere lentem :
Ventosam betis, si fapis, adde fabam.

Mintba.

Nunc est herba virens: quondam formosa puella,
Credetur & Stygium detinuisse Jovem.

Eadem.

Non essent vobis minthæ redolentia fila,
Ni Pluto ad Stygias me rapuisset aquas.

Rosa purpurea.

Per silvas Cytherea suum dum plorat Adonin;
Purpureas fecit sanguine mœsta rosas.

Purpura.

Murice consumpro canis ora infecta notavis
Alcides; Tyriæ vellera tinxit ovis.

Ocymum.

Ambrosium quamquam spirabunt ocyma odorent;
At cibus ambrosio dirus odore latet.

Cicuta.

Rustice, lethiferam moneo vitare cicutam;
Sustulit Actæum dira cicuta senem.

Hyacinthus.

Aut puer, aut quondam fueram fortissimus heros;
Nunc flos, & mœstum littera nomen habet.

Moly.

Accipias Moly, magno si credis Homero:
Nec lædent animum Thessala philtrea tuum.

Lotus.

Heu fugias Loton: captos dulcedine Loti
Naricium Socios destituisse ferunt.

De Cocco quo adulteratur purpura.

Dant Galatæ cocci gramen pro murice nobis;
Corrupta est cocco purpura jam Galatæ.

De Cythiso

Carpant lascivæ cythysum per prata capellæ:
Sic pastæ referent ubera tenta domum.

Dictamnon.

Collige Dictamnon Creteâ providus Idâ;
Tela cadent humeris irrita facta tuis.

Laurus.

Missæ triumphalem non tangunt fulmina laurum;
Cingant belligeri tempora læta duces.

Ad Eliseum coquum.

Pectore Anas, teneris alis Gallina probatur:
Anseris his tumidum, si sapias, adde jecur.

Eidem.

Serpyllum, betas, samplicum, tundis aceto?
Cum tostis micis adde selina, thymum.

Ad eundem.

Sume apium, porrum, coriandrum, semen anethi:
Cum sale junge oleum, scorpio sic coquitur.

Ad Angelum Siculum.

Est satis ut nostris ponantur oluscula mensis:
Ambrosias habeat mensa Sicana dapes.

De hortulo posito in fenestra.

Hortus detineat lati tibi jugera campi:
In nostro sedem vix Ithyphallus habet.

De

De eodem horto.

Penſilis extollant horti miracula gentes;
Fornice ſub noſtro penſilis hortus erit.

De palma.

Pondere non premitur, ſed ſurſum palma reſurgit,
Hinc ſibi victores ſigna ſuperba petunt.

Ad Angelum. De fetu onagri.

Angele non Libyci capiat me fœtus onagri;
Hortus nativas det mihi delicias.

Ficedula.

Quum me ficus alat ficus mihi nomina fecit:
Sumque melancoryphus, quod mihi fufcus apex.

Fiber.

Pro carâ cupio teſtes abſcindere vitâ:
Ne pereat, nimium navita jaſtat onus.

Elephas.

Quis tollet Superos? quis Numina ſancta negabit,
Quum fera perpetuos ſentiat eſſe Deos?

Idem.

Non ſatis armatas quod porto in bella phalanges,
Menſaque neſtareas fulcit eburna dapes.
Fulcra toris, ſimulacra Jovi do; Numen adoro:
Et mandis callum turba proterva meum?

Aquila.

Portavi puerum, qui miſcet vina Tonanti:
Ob meritum hoc in me fulmina nulla ruunt.

Eadem.

Sola queo Phœbi radios spectare nitentes ;
Non aciem frangunt lumina clara meam.

Cervus.

Vivacem admittant tua si convivia cervum,
Pestiferam febrem non timuisse licet.

Amores Jovis.

Fit cycnus, taurus, Satyrus, fit Juppiter aurum :
Pro Ledâ, Europaque, Antiopa, Danaë.

De Amore plurimorum.

Mavors, Bacchus, Lenæus, Vulcanus amavit
Asteropen, Cressam, Nyctiopen, Venerem.

De Proteo.

Flamma, leo, taurus, porcus, bos, fit lupus, unda ;
Nec rupit vates vincula Carpathius.

Historia Troja.

Phryx ardet ; dat vela : Helenam rapit, armat Atrides :
Pugnatur : flammis Pergama victa ruunt.

Corona triumphalis.

Texuit auratam melior fortuna coronam :
Nam prius ex lauro texta corona fuit.

Obsidionalis.

Obsessam Pœno servavit milite Romam,
Quinctus nativo gramine ferta tulit.

Civica.

Tullius extinxit nascentia fulmina belli ;
Et data sunt merito civica ferta duci.

Castrensis & Navalis .

Conscendit qui castra prior, volucremque carinam,
Gestabit comptis aurea fecta comis.

Ovalis .

Ibat ovans Crassus; contemptos vicerat hostes:
Contempta a magno myrthea dona viro.

De Myrrhinis vasis .

Myrrhina purpureo candent distincta colore:
Densatur spissus Sole calente liquor.

De eisdem .

Myrrhina diversis maculis variata probantur;
Talis venturis imbrifer arcus aquis.

CrySTALLUM .

CrySTALLA, Argivo de nomine jure vocata,
Concreta in magno frigore format aqua.

De simulacro Jovis facto a Phidiâ .

Phidiacæ finxere manus Jovis ora: rogatus
Exemplar: talem finxit Homerus, ait.

Ad Laurentium Medicem .

Pyrgoteles gemma sculpsit, sed pinxit Apelles
Pellæum juvenem: quis tibi pictor erit?

De certamine Zeuxidos & Parrhasii .

Fallit aves Zeuxis: Zeuxis deluditur arte
Parrhasii, volucres hic capit, ille virum.

De Coralio ad Petrum.

Iste frutex longe lato viret æquore mollis;
Eductus duro cortice, Petre, rubet.

De Lyncurio.

Quid sit Lyncuri vox, te junctura docebit,
Urinam resonant nomina juncta lupi.

Electrum.

Nunc alni, quondam fratrem luxere sorores,
Nunc electra piis clara fluunt lacrimis.

Succinum.

Lucida deliciis est succina gemma puellæ.
Arbore Germanâ succina gemma fluit.

Adamas.

Non adamas flammis, nec dura incude domatur,
Laurenti, hircino sanguine conteritur.

Jaspis.

Tu magno in populo facundo pectore dices,
Quum digitis junctus pulcher Jaspis erit.

Ad Bernardinum Theologum.

Quantula sunt hominum corpuscula, tantula rodit
Sarcophagus: molles heu fuge delicias.

De Chernite lapide pio, & Sarcophago impio.

Chernites pius est, defunctaque corpora servat;
Impius absomit corpora Sarcophagus.

Echeneis quæ remora.

Pellebant velis, pellebant remige navem;
 Ventus erat; cœptam sum remorata viam.
 Sola ego & Aëtiacam potui retinere carinam;
 Et potui Cai rostra tenere ducis.
 Semipedalis ego, quis nam hæc corpuscula credat
 In cursu tantas detinuisse rates?

Nautilus piscis.

Per freta dum cautus deducor imagine navis,
 Æsonides didicit ducere vela ratis.

De Delphino.

Mulcetur cithara delphin, mulcetur amore:
 Testes stelligeri sidera clara poli.

De torpedine pisce ad Angelum.

Angele, quis credat? fœda torpedine tacti,
 Contractas perhibent obriguisse manus.

De Phoca, qui vitulus marinus.

Carpe soporiferam pennam, pellemque rigentem:
 Jam dormi, & nusquam fulmina torta time.

Sepia.

Atrum purpureo pro sanguine fundo liquorem:
 Devoror: & nostro sanguine charta madet.

De Polypo.

Paciferam polypus cupide corrodit olivam,
 Atque pedes, brumæ tempore, segnis, edit.

Lucerna piscis.

Est lucerna mihi nomen, quod lingua refulget:
 Si noctu aspicias, lumina vera putes.

De Trygone seu Pastinaca.

Pestifer a caudâ mucro se tendit acutâ;
Hoc Ithacum narrant occubuisse malo.

De Dactylo pisce.

Dactylus illustrat radiant lumine pontum;
Apponas mensæ; lumine mensa niret.

De Echino, & Echeneide.

Imbres, & ventos cautus prælagit echinus;
Sistit parva natans ast echeneis onus.

De Echino pisce.

Spicula me volvunt totum defixa per orbem.
Sed liquor infracto cortice gratus erit.

Rana.

Dum caro deformis poteras dixisse gyrium;
Mox formata, magis garrula rana vocor.

Thynnus.

Quum fueram fœtus, primo cordylâ vocabar;
Post ego pelamis, & post ego thynnus eram.

Squatina piscis.

Non satis est nostri quod mandunt membra gulones
Et niveum tergit aspera pellis ebur.

Ad Angelum Siculum.

Te lupus Etrusci delectat vernula Tybris;
At mihi murænam Sicelis unda ferat.

Eidem.

Angele. Memphiticis tibi sit coracinus ab undis;
Arnus millenos dat mihi pisciculos.

Scorpius piscis.

Exagito stimulis magnum delphina recurvis:
Quem cogo magnas transiluisse rates.

Acipenser.

Infelix quod me mensæ coluere priores:
Nunc felix, quod sum gratia nulla gulæ.

De Scaro.

Mensarum laus alma scerus: quod ruminat herbas,
Nec proprium gaudet dilaniare genus.

Idem.

Quondam Carpathii fueram pius incola ponti:
Nunc sum Campanis incola litoribus.

De eodem.

Si cibus herba mihi; si sparsi sanguine numquam
Dentes; cur laceras mensa gulosa pium?

De Siluro.

Appetit omne animal grassator dente silurus:
Et summa nantes per freta mergit equos.

Scombrus.

Sulphureus videor liquidis cum cernor in undis:
Extra undam apparent squamea terga mihi.

Mugilis.

Quum caput est tectum, credo mea membra latere:
Per Venerem, prædæ femina, virque fumus.

Mulus.

Vix duo sum pondo : lautæ sed gloriæ mensæ :
Crispinus pro me millia multa dedit.

Salpa.

Salpa obscœnus ego dicor, nec decoquar unquam,
Ni ferulâ cædens verbera multa dabis.

Mena.

Candidulus brumæ sum tempore : Sole calente
Ostendam vobis squamea terga niger.

Draco piscis.

Sum draco : de media surgunt mihi cornua fronte.
Sæpe vides rostris antra cavata meis.

De Ariete pisce.

Cornu aries pugnax pisces speculatur euntes ;
Squamigerum perdunt cornua sæva genus.

De Urticâ.

Postquam pisciculos passâ sub fronde recepit :
Corrugat frondes pisciculosque vorat.

Spongia piscis.

Incrementa mihi, & sensum natura paravit ;
Nam parvas conchas, pisciculosque voro.

De Loligine, milvo, & hirundine piscibus.

Loligo, milvusque rapax, & mitis hirundo ;
Ut celeres volucres, per freta summa volant.

De Cancris.

Vere novis renovant cancri sua tergora crustis ;
Exuviis positis læta juvenia redit.

De Lepore pisce.

Adducit vomitum tactu lepus : hanc fuge pestem .
Laurenti ; secum dira venena gerit.

Stella piscis.

Sum similis stellæ candenti fervidus igne :
Uruntur callis omnia tacta meis.

De Locusta inimica polypi.

Formidat tantum polypum miseranda locusta ,
Aspectu ut polypi læsa repente cadat .

De Cochlea.

Contrahit , exertat parvâ cornicula fronte ;
Et nudâ ingreditur contegiturque domo .





JACOBI LUBRANI

NEAPOLITANI.



*America vermiculi, vulgo Cocciniglie, Purpuram
tingunt.*

SAucia puniceum revomunt Conchyliis coccum:
Regius; est sanies sanguinis, ille color.
Americis nunc Erucis lux additur ostro;
Fulget & exustis Purpura reptilibus.
Tam prope sunt nudum mortalia vota sepulchrum.
Vermis olent adipem ferica, verme rubent.

*Philippus IV. Hispaniarum Rex, in adversis
constantissimè magnus.*

Pingere quæ pingi nequeunt olim ausus Apelles,
Æolon, & celeri fulmina rauca sono.
Vincere quæ vinci nequeunt, laus magna Philippi,
Improba fortunæ versilis arbitria.

De Crello Plaurum lactitante.

Sedulus in Plauto noctuque diuque terendo
Crellius, haud Latios eruit inde Sales.
Non nisi derosas abava rubigine voces
Carpit, & in rugas desita verba putres.
Æmula Virgilio laus hæc præpostera certat.
Ex auro Plauti stercora colligere.

*Ad Carolum Celanum, principis Ecclesiæ Canonicum
eruditissime sapientem.*

Celane, o Patriæ elegans voluptas,
Cui summæ studium eruditionis;
Et vis ingenii sagax, disertos
Excussit Tropodas scientiarum.
Non Aristotelis latent recessus:
Divinæ quoque Pallados Theorus,
Et Mystes Themidis, Fori Polique
Mentem judiciis habes paratam.
Curforum * residues & involutas
Perscrutans schedulas Tabellionum,
Quantam moribus exhibes palæstram?
Derides vel ineptias supinæ
Turbæ, vel Procerum jocos & iras;
Et fannas Sciolorum, & obsoletum
Fortunæ male blandientis astrum.
Argutique Sales, & eloquentes
Delectant lepido, docentque Phœbo
Per Compendia Curiositatem.
Nunc Censor, rogo, candidus sine ullo
Palpo, corrigere hos velis libellos.
Si vel pauca probaveris, probabor.
Celano placuisse, summa laus est.

*Ad Fasānum de Torquati Tassî poëmate in Neapolitanum
sermone translatō.*

Arma piūque Ducem, atque assertam Numinis urnam
Vix imitandum Itali nobile Vatis opus;
Das iterum famæ, patriisque tumescere musis
Bella Sioneis jam celebrata tubis.
Tantaque in arguta latet ars & grātia linguâ,
In numeris tantam vim Gelasinus habet;

Ma-

* Librūm edidit, cui nomen *Avanzi delle Poste*.

Major ut Autographo se assurgere gaudeat; & plus
Nescio quid lepidio in carmine Tassus amet.

*In eruditam floridamque D. Petri Casaburi
Poesin.*

Aonidium decus, ac Tusci lux maxima Pindi,
Cui fluit in lepidos Castalis unda Tagos.
Imperiosum animis afflant tua carmina Phœbum,
Dant prope divinos musica plectra modos.
Omnia par Orpheo; superas quin Orphea cantu:
Ille Feras traxit, tu trahis & Charitas.

Carolus V. abdicat Imperium.

Hospitem ubi votis ingentem, armis Tropæuchum
Thebais Austriadem vidit Ibera Ducem,
Obstupuit, tenui possetne angusta recessu
Abdere, cui geminus non satis Orbis erat?
Nil faciem sylvæ, nil Carolus horruit umbram,
Laurigerum assuetus jam coluisse nemus.
Cum paruit, Reges sese super extulit omnes:
Se super, & major Cæsare, cum latuit.

De eodem.

Victtricem Imperio dedisse lucem
Felix Austria Carolum fatetur.
Europen, Libyenque tot triumphis,
Quot bellis domuit; jugoque Reges
Pressit Dux animo, manuque Miles.
At dum cauta receptui tubarum
Virtus concinuit sono, vel ipsum
Cælum vincere visus, abdicatis
Regnorum phaleris; suusque Sortem
Risit sphæromachon: fugæque laus hæc
Heræ, præiit subactam & Arcton,
Thracumque, Batavumque, Pannonumque,

Et

Et victum Americæ latentis Orbem :
 Omnes ante Duces, Avosque, Magnum
 Angusti laris incolam, atque Eremi
 Prinium ex Cæsare regium Satorem
 Felix Austria Carolum loquetur.

*Ab impuris libris maximum honestis feminis
 damnum.*

Sedula Amadisios relegit Claudina libellos.
 Cum præeat primas castior illa nives.
 Jamjam miscebit Venerem mollissima curis ;
 Ingenio jam jam, credite Lais erit.
 Effluet in chartas sensim pudor omnis amantes ;
 Et patruas discet ludere vafra minas.
 Quamquam oculis aditum sera claudat & auribus omnē,
 Vernula quæ loquitur pagina, lena domi est.

De Nothippo Pindarum carpente.

Bacchi verna, Janista poculorum,
 Quadris, deliciis, cadisque natus,
 Nothippus sitit, & bibit sub uno
 Haustu multiplices meri diotas.
 Idem thyrsigero facetus cæstro,
 Grajæ Pindaron uberem Suadæ
 Insulsum vocat, & malum Poëtam.
 Causam quæris? Aquam optimam canebat.

*Bissextilem Annum 1688. Neapoli fatalem ob
 Terramotum queritur.*

Anni intemperiem dolemus omnes,
 Siccam passi hyemem, rigente bruma,
 Ver Austris tumidum, imbribusque mersum.
 Æstatem Medici febriculofam,
 Et nigram tunicam minantur ægris.
 Heu quantis premimur malis ! hiantes


Nam


Nam spectavimus in sepulchra terras,
 Mortemque ante pedes: ubique iactus,
 Et terror, nihil est in urbe tutum.
 Rimis saxa crepant revulsa, & Aræ
 Fecerunt vitium: piacularem
 Ulciscente Deo fidem, & profusam
 Sentinam scelerum. Pudet fateri;
 Inter præcipites adhuc ruinas
 Lascivire vacat: procax in ipsis
 Fatorum Venus excubat lacunis,
 Ut mos est pueris per angiportus
 Jactis ad numerum ossibus joculari.
 Væ, væ Parthenope tibi, tuisque.
 Pœnæ immane genus, miserrimumque est,
 Peccare admonitam, imminente & Orco.

Industria, & labore opus est ad Sapientiam.

Nemo sapit teneris instructus ab unguibus infans:
 Quàm rudis ad cunas vagiit ipse Plato?
 In nemus e parvo se semine parturit arbos;
 Ros fuit in conchis Indica gemma suis.
 Ingenium labor addit, & hac venale sub hasta est.
 Doctæque solertes poscit arena viros.
 Archytæ* Platagen molire, & deinde Columbam.
 Quæ sudata venit gloria, magna venit.

* Crepitaculum terrendis pueris ab ipso inventum.





BERNARDINI LUCATELLI

CREMONENSIS.



DUm movet in Venetos classem novus ille Pharaon,
 Æquora sub tanto pondere fessa gemunt.
 Hanc tamen Omnipotens spumantibus æquoris undis
 Obruit, ut scires vere adamasse suos;
 Omnes exiliant, & Bacchanalia vivant,
 Nam quoque læritiæ signa dat ipse polus.
 Lumine majori fulserunt Sidera Olympi,
 Ipsaque, sidereo lumine terra gravis;
 Exhibet innumeros hiemali tempore flores,
 Et matura suis poma leguntur heris.
 Aurea Saturni jam nobis sæcla redibunt,
 Jam sine præfixo limite campus erit,
 Mella dabunt quercus, necnon bis messis in anno,
 Bis erit in campis luxuriosa seges;
 Conspicientur oves nullo custode reverti
 Sæpe domum, insidias nec timuisse lupi
 Tanta erit in toto cœli clementia mundo.
 Veris ut æternum tempus adesse putes.
 Sidera cum fuerint tantorum causâ bonorum,
 Quis neget a superis inferiora regi?
 Ne tamen astra colas, solum venerare Tonantem,
 Qui regit Imperio cuncta creata suo.
 Hic Venerum ventis implevit vela secundis,
 Et tulit auxilium, dum ferus hostis adest,
 Fudit & hic acies Turcarum, denique classem
 Æquoreis tantam perdidit ipse vadis.

Ne timeas hostes, adversus tela Tyranni
 Cum Duce tam forti miles inermis eas;
 Victor eris tandem, & spoliis Orientis onustus
 Cincta triumphali tempora fronde geres
 Turcica lex Bromii dulces veruisse liquores
 Dicitur, (o quantum lex erat illa gravis)
 Quin fuit illicitum Turcis duxisse choreas,
 Illecebrisque capi, quas amat alma Venus,
 Sed modo cœperunt venerari numen utrumque,
 Numina sunt cordi Bacchus, & alma Venus,
 Atque ideo exoptant Cypri sibi subdere regna,
 Ut possint vita liberiore frui,
 Huc volitant; verum pro spreto numine Bacchi
 Non bona vina bibent, sed vada salsa maris;
 Illecebræque Deæ Paphiæ, dulcesque cachinni,
 Oscula blanda sui spicula Martis erunt.

Ad Leonem Venetum.

Gloria quadrupedum quid cessas perdere gentes?
 Mentior, hæc potius sunt Orientis oves.
 Arripuere fugam partem modo Thracius abdit
 Bosphorus, infernas pars adiere domos;
 Sterne gregem invalidum, superi tua cœpta secundant,
 En tibi se comitem sacra Columna facit,
 Exhibet omnipotens volucrum, quæ tela ministret,
 Dirigat atque tuum quo libet ire pedem.
 Eja age rumpe moras, dirum jam tolle magistrum,
 Qui grege de nostro semper abegit oves.
 Illius aspicias stillantem sanguine cultrum,
 Illius aspicias cæde tepere lares;
 Non tibi tantus honos, dum quondam raptus ad astra
 Sidus eras; terris nam modo numen eris.

In laudem Augustini Barbadii.

Pro patria extinctum te fletunt ardua cœli
 Sidera, sideribus nam bene notus eras:

Pierides nunquam tales fudere querelas,
 Nec tantum genuit Sol Phaëtona suum:
 Charus eras Musis, te Mars ac Phœbus amabat,
 Gloria Pieridum, gloria Martis eras.
 Non Augustini, o Venetum fortissime ductor,
 Ceu prius, Augusti sed tibi nomen erit.
 Nam velut Augustus pacatum reddidit orbem,
 Sic tu parta orbi pace relinquis humum
 Ac velut ille Polum quondam conscendit, & inter
 Sidereos proceres conspiciendus erat,
 Sic tua te virtus extollet ad astra, sedebis
 Inter & Heroas, Semideumque choros.
 Pierides tumulum sacris ornate corollis,
 Est opus hoc vestrum, vester alumnus erat;
 Tu quoque Mars clypeum, necnon hic pone sagittas,
 Nam tua cum tanto est fama sepulta Duce.



Quis modo Cypriacæ casum non defleat urbis?
 Quis tam mentis inops, Heroum maxime Mechni,
 Qui non in clades regni susp-aret adepti?
 Hactenus ipse quidem curarum oppressus acervo,
 Non potui sacros Heliconis adire recessus
 Hæc fuit una mei diuturni causa silenti.
 Namque ubi Turca metum magno ferus incutit orbi,
 Et bello ad cunctas terrarum fulminat oras
 Victor, & in victos populos furit impius armis,
 Incepi trepidare metu; nam mente revolve
 Facta nefanda, viros jam nulli parcere fuetos.
 Hi dulces jugulant natos ante ora parentum,
 Invalidosque senes, nec quicquam tale timentes
 Ante aras, ante ora Dei (miserabile visu)
 Ensis obtruncant, lacerantque miserrima membra.
 Non ignota loquor, nam nulli incognita Cyprus
 Insula, dives opum, Venetorum maxima messis
 Hic erat, hac capta, magno clamore ruentes
 Non secus, atque lupi, foedarunt cuncta cruore.

O scelus horrendum! innuptas violare puellas
 Non satis est, gladios penitus in viscera condunt,
 Dejecere aliæ sese de turribus altis
 Præcipites, aliæ transfixæ corpora telis
 Procubuere suis, ne vim paterentur ab hoste.
 Heu lacrimæ impediunt numerum memorare Camœnis
 Tantorum scelerum, quæ dira in mœnibus hostes
 Commisere manu: satis est ex millibus unum
 Dicere, quo nullum toto est truculentius orbe,
 Et quod mille feri vix invenerè Tyranni.

Dux fuit in Cypro Regum de stirpe creatus,
 Quo non majorem bello Sol vidit, & armis.
 Hunc ubi sternentem primos ex agminæ Turcæ
 Conspexere, ruunt, & collo vincula nectunt,
 Diductasque illo mox implent pulvere fauces,
 Machina quo belli cava concutit oppida, & arces
 Deicit horribili sonitu, cœlique fragore.
 Faucibus imponunt ignem: tunc ora repente
 Sunt lacerata sono ingenti, ceu fulmina quando
 Juppiter omnipotens cœlo jaculatur ab alto.
 Non Geta tam sævum, nec tam crudele tulisset
 Solvere supplicium, foret hic si captus ab illo,
 Non hoc Sylla nefas siccis spectasset ocellis,
 Non Phalaris, non ipse Nero illo immanior angue,
 Quem pede preffit humi æstivo sub Sole viator.
 Spero equidem tanta pœnas pro cæde daturus
 Quamprimum, superis si sunt mortalia cordi,
 Et superis equidem sunt hæc mortalia cordi;
 Nam simul ac Veneri victricia signa per orbem
 Ferre vident Turcas, genus insuperabile bello,
 Legatos subito ad Regem misere Philippum,
 Pontificemque Pium, quos intra tecta vocatos
 Rex tandem verbis sic est affatus amicis.
 Ite viri, & nostris fociis hæc dicite nostro
 Nomine, jam pavidum mittant de corde timorem.
 Cernitis instructas acies, classemque paratam
 Gurgite cæruleo, totum quæ terreat orbem?
 Milite nunc Venetos armato, opibusque juvabo.

Nam

Nam mihi jamdudum conjuncta est foedere dextra
Cum Venetis; eadem Roma responsa fereſis,
Nam Pius auxilio veſtrum fovet uſque Senatum;
Sit Deus omnipotens cuſtos, claſſemque gubernet,
Pellere quò poſſint ſclerata a ſede Tyrannum,
Utque iterum terras pax exoptata reviſat,
Cana fides, probitas, ac pleno copia cornu.



Una avis in terris, qua Cynthius aureus exit,
Ponit odoratos interitura rogos,
Stat ſuper, & pennis rutilantibus excitat ignem,
Uritur, in cineres vertitur inde novos.
Prodit ab his tandem formoſior altera Phoenix,
Se novat hoc pacto, ſicque perennat avis.
Sic modo Turcarum Regi tranſmiſſa virago
Fecerat, Ægæis dum veheretur aquis.
Namque ubi captivam ventofa per æquora duci
Se videt, & collo vincula nexa ſuo;
Protinus ad ſocias ſeſe convertit, & iſtam
Voſne ignominiam ferre poteſtis, ait?
Selino ut cunctæ diro ſervire velitis?
Ah potius falſis commoriamur aquis;
Dixit, & in puppem ardentes jaculata favillas
Se comiteſque ſuas, divitiæſque cremat.
Non perit omnino, poſt mortem eſt fama ſuperſtes,
Dignior & cœlo reddita vita ſibi;
Altera ceu Phoenix terris eſt facta perennis,
Altera ceu virgo eſt facta beata Polo.



Viderat alma Venus vaſtari Cypria regna,
Atque ſuas ſedes obſidione premi,
Omnia Turca ferox ferro perdebat, & igne,
Omniaque humani plena cruoris erant.
Martem adit expanſis per eburnea colla capillis;
Vix ah vix teneris parcit & illa genis.

An ne ego post multas cædes his finibus, inquit, mæll
Pellar? & amissis sedibus exul ero?

O dolor, o pietas, tam barbarus hostis habebit
Oppida delitiis facta superba meis?

Ah pereat potius, Mars optime: perde cohortes,
Urbibus e nostris hanc cito tolle luem.

Pro te bella geram, faciam quodcumque jubebis,
Mars ait, amplexus hoc meruere tui

Pone metum Cytherea: tuos tunc credimus hostes
Victores, quando Mars quoque victus erit

De Hjeronym Columnâ.

Viderat in somnis imâ a tellure Columnam
Surgere Pan, sensim mox tetigisse polum.

Imposita huic etiam cunctis ex urbibus una
Inclita Parthenope, magnus & orbis erat.


Hanc servate Dei; exitio ne forte sub uno
Tandem cum geminis orbibus illa cadat.

Nam quoque Parthenope: tantum caput extulit; ut non
Nomina conveniant urbis, at orbis, ait,

Aliud.

Sæpe ferunt Lunam nimio Endymionia amore;
Non tamen hoc mirum est, deseruisse polum.

Hoc mirum, cuncta ad se si evocat astra Columna,
E cœloque omnes allicit una Deos.







NICOL.^{US} MACHÆROPOEUS



De Rosis Autumnalibus.

UNde rosas Venetis alieno tempore apricos
Sponte per Autumnum picta remittit humus?
Has non Flora parit, nec Cyprio mæsta relictâ,
Nempe suo in luctu, donat habere Venus.
Barbadiæ classis ductor, Mars alter, in alto
Occidit, & moriens prima trophæa tulit,
Dumque pios Cives folium Jovis ante recenset
Ex acie, sparsos arma cruore sacro,
Angelicæque manus detergunt sanguinis undas,
Parsque abit in nubes, quas rutilare vides;
Pars delapsa solo, Adriacis collecta Napæis
Perfudit niveos rore, & odore sinus;
Scilicet hic sanguis, luctus solamen acerbi,
Fit rosa, quæ Venetum nata cruore rubet.





CAROLI MALATESTÆ



Nereidum cantus, ad Joannem Austriacum.

Litore cùm primùm classẽ deduxit Ibero,
 Et cursum Hesperiaẽ magnæ convertit ad urbes,
 Invisi soboles pulcherrima Cæsaris Heros
 Austriacus; mediis illi Nereides undis
 Lætitiâ oblatæ ingenti, plausuque fremebant.
 Alma quibus myrrhæ Tethys fragrantis odore
 Sparserat effusos humeris a vertice crines,
 Et studio incumbens cultuque ornaverat omni;
 Muscosos subter thalamos, & murmure rauco
 Assiduè flantis Zephyri, fluctuque strepentes,
 Quos intra æquoræ celebrant convivia Nymphæ,
 Oceanoque patri cœlesti nectare libant;
 Unde abeunt lætæ; si quando è gurgite vasto
 Prodire, egregiisque viris occurrere gaudent:
 Ut perhibent culto divini carmine Vates
 Argolicis illas Heroibus occurrisse,
 Qui primi indomitos ausi transmittere fluctus,
 Et tumidum curvâ pelagus fulcare carinâ,
 Velleris aurati spoliũ, laudemque petentes:
 Utque ferunt multis manifesto in lumine visas
 Auditasque simul, Carolo trans æquora vecto
 Dum comires irent, quascunque adverteret ille,
 Austriadum famam protendens victor, ad oras.
 Illæ igitur magni memores Herois, ut ipsum
 Viderunt juvenem gemmis, ostroque decorâ
 Inductum chlamyde, atque auro fulgentibus armis;
 Quem

Quem proceres circumstabant, & læta juvenus,
Actutum agnovere; alacresque extollere voces
Exorsæ, has illi referebant ordine laudes,
Aonio late mulcentes æquora cantu:
Advenis optatus nobis Dux inclite votis
Omnibus: ac letam venienti assurgere jam nunc
Italiam cernes, quo te laus excitat ingens;
Instructumque opibus summis, & classe potentem
Auspicio Divum quò te Rex maximus Orbis
Mittit, ut auxilio populis florentibus adsis,
Præfidiis auctos, vestro pro fœdere, qui se
Cum videant tantis, jungant quas protinus omnes
Expediunt nusquam dejecti in prælia vires.
Tum qui muneribus, durisque laboribus acti
Militiæ præstant obeundis, undique claro
Exciti sonitu, coeunt insignia læti
Sub tua, quæ media præfers extantia puppi.
Hos animi præstans inter, pulchrisque sub armis
Conspectus sese Farnesius inferet Heros,
Romulidum commissa Duci de sanguine claro
Quem soror in lucem simul edidit, ac, tua; partu
Felici Æncadumque Urbem, & Latium omne beavit.
Hunc gladiis accincta phalanx comitatur acutis,
Et juvenum magna primi cinxere caterva,
Bellandi studio quoscunque aut Martia Roma
Instructos ferro primis eduxit ab annis.
Assueti quicunque graves obiisse labores
Venantum, rapidoque feras prævertere cursu
Eridani latis campis, seu rupibus altis,
Præcipiti fertur quas inter flumine Tarus.
Ipsa tibi auxilio transmittit & Umbria pubis
Læta Ducem, floremque suæ, quem laudis avita
Accendit stimulis haud mollibus æmula virtus.
Ultero aderit magni monitis, opibusque parentis,
Tum propria fidens virtute ac pectore forti,
Tyrrheno exultans jam nunc & litore sistit
Adventus celeri montana per oppida cursu.
Huic & amore pari, cognato & sanguine junctus

It comes insigni forma, & florentibus annis
 Spectatus puer. Etrusci gens accola ponti
 Quem studio observat multo, placidoque parentis
 Læta sub imperio, nec segnes exigit annos.
 Gens dura, & manibus duros convellere montes
 Rupibus, immanesque excindere sueta columnas,
 Quæ Parium vincant marmor candore nivali.
 Quin Tiberis pulchra comitatus ad ostia classe,
 Cælatam clypeo fulgenti ex ære Columnam
 Arduus attollens, sese feret obvius Heros
 Inclitus; haudquaquam mentis confidere sanctæ
 Consilium veritus Pater est cui Maximus ille,
 Plurima quem sacri penes est custodia cultus.
 Necnon & præstantem animi dimittere ad urbem
 Egregiam, Adriaci egregiam decus æquoris Urbem,
 Nimirum invigilat sancto dum fœdere Patris
 Provida mens Urbi Regem adjunxisse potentem.
 Nunc etiam voti compos, hunc omnibus auctum
 Auxiliis, ducis & defunctum munere summi,
 Victorem bello toties, clarumque triumphis.
 Cominus auspiciis lætis immittit in hostem
 Quisque igitur quanto divinæ laudis amore
 Accensus magis, hoc propius, fortissime Ductor,
 Ille tuis comitem properat se adjungere signis:
 Seu pulchra Ausonia, regnisve oriundus Iberis,
 Quos tu consilio prudens moderabere multo,
 Et tua per benefacta oculos volventibus illis,
 Ardua quæque dabunt Divi superare, ferendo.
 Sic tibi magnanimi fuerint monimenta parentis
 Obvia, flectenti quæcumque ad litora classem.
 Tum memori recolenti animo sua fortia facta
 Invia nulla tuæ virtuti erit æquoris unda,
 Ostabuntque tuis nullæ conatibus urbes,
 Extremos donec protendas victor ad Indos
 Austriadum nomen terris fatale regendis.
 Ite igitur summi ductu Ducis, ite frequentes
 Inviecto Proceres spectati robore, & armis.
 Quaque viam virtus aperit, quæ gloria vobis


Monstrat iter, spondet quâ Jupiter ipse triumphum
Hostibus insignem victis, contendite cursu

His dictis finem facerent cum deinde canendi
Nereides, zephyrique implerent vela fidentes,
Continuò nova lux pelago, terraque refulsit;
Heroumque Chorus candenti in lumine cœli
Astitit, ac roseum demisit ab æthere nimbum.
Felices animæ mortalis tempora Lucis

Defunctæ, quæ nunc vita meliore fruuntur:

Rodolphus generis clari, Regumque Ducumque
Austriadum priscus pater, ac felicibus olim
Romanum Imperium fatis fortitus, & alter,
Quod toties pugna victor superaverit hostes,
Jure triumphator pulchro cognomine dictus.
Proximus huic, verum spatio haud ita proximus æquo,
Justitiæ, pacisque ante omnia cultor, & æqui
Longævus Federicus, & hunc prope filius, Orbis
Imperium æque Justitia tutatus, & armis,
Connubio felix nati, felixque nepote,
Post patrios Reges cui dives Iberia cessit
Austriaco commissa Deum haud sine numine, Regi:
Tum gemini fratres ævi duo lumina nostri,
Palladis, & magni Carolus Mavortis alumnus,
Qui totum implevit factis illustribus orbem,
Augustæque recens sobolis decus, & pater, & Rex
Optimus, ac veterum nulli virtute secundus
Ferdinandus, ab ætheriis qui sedibus omnes
Pro regali ostro, gemmisque, aurique corona
Cæsariem stellis redimit, ac luce decori
Ostendunt sese interdum mortalibus: & nos,
Nostraque nunc etiam solita pietate tuentur.





HORATII MALEVOLTI SENENSIS.



De Delia.

ANte mihi cara; at postquam me cœpit amare,
Carior est multò Delia facta mihi.
AnTe mihi pulchra; at postquam me cœpit amare,
Pulchrior est oculis Delia visa meis.
Diligat illa magis; mihi tunc carissima fiet:
Atque mihi fiet Delia pulchra magis.
Quod si ut cara mihi fiat, me nolit amare,
Saltem amet, ut fiat Delia pulchra magis.

ANTONII MANCINELLI VELITERNI.



Mors malorum finis.

DUm vitâ frueris, numquam dicare beatus:
Fortunæ ancipiti subjacet omne genus.
Felicem reddit fati fors ultima quemque.
Nam mors venturi finis & ora mali.
Felices igitur minimo qui tempore vivunt,
Cum mors felicem reddere sola queat.

For.

Fortune simulacrum.

Fortunam pedibus carere dicunt.
 Hæc alas retinet, manusque solum
 Palmis fert Regimenque Copiamque:
 Extensis manibus repellit alas,
 Hinc est lubrica semper, hincque cedit
 In sphærâ residens, ut inquieta.
 Ergo nec manibus, nec illa duris
 Vinculis, ni placeat, tenetur uaquam.
 Qui paulum sapiunt, minusque cernunt,
 Invitam quoque se tenere credunt.

De eadem.

Tempore non omni vultu Fortuna sereno
 Arridet: caveas ergo superbe tibi.

Malorum portus.

Qui miser est, aliena suis graviora retractet:
 Fortius excipiet quæ mala cumque cadunt.

Amygdala.

Cyrus, & Alcinous, vel Adonis poma tulissent
 Aurea: nos tantum Phyllidis ista damus,
 Utque etiam atque etiam valeant tua testa subire
 Utque magis sapiant, copia parva datur.

Quis bonus?

Qui nulli noceat, profit cuicumque valebit,
 Ille bonus, similis dicitur ille Dei.

Cimicibus fugandis.

Felle boum, lèctica simul spargatur aceto;
 Cimice vix unquam læserit illa putri.

In rabidum.

Jam mihi lustra decem; mihi nec bonus obtigit ullus
Quàm tu qui passim carpere quemque soles.

De Paschali Tertio. Ilcino

Qui tibi constantem vel fidum quæris amicum,
Credere cui tutò mystica sæpe queas,
Paschalem Ilcinum cunctis præponito fidis:
Alter enim Damom Hyrtacidesve tibi.

Julii Secundi Pontificatus.

Julius pacem dabit & quietem,
Copiam rerum, Cereris, Lyæi:
Æquitas nulli poterit deesse;
Vivat idcirco Pylîi fenestram.

De Livore.

Seria Mæonidæ Livor detreſtat & odit,
Aufonium vatem nec sine labe canit.
Quid mihi venturam mediter? quid? dum tamen ista
Qualiacunque legant, quid mihi Livor iners?
Lividus adlatrat passim quoscumque peritos;
Ast in secessu clam tegit, atque legit.

Ad Festum filium.

Ingenium, viresque tuas cognosce: priusquam
Incipias aliquid, turpe est delistere cœptis.



Doctrinam citiùs quàm aurum tibi delige fili:
Est cunctis opibus melior sapientia rerum.



Si tibi sit natus, doctori trade perito.
Perdocet indoctus, quæ dedoceantur oportet.



Hære illi valeat qui reddere te meliorem:
Admittes, quem tu meliorem reddere possis.



Doctorem, veluti sanctum venerare parentem;
Laudando semper, probris offendito numquam.



Ludendi spatium puero concede modesto:
Fortior ad studium mens oblectata redibit.



Ut tibi donetur prudentia: nocte dieque
Desidiam vites, studioque impende laborem.



Dulcis doctrinæ fructus: radícula amara est.
Ut valeat, quis non succos potabit amaros?



Est ornamentum rebus doctrina secundis.
Rebus in adversis doctrina est portus & aura.



Illâ, quam norit, se quisque exerceat arte.
Ufus enim egregius rerum præceptor habetur.



Adspectus veluti deducit ab aëre lumen,
A disciplinis animo lux venerit ampla.





Corvis innumeris quàm blando occurrere mallet.
Devorat hic vivos: projecta cadavera corvi.



Debenti nummos cuiquam succedere nolis:
Sæpe solent vades inopem deducere vitam,



Si facis invitus; levior res, aspera surgit.
Res dura apparet mollis, si sponte labores.



Ad summum nitens adscendere; conspice, ne tu
Cum ramis recidas quos jam comprehenderis altè.



Solus iterfacito numquam: securior ibis.
Sunt grassatores, sunt mille pericula casus,



Infamis fuerit scortum qui nutrit, inopsque:
Magna pudicitiae laus est: ne spreveris illam.



Perfidus haud ullis meritis placabitur umquam:
Amittes igitur quidquid donaveris illi.



Quæ sunt ad victum, debes multò ante parare
Quam tibi defuerint: constabunt quippe minoris.



Iustitiæ radix fundamentumque sit illud.
Ne facias ulli, quæ tu tolerare nequires.





Si quis inauditis ambabus partibus ullum
Judicium profert, justum licet; extat iniquus.



Denegat uxilium misero quicunque petenti,
Quæret idem frustra: meminerunt omnia cœli,



Depositem quodcunque tenes, servetur amicè:
Turpe magis nihil est homini, quàm fallere amicum:



Dilige præcipuè patriam, post deinde parentes,
Hinc natos, totamque domum, carosque propinquos.



Cordis eget, mentisque bonæ, qui spernit amicum.
Dives erit, multos quicunque est nactus amicos.



Alter amicus ego est; anima una in corpore bino:
Ad plenum felix, verum qui nactus amicum.



Iraſci domino noli reprehensus: amatur
Ab domino quicunque suo, reprehenditur idem.



Noli vindictam: sæpe obfuit ultio facta.
Magnanimus parcit; viuidictâ femina gaudet.



Tædia non refugit, cupiens virtutis honorem.
Qui studium, curamque fugit, spernetur ubique.





Tam firmum nihil est, cui non aliquando noceri
Possit ab invalido, perimit vel araneus anguem.



Promptior ad pugnas animum pro laude parabis
Quàm pro divitiis quærendis sive tuendis.



Qui pariter peccant, pariter punire memento.
Nec statuas ulli majorem crimine pœnam.



Invisum imperium longo non tempore durat.
Non aurum, sed amicus erit custodia regni.



Id solum petito quod nulli jure negares.
Quod tibi concedi malles concede roganti.



Pauca loqui prudens, audireque plurima debet.
Os unum, binaeque aures idcirco tenemus.



Suscitat ingentem prædurus sermo furorem,
Terribilemque iram frangit responsio mollis.



Quale lucrum fuerit, talis tibi cœna paretur.
Ne plus impendas, patitur quam curta suppellex.



Laudibus extollant alii tua gesta: tacendum
Est tibi: fordescit proprio laus ore relata.





Uxorem quicumque suam cupit esse pudicam
Improbus est, nisi servat idem quod pollicit ab illâ.



Parturiens hominum conspectum vitat asella.
Committunt homines vulgò turpissima quæque.

OCTAVIANI MANINI

UTINENSIS.



*Ad Principes Christianos, ut opem ferant equitibus
Divi Joannis contra Turcas.*

QUæ vos longa tenet mora Reges? barbarus hostis
Urget agens, equitesque premit, terraq;, marique,
Qui pauci Melitæ clauduntur finibus arctis:
Cædibus absumpti plures, dum tortia bello
Pectora barbarico opponunt; rutilantibus armis
Dum nullos ictus, & vulnera nulla feroces
Præmetuunt; non fatum ipsum, dum signa tuentur
Insignita Crucis veneranda & imagine Christi.
Hostis habet primas arces, munitaque portus
Claustra suo victor numero; instantique tumultu
Invicti cecidere viri, noctesque, diesque
Oppugnati usque, ah miseri! cecidere frementes,
Turcarum quoque jam ipsæ acies, peditesque, ducesque.
Quidnam vos tandem expectatis? tempora pugnae
Quæ opportuna magis? quænam momenta salutis
Sunt magis apta virum, qui templa, Deosque tuentur?
Si pereant ope nunc vestra, auxilioque carentes
Egregii bellatores, fortissima pubes

Undique collecta, heu quæ vos infamia passim
 Perstringet cunctos? quæ vos maledicta sequentur?
 Quas demum clades, quæ damna extrema subire
 Omnes inviti cogemur? protinus oras
 Invadet Siculas, parvo distantia tractu
 Litoraque & mediis positas regionibus urbes.
 Immanis victo, Scythica feritate timendus
 Sardiniam, Cynnumque petet. Campania quis te
 Proxima defender? Calabras quis proteget arces?
 Daunia quanta tuis tempestas imminet agris,
 Quanta tuis Latium? quanta heu tibi Tuscia? clare
 Quanta Lgur tibi? ni latum jam clavisibus æquor
 Cuncta tuens complex, & Turcas fluctibus imis
 Obruïs, hostiles demergens gurgite puppes.
 Nec te perpetuò tutam Phæacia tellus
 (Perperuo tutam cupio) Dominosque potentes
 Crediderim: nec, quas longo sua brachia tractu
 Hadria porrectus tot claras subluit urbes,
 Tot claras urbes fallens tentare timebit
 Publicus ille hostis, numquam pacatus, acerbis
 Infectans odiis Turca? hanc Dî tollite pestem.
 Quare agite unanimes Melitæ succurrite cuncti.
 Sancte Pater, cui religio nunc credita soli,
 Cui pietas & sacrarum custodia legum,
 Tolle moras omnes, obsessosque eripe morti.
 Et tu qui imperio flores, Germania summum
 Quem colit insignem proavorum stemmate longo
 Insignem, domitis tot gentibus, atque trophæis,
 Induperatorum prolesque, neposque piorum,
 Immitte infractas in castra inimica phalanges.
 Hispani, qui tot populos, tot regna, tot urbes
 Imperio subjecistis victricibus armis;
 Qui non contenti patriâ terraque fretoque,
 Ignotos fines, incognita litora longo
 Æquore quæstistis, quæstas legibus æquis
 Formastis gentes, Christi & statuistis ad aras.
 Effigies tu vera patris, suprema Philippe,
 Spes gentis Christi cultricis, maxima regna

Qui sanctâ ditione tenes, patiére tuorum
Usque dolos vitæ meditari impune furentes
Immanes Aquilone Scythas, & rupibus ortos
Frigoribus duris, incultos, moribus aspros?
Nec te immortalis nunc tangeret gloria patris
Quam non ulla dies Letheis obruet undis?
Magna patris magni soboles, jam classibus æquor
Nec mora longa, novis jam comple, & finibus hostes
Sterne tuis: vel longinquas procul ejice in oras
Attritos altè, & tua jam, quæ nescia vinci,
Arma animis positis semper sine fine timentes.
Est Melite patris munus: nam Carolus olim
Hanc dedit ejectis longo post tempore bello
Turcarum Rhodiis ducibus, Magnoque Magistro.
Nunc quoque sit Melite munus. Rex magne Philippe,
Sit munus, Rex magne tuum, florentibus armis
Militibus nostris, tua quos nunc vivida virtus
Servat ab exitio minitantis dira Tyranni.
Gallorum princeps, Galli procereſque, ducesque,
Inviſti Gallorum equites, peditumque manipuli;
Excidet ex animis vos Christi insignia primos
Defendiſſe acres ferro, Solymosque recessus
Infractos penetrare ausos, sanctumque Sepulchrum
Supremi Regis cœli cultoribus olim
Restituiſſe piis, spoliis Orientis onustos
Non semel in patriam claros reruliſſe triumphos?
Publica res agitur: Christi est injuria vestris
Ulciscenda armis: dubitabitis omnia adire,
Ut vetus egregiæ renovetur gloria gentis?
Æquoris Hadriaci rectores, edita priscis
Martigenis, gens haud ullâ mersabilis undâ.
Italiæ specimen, lux libertatis avitæ,
Cujus gesta ævo numquam obscuranda futuro;
Ni vos firma fides servandi fœderis arctis
Nexibus obstringit, vestras nunc promite vires,
Quæ toties Asiæ vastarunt litora, & urbes,
Quæ toties pressis satiarunt classibus æquor,
Quæ toties sancta pro religione micarunt.

Vester honos, vestri hæc victoria muneris esto.
 Quotquot nunc est s. diâ virtute colendi,
 Seu noti ditione patrum, seu fortibus ausis
 Seu prope, sive procul. mediis vel finibus orti
 Terrarum, Oceani vel fluctibus interluti,
 Si vos relligio, si cultus Numinis alti
 Permoveat, & claris quæ debita præmia factis;
 Obsessos equites nunc vestro robore fortes
 Eripite instanti letho, Turcamque fugate:
 Barbarus est fessus, facilis victoria Christo
 Auspice, & æternos victurum nomen in annos.

Ad Lectorem.

Excitus antiquæ studio pietatis ad ausus
 Magnanimos hortor quo licet ore duces.
 Clasifica sint utinam mea carmina, & arma minisi
 Pro sanctâ invictis relligione viris.

Ad Equites Melitenses.

Cælo alto demissæ animæ, dignissima cælo
 Lux invicta virûm, lux nobilitatis, ab armis
 Turcarum Meliten quæ fortiter ausa tueri,
 Territa non acie horrenti, non mille carinis,
 Sævitiâ aut dirâ Scythicæ impietatis: ab alto
 Mirantur Superi fortissima pectora, ab alto
 Demittet (contemne minas, & barbara tela)
 Speratum meritò auxilium. Victoria tandem
 Excipiet fessos, claroque reponet Olympo
 Heroas inter, melior quos protulit ætas;
 Quod si fata velint patriæ pro mœnibus acres
 Pugnando tantos demum finire labores,
 Quid melius, quam pro patriâ procumbere fortes?
 Pro fanis, arisque sacris? cui gloria major
 Contigit? aut ullo potis est contingere sæclo?
 Victores, victi, semper vivetis in omne

Temporis æterni spatium : perque ora virorum
Semper honos , semper clarissima gesta sonabunt.

*Preces pro equitibus Divi Jacobi , obsessis a Turcis
in Insula Melitâ .*

Dii Servatores hominum , qui dura pericla
Semper ab innocuis avertitis ; illa supremo
Si Pietas cœlo quondam bene cognita vivit ,
Si virtus , si cana Fides ; si cetera cordi
Sunt benefacta virûm : Melitam spectate faventes
Obsessam innumeris Europæ , Asiæque manipulis .
Hîc invicta manus , delecta ex omnibus oris ,
Constitit , & sanctâ pro relligione tuendâ ,
Pro templis , arisque Deum pro luce piorum
Excubat , & nullis cedit fortissima damnis .
Sed non densa cohors , ceciderunt fortibus ausis
Oppressi instantis Turcarum fraude Tyranni
Multi sæpe viri , loca dum sibi credita servant .
Parva manus superest , casura heu mole malorum ,
Barbarus ah fessos dum nocte , dieque fatigat .
Ille Rhodo clarâ priùs exiit omnia passos .
Ille etiam Melitâ coget migrare relictâ ,
Si modo qui migrent superabunt ; Numine dextro
Cælicolæ adsitis : restat spes una supremi
Auxilii cœlo missi ; quando omnia desunt
Humana heu miseris frustra sperata , Deûm Rex
Respice placatus summo de culmine cœli
Hunc equitum florem , nostræ hæc insignia gentis .
Roboris antiqui neu nigras ire sub umbras
Reliquias patiare Pater , tua dextera servet
Æterna dignos vita , æternisque triumphis .

De Victoriâ contra Turcas .

At Latio tandem pallentes dispulit umbras
Exoptata dies , & lucem reddidit almam ,
Jam cedit vigor , & bello jam vivida virtus

Ad relidos animos, defuetaque corda triumphis.
 Vicimus, & largo fœdarunt sanguine fluctus
 Jonios sceleratæ acies, invisaque Divis
 Agmina pontus habet. Sol ô pulcherrime salve,
 Salve nobilibus gaudens Victoria palmis,
 Et sæcli melior tandem surgentis Origo.
 Quid primum memorem? quâ linguam in gaudia solvam
 Voce prius? natat ecce mari disjecta profundo
 Atque Asia, atque Oriens, & vasto gurgite fractæ
 Threicii jactantur opes. & sceptrâ tyranni.
 Ipse autem longè vacuâ turbatus in aulâ,
 Nuncius excidii ut tanti gravis impulit aures,
 Qualis ubi ante aras percussus colla securi
 Procubuit taurus, mugitibus aëra complet;
 Abscinditque humeris vestem, projectaque calcat
 Tegmina Achæmenia capiti direpta tiaræ:
 Et nunc multa fremit, jactatque minantia verba,
 Nunc gemit, & tristi secum sub pectore versat,
 Quas condat sese in latebras, quæ limina quærat,
 Riphæasne petat glacies, Tanaimque nivalem;
 An campos Nomadum arentes; stipante suorum
 Annè manu magnâ, an solus cum remige solo
 Trajiciat fauces inglorius Hellesponti.
 Ille quidem ad rapidi nuper vada concitus Hebri
 Italiam contra flammantia lumina torquens,
 Sanguineamque aciem, bellâ horrida bella ciebat,
 Poscebatque nefas! magnæ sibi mœnia Romæ,
 Adriacæque urbis sedes, atque aurea sceptrâ.
 Demens qui vires alias, & numina Divûm
 Defensura pias acies non crederet, aut tot
 Posse coire manus æterno fœdere junctas.
 Ah nonnè indignum fuerat tot stare per annos
 Infandi caput hoc monstri implacabile terris?
 Perfidus hic prædo; cui nec fas, nec pudor ullus,
 Nec pietatis honos, nec dulcis pignora pacis,
 Sed tantum imperii, & cædis scelerata cupido,
 Victor ovans tot regna armis, & divite cultu
 Fortunata olim, dum rex stetit Itala, bello

Evertit? lateque premens parere cœgit?
 Interea Europa infelix discordibus armis
 Certavit? propriamque amens in viscera dextram
 Condidit? ille ferox amplâ regnavit in aulâ,
 Impune heu nostris creptâ Regibus aulâ?
 At sceptris etiam nondum contentus avitis?
 Quod superest, inhians animis, vastabat opimam
 Periurus Cyprum, jamque arces culmine summo
 Jam dederant Divûm, atque hominum testa alta ruinam.
 At parte ex aliâ spumabant cœrula remis,
 Pineaque Ægæum moles medium impellebat,
 Thraciam in Italiam portans, & tristia fata.
 Qualis ubi hiberno consurgens turbine nimbus
 Incubuit pelago, tempestatemque senoram
 Agglomerans equitat fluctus, & litora vento
 Ingenti plangit: jam fœdam instare tremiscunt
 Agricolaë stragem campis: ruet ille, labores
 Prosterne lætos effusâ grandine, & anni
 Spem longi franget. Sed quæ sine numine divûm
 Stent vires? Superûm auspiciis hinc Itala virtus,
 Et vis consilii haud experts, & robor pubis
 Hispanæ cursu placido maria alta secabant.
 Tuque adeo cœlo juvenis demisse sereno,
 Altera progenies, magnum & patris incrementum,
 Augusti imperiis jam nunc ingentibus aucte,
 Cui moles, & summa rei commissa Latinæ.
 Tune decus nostri, & donum mirabile sæcli?
 Tune velut clarum procedis Cæsaris astrum?
 Et tremulum roseo perfundis lumine pontum?
 I quo te virtus vocat, & fortuna secunda,
 I felix, i: major avis, atavisque redibis.
 Jamque mari magno tota hinc Europa velit se,
 Barbaricas acies contra mirantur & undæ,
 Miratur Nereus vastas innare carinas,
 Tritonesque feri se fluctibus exeruerunt,
 Et procul è saxo spectant immania monstra.
 Est locus Jonio in medio spumantia contra
 Litora Naupacti, quo sese plurima cogit

At-

Atque Ithacæ scopulis illisa remurmurat unda.
 Huc adte coëre utroque ab litore gentes,
 Actius Eoas hic rursus adspexit Apollo,
 Heipernasque manus armis concurrere, rursus
 Instructo adspexit Leucaten feruere Marte.
 Altera classis erat Stygiis damnata tenebris;
 Altera lætantes jam jam visura triumphos.
 Ista Deos secum placidos in prælia ducit:
 Illa importunâ prognatas Nocte sorores.
 Hinc celsâ ætherææ custos, & janitor aulæ,
 Illinc Tartareus residebat navita puppi.
 Quo ruitis diræ heu pestes? quo lintea venti
 Plena ferunt? jam jam adversa reflabitur aura
 Carbasus, hæc horæ momento mille trophæa
 Detrahat, hæc victis ingens dabit unda sepulchrum.
 Et jam constiterant imitantes cornua Lunæ
 Hinc atque hinc geminæ Classes, jam fluctuat æquor
 Ære percussum; dubiis jam sævus in armis
 Horrebat Mavors, intentaque tela tenebat,
 Quam nostras super advolitans Victoria puppes,
 Quid dubitatis adhuc, ô nata ad fortia dextræ,
 Magnanimi Heroës, crudelem exscindere gentem?
 Ferte faces, remos impellite, vincite, vobis
 Ipsa adero, ingentique duces sub cuspide frangam.
 Dixit, & ipsa manu signum dedit, ipsa carinam
 Impulit, ipsa gravem prima hastam intorsit in hostem,
 Venturamne diem audistis quæ subruat arces
 Orbis, & emoto volvantur cardine cuncta
 In præceps? montesque novo rapiantur in altum
 Impete? non aliter tunc agmina concurrerunt.
 Non aliter fragor horribilis ferit æthera. credas
 Ismaren, aut Rhodopen vasto concurrere Olympo.
 Fumidus ad cælum densâ caligine nimbus
 Volvitur, ex oculisque diem eripuerunt tenebræ.
 Et jam pronus equos agitabat Phæbus anhelos;
 Tum vero horridæ penitus parvire ruinæ.
 E-fera Tisiphone. Et tuque & mortis imago,
 Heu diræ facies medi in discrimine visæ,

Fragmina remorum passim, fluitantia passim
Transstra natant, proras demersis æquora rostris
Ima bibunt; superant flammæ quibus unda pepercit.
Corpora jam tot volvit aquis quot pontus arenas.
Singula quid memoro? longa est mora, gaudia nec me
Plura sinunt: vicere pii, gens impia pœnas
Expendit: numero ex omni vix una superstes
Puppis ad ignotas contendit remige terras.
Necte humeris, pedibusque novas age nuncia tantæ
Fama rei pennas, & nubila transvola & Euros,
Quaque diem condit Vesper, qua promit Eous
Et maria, & terras his læris vocibus imple,
Advenisse diem, qualem longæva verustas
Non unquam vidit, non speravere minores,
Viribus eximiis regnorum, & corpore toto
Europamque, Asiamque inter discrimine magno
Certatum, palmam tanti, pretiumque laboris,
Post superum Regem quis proxima sceptrâ teneret,
Barbaricam nostra excussam cervice securim;
Et juga sub pedibus nostris perfracta jacere
Quæ nuper veriti sumus, ô felicia sæcla!
O quam nos faustum Superi servastis in ævum!
Surge triumphales age victrix indue cultus
Ausonia, & gemmis splendente, auroque coronâ
Regales ornata comas solemnia vota
Exsequere, in primis solemnes instrue pompas;
Velentur lauri victrici fronde per urbes
Omnibus in templis aræ, nec munera desint,
Quæ metit Assyrius cultor felicibus arvis.
Omnibus in templis castâ cum virgine mater
Et conjux reducem jam jam amplexura maritum,
Solvite quæ toties fudistis pectore vota
Sollicito, procul hinc curæ, & dolor omnis abesto.
Quodd si cui dulces reditus patriosque negavit
Fortuna adspectus (neque enim Mars omnibus æquus)
Non hujus velut extincti lacrimabile fatum,
Non hujus fas est in funere solvere crinem,
Aut manibus lacerare genas, aut pectora pugnis,

Vivitis illustres animæ, quæ sanguine vestro
Servastis patriam; nec vos ulla auferet ætas;
Lethææ rapient, nec muta silentia ripæ,
Atque ipse, ô utinam! vestri pars una fuisset,
Et meus ingentes inter nunc spiritus umbras
Erraret tenuis, per vulnera pulchra profusus.
O quali exceptus planctu vos credimus! ô quos
Credimus amplexus, & gaudia quanta fuisse
Per nemus Elysium securo in sede piorum!
Teque adeo te magne Heros, cui cœrula Doris,
Et centum Hadriaco formosæ in litore Nymphæ
Dona suprema ferunt, ut nunc mirantur! & altis
Circumfusi humeris astant decora illa Latina
Scipiadæ, Decii, Fabii, magnique Camilli!
Utque pari conferre gradu vestigia gaudent!
Vulneraque illa lavant, queis stat Victoria nostra!
Et fluidum siccant generosa per ora cruorem!
Sed quo mens abiit mihi nunc? aut quo feror? unde
Hæc nova vis animo? quis mi calor æstuat intus?
Fallor? an æthereas concepi pectore flammæ?
Ante meos oculos hinc raucâ Bosphorus undâ,
Cumque suis latè versatur Thracia campis;
Illinc Armeniæ fines, atque altus Araxes,
Et populi Auroræ superandi, & litora rubra.
Haud bellum exhaustum est: haud hic vestigia plantæ
Figunt certa meæ, plus est quod mente revolve.
Majus opus meditor, pugnatum est alite dextro,
Et virtus lato patefecit limite campum,
Quod reliquum, expugnatæ alacres, & pergite porro
Duçtores magni, & cœptum decurrite munus.
Ipsa adeo, soliumque superbum, atque aula tyranni,
Urbs antiqua ingens, magnæ quondam æmula Romæ
Utro sese offert, vincendaque mœnia servat.
Quæ mora? quid tandem cœptis felicibus obstat?
Quin age surgamus genus omne, & quicquid ubique est
Gentis Romanæ, quicquid sub vindice mundi
Candida signa, sequi gaudet, properemus ad unum
Hæc caput: hoc nobis est denique pervicendum:

Nec

Nec prius inceptum fas est dimittere cursum,
Quam se perpetua solvant formidine terræ,
Accipiantque iterum leges, melioraque jura,
Atque equidem, ni vana animum præfagia fallunt,
Quos jam concursus? quanto terramque polumque
Turbine misceri video? jam jam ultima pulsu
Bactra gemunt, fremit hinc Boreas, septemque triones,
Hinc Zephyrus; trepidant septem Nili Ostia, & Auster
Nubibus, attonitus longe stupet arduus Atlas.
Scilicet hanc olim venturam certa canebant
Fata diem, quâ cœlestum contemptor, & orbis
Everfor Latæ subjeçtet colla catenæ,
Suppliciterque pias humilis procumbat ad aras
Aut desolatâ cadat ingens truncus arenâ.
Nec mora, subjeçtas omnes longo ordine gentes
Prospicias, Romane pater, tua templa petentes,
Poplite submisso sacris ferre oscula plancis.
O ne mors fuscis caput hoc circumvolet alis,
Nstra nec extremâ claudantur lumina nocte,
Dum videam, quæ nunc confusus imagine miror;
Et plectro graviore canam venientia fata,
Virtutesque, virosque, & tanta exordia rerum:
Omnia quæ referens operoso carmine texam
Leminis ad patrii sacrum caput, aut ubi dictam
Varminus ipse suo de nomine prænotat arcem,
Naiade cœlesti fortunatissimus amnis.
Ipse canam; secura meis dabis otia Musis,
Tu Grimane Heros, quo tellus silvia gaudet
Principe, quo melius nobis nil fata dederunt:
Et modò quæ canimus tua sunt non mollia iussa.
Atque utinam magni te cœli regia terris
Non prius invideat, quàm cernam sæcula condi
Aurea; nam pars hujus eris tu magna laboris,
Tarpejoque Jovi propior propiora tenebis.
Quare ades, & placidè aspira majoribus orsis:
Huc ades, atque animum præsentì Numine fima.

De intempestivo rofarum ortu.

Flore novo , & variis hyberno frigore Virgo
 Adrias effundit plena canistra rosis ,
 Datque inter gelidæ canentia munera brumæ
 Intempestivas cernere veris opes .
 Quid premere Imperio nequeas pulcherrima Virgo ,
 Si cedit rerum jam tibi magna parens ?
 Arbitrioque tuo se permittentia , cursus
 Atque vices obeunt ipsa elementa novas ?

FULVII SIGISMUNDI MANNII

SENESENSIS.

*In laudem Cosmi Medici Ducis.*

SAlve, Cosme Pater, lux o clarissima prolis,
 O decus, o Patriæ gloria summa tuæ.
 Inclite Cosme, tuum Musa hæc mea numen adorat,
 Et gaudet sceptro quod tua dextra tenet.
 Italides Musæ merito te carmine dulci
 Extollunt semper thura dabuntque tibi.
 Et tua odorato tangunt nunc labra liquore,
 Orantes Phœbum quo tua facta canat;
 Qui blandus cytharam plectro dum pulsat eburno
 Nil majus terris quam tua, Cosme, canit,
 Te celebrant pariter cunctæ, justissime Cosme,
 Musæ, quæ Cynthum, Castaliumque colunt.
 Te duce te gaudent, post magni incendia belli
 Optatam pacem, justitiamque coli.

At-

Atque viros regesque simul succumbere paci,
Armaque in obscuro condere cuncta loco.
Hoc tempus venisse boni jam denique gaudent,
Quo pœnæ meritum des homicida caput,
Menteque qui recta patriam nunc diligit, omnis
Vivat contentus munere, Colme, tuo.
Tum gaudent Nymphæ Tuscis in montibus æquè
Tingere nunc lymphis corpora posse suis.
Cum prius haud possent umquam se mergere tuto,
Nudaque desertis credere membra locis.
Hincque tibi dignas semper persolvere grates,
Dum poterunt, quærent, carmine, voce, lyra.
Nunc ego quid de te referam, dignissime Cosme?
Quæ faciam sceptro carmina digna tuo?
Tu decus æternum, spes es clarissima mundi,
Nos pietate tua, justitiaque regis.
Cum tu sis clemens, nulli pietate secundus,
In terris nota, sidereoque Polo.
Certior at Senæ spes es fidissima rebus,
Quod digno tandem fata dedere tibi.
Etruscæ gentis Dux ex, dignissime regno
Italiæ, arque omnis, quem tenet Orbis, agri.
Te cives Senæ, pueri, juvenesque, senesque
Extollunt merito, te dominumque canunt.
Atque ego tum natos semper, pulchrosque nepotes
Dicam, dum vitam fata, Deusque dabunt.
Sed majora tibi summus concedit Olympus,
Quodque potes vitæ jam superesse tuæ.
Nataque Chironis divino afflata furore
Prædixit prolem jam fore, Cosme, tibi.
Quam Phœbo similem prædixit in orbe futuram
Qui sua diffundit lumina clara Deus.
Vive diu felix (statuunt id sidera) natis
Nempe relicturus maxima regna tuis.



*De tempore sui primi Amoris allegorice in
Virtutem.*

Tempore, quo pueri incensis de more furentes
Urbe vagabantur facibus, Bacchumque vocabant,
Juniperum ardentem gestans, mea Praxia pulchra
Ibat, eratque simul multis comitata puellis.
Aurea cui roseam cingebat fibula vestem,
Atque comas myrtus comptas ornat odorata.
Arte sua positæ pendebant pectore gemmæ,
At forma comites superabat pulchrior omnes:
Tunc primum injecit flammæ, curasque Cupido
Ossibus inde meis, ac fregit pectora telo
Aurato, ast illam potuit transigere plumbo:
Hinc fugit illa, sequor, nec ræ vult sæva videre,
Illa meos numquam tristes in ferata dolores.
Uror, & assidue consumit flamma medullas;
Nec tamen his gravibus curis hæc dura moveretur.
Ergo quæ nobis est spes injecta salutis,
Ni tu magne Puer, nostros miseratus amores
Auxilio tantas depellas pectore curas?
Fac igitur Veneris flammis teneatur eisdem,
Atque animum precibus deponat dura superbum.

Ad Franciscum.


Non semper fortuna favet, nec blandus Apollo
Auratos arcus tendit, amice, tuos.


Laudatur constantia in studiis.

Turpia, chare puer, quod liqueris ocia, lætor,
Atque operam studiis des, animumque bonis;
Namque tibi recte sic consulis. ocia profunt
Ecquid? non multis sunt alimenta malis?
Non bona cuncta parit studium laudemque reportat,
Non fama illustres tollit ad astra viros?
Fac pergas igitur, quando constantia palmam
Affert, & doctis munera summa parat.

Remittenda esse studia diebus Canicularibus.


Cur puer nullum studiis remittis
Tempus, et curis animum fatigas
Semper invictum, vacuum labore
Nec finis unquam?
Nunc tibi quamvis faveat caterna
Docta Musarum, celebretque miras
Nunc tuas laudes, ferat atque ad astra
Carminе dulci.
Teque jam Pallas doceat studentem,
Non tamen semper licet hoc calore
Literis doctis animum dicare,
Ut facis, omnem.
Non decet semper penetrare cunctos
Mysticos sensus utriusque legis,
Quod soles, tandem ut capias laborum
Præmia summa.
Siste nunc ergo, prohibent amici,
Id tibi ardentē prohibent calores,
Nosque defessos nimio labore
Sirius urget.
Et bibens lætus bona vina ludas
Cum lyra dulci, gravibus relictis,
Et canas Phœbi fugiens sub umbra
Lumen, & æstus.
Otium temnas tamen at nefandum,
Quod mali multis alimenta præbet,
Et viro forti decus, atque famam
Præripit omnem.





MARCELLI JACOBI MANNII

SENESENSIS.



*Ad Cives, dissensionibus disjunctos, ut in patriam
revertantur, cohortatio.*

CRedite, nunc tandem tenebris, & nubibus atris
Defessi, cives, longum deponite bellum,
Et sponte imperium Cosmo deferte benigno:
Solvite jam cœca miseri formidine mentem,
Et manibus castis superis persolvite grates;
Lætus enim nunc finis adest, requiesque laborum
Quam pater omnipotens jam nos miseratus ab alto
Detulit in terras, regesque quiescere jussit.
Non equidem vereor, quin vobis omnia demum
Præsidia exciderint variis tot casibus actis,
Cum vos cœcus agat furor, vesana libido.

Linquere num genitos fas est, miserosque parentes,
Uxores, patriamque simul, charosque nepotes?
Qui lacrimis tristem vultum, pectusque rigantes,
Assidue junctas tendunt ad sidera palmas,
Atque orant pacem, & dextris conjungere dextras
Expectant avidi, coramque audire loquentes.
At si tantus amor nondum fera pectora cogit,
Nec pietas agitat patriæ, tantique dolores,
Ultimum at exitium moveat, cædesque futuræ.
Rumpite, quæso, moras, vestrasque revisite sedes,
Eripite his nebulis, atra & caligine mentem,

Nec

Nec vos pœniteat patrios placare penates.
Bella procul fugite, & terris avertite vestris:
Exigit hoc pietas, ut cives pace fruantur.
O utinam numquam Galli, Hispanique petissent
Italiam, & numquam terigissent litora Etrusca,
Non afflicta foret nostrum hæc tot cladibus ætas,
Nec longe a patria raperet discordia cives.
Pacem ergo optate, & belli contemnite pestem,
Jungiteque officiis animos per mutua nexis.
Cosmus erit vobis dux, quo nec justior alter,
Nec pietate fuit major, nec clarior armis.
Hic decus Italiæ, lux est clarissima Mundi,
Hic populos æquè cives complectitur omnes.
Hem legite hunc patrem vobis regemque benignum;
Vulneribus Medicum vestris adhibete peritum.
Omnia jam mitis peraget, curasque levabit.
Tales namque illi vires jam fata dederunt.
Quare agite ex bello cives impune recepti
Nec bona, nec patriam, nec pacem temnite vestram.

*Ad puerum, ut onera sibi æqua suscipiat,
ex Phaëtontis fabella.*

Parve puer properans onera intentata subire,
Quæque vides humeris non satis apta tuis;
Aspice quàm misere puer hic Clymenejus audax
Munera obire patris, fulmine tactus obit.

Pro amico, ab amica deluso.

Expecta, expecta dicit mea Delia semper,
Namque ferent lætam tempora longa diem.
Torqueor interea, veniunt hæc tempora numquam.
At veniet, quando mox periturus ero.



De Lydia dolo in Cupidinem.

Candida per densas iret cum Lydia silvas,
Venit, quo vario flore nitebat humus.
Illic defessum fontis prope murmura natum
Conspexit Veneris, sævaque tela simul.
Altus forte sopor pueri tum membra tenebat;
Clam celeri pharetram subripit illa dolo.
Et dixit fugiens: jam nunc tua tela nocebunt
Impia, quæ soleant lædere sæpe viros?

*Quod ad amores redeat invitus.**Pro amico.*

Nuper a cæco fueram solutus
Igne, spinosis, gravibusque curis,
Nec Venus duris misere premebat
Colla catenis.
Nec pharetrati pueri sagittæ
Pectori hærebant miserantis actam
Sic meam vitam, volucrique ducta
Vulnera ferro.
Sed quod ingratam posuere legem,
Et trahunt duræ mea fila Parcæ,
Quodque sic optant mihi fata, sævo
Reddor amori.
Cor meum semper lacerum, quod olim
Delix a vinclis fuerat revulsum,
Delix infelix rediit sub arcta
Pectora rursus.
Ut sub angustam caveam reversus
Plutacus, parco fruiturque cælo,
Nescius, quantum valeat potestas
Libera vitæ.
Sic miser quodvis dominæ jubenti

Carcere inclusus subigor superbæ,
 Cujus aspectu graviora pendent
 Vulnera mille.

Certè ego ad luctus, laqueosque duros,
 Ad graves flammæ, Venerisque curas
 Natus, illius fera semper ardens
 Jussa subibo.

*Ad Octavianum Fortiguerram Musis
 amicum.*

Cur meos docta celebras Camœna,
 Debitos vere tibi nunc, honores?
 Sic tuum tollis melius resurgens
 Nomen ad astra.

Sic sacros dulci superas Poëtas
 Barbitò, & Phœbus tibi semper æquus
 Intimos pandit latice sororum,
 Tectaque Divum.

Ceteros fumas celebrare dignos.
 Impotens tantas refugit palæstras
 Ipse, cui Phœbus dedit arte mira
 Condere versus.

*Queritur amorem non esse mutuum. Pro amico
 rogante.*

Quid mihi Gradivus si Mars, Bellonaque certent,
 Et pariter Reges horrida bella gerant?
 Quid mihi, si pereant homines, armenta, gregesque,
 Aut nunc sit cunctis faucibus atra fames?
 Quid mihi si totum penitus nunc corruat æther
 Cum terra, & totas sorbeat unda domos?
 Hæc mihi num possent tantos lenire dolores,
 Et mulcere simul vulnera quæ patior?
 Nam Cytherea Venus nunc, alatusque Cupido
 Contra me miserum tot sua tela movent.

Nec secus ac flamma Æthnææ, Vesulique favillæ
 Mens mea nunc flagrat, cor animusque simul.
 Lydia nec sentit, nulloque accenditur igni,
 Mutuus haud duro pectore vivit amor.
 Viveret o utinam, similique calefceret æstu,
 Ac esset cunctis ossibus ignis edax.
 Quam leviora forent mihi jam mea vulnera, quam nunc
 Imperium possem ferre Cupidineum!
 Sed nobis nec pectus amor transfixit eodem
 Telo; nam solum pars mea vulnus habet,

In laudem cujusdam Accensi.

Diva Musarum Jovis alma proles,
 Cui pater vocem tribuit sonoram,
 Tange nunc docto cytharæ sonantis
 Pollice chordas.
 Et modis paulum gravibus relictis,
 Nunc velis mecum leviori plectro
 Hujus e caro numero poetarum
 Edere versus.
 Majus hic Phœbi decus, hic latinæ
 Et decus Musæ, ac Heliconis oræ,
 Dum velint Parcæ tetricæ, nec atra
 Stamina ducant.
 Hunc parens Divum Cybele disertum
 Inter Accensos alit, ut sacratæ
 Sit suæ Pinus odor, atque fructus
 Notus in orbe.
 Spiritum clarum dedit huic Apollo,
 Carmen & doctum, ingeniumque præstans
 Omnibus Musis, superisque tandem
 Fecit amicum.
 Hic feros angues, rapidasque Tygres
 Lenit, hic rivos celeres morari
 Cogit, hic ducit scopulos, Notosque
 Carmine mulcet.

Quin sono dulci movet atra regna
 Tartari, & manes stupeant, inersque
 Æacus justas fide blandienti
 Deserat artes.

Cerberus ponens furiale centum
 Anguibus diris caput, inter umbras
 Cessat, & Pluto recubans supinus
 Stertit in antro.



JO: BAPTISTÆ MANTUANI

BUCOLICON AD PARIDEM CERESARIUM.



FAUSTUS. Ecloga Prima
De honesto Amore, & felici ejus exitu.

Fortunatus, Faustus.

Fo. **F**Auste precor gelida quādo pecus omne sub umbra
Ruminat, antiquos paulum recitemus amores.
Ne si forte sopor nos occupet, ulla ferarum
Quæ modo per segetes tacite insidiantur adultas,
Sæviat in pecudes: melior vigilantia somno.

Fau. Hic locus, hæc eadem sub qua requiescimus arbor
Scit quibus ingemui curis, quibus ignibus arsi
Ante duos, vel ni memini male, quattuor annos.
Sed tibi quando vacat, quando est jocunda relatu,
Historiam prima repetens ab origine pandam.
Hic ego dum sequerer primis armenta sub annis,
Veste solo strata sedi, jacuique supinus,
Cum gemitu, & lacrimis mea tristia fata revolvens.
Nulla quies mihi dulcis erat, nullus labor; ægro
Pectore sensus iners, & mens torpore sepulta.
Ut stomachus languentis erat, quem nulla ciboru
Blandimenta movent, quem nulla invitat orexis.
Carminis occiderat studium, jam nulla sonabat
Fistula disparibus calamis, odiosus & arcus,
Funda odiosa, canes odiosi, odiosa volucrum
Præda, nucum calices cultro enucleare molestum.
Texere fiscellam junco, vel vimine, piscem

Fal-

Fallere, scrutari nidos, certare palæstra,
 Sortiri digitis res injucunda, voluptas
 Magna prius, tanti dum mens erat incicia morbi.
 Colligere agrestes uvas, & fraga perosus,
 Mœrebam ut pastu rediens Philomela, cibumque
 Ore ferens natis, vacuo sua pignora nido
 Cum sublata videt, rostro cadit esca remisso,
 Cor stupet. & contra nidos stupet, arboris altæ
 Fronde sedet plorans infelices hymenæos.
 Seu veluti amisso partu formosa juvenca,
 Quæ postquam latos altis mugitibus agros
 Complevit, residens pallenti sola sub umbra,
 Gramina non carpit, nec fluminis attrahit undam.
 Sed quid circuitu pario tibi tædia longo?
 Dum sequor ambages, & verba, & tempora perdo.
 Summa hæc, vitales auras invitus agebam.
 Quod si forte volens cognoscere singula dicas
 Fausce, quis in syrtes Auster te impegerat istas?
 Me mea (verum etenim tibi Fortunate fatebor)
 Me mea Galla suo sic circumvenerat ore,
 Ut captam pedicis circumdat aranea muscam.
 Namque erat ore rubens, & pleno turgida vultu,
 Et quamvis oculo pene esset inutilis uno,
 Cum tamen illius faciem mirabar, & annos,
 Dicebam Triviæ formam nihil esse Dianæ.
For. Ludit amor sensus, oculos præstringit, & aufert
 Libertatem animi, & mira nos fascinat arte.
 Credo aliquis Dæmon subiens præcordia, flammam
 Concitet, & raptam tollat de cardine mentem.
 Nec Deus ut peribent, amor est, sed amaror, & error.
Fau. Adde quod optatis nec spes erat ulla potiri,
 Quamvis illa meo miserata faveret amor,
 Monstraretque suos oculis, ac nutibus ignes.
 Nam quocumque isset, semper comes aspera, semper
 Nupta sequebatur foror, & durissima mater.
 Sicque repugnabant votis contraria vota,
 Non secus ac Muri Catus: ille invadere pernam
 Nititur, hic rimas oculis observat acutis.

For Qui satur est pleno laudat jejunia ventre,
Et quem nulla premit sitis est sitientibus asper.

Fau. Tempus erat curva segetes incidere falce,
Et late albebant flaventibus hordea culmis.
Adfuit (ut mos est) natis comitata duabus
Collectura parens, quæ præterit hordea messor.
Ignorabat enim, vel dissimulabat amorem.
Dissimulasse puto, quoniam data munera natæ
Noverat, exiguum leporem, geminasque palumbes.

For. Pauperies inimica bonis est moribus, omne
Labitur in vitium, culpæ, scelerumque ministra est.

Fau. Farra legens, ibat mea per vestigia virgo
Nuda pedem, discincta sinum, spoliata lacertos,
Ut decet æstatem, quæ solibus ardet iniquis.
Tecta caput fronde intorta, quia sole perusta
Fusca sit, & voto facies non servit amantum.
Jam tergo vicina meo, laterique propinqua,
Sponte mea delapsa manu frumenta legebat.
Nec cælare suas nec vincere femina curas,
Nec differre potest, tantum levitatis in illa est.

For. Quisquis amat levis est, nec femina sola, sed ipsi
Quos sapere, & præstare aliis mortalibus ajunt.
Quos operit latus fulgenti murice clavus.
Quos vidi elatos regali incedere passu
Tu quoque sic affectus eras dementior illa,
Forſitan, & levior: virgo data farra legebat,
At tu farra dabas. dic quæ dementia major?
Perge, opus est verbis aliquando arcere soporem.

Fau. Continuo aspiciens, ægre tulit aspera mater.
Et clamans, quo dixit abis? cur deseris agmen?
Galla veni, namque hic alnos prope mitior umbra.
Hic tremulas inter frondes immurmurat aura.
O invisâ meis vox auribus, ite precabar,
Ite, malam ventri celeres dispergite vocem.
Siquis pastor oves ad pingua pascua ducat,
Et veret adductas præsens decerpere gramen,
Vel si jam pastas potum compellat ad amnem,
Et sitibundo ori salientem deneget undam,

Non

Non ne importunus? naturæ inimicus, & excors?
Illa mihi vox visa Jovis violentior ira,
Cum tonat, & pluvius terris irascitur aër.
Non potui, & volui frontem non flectere; virgo
Demissis aliunde sui velaminis oris,
Me aspiciens motis blande subrisit ocellis.

Id cernens iterum natam vocat improba mater.
Galla operi magis intendens audire recusat.
Ut pede sic animo sequitur, tum providus ipse,
Namque dolos inspirat amor, fraudesque ministrat,
Nunc cantu, nunc sollicitans clamore merentes
Velamenta dabam sceleri, quo credere possent
Et soror, & mater, non audivisse puellam.
Falce repellebam sentes, ne crura sequentis
Levia, ne teneras ausint offendere plantas.

For. Quisquis amat servit, sequitur captivus amantem,
Fert domita cervice jugum, fert verbera tergo
Dulcia, fert stimulos, trahit & bovis instar aratrum.

Fau. Tu quoque, ut hinc video, non es ignarus amorum.

For. Id commune malum semel insanivimus omnes.

Fau. Hoc animi tam triste bonum, tam dulce venenum
Cottidie crudele magis crescebat in horas,
Ut calor: in nonam dum lux attollitur horam.
Pallebam attonito similis, lymphaticus, amens,
Immemor, insomnis, nec erat res ardua morbi.
Nosse genus; frons est animi mutabilis index,
Ut pater advertit: mitem se præbuit ultra
Consuetum quod & ipse suos expertus, amorum
Sciret onus, blandoque loquens humaniter ore,
Dic inquit, dic Fauste, quid hoc quod pectore volvis?
Infelix puer; hæc facies testatur amorem.
Dic mihi, ne pudeat curas aperire parenti.

For. Sit licet in natos facies austerâ parentum,
Æqua tamen semper mens est, & amica voluptas,

Fau. Ut facilem pater affectum præ se tulit, ultro
Rem confessus opem petii, promisit, & ante
Quam brumale gelu borealibus arva pruinis
Spargeret, agnati unanimes cum patre puellam

De.

Despondere mihi, nec adhuc sine testibus illi
 Congrediebar, eram medio sitibundus in amne
 Tantalus, o quoties misso cum bubus aratro
 Ut vacuis aliquando esset sola ædibus ibam.
 Omnia causabar, stivam, dentale, jugumque,
 Lora jugi, rullam, deerant quæcumque petebam,
 E foci lare, sola tamen deerat mihi, virgo.
 Non deeram mihi, piscator, venator, & auceps
 Factus eram, & sollers studia intermissa resumpti.
 Quidquid erat prædæ, quidquid fortuna tulisset
 Ad soceros ibat, gener officiosus habebat.
 Nocte semel media subeuntem limina furtim,
 Sic etenim pactus fueram cum virgine, furem
 Esse rati, invasere canes, ego protinus altam
 Transiliens sepem vix ora latrantia fugi.
 His tandem studiis hyemem transegimus illam.
 Ver rediit, jam silva viret, jam vinea frondet,
 Jam spicata Ceres, jam cogitat hordea messor,
 Splendidulis jam nocte volant Lampurides alis.
 Ecce dies genialis adest, mihi ducitur uxor.
 Sed quid opus multis? nox expectata duobus
 Venit, & in portum vento ratis acta secundo est.
 Tum bove mactato gemina convivia luce
 Sub patula instructis celebravimus arbore mensis.
 Adfuit Ocnophilus, multoque solutus Jaccho
 Tempestitiva dedit toti spectacula vico.
 Et cum multifori Tonus, cui tibia buxo,
 Tandem post epulas, & pocula, multicolorem
 Utriculum sumpsit, buccasque inflare rubentes
 Incipiens, oculos aperit, ciliisque levatis,
 Multotiesque altis flatu à pulmonibus hausto
 Utrem implet, cupito vocem dat tibia presso.
 Nunc huc, nunc illuc digiro saliente vocavit
 Pinguibus à mensis juvenes ad compita cantu,
 Saltidico dulcique diem certamine clausit
 Et jam tres hiemes abiire, & proximat æstas.
 Quarta dies rapidis (siqua est bona) præterit horis.
 Si qua placent, abeunt: inimica teneacius hærent.

For. Fauste viden? vicina pecus vineta subintrat.
Jam (ne forte gravi multa taxemur) eundum est.

FORTUNATUS. Ecloga Secunda.
De Amoris infania.

Faustus, Fortunatus.

Fau. Cur tam ferus ades? quid te, jam septima lux est,
Detinuit, gregibusne nocent hæc pascua vestris?

For. Fauste Padus nostros qui præterlabitur agros
Creverat, & tumidis ripas æquaverat undis.
Nos curâ gregis omisâ privata coëgit,
Publicaque utilitas ripam munire diurnis
Nocturnisque operis, fluviumque arcere furentem.

Fau. Fert Padus exundans mala læpius omina, noster
Tityrus est auctor, qui pascua dixit, & arva.

For. Forsitan id verum, quando extra tempora, & ultra
Mensuram, atque modum subito concreverit æstu.
Nunc autem id poscit tempus, nam liquitur altis
Nix hiberna jugis, implent cava flumina montes.

Fa. Se exonerant, fluvioisque onerant, sic flumina rursum
Se exonerant, pelagusque onerant, hominū quoque mos est
Quæ nos cumque premunt, alieno imponere tergo.

For. Sed jam contractum revocat suus alveus amnem.

Faust. Decrescente Pado (dictu mirabile) noster,
Fortunate, lacus majoribus æstuat undis.
Urbs natat, obscuræ fiunt cellaria fossæ.
Lintre cados adeunt, labens ad vina minister
Ridet, ex imis fertur gravis obba lacunis.
Multa, licet nati fuerint melioribus horis,
Multa, & magna ferunt aliquando incommoda cives.

For. Commoditas omnis sua fert incommoda secum.
Et sorti appendix est illætabilis omni.

Hæstenus Eridanus: nostros reperamus amores,
Quandoquidem nunc alma Venus movet omnia, cælū
Luce tepet nitida, tellus viret, arva volucres
Cantibus exhilarant vernis, nunc omnia fœtant.

Tu

Tu tua lufisti, fed nos aliena fequamur.
 Namque tibi noti referam paftoris amores,
 Ut doceam Veneris nihil effe potentius igne.
 Pauper & infefto fub fidere natus Amyntas,
 Sex vitulos, totidemque pares ætate juvenecas,
 Armentique patrem ducens in pafcua taurum,
 Venerat. ad coitum, nitidis ubi Mincius undis
 Abluit herbofos fugiens perneciter agros.
 Arx nova propter aquas pinnatis ardua muris
 Eft coitus, campo moles fundata paluftri.
 Hic igitur recubans vitrei prope fluminis undam,
 Vitis ubi amplectens longis dumeta lacertis,
 In vada curvata ripæ fupereminet umbra,
 Piscibus infidias tendebat arundine, & hamo.
 Melfis erat: folis rapidi violentia campos
 Sciderat arentes, finem Philomela canendi
 Fecerat, & neque lux paffim morientibus herbis
 Pafcere oves poterat, neque nox humore cicadas.
 Dumque incumbit aquis, ftudioque intendit inani,
 Taurus (ut auditum eft) primum vexatus ab æftro,
 Mox canibus, demum furaci a milite filvis
 Abditus, ex toto confeflim evanuit agro.
 Quod puer ut novit, tumulum confcendit, & alta
 Voce bovem clamans, longo rura omnia vifu
 Profpicit: ut fruftra niti fe comperit, arcum
 Corripit, & pharetram, fequiturque per invia taurum.
 Illum per caulas, & per ftabula omnia quærens,
 Per colles Benace tuos, per confita olivis
 Jugera, per virides ficis, & viribus agros.
 Venerat ad fublime jugum, quod fulphuris arcem
 Sufinet, & longis aperit profpectibus illinc
 Benacum, hinc campos longe lateque patentes.
 Lux ea fagra fuit Petro: frondente fub ulmo
 Mixta erat ex omni pubes poft prandia vico,
 Ducebatque leves buxo refonante choreas.
Fau Ruffica gens, nulla genus arte domabile, femper
 Inrequietum animal, gaudet fudore peracto,
 Mane fagro fefta (quando omnibus otia) luce
 Ipfa

Ipsa otii, ac famis impatiens epulatur. & implet
Ingluviem, audito properat tibiae ad ulmum.

Hic furit, hic saltu fertur bovis instar ad auras.

Quam rastris versare nefas, & vomere terram

Calcibus obduris, & inertī mole fatigat,

Ac ferit, & tota Baccho facit orgia luce,

Vociferans, ridens, saliens, & pocula siccans.

For. Stulte quid hæc faris? solatia rustica damnas

Rusticus ipse? tuis malus es, tibi pessimus ipsi.

Fau. Dicta joco fuerint, nostrum repetamus Amyntam.

For. Continuit gressum, baculoque innixus acerno

Intermisit iter, donec mitesceret æstus.

Ah puer infelix, æstus te major in umbra

Corripiet, nudam videas ne in fonte Dianam

Claude oculos, blandis neu des Sirenibus aurem.

Sors tua Narcisso similis, Narcissus in undis

Dum sedare sitim properat, sitit amplius: at tu

Exteriorem æstum fugiens intrinsecus ardes.

Quam melius fuerat (nisi te sic fata tulissent)

Ad reliquum rediisse pecus, servasse juvencas.

Amisisti bovis æquo animo dispendia ferre,

Quam dum conaris nil perdere, perdere te ipsum

Fau. Sed post jacturam quis non sapit? utile non est

Consilium post facta, dari quod oportuit ante.

Consilium post facta, imber post tempora frugum.

For. Una puellares inter pulcherrima turmas

Virgo erat alba comas, aliis præcior, annos

Nata quater quinos, vel circiter, ore nitenti

Urbanis certare potens, & vincere, Nymphis.

Aureolis radians guttis ad tempora limbus

Ibat, & ad pectus clausum velamen ahenū

Claviculo, mediam fulgenti fibula ferro

Stringit in angustum, nova candidat instita lapsu

Linea rugoso, pedibusque allabatur imis.

Hanc puer ut vidit, periit, flammæque tuendo

Hausit, & in pectus cæcos absorbuit ignes,

Ignes, qui nec aquis perimi potuere, nec umbris

Diminui, neque graminibus, magicisve fufurris.

Obli-

Oblitusque greges, & damna domestica totus
 Unitur, & noctes in luctum expendit anaras.
 Sæpe gravescentem verbis compescere flammam
 Nixus, & insanum juvenis cohibere furorem
 Dicebam, miserande puer quis te Deus istas
 Misit in ambages? sed non Deus, immo Satanum
 Pessimus, ex illis quos noctibus, atque diebus
 Ter tribus in terras fama est ex æthere lapsos.
 Dic age si nosti quenquam, reminiscere, si quem
 Videris hoc pacto ditescere, surgere in altum,
 Dilatare domum, majoribus horrea acervis
 Complevere his studiis, extendere latius agros,
 Multiplicare greges, acquirere pascua bubus.
 Inter tot populos, quot habet latissima tellus,
 Sunt qui nostra ferant mensis epulanda cruentis
 Corpora, & humanos absument dentibus artus.
 Sunt inquam quos tanta malis tot vexet Erinny.
 Sed nullū est tam immane genus, tam barbara nusquā
 Gens, quæ femineos non excretur amores.
 Hinc veniunt rixæ, veniunt & jurgia, & arma,
 Sæpe etiam diræ multo cum sanguine mortes.
 Hinc quoque deletis everse mœnibus urbes.
 Ipsæ etiam leges, rubrisque volumina loris
 Clausa vetant scelus hoc, & detestantur amores.
 Ut leges audivit, ad hæc respondit Amyntas:
 Civis enim fuerat puer, & versatus in urbe.
 His monitis prudens, & circumspectus haberi
 Niteris, & sensu tetricos anteire Catones.
 Error hic, hæc passim sapiens dementia regnat.
 Ipse sibi blanditur homo, sollersque putari
 Vult animal; tamen incautus sibi multa tetendit
 Retia, & in foveam cecidit quam fecerat: ante
 Liber erat, servile jugum sibi condidit ipse.
 Pondus id est legum [vidi ipse volumina] quas nec
 Antiqui potuere patres, nec possumus ipsi,
 Nec servare ætas poterit ventura nepotum.
 Aspice quam stulta est hominum prudentia, cœlum
 Sperat, & esse sibi sedem inter sidera credit.

Forſitan in volucrem moriens tranſibit, & altum
 Spiritus aſſumptis tranabit ad æthera pennis.
 Tunc ego quid latras? legum Deus auctor, & ipſis
 Non parere, ſapit magnam nimis impietatem.
 Grandia de magnis hæc ſunt certamina rebus.
 Quid fuerim reris? quamvis pannofus, & aſper
 Sim modo, tunc animo, tunc vi, tunc ore valebam,
 Nec mihi ſeſe alius poterat componere paſtor.

Fau. Nunc quoque ſi rectus vultu gradiare ſupino.

Alter eris Marius, raſo ore videre Carbo

For Talia reſpondit ſic objurgatus Amyntas.

Facto homini Deus invidit, conceſſa voluptas

Viſa bonum nimis excellens, & vota reſpreſſit

Legibus inventis, ut equi ligat ora capifiro,

Ne quocumque libet ſelectat veſtigia, feſſor.

Quæ mea ſit me cogit amor, ſententia, ſari,

Liberaque ora facit, qui non communicat uſum

Conjugis, invidus eſt livorem excuſat honeſtas

Introducta uſu longi livoris iniquo.

Nam dum quiſque ſibi retinet ſua gaudia, nec vult

Publica, communis mos, ac longævus honeſtas.

Factus, & hunc morem fecit dementia legem.

Invida res amor eſt, atque invidioſa voluptas.

Tunc ego non audens hominem contendere contra

Amplius, infano rediens ab amante reſceſſi.

Fau. Cernis ut hic malus affectus ſic lumina mentis

Claudat, in errores ut ſponte feramur apertos?

For Cernis ut a ſummo liventia nubila Baldo

Se agglomerent? oritur grando; ne forte vagantes

Tempeſtas deprendat oves: diſcedere tempus.

A M Y N T A S. Ecloga Tertia.

De infani Amoris exitu infelici.

Fanſtus, Fortunatus.

Fau. Illa heſterna ruens baldi de vertice grando,

Fortunate, fuit nobis innoxia: divis

Tom. VI.

N

Gra-

Gratia, nostrarum quibus est custodia frugum.
 Sed veluti ex illis veniens ait Harculus oris,
 Veronensem agrum pecudes & ovilia, sic est
 Demolita casae, & pastoralia tecta
 Sic evertit, ut agricolis spes nulla superfit.
 Agricolis etenim pecus est substantia & arva,
 His subiecta malis; grandi thesaurus in arca
 Civibus est, quem nulla queat contundere grando,
 Nulla pruina, gelu nullum, nullæ aëris iræ.

For Nescio quis ventos, tempestatesque gubernat.
 Id scio, sed neque si scio, fat scio, sed tamen ausim
 Dicere, quid: vita ne ideo multabor in ipsa?
 Numina si (ut perhibent) orbem moderantur ab alto,
 Æstimo nil duros hominum curare labores.
 Aspice quo tenuem victum sudore paramus.
 Quot mala pro grege, pro natis, pro conjuge pastor
 Fert miser, infestis æstate caloribus ardēt.
 Frigoribus riget hibernis, dormimus ad imbrem
 Cotibus in duris, vel humi, contagia mille,
 Mille premunt morbi pecudes, discrimina mille
 Sollicitant, latro insidias intentat ovili,
 Atque lupo, milesque lupo furacior omni,
 Ut manus assiduo detrita incalluit usu,
 Squalluit os, barba obrigit, cutis aruit æstu,
 Una repentino rapit omnia turbine grando.
 Hoc superi faciunt, quibus inclinamur ad aras,
 Et quibus offerimus faculas, & cerea vota.
 Nescio quæ pietas, & quæ clementia tantis
 Cladibus involvat pastores omnium egenos.

Fau. Fortunate, scelus nobis hæc omnia nostrum
 Ingerit, ætherei sententia judicis æqua est.

For. Quod scelus? an fuimus Christi vitæ insidiati?

Fau. Jurgia, furta, iræ, Venus, & mendacia, rixæ.

For. Quid meruere boni? nec enim scelus obruit omnes.

Et tamen una omnes pariter pessundat Erinnyes.

Fau. Heu nescis: male de superis sentire nefandum.

His igitur quæ scire nefas, nescire necesse est,

Posthabitis: curas iterum repetamus Amyntæ,

Quas

Quas sumus experti, quas ignorare negatum est.

Res vulgaris amor, studium commune juventæ.

For. Mœror, & affectus alii de cardine mentem

Sæpe levant, animo sermo venit æger ab ægro.

Fau. Intellecta licet pro re, pro tempore fari.

Sic habitus Cosmas sapiens, incognita numquam.

For. Fausste sapis, notos igitur repetamus amores.

Restat Amynteos postrema in fata furores

Ducere, & in misero lacrimas impendere casu.

Præteriens illac parvo post tempore rursum

Insanire hominem video, & miseratus amantem,

O iterum, dixi, mens inconsulta veneno

Ebria fatali, populo jam fabula factus

Non resipiscis adhuc, & adhuc in amore sepultus

Te ruis, atque tuos, pecus, atque mapalia tecum,

Ut quondam moriens rapuit secum omnia Sampson?

Cum senio curvatus eris, si forte senectam

Fata tibi dederint, quis sustentabit inertem?

Somni plenum, inopem, cum jam defecerit omne

Robur, & ingenium, sensusque recesserit omnis?

Hæc tibi cuncta feret, nisi mors prævenierit, ætas.

Esto domi, vigila, observa, super omnia semper

Prospice quo tendas, & quo venisse dolendum est,

Ire cave, discerne vias, hominemque memento

Non ad delicias, non ad muliebra natum

Blandimenta levi tam pernicioſa juventæ.

Ipse ego cui pecudes, cui lac, cui caseus, ægre

Vitam ago, tanta agros omnes invalit egestas,

Tot duri rerum eventus, incommoda passim

Tanta, tot adversis totus convolvitur orbis.

Accipe rem non auditam, non tempore factam

Præterito, sed quam lux hæc mihi protulit ipsi.

Ut mos, autumno pecudes crescente totondi.

Mane foro exposui lanæ venalia pondo,

Sexaginta hodie, grande æs conflare putabam.

Vix vitam gregis eduxi, vix pabula possum

Mercari hibernis nivibus: quo cetera pacto

Sit victura domus, nondum mihi constat, Amynta.

Quisquis amat, dominæ munuscula mittat oportet.
Tu vero cui vix tectum fortuna reliquit,
Sub quo luce habitat, sub quo pernoctat egestas,
Quid poteris cupidæ gratum donare puellæ?
Mittere mala decem satis esse solebat amanti.
Purpurei flores, & raptus ab arbore nidus,
Gramen odoriferum, memini quo tempore magnæ
Credebantur opes. ventum est a gramine ad aurum.
Regia res amor est hac tempestate, recessit
Mos vetus, & quædam mala lex inolevit amandi.
Talia suadenti torvo mihi rettulit ore.
Si cupis optatam mihi Fortunate salutem,
Da quod amo, nostro hæc una est medicina dolori.
Cetera quæ memoras, mihi sunt tormenta, revelli
Ex animo furor iste nequit, mea pectora imago
Virginis obsedit, mecum est, mecum itque, reditque,
Excubat, & dormit mecum, caput, ossa, medullas,
Cor, complexa potest cum sola excedere vita,
Ac veluti quoties aliena ex arbore secto
Surculus inseritur trunco, natura duorum
Jungitur, & misto coalescit corpore virga.
Sic dominæ dilecta mihi se immerfit imago.
Et fecit duo corda unum, duo traxit in unum
Pectora, sensus inest nobis, & spiritus idem.
O me felicem, si cum me mea fata vocabunt,
In gremio, dulcique sinu, niveisque lacertis
Saltem anima caput hoc languens abeunte jaceret.
Illa sua nobis morientia lumina dextra
Clauderet, & tristi fleret mea funera voce.
Sive ad felices vadam post funera campos,
Seu ferat ardentem rapidi Phlegetontis ad undam,
Nec sine te felix ero, nec tecum miser unquam:
O Dryades, florumque Deæ, nymphæque decentes
O memorum Silvane pater, servate precamur
Collibus in vestris, gelidisque in vallibus omne
Silvarum, rurisque decus, circumdate saltus
Sepibus, & prohibete pecus, ne floribus obsit.
Ista precor dominæ servate in funera nostræ.

Tunc omnis spargatur humus, redolentia ferta
Texite, quæ circa tumulum, supraque jacentem
Componantur heram, tristes ad busta puellæ
Pierides aderunt, & lamentabile carmen
Ore canent madido, signataque verba relinquent
Ista sepulturæ relegenda nepotibus olim.
Hic regitur virgo, cui nil quin diva vocari
Debuerit, deerrat, nisi dura fuisset amanti.
O virgo si te tantus consumeret ardor,
Per centum Scyllas ad te, per mille Charybdes
Tranarem laturus opem, tu sævior Hydra
Me fugis, at culpæ nihil est in virgine, nam me
Nescit adhuc; si sciret enim, succurreret ultro,
Nec puto sub miti tam ferrea pectora vultu.
Signa tamen vultus fallacia sub cute molli;
Mens fera, sub blanda sunt corda immania fronte
Alloquar, & faciam nostros intelligat ignes.
Si tamen illa meos vultus averterit, ibunt
In lacrimas oculi, triste in suspiria pectus.
Oderit illa licet semper, fugiatque sequentem,
Ista tamen quocumque ferar, me cura sequetur.
Ite procul medicæ (non sum sanabilis) artes.
Ite procul magico qui (quod nec credere dignum est)
Carminе pallentes animas revocatis ab Orco.
Ite procul vanis precibus qui flectere divos
Creditis; adversum est, & inexorabile cœlum.
Me rapit impatiens furor, & juvat ire per altos
Solivagum montes, per lustra ignota ferarum.
Talia jactantem verbis conabar amicis
Flectere, sed vulnus nihil insanabile curat.
Illum per campos nox intempesta silentes,
Illum exorta dies inter dumeta videbat
Insomnem semper, raro silvestria poma
Carpentem, & potu contentum simplicis undæ
Post longos gemitus, exhaustaque lumina fletu
Assiduo, post lamenta, & convulsa frequenti
Pectora singultu moriens finivit amores.
Exanimum corpus tumuli sine honore relictum

Nocturnæ absumptere feræ, volucresque diurnæ.

Fau. Heu funesta lues, fatalis machina passim
Corda venenatis penetrans humana sagittis,
Æquiparans hominem pecudi: quæ pocula Circe,
Quæ pejora unquam potuit dare Philtra Calypso?
Quæ Styx, quis Phlegethō gravior, quæ major Erinny?
O stulti quicumque Deum dixistis amorem.
Num natura nocens Deus est? ubicumque locorum
Sit Deus, est homini clemens, innoxius, æquus.

For. Heu miserande puer tenera sublata juvena,
Quæ tibi nascenti luxerunt sidera? quæ tam
Noxia pars cœli est, ut te nil tale merentem
Læserit, & primis infortunarit ab annis?
Nec tamen omnino cœlum tibi defuit; omne
Carmen, & argutis quidquid modulamur avenis
Doctus eras; nisi te mors immatura tulisset,
Dignus eras hederis, dignus Parnasside lauro.
Nec melius cecinit pugnæ, ac tristia bella,
Hordea, & agrorum cultus, & pascua noster
Tityrus a magno tantum dilectus Alexi.
Namque tui præcox animi sollertia nobis
Cognita jam pridem magnam producere frugem
Cœperat, & specimen tuleras virtutis, & artis
Non vulgare tuæ, poteras jam gloria dici
Ruris, & ætatis decus indelebile nostræ.
Te Padus, & noster lugubri Mincius ore
Cum Nymphis flevere suis, ut Thracius Hebrus
Orphea; te tristes ovium flevere magistri,
Ut Daphnin luxisse ferunt; te pascua, & agri
Undique, & audita est totis querimonia campis.
Spargite pastores tumulum redolentibus herbis.
Atque sacerdotum cantus, ac thura quotannis
Ducite, & æternam requiem cantate poetæ.

Fau. Tu tamen arva tenes patriæ melioris, & altum
Incolis Elysiū, nos hic te flemus Amynta.

For. Flendum hodie nobis fuerat; nam tristia nocte
Nescio quæ mœstris cernebam insomnia formis.
Sed jam vesper adest, & Sol se in nube recondens
Dum

Dum cadit agricolis, vicinos nuntiat imbres.
Cogere, & ad caulas pecudes convertere, tempus.

ALPHUS. Ecloga Quarta.
De natura mulierum.

Alphus, Janus.

Al. Anne caper (video) macer est tuus? esse solebat
Acer, & elatis in cœlum cornibus ire.

Nunc dejectus humi, flaccis piger auribus herbam
Olfacit, & summis attingit gramina labris.

Jan. Languet, & ex isto languore facetia surgit,
Quæ quoties memini, risum ciet, edita nondum est.
Edita cum fuerit, totus mirabitur orbis.

Al. Jane soles narrare sales lepidissime, & ore
Suaviloquo, dic ergo tuus cur langueat hircus.

Jan. Res non ficta, Deus testis, sed facta recenter.
At dulce id facinus non est narrabile gratis.
Quid pretii sperare licet? quæ dona reporto?

Al. Jane ubi congeffit nidos Philomela, docebo.

Jan. Qui leviter spondet, promisso eludit inani.

Al. Qui non credit inops fidei: sed pignore tutum
Te faciam, duo tela mea deprome pharetra.

Jan. Incipiam, Nymphæ Parnassides ora movete.
Et memorate mei dira infortunia capri.

Ac Philomeleos Alpheo concedite nidos.

Conductus mercede puer præfectus ovili

Affidue pascebat oves, caprum, atque capellas.

Servitium nobis pueri fuit utile, donec

Virgine conspecta, quæ tum huc veniebat aequatum,

Tabuit; ex illo vecors jam tempore factus

Frigidius curare gregem, contemnere caulas

Cœpit, & exhausto subvertere cuncta cerebro.

Cum sopitus erat, poterat vigil esse videri.

Nugabatur enim, quando vigilabat, inertis

Corporis officio, volvebat somnia mente.

Hunc ergo in saltu ludens per cornua caprum

Viminibus validis inter dumeta ligarat,
 Quarta dies hodie, tentans an vincula possit
 Vincere cervice, ac præduræ robore frontis.
 Quæsitum interea nidos nemus omne pererrat,
 Corda subit virgo, dilecta recogitat ora,
 Ora, sinus, & quæ fari pudor, omnia volvit,
 Lux fugit interea, capri redit immemor, alta
 Nocte recordatus surgit, pavidusque per umbras
 Dum graditur, ruit in foveam, quæ fronde saligna
 Captandis obducta feris, & stramine sicco
 Instar erat putei fundo irremeabilis alto.
 Est caper in vinclis, puer est in carcere, pastor
 Nullus oves curat, jam tertia luxerat hora.
 Miror, oves retero, ac numero, caprumque requirens
 Obsrupeo, puerum clamo, magalia lustro.
 Vera loquar: magicis ne forte liquoribus unctus,
 Extimui, ascenso migrasset in aëra capro.
 Namque Str ges tali (fama est) ope nocte vagantes
 Ad quædam longinqua procul convivium ferri.
 Attonitus tandem pecudes ad pascua duco.
 Dumque pedum meditans subeo nemus, ecce per
 umbras
 Ecce procul caper in dumis strepit, atque reluctans
 Cornibus adversis contra sua vincula pugnat.
 Terruit incautum subito feralis imago,
 Et nil tale ratum, firmato pectore tandem
 Nosco animal, subjensque rubos seco vincula runca.
 Sero domum rediens, video per pascua longe
 Turbam exultantem risu juveniliter alto.
 Ut prope constitimus, meque agnovere, salutant.
 Et tuus ecce ajunt puer hic o Jane luporum
 Erutus è foveis, dum nocte perambulat agros,
 Incidit in casses, & sic inventus uterque
 Et caper, & pastor, caper hæc incommoda passus.
 Languet adhuc, puer imprudens infanior hirco est.
 Virgo superbivit, mox ut se audit amari,
 Et pueri simulans curam ignorare, pudorem
 Fingit, ut ad formam faciat pudor, ora, sinumque
 Or-

Ornat, & in terram versis incedit ocellis
Callida, vulpina rem simplicitate gubernat;
Hæc studia, hi casses, hæc sunt muliebria arma.
Ille sua sperans Galatea aliquando potiri,
Contempta mercede suos sectatur amores.
Propterea plaustro, stiva, bubusque relictis
Ad pastoris opus redeo, subiecta furori
Ista juventutis levitas rura omnia vexat.

Al. Quod nequit ingenium casus facit, ô stupor, ô fors
Iugeniola, ô res risu celebranda bimestri!

Jane fides servanda, tibi Philomela laborat.

Sed quod tam vafro memoras de virginis astu
Rettulit in mentem, quæ plallere sæpe solebat
Carmina femineis olim de fraudibus Umber,

Jan. Dic Umbri, dic siquid habes, meditare parumper
Et verba, & numeros, Umbri est memorabile carmen.

Al. Est ut ais, sed non gratis, memorabile carmen.

Quas referes grates? & quid mercedis habebō?

Jan. Accipe, promissis absolvo, & spicula reddo.

Al. Dum vado ad ventrem post hæc carecta levandum.

Jane meum tu coge pecus, ne vitibus obsit.

Jan. O aries, aries, qui tortis cornibus atrum
Dæmona præsentas, semper vineta subintrās.

Non sapiēs, donec fossa tibi lumina fronte
Eruero, non sunt porrecta in jugera centum
Pascua sat, nisi pampineos populeris & agros.

Al. Jane recordatus redeo, sed plurima forsan
Nondum nota tibi referam, cognoverat Umber
Omnia, quæ fas est homini perdiscere, cœlos,
Sidera, tellurem, ventos, mare, flumina, fontes,
Viderat & Rhodopen, atque alta Ceraunia, & Ossam,
Gallica regna, Ararim, Rhodanum, Tyberimque,
Padumque,

Attica Romanis referebat carmina verbis,
Ore utroque potens, & lingua primus utraque,
Hunc unum nobis invidit Græcia, & ipsi
Arcades, & Thracum saltus, & Thessala Tempe.
Si quid erit quod forte velis tibi notius esse.

Can.

Candidus illius semper documenta sequutus.
 Non procul hinc, hæc ille tenet, nos ille docebit.
 Sed jam septriforem flatu experiamur avenam.
 Ante tamen Nymphæ precor, ut Liberthrides adsint.
 Præsertim quæ plus meminisse Polymnia fertur.
 Feminæum servile genus, crudele, superbum,
 Lege, modo, ratione, caret, confinia recti
 Negligit, extremis gaudet, facit omnia voto
 Præcipiti vel læta jacet, vel concita currit.
 Femina, semper hyems, atque intractabile frigus,
 Aut canis ardentes contristat fidere terras.
 Temperiem numquam, numquam mediocria curat.
 Vel te ardentem amat, vel te capitaliter odit.
 Si gravis est, mæret torvo nimis bernica vultu.
 Si studeat comis fieri gravitate remissa,
 Fit levis, erumpit blando lascivia risu,
 Et lepor in molli radiat meretricius ore.
 Flet, ridet, sapit, insanit, formidat, & audet.
 Vult, non vult, secumque sibi contraria pugnat.
 Mobilis, inconstans, vaga, garrula, vana, bilinguis,
 Imperiosa, minax, indignabunda, cruenta.
 Improba, avara, rapax, querula, invida, credula,
 mendax.
 Impatiens, onerosa, bibax, temeraria, mordax.
 Ambitiosa, levis, maga, lena, superstitiosa.
 Desidiosa, vorax, ganeæ studiosa, palatum
 Docta, falax, petulans, & dedita mollitiei.
 Dedita blanditiis, curandæ dedita formæ.
 Iræ, odii que tenax, in idonea tempora differt
 Ulciscendi animos, infida, ingrata, maligna.
 Impetuosa, audax, fera, litigiosa, rebellis,
 Exprobrat, excusat tragica sua crimina voce.
 Murmurat, accendit rixas, nil fœdera pendit,
 Ridet amicitias, curat sua commoda tantum.
 Ludit, adulatur, defert, sale mordet amaro.
 Seminatur in vulgus nugæ, auditaque lingua
 Auget, & ex humili tumulo producet Olympum.
 Dissimulat, simulat doctissima fingere causas.

Or

Ordinæque dolos, fraudique accommodat ora,
Ora omnes facili casus imitantia motu.
Non potes insidias evadere, non potes astum
Vincere, tantæ artes, sollertia tanta nocendi.
Et quamquam videas oculis præsentibus, audet
Excusare nefas, potis est eludere sensus
Sedulitate animi, nihil est quod credere possis.
Et nihil est quod non (si vult) te credere cogat.
His facient exempla fidem: quæ crimina non sunt
Feminea tentata manu? dedit hostibus arcem
Decepta ornatu brachii Tarpeja sinistri,
Sæviit in natos manibus Medea cruentis.
Tyndaris Ægæas oneravit navibus undas.
Scylla hostem sequitur patri furata capillum.
Fraxinem Byblis amat, subicit se Myrrha parenti,
Concubitus nati longæva Semiramis ardet.
Causa necis vati conjunx fuit Amphiarao.
Occidere viros nocturnis Belides armis.
Orphea membratim Cicones secunere poetam.
Cognita luxuriæ petulantia Pasiphaæ,
Phædra pudicitiam contra crudeliter ausa est.
Decepit Judæa virum Rebecca, suamque
Progeniem, velans hircino guttura tergo.
Porrigit Alcidae conjunx fatale venenum.
Decipit Hippodame patrem, Lavinia Troës
Implicat ancipiti bello, Briseis Achillem
Depulit è castris, demens Chryseide factus
Fulminat Atrides, & sentit Apollinis iras.
Eva genus nostrum felicibus expulit arvis.
Credite pastores, per rustica numina juro,
Pascua si gregibus vestris innoxia vultis,
Si vobis ovium cura est, si denique vobis
Grata quies, pax, vita, leves prohibete puellas.
Pellanturque procul vestris ab ovilibus omnes,
Thestylis, & Phyllis, Galatea, Næra, Lycoris.
Dicite quæ tristem mulier descendit ad Orcum
Et rediit? potuit si non malefana fuisset
Eurydice revohi, per quas descenderat umbras

Rapta sequi renuit fessam Proserpina matrem.
 At pius Æneas rediit, remeavit & Orpheus.
 Maximus Alcides, & Theseus, & duo fratres
 Unus equis, alius pugnis bonus, atque palæstra.
 Et noster Deus, unde salus, & vita resurgit.
 Hæc sunt pastores. hæc sunt mysteria vobis
 Advertenda, animi fugiunt obscæna viriles,
 Femineas loca delectant infamia mentes.
 Ut semel in scopulos vento contortus, & unda,
 Nauta scit incautis monstrare pericula nautis,
 Sic senior longo factus prudentior usu
 Præteritos meminit casus, aperitque futuri
 Temporis eventus, vitæque pericula monstrat.
 Si fugiunt aquilam fulicæ, si retia cervi,
 Si agna lupum, si dama canem, muliebria cur non
 Blandimenta fugis, tantum tibi noxia pastor?
 Est in eis pietas crocodili, astutia hyænæ.
 Cum flet, & appellat te blandius, insidiatur.
 Feminæos pastor fugito (sunt retia) vultus.
 Non animis, non virtuti, non viribus ullis
 Fidito. non clypeo, cujus munimine Perseus
 Vidit saxificæ colubros impune Medusæ.
 Monstra peremerunt multi, domuere gigantas,
 Evertere urbes, legem imposuere marinis
 Fluctibus, impetui fluviorum, & montibus aspris.
 Sacra coronarunt multos certamina, sed qui
 Cuncta subegerunt, sunt a muliere subacti.
 Rex qui pastor erat funda, spolioque leonis
 Inclitus, & Natus, qui templa Syonia fecit
 Primus, & excellens invicto robore Sampson,
 Feminæum subiere jugum: minus officit ignis,
 Saxa minus, romphæa minus, minus hasta, minus mors.
 Nec formæ contenta suæ splendore decorem
 Auget mille modis mulier, frontem ligat auro,
 Purpurat arte genas, & collocat arte capillos.
 Arte regit gressus, & lumina temperat arte.
 Currit, ut in latebras ludens perducatur amantem.
 Vult dare, sed cupiens simplex, & honesta videri,
Dene.

Denegat, & pugnat, sed vult super omnia vinci
Femina: Cæciaco (res mira) simillima vento est.
Qui trahit expellens mendaci nubila flatu.
Quisquis es, expertus moneo, tentare recusa
Dum licet, hic fragilis quot habet fastidia sexus.
Immundum natura animal, sed quæritur arte
Mundities, id luce opus est, ea somnia nocte.
Deglabrat, lavat, & pingit, striat, ungit, & ornat.
Tota dolus, tota ars, tota histrio, tota venenum.
Consilio speculi gerit omnia, labra movere
Discit, & inspecto vultum componere vitro.
Discit blandiri, discit ridere, jocari.
Incedens humeros discit vibrare, natesque.
Quid sibi vult nudum pectus? quid aperta superne
Rimula, quæ bifidam deducit in ubera vallem?
Nempe nihil, nisi quo virus penetrabile sensum
Plus premat, & stygiæ rapiant præcordia flammæ.
Hi juvenum scopuli, Syrtes, Scyllæ, atque Charybdes.
Hæ immundæ Phinei volucres, quæ ventre soluto
Proluvie fœda thalamos, cœnacula, mensas,
Compita, templa, vias, agros, mare, flumina, montes,
Infestare solent, hæ sunt Phorcynides ore
Monstrifico, extremis Lybiæ quæ in finibus olim
Aspectu mutare homines in saxa solebant.
Carmina doctiloqui cursim recitavimus Umbri.
Quæ si visa tibi nimium prolixa, memento
Ipsius id rei vitium non carminis esse.
Non longum est carmen, mulierum amentia longa est.
Jan. O memorande senex, quo se vetus Umbria tantum
Jactat, & ipse tuæ Tyberis conterminus urbi.
Martia non ab re tantum te Roma vocabat.
Ipsa tuas artes, & non trivialia norat
Carmina, te vita functum flevere Latinæ
Naiades, & Grajæ: tua molliter ossa quiescant
Semper, & in summo mens aurea vivat Olympo.



CANDIDUS. Ecloga Quinta.
De consuetudine divitum erga poëtas.

Silvanus, Candidus.

Sil. Candide nobiscum pecudes aliquando solebas
Pascere, & his gelidis calamos inflare sub umbris.
Et miscere sales simul, & certare palæstra.
Nunc autem quasi pastores, & rura perosus
Pascua sopito, fugis, & trahis otia, cantu.

Can. Vos quibus est res ampla domi, quibus ubera vacæ
Plena ferunt, quibus alba greges mulctralia complent,
Cymbia lacte nivent, & pingua prandia fumant,
Carmina laudatis, si quid concinnius exit,
Plauditis, ac læti placidas extenditis aures.
Pro numeris vanas laudes, & inania verba
Redditis, interea pastor sitit, esurit, alget.

Sil. Nonne potes curare greges, & dicere versus
Cum vacat, & positis vitam traducere curis?
Omne operam gregibus pastorem impendere oportet,
Ire, redire, lupos arcere, mapalia sepe
Cingere, mercari paleas, & pabula, victum
Quærere, nil superest otii: laudabile carmen
Omnem operam, totumque caput Silvane requirit.
Grande utrumque opus est, & nostris viribus impar,
Cum cecini sitio, sitienti pocula nemo
Porrigit, irrident alii, tibi penula, dicunt.
Candide, trita, genu nudum, riget hispida barba.
Jam silvæ implumes, & hyems in montibus albet.
Irascor, doleo, indignor, fert omnia victus,
Lanitium, foetusque mares. non vendimus agnas.
Sed quia lac pascunt. premitur nihil, ubera siccant.
Pœnitet ingenii, si quid mihi, pœnitet artis,
Pœnitet & vitæ, postquam mihi nulla secundant
Ex tot sideribus, quot sunt in nocte serena.
Haftenus ut nosti, gratis cantavimus, ætas
Indiga paucorum merces fuit, altera longe

Conditio senii, quod nunc subit, omnium egenos
Reddit, & extinctis lucri spem viribus aufert.

Mox erit utendum partis, modo quærere tempus.

En formica brevis, sed provida bestia condit

In brumam nova farra cavis æstate latebris.

Neve renascantur, fruges secar ore sepultas.

Sil. Scire Genethliacos fatalia sidera dicunt.

Hi sub Mercurio vates, & sub Jove reges,

Magnatesque locant, istis dat Juppiter aurum,

Atque magistratus, dat Majæ filius illis

Ingenium, linguam, citharas, & carminis artem,

Hæc tua fors: quid quæris opes? Deus omnia in omnes

Dividit, ut melius nobis videt esse futurum.

Sorte tua contentus abi, sine cetera nobis.

Can. Sunt tibi divitiæ, mihi carmina: quæ petis ergo
Carmen? & invadis partes Silvane alienas?

Sil. Non tibi furripio carmen, nec Apollinis arma.

Sed dare dulcisonis aures concentibus opto.

Can. Si gaudere meis igitur concentibus optas,

Nos gaudere tuis opibus Silvane decorum est.

Sil. Ille meis opibus gaudet qui diligit, odit

Invidus, atque animo bona fert aliena molesto.

Can. Sic quoque tu nostris absens gaudere camœnis

Sat potes, hæc artis sat sint tibi gaudia nostræ.

Carmina sunt auris convivium, caseus oris.

Si cupis auditu, fac nos gaudere palato.

Hoc amor, hoc pietas, hoc vult Deus, omnia non dat

Omnibus, ut nemo sibi sit satis, indigeatque

Alter ope alterius, quæ res conjungit in unum

Omne genus, Gallos, Mauros, Italos, & Iberos.

Sidera jungamus, facito mihi Juppiter adsit,

Et tibi Mercurius noster dabit omnia faxo.

Pileolum, virgam, citharas, nodum Herculis, alas.

Sil. Vana supervacuis inculcas plurima verbis.

Can. Vana inquis, quæ damna tuis inferre videntur

Divitiis: si vis nostras audire camœnas,

Erue sospitam de sollicitudine mentem.

Vult hilares animos, tranquillamque pectora carmen.

Ter.

Torpeo, ut esuriem patiens, & frigora milvus.
 Jamdudum mihi scabra cutis, situs occupat ora,
 Nec pecus in stabulis, nec in agro farra, nec aurum
 In loculis; & vis possis me vivere curis?
 Non facit ad nostros talis medicina dolores.
 Fac alacrem, tege, pascere, gravi succurre senectæ.
 Invenies promptum versu & cantare paratum.
 Plena domus curas abigit, cellaria plena.
 Plena penus, plenique cadi, plenæque lagenæ.
 Horrea plena, greges læti, gravis ære crumena.
 Tunc juvat hibernos noctu vigilare Decembres
 Ante focum, & cineri ludos inarare batillo,
 Torrere, & tepidis tostas operire favillis
 Castaneas, plenoque sitim restinguere vitro,
 Fabellasque inter nentes ridere puellas.
 Tityrus (ut fama est) sub Mæcenate vetusto
 Rura, boves, & agros, & Martia bella canebat
 Altius, & magno pulsabat sidera cantu.
 Eloquentia fortuna dabat: nos debile vulgus,
 Pannosos, macie affectos, farragine pastos,
 Aoniæ fugiunt Musæ, contemnit Apollo.

Sil. Si sperata mihi dederit fortuna quod opto,
 Candide, præsentem te sollicitudine solvam.

Can. O utinam Silvane foret tibi tanta voluntas,
 Quanta est hac etiam tibi tempestate facultas.
 Non ego divitias Cosmi, non serica posco
 Pallia, non Tyrias chlamydes, non prandia regum,
 Non patinam Æsopi fameo, clyptumve Minervæ,
 Nil opus est Regis laribus, cui ferrea nomen
 Tradidit, aut si mens non fallitur, ænea barba.
 Hæc me jam pridem memini didicisse sub Umbra
 Postulo vestitum, peto victum sub lare parvo,
 Certior istud opis toti non defore vitæ.
 Sint mihi Pythagoræ mensæ, Codrique supellex.
 Sæpe alios qui spem dederint invenimus ore
 Magnificos, sed re modicos: tibi fidimus uni.
 Tu mihi si fueris mendax, præciditur omnis
 Sex, ut solstitio fiam Philomela reverso

Murus, & elinguis, suspendere postibus arma
Tempus erit, clausoque abigi spectacula circo.

Sil. Candide vidisti Romam, sanctique senatus
Pontifices, ubi tot vates, ubi copia rerum
Tantarum? facile est illis ditescere campis.

Can. Deciperis me velle putans ditescere, vesci
Et lupus, omne animal, crudis existimat escis.
Tuque putas alios quo tu pede claudere passum.
Non ego ditari cupio, sed vivere parvo.
Fac habeam tenuem sine sollicitudine victum.
Hoc contentus eam: Romana palatia vidi.
Sed quid Roma putas mihi proderit? o Silvane
Occidit Augustus numquam rediturus ab Orco.
Si quid Roma dabit, nugas dabit, accipit aurum,
Verba dat, heu Romæ nunc sola pecunia regnat.
Exilium virtus patitur: sperare jubemur
Undique, & in toto vates spe pascimur orbe.

Sil. Dic pugnas, dic gesta virum, dic prælia regum.
Vertere ad hos, qui sceptrum tenent, qui regna gubernant.
Invenies qui te de sordibus eruat istis.

Can. Inveniam qui me derideat, & subsannet,
Tempestate ista reverentia tanta poësi,
Quanta lupanari: quid me Silvane laceßus?

Sil. Non decet obscænis vatem prorumpere verbis.

Can. Non possum non vera loqui, si vera taceri
Forte velis, levibus me parce laceßere dictis.

Sil. Utile consilium præstare, laceßere non est.
Consilii locuples ego, sed pauperrimus auri.
Qui pugnas, qui gesta virum, qui prælia regum
Dicet inops vates, cui nec quo fistula possit
Aptius incidi, fierique foramina, culter?
Aspice ut excussis luxata manubria clavis,
Ut dentata acies, veterique simillima ferræ.
Hoc leve, sed mensæ grave, & intolerabile damnum.
Utile consilium firmat, sed inutile mentem
Frangit, & extenuat vires, animumque retundit.
Magnates dare parva pudet, dare magna recusant.
Adde quod & nostri curant: ita carmina reges,

Ut frondes aquilo, mare libs, vineta pruina.
 Ipsi ad delicias reges, & ad otia versi.
 Quod celebrant, laudari optant; hinc carmina manant
 Perdita de studio Veneris, de garrulitate,
 De ganea, de segnitie, de infamibus actis,
 Quæ castum capitale nefas celebrare poetam.
 At qui dura manu gesserunt bella potenti,
 Fortiter utentes ferro, non molliter auro,
 Dilexere graves musas: heroica facta.
 Qui faciunt reges, heroica carmina laudant.
 Ut cessere viri fortes, & mascula virtus.
 Dicendum altiloqui nihil invenere poetæ.
 Occidit ingenium vatum, & ruit alta poësis.
 At si forte aliquis regum gerit aspera bella,
 Et decus armorum studiis belloque paravit,
 Nil genus externum venturaque sæcula curat,
 Laude sue gentis satur, & præsentibus annis.
 Barbarus est, neque carmen amat, vel avarus in auro
 Mergitur, atque Midæ curis flagrantibus ardet.
 Est, & apud reges, rudis, invida, rustica turba,
 Mimis, adulator, leno, assentator, adulter,
 Histrio, scurra, quibus virtus odiosa, poetas
 Mille modis abigunt, ut quando cadavera corvi
 Invenere, fugant alias volucresque, ferasque.
 Sunt etiam vates quidam sine lege petulci
 Qui sine lege alti, sine præceptoribus audent
 Quidquid amant reges, & amant infamia solum,
 Scribere, nam vates etiam dementia vexat.
 Hi se nescio qua mentis levitate poetæ
 Esse volunt, postquam trivialibus ora cicutis
 Applicuere, sibi applaudunt, sua carmina jactant
 Insulsi, illepidi, indociles, improvidi, inepti.
 Qui solet his vacuas præbere ambagibus aures
 Id vitium commune putat, doctisque resistit
 Vatribus a vero indoctus discernere falsum.
 Sil Candide, per superos, per olympica numina juro
 Me tibi (si venti veniant ad vela secundi)
 Laturum auxilium: meliora in tempora vive.

Nec

Nec paulisper adhuc mecum sperare recusa.

Can. Si mihi sic optas, tibi sit Silvane quod optas.

Sil. Opto equidem, dictumque fides non sera sequetur.

Can. Vade malis avibus numquam rediturus avare,
Et facias subito quidquid tractaveris aurum
More Midæ, quando virtus tibi vilior auro.

CORNIX. Ecloga Sexta.

De disceptatione rusticorum, & civium.

Cornix, Fulica.

Cor. Ringit hyems, mugit Boreas, à culmine pendet
Stiria, depositis bubus requiescit arator,
Dormit humus, clauso pastor tunicatus ovili
Cessat iners, sedet ante focum formosa Neæra,
Atque polenta coquit, prius intollerabilis æstas
Nunc laudatur, hyemis æstu laudata molesto
Displicet, optatum damnat præsentia frigus.

Ful. Omne bonum præsens minus est, sperata videntur
Magna; velut majus reddit distantia lumen.

Cor. Delicias habet omne suas, & gaudia tempus.
Aspice ut impexi tritaque in veste ligati
Cæde suum pueri exultant, inflatur in utrem
Immissis vesica fabis, sonat, & micat acta
Nunc pede, nunc cubito, stricto nunc obvia pugno.
Si cadit attollunt, cursu labor atque recurso
Brumam abigit, glaciale gelu pila rustica vincit.
Nos tamen hic melius tepido sub stramine foti
Transigimus tempus, dum lac coit igne recoctum.

Ful. Pauperiem declarat hyems: improvida certe
Turba sumus juvenes, securi æstate vagamur
Immemores hyemis, nostrum æs tibiæinis omne est.
Ut redit à Scythia Boreas, nidosque voluerum
Frondebis ostendit nudata cadentibus arbor,
Frigemus nudi scapulas, dorsum, ilia, plantas.
Stulticiam declarat hyems, sapientius urbes
Congeriem nummum accumulante, & ad ilia vulpes

Melotasque trahunt, maculosaque tergora lyncis.

Cor. Delipiunt omnes, nec nos in crimine soli.

Immo ipsos vexat gravior dementia cives,

Verum illis mater, nobis fortuna noverca.

Nos premit, infelix fors est dementia, fac sim

Fortunatus, ero locuples, ero primus in urbe.

Audiar, assurgent omnes, me vertice nudo

Vulgus adorabit, me plebs, me consulet omnis

Turba, magistratus etiam, populusque, patresque.

Ful O Cornix Cornix, non est fortuna, sed ipse,

Quo sapiunt homines, animus; fortuna potentem

Non facit, immo Deus, causam recitabat Amyntas.

Cor Est fortuna Deus, sed quid recitarit Amyntas

Dic precor, in causis erat ingeniosus, & acer.

Ante tamen paulum pecus, & præsepia vise.

Vade, redi, calor est post frigora dulcior, ito.

Ful Attingit nix alta genu, vix testa resistunt

Tanto oneri, sublimis apex in vertice furni

Pyramidem fecit, metaque assurgit acuta.

Cor. Da pecori cordum, stipulisque foramina claudere,

Si paries hiat, & rediens lætamine muni,

Limina nulla gregi gravior quam frigora pestis.

Jam ne ades? oh quæ nam hæc solito properantia major?

Ful. Sollicitum me reddit hyems in frigore, & igni.

Maxima strenuitas, feno recubare calenti,

Abcondique cavo accubitu post frigora dulce est.

Cor. Incipe, & enarra discrimina ruris, & urbis

Ful Hoc igitur tantum ruris discrimen, & urbis,

Taliter exortum noster recitabat Amyntas.

Principio rerum, primaque ab origine mundi

Cum muliere marem sociali fœdere jungens

Cœli opifex (sic namque Deum appellabat Amyntas)

Nomen adhuc teneo, natos producere jussit.

Atque modum docuit, fieri quo pignora possent.

Se accinxere operi, mandata fideliter implent,

Sicque utinam & pomi esu servata fuissent.

Femina fit mater, puerum parit, atque puellam.

Atque puerperio simili secunda, quotannis

Au.

Auxit in immensum generis primordia nostri.
 Post tria lustra Deus rediit, dum pignora pestit,
 Femina, prospiciens venientem a limine vidit.
 Adam aberat, securus oves pascebat, adulter
 Nullus adhuc suspectus erat, sed multiplicatis
 Connubiis fraudata fides, sine cornibus hirci
 Facti, & Zelotypo conjunx suspecta marito.
 Nam quæ quisque facit, fieri sibi furta veretur.
 Erubuit mater, nimixque libidinis ingens
 Indicium rata tot natos, abscondere quosdam
 Accelerat, sæno sepelit, paleisque recondit.
 Jamque lares Deus ingressus, salvere penates
 Jussit, & huc dixit mulier tua pignora profer
 Femina majores natu procedere mandat.
 His Deus arrisit, velut arridere solemus
 Exiguus avium pullis, parvisve catellis.
 Et primo lætatus ait, cape regia sceptræ;
 Rex eris: at ferrum, & belli dedit arma secundo,
 Et dux inquit eris, fæscæ, populique secures
 Protulit, & vites, & pila insignia Romæ.
 Jamque magistratus celebres partitus in omnem
 Progeniem, humanos tacitus volvebat honores.
 Interea mater rebus gavisa secundis
 Evolat ad caulas, & quos absconderat, ultro
 Protulit, hæc, dicens, nostri quoque pignora ventris:
 Hos aliquo pater omnipotens dignabere dono.
 Setosum albebat paleis caput, hæserat armis
 Stramen, & antiquis quæ pender aranea testis.
 Non arrisit eis, sed tristi turbidus ore
 Vos sænum, terram, & stipulas Deus inquit oletis.
 Vester erit stimulus, vester ligo, pastina vestra.
 Vester erit vomer, juga vestra, agrestia vestra
 Omnia, aratores eritis, pecorumque magistri.
 Fœniseæ, fossiores, & nautæ, atque bubulci.
 Sed tamen ex vobis quosdam donabimus urbe,
 Qui sint fartores, lanii, lixæ, artocopique.
 Et genus hoc alii soliti sordescere semper.
 Sudate, & toto servite prioribus ævo.

Taliter omnipotens farus repetivit Olympum.
 Sic factum est servile genus, sic ruris, & urbis.
Cor. Inductum discrimen ait Mantous Amyntas.
 Mirabar, si quid recti dixisset Amyntas.
 Civis erat, semper nobis urbana juventus,
 Cui nihil est præter stulta hæc commenta negoti,
 Ludit, in agrestes semper jaculantur, & urbis
 Talia garrulitas, & vaniloquentia fingit.
 At neque de superis pudet has componere nugas.
 Iste jocus manifesta gerit convicia secum.
 Sed tu tam rudis es, tam pleno inflatus omaso,
 Ut neque perpendas isto te scommate carpi.
 Nos quoque paulisper mentem extendamus ad urbis
 Stultitiam, ne forte putes sapientius illos
 Vivere, qui splendent auro, qui murice fulgent.
 His oculis vidi tunicis plerosque superbis
 Vestiri, atque foro regali incedere gressu,
 Quos secreta fames premit, atque domestica egestas.
 Stultius his certe nihil est, opulentia ficta,
 Paupertas, & segnities, & inertia vitæ
 Vera, quid est aliud quam desipientia vera?
 Vidi etiam patres [o rem indignam, atque nefandam]
 Dum segnes dormire velunt, & vivere laute,
 Prostituisse suas vulgo cum conjugè natas.
 Quid pejus? quid perfidius? quid stultius umquam?
Ful. Quid si vitam alio nequeunt traducere pacto?
Co. Cum totidem, quot nos, habeant animasque, manusq;
 Dic cur vitam alio nequeant traducere pacto.
 Est etiam cujus vecors industria vanas
 Quærat opes, ubi nullus opes invenit ab ævo.
 Æs lavat herbarum succis, & vertere in aurum
 Æstimat, ac nigra semper fuligine pallet.
 Est qui dum tellure latens desiderat aurum,
 Dat magicis operam studiis, & tempora perdit.
 Quid levius? quid futilius? quid inanius unquam?
 Omnia ne veniant ad opus telluris, & agri,
 Omnia pertentant; ut agant nihil, omnia versant.
 Semper agunt, numquam peragunt, ex foenore victum
 In-

Infamem extorquent, vi, fraude, dolisque laborant.

Mille viis opibus, mille insidiantur honori.

Nos capras, & oves; armentaque pascimus, illi

Accipitres, catulos, & equos, & cercopithecus.

Rusticus est ovium pastor, volucrumque, canumque

Civis, utrum melius te iudice, nobilisque

O fulica, utilitas unde, atque opulentia major?

Ful. Si venit ex nostris operis opulentia major,

Civibus unde igitur tantarum copia rerum?

Co. Ex vi, fraude, dolis, vi, fraude dolisque laborant.

Nonne vides insana ut nos crudeliter urgent?

Quo capiunt astu? nos irretire loquendo

Sacrum offerre putant, & opus sublime, piumque;

Huc aures, oculosque adigunt, huc ora manusque.

Ful. Unde urbanarum tibi tanta peritia rerum?

Cor. Hæc didici, quondam ductis in mœnia capris,

Cum lac vociferans ibam venale per urbem.

Mansi apud artocopum; sapiens, & ad omnia promptus

Furta erat, & crudum ferro subradere panem.

Ipsæ ut erat mores urbis doctissimus, ista

Tradidit, affirmans nihil esse nocentius urbe.

Se quoque furari didicisse aiebat ab urbe.

Sunt etiam qui parta ab avis patrimonialia fundunt

In meretricum usus: quid foedius? improbiusque?

Dic ubi mœchandi ars, homicidia, seditiones?

Non ne inter cives, atque intra mœnia regnant?

Quid reges, qui regna hominum per vulnera quærunt

In mortemque suos adigunt? quid pectora miles

Obiiciens telis, per mille pericula vadens?

Pro stipe dat vitam; nulla est insania major.

Gloria præfertur vitæ, quid gloria? quid laus?

Quid fama est? quid honor? voces, & opinio vulgi.

Omnia longa dies abolet; cum vivere cessas,

Omnia sic abeunt, ut lux cum sole recedit.

Qui mare sollicitant remis, cum vivere possint

In patria. Stulti: vento qui credit, & undis,

Stultus: divitiæ cui sunt, & negligit uti,

Stultus: qui ut natis cumulet patrimonialia, partis

Abstinet, & genium fraudat, stultissimus, & qui
 Quæ facere ipse potest, natis faciunda relinquit.
 Qui numerant stellas, & se comprehendere fata
 Posse putant, stulti; verum dementior istis
 Naturam quicumque Dei scrutatur, & audet
 Figere in immensam lumen tam debile lucem.
 Nostra fides melior, civis ratione coactus
 Difficile assentit, nudis nos omnia verbis
 Credimus, & plures faculas accendimus aris.
 Civibus est infida fides, inquirere numquam
 Mente sinunt arcana Dei: si numina scire
 Esset opus, poterant nobis se ostendere; verum
 Quando latere volunt, quid vestigare necesse est.
 Quæ nos scire negant ipsi qui cuncta gubernant?
 Nostra etiam pietas pietate potentior urbis,
 Namque viri qui sacra canunt templisque ministrant
 Quanta legunt ruri paucis alimenta diebus?
 Vidi ego quæstas ex rure in mœnia plenis
 Puppibus inferri (pietas ea rustica) fruges.
 Stultorum est aliud genus immedicabile quoddam
 Causidici latratores, rabulæque forenses,
 Nummorum aucupium docti, legumque tyranni.
 Ære patrocinium vendunt. producere causas
 Et lites pendere diu, vindemia quædam est.
 Sunt & equestre genus medici, qui tangere venas
 Nonnumquam illicitas audent, & ponere quædam
 Non intellectis temeraria nomina morbis.
 His, etsi tenebras palpant, est facta potestas
 Excruciandi ægros, hominesque impune necandi.
 Qui vero in populis præsunt, hominesque gubernant
 Quo plus juris habent, quantoque licentia major,
 Insanire solent tanto amplius: o ubi sancti
 Rectores, & justitiæ, & pietatis amici.
 Quos patres sero ante focum memorare solebant?
 Omnia nunc abeunt pessum, spoliata queruntur
 Tempia, gemunt inopes, viduæ lacrimantur, & hujus
 Quæ nam causa mali? quia stat pro lege libido.

Ful. Ista tua, o cornix, excandescencia fines

Tran-

Transit honestatis, scelus omnibus obliis omne.

Innocuos habitare homines & in urbe memento.

Cor. Non habitant colubri quædam Balearibus arva
Proxima, non memini nomen, neque noctua cretam,
Nec nemus Ægeriæ sonipes, nec vir bonus urbem.

Ful. Vir bonus est animal rarum, paucasque per urbes,
Et per rura locos habet, est rarissima virtus.

Cor. Insanis, Fulica, insanis, tot in urbibus hostes
Sunt tibi quot cives, hi nos tondentque, pilantque
Non habita nostri capitis ratione, coarctant
Nos ad furta ipsi, mox ad suspendia mittunt.
Fas igitur, siquid nostris sese unguibus offert
Radere, & infidiis ac nostra indagine captos
Deplumare levi tactu, sensim & pede pressim.
Si videt, excusa, si sunt secreta, negato
Furta: quod occultum est, non est injuria furtum.
Quidquid habent, noster labor est, industria nostra est.

Ful. Jam longe egrederis metam rationis, & æqui.

Cor. O Fulica improbitas urbana coinquinat orbem.

Unde tot in terras veniunt æstate procellæ,
Fulmina, venti, amnes, grando? vidisse recordor
Tellurem tremere, ac postes, & tecta labare,
Solem obscurari, noctu obtenebrescere lunam,
Cur segeti lolium? messi dominantur avenæ?
Uva in capreolos transit? caligine verni
Depereunt flores? mala parturit omnia nobis
Hæc civile nefas, pariet quoque plura deinceps.
Unde venit furor armorum, bellicque tumultus,
Qui genus omne mali secum vehit? omnibus urbs est
Fons & origo malis; descendit ab urbe Lycaon,
Deucalion, Pyrrha cum conjuge rusticus, ille
Intulit illuviem terris, hic abstulit, ille
Abstulit humanum terris genus, intulit iste.
Si terra (ut perhibent) flammis abolebitur unquam,
Istud grande nefas ulla descendet ab urbe.

Ful. O Cornix jam pone modum sermonibus istis.
Audio jamdudum pueros de pulte loquentes.

Cetera, si quidquam superest post prandia, dices.
 Pulti indulgendum monet urbibus hora relictis

POLLUX. Ecloga Septima.

Alphus, Galbula.

Al. Galbula quid sentis? Pollux doctissimus olim
 Fistulicen subito quodam quasi numine tactus
 Destituit calamos, tunicas, armenta, sodales.
 Bardocucullatus caput, ut campestris Alauda,
 Quattuor ante dies in relligiosa recessit
 Claustra, ferunt illum, pecudes dum solus in agris
 Pasceret, effigiem quandam vidisse Deorum.
 Cetera non memini, sed tu quid Galbula sentis?
Gal. Ut dixere patres, jaciens primordia rerum
 (Magna canam, nobis quæ quondam tradidit Umber)
 Instituit Deus agricolas, pecorisque magistros.
 Primus agri cultor, rudis, immansuetus, & asper,
 Qualis humus segnis, lapidosa, rebellis aratro.
 Ast ovium primus pastor mitissima proles;
 Instar ovis, quæ bile caret, quæ lacte redundat,
 Mitis erat, nullis unquam pastoribus asper.
 De grege sæpe suo sacrum ponebat ad aras.
 Nunc ove, nunc pingui vitulo faciebat, & agno
 Sæpius, & magno divos ambibat honore.
 Sic profecit apud superos, sic numina flexit,
 Ut fuerit primo mundi nascentis ab ortu
 Tempus ad hoc, cælo pecoris gratissima cura.
 Assyrios quosdam (sed nescio nomina, curæ
 Diminuunt animum) Deus ex pastoribus olim
 Constituit reges, qui postea murice, & auro
 Conspicui gentes bello domuere superbas.
 Cum Paris iliaca tria numina vidit in Ida,
 Aut Paris, aut alius, puerum qui obtruncat ad aram
 Pastor erat, quando cœlesti exterritus igne
Venit

Venit ad ostentum pedibus per pascua nudis,
 Pastor erat Moses, Moses a flumine tractus.
 Exul apud Grajos Amphrysia pastor Apollo
 Rura peragravit posito deitatis honore.
 Cœlestes animi Christo ad præsepia nato
 In caulis cecinere Deum pastoribus ortum.
 Et nova divini partus miracula docti
 Pastores primi natum videre Tonantem.
 Et sua pastores infans regnator Olympi
 Ante magos, regesque dedit cunabula scire.
 Se quoque pastorem Deus appellavit, ovesque
 Mitibus ingeniis homines, & mentibus æquis.
 Et ne vana putes hæc somnia, nuper ab urbe
 Rus veniens, picto perlegi hæc omnia templo.
 Sunt pecudes pictæ, parvi sub matribus agni
 In tellure cubant, ingens equitatus ab alto
 Monte venit, radiant auro diademata divum.
 Et suspensa tenent vaga lumina prætereuntum.
 Non igitur mirum noster si numina Pollux
 Vidit, amant villas, & oves, & ovilia divi.
 Simplicibus præsens Deus est, offenditur astu.

Al Vera refers, pecori sic sint innoxia nostro
 Pascua, vidi asinum, vidi præsepe, bovemque.
 Jam memini turbæ venientis, & ora videre
 Indica jam videor regum sua dona ferentum.
 Unum oro, quæ nam Polluci occurrit imago,
 Galbula si nosti, ne sit labor omnia fari.

Gal. Et novi, & memorare libet, res digna relatu,
 Res digna auditu, pia, sancta, imitabile factum.
 Durus, & immitis pater, atque superba noverca
 Pollucem graviore jugo pressere juventæ
 Tempore, cum dulces animos nova suggerit ætas.
 Et cum jam invalidæ longo sub pondere vires
 Deficerent, nullaque odium mansuesceret arte,
 Constituit tentare fugam, res una volentem
 Ire diu tenuit, nimis impatienter amabat.
 Error enim communis amor juvenilibus annis.
 Res est fortis amor, violentia fortior, ixit.

Et tales abiens (mihi namque solebat amores
 Enarrare suos) mæsto dedit ore querelas .
 O virgo lacrimæ , ne tuis solventur ocellis ,
 Cum te tam charo cernes ab amante relictam ?
 Ullane discessu duces suspiria nostro ?
 Tune mei crudelis eris , forte immemor umquam
 Usque adeo ne tuum poterit frigescere pectus ?
 Pectus , quod toties quod lumina fletibus implet
 Tu ne trahes crebros gemitus ? & pallida fies ?
 Cerno oculos , cerno lacrimas , cerno anxia corda
 Virginis , heu tantum qua dissimulare dolorem
 Fas erit arte , dolor duplex mea pectora torquet
 Illius , atque meus , sed fas mihi flere , quid illi
 Non licet ? occultus longe magis æstuat ignis .
 Incolumem mihi vos divi servabitis illam .
 Ut quando exilio repetam mea rura peracto ,
 Fiat amor felix saltem semel ante senectam .
 Talia pergebat memorans , volvitque reverti
 Tantus amor , juvenem vis tanta furoris agebat ,
 Sed jam jacta fuga cunctis erat alea nota .
 Fronde sub Herculea fessus mœrore sedebat .
 Ecce puellari virgo stipata corona
 Ora , manus , oculos , habitumque simillima Nymphæ ,
 Et tali affata est puerum sermone dolentem .
 Chare puer quo tendis iter ? vestigia verte .
 Nescis heu nescis quo te via ducat , & audes
 Ignotis errare locis , nihil insidiarum
 Per campos ratus herbosos , nihil esse pericli .
 Omnia tuta putas , & quod placet utile credis
 More juventutis stolidæ ; collectus in orbem
 Sæpe latet molli coluber sub graminis umbra .
 Est facile incautos offendere : parvulus infans
 Innocuos rutilum digitos extendit in ignem ,
 Nec nisi jam læsus vires intelligit ignis .
 Hæc regio intrantes aditu consuevit amœno
 Fallere , delicias offert , & gaudia , verum
 Ingressis cum triste nihil superesse putatur ,
 Mille parat laqueos , & mille pericula profert .

Trames hic, ut collem gressu superaveris illum,
Ducit in umbrosam silvam, crudele ferarum
Hospitium, loca tetra situ, & caligine opaca.
Quisquis eo deceptus abit, remeare vetatur,
Et piceis primum velatur lumina vittis,
Deinde per omne nemus, dumeta per aspera tractus
Transit in effigiem monstri; dum volvere linguam
Atque loqui tentat, mugit; dum attollere sese
Credit, humi graditur quadrupes, neque suspicit astra.
Ima tenebræ vall's lacus æquore nigro
Occupat, & nigris mons plurimus imminet undis.
Huc tracti in stygios latices, altumque barathrum
Præcipientes dantur, rapidaque voragine merfi
In styga, & æternas Erebi rapiuntur in umbras.
Heu quot pastores istis ambagibus acti
Cum gregibus periire suis, ego sedula semper
Monstro iter, hic ad opem vigilo indefessa ferendam.
Tolle moras igitur, mortis fuge blanda propinquæ
Atria, secreti tutam pete litoris oram,
Qua contra Idalios fluctus mihi tollit in altum
Aëra Carmelus viridi caput arbore cinctum.
Primus hic antiquis patribus spelæa, domosque
Præbuit arboreas, intra nemus ilice densum.
Ex hoc in vestros deducta cacumine montes
Religio venit, sicut de fonte perenni
Flumina, & ex uno multi genitore nepotes.
Illius in silvis, abies ubi plurima surgit,
Pinguis ubi piceæ sudat liber, & terebinthi.
Innocuum postquam feliciter egeris ævum,
Mox tua mutatis ætas renovabitur annis.
In loca te tollam meliora, virentia semper,
Immortalis eris divum comes, ire per astra
Inter Amadryades, & Oreades, atque Napæas
Flore coronatas caput, & redolentibus herbis,
Fas erit, ac super, & subter cognoscere cælos.
Sic effata leves virgo discessit in auras.
Tum sua juravit Pollux murata repente
Pectora, & extemplo victum expirasse furorem,

Non

Non aliter quam flamma cadet, si ardentibus agris
Effluat, & totas præceps Padus evomat undas.

Sic abiit crudelis amor, qui sæpe pharetram
In juvenem dum principiis obstaret amandi,
Dum tepet, ac timide insanit, consumpserat omnem.
Sic igitur Pollux in claustrâ silentia venit.

Al. Sunt quibus aspirent etiam nolentibus ultro,
Sunt quibus infensi sine causa, & crimine dii sint.

Gal. Quod nos in pecudes, in nos id juris habent dii.
Hoc rus scire sat est, sapiant sublimius urbes.

Sic docuit rediens aliquando ex urbe sacerdos
Janus, & in magno dixit sibi codice lectum.

Al. Sol cadit. & Baldi vix summa cacumina tangit.
Nos quoque jam sero cum sole recedere tempus.

Galbula sarcinulas ne sit tibi ferre molestum.

Pera levis, levis est & cantharus, omnia parvus
Ferre labor sero, grave mane, sed utile pondus.

Ipse pecus ducam, mihi pars erit ista laboris.

RELIGIO. Ecloga Octava.

Candidus, Alphus.

Can. Horrida solstitio tellus sitit Alphe reverso
Ad solitos montes, ubi ros in gramine, & æstas
Mitiôr, hæc armenta monet deducere tempus.

Al. Aëreos montes, & summa cacumina longe
Prospicio, quid sint montes (tibi vera fatebor)
Nescio, semper enim campestria rura, lacusque
Incolui: montanus ager qua fruge redundat?

Ca. O rude, & illepidum ingenium, prope flumina semper.
Versatus fulicæ in morem, limosa per arva,
Sunt ubi ranarum, culicum, pulicum, cimicumque
Lustra, inter salices, ulvas, viridesque papyros,
Irridere audes, & nauci pendere montes.

Unde fluunt amnes? templis ubi tanta locandis

Mar-

Marmorâ caduntur? fulgens ubi nascitur aurum?
 Quæ parit antennâs tellus? medicamen ab herbis
 Dic quibus est nisi montanis? de vertice Baldi
 Sape melampodion legi, medicina capellis
 Nulla magis præsens: quondam Valfatinus Ægon
 Tradidit hoc, dum vere sues castraret, & agnos.
 Tradidit, & dixit: solus medicamen habeto.
 Dic ubi castanæ plures? ubi copia major
 Glandis? in excelsis fontes, & pascua vidi
 Montibus, artocreas, & pingua liba comedi.
 Sunt populi fortes illic, robusta juvenus
 Lata pedes, callosa humeros, nervosa lacertos,
 Hispida, dura manus, moli indefessa ferendæ.
 Vallibus ex illis onera ut navalia cures
 Confluit huc, nullum est hominum genus aptius urbi,
 Sive velis castrare pecus, seu scindere fagos,
 Sive fimum ferri è stabulis, aurire cloacas,
 Latrinas curare, viamque aperire coactis
 Sordibus, & scalis puteos descendere in altos.
 Ingenio callent, & duro robore pollent.
 Sed quid opus multis? subeunt opus omne, popinis
 Inservire, focos lignis cumulare, veruque
 Artifici versare manu, dare libera fumo
 Spiramenta, boum ventres ad flumina ferre.
 Verrere humum immundam scopis, doctissima gens est.
 Quodque magis miror, semper sub pondere currunt.
 Cotibus in duris oriuntur, & ardua vivunt.
 Per juga cum capreis, habitant spelæa ferarum,
 Adde quod in cælum brevis est è montibus altis
 Transitus, erectum caput usque ad nubila tollunt.
 Nubila transcendunt aliqui; puto sidera tangant.
 Esse locum memorant ubi surgit ab æquore Titan,
 Qui, nisi dedidici, contingit vertice Lunam,
 Et vixisse illic hominem, sed postea abactum
 Improbitate gulæ, quod scilicet omnia poma
 Manderet, & magno servaret nulla tonanti.
 Hinc divi, sanctique patres in montibus altis
 Delegere domos tacitas, Carthusia testis,

Carmelus, Garganus, Athos, Laureta, Laverna.
 Et Sina, & Soractis apex, Umbrosaue vallis,
 Et juga Nursini fato senis inclita, & altis
 Abietibus turrita caput Camaldula sanctum.
 Cetera prætereo, nec enim sermonibus istis
 Omnia complecti statuo: montana frequentant
 Culmina cœlicolæ, sed anas, & mergus, & anser,
 Ibis, onocrotatus, milui, fulicæque paludes.

Al. Inter montanæ tantos regionis honores
 Cur de messe nihil, nihil est de palmite dictum?
 Hæc tamen humanæ duo sustentacula vitæ
 Maxima: monticolæ veniunt è rupibus ad nos
 Hordea mercatum torvi, fuligine tincti,
 Setosi, macie affecti, laceri, ac situosi,
 Indigenæ ostendunt quæ sit natura locorum.
 Sed quod montanis de religionibus inquis
 Rettulit in mentem, quæ de Polluce feruntur.
 Quæ Dea si nosti visa est, quæ Candide, Nympha?
 Dic age, nam cœptum certamen inutile nobis.
 Utilior sermo de religione tenendus.

Can. Galbula qui solitus pecudes in pascua recum
 Ducere, te satis hoc potuit docuisse quod optas.

Al. Plura quidem Polluce super narrata, sed ipsam
 Nec docuit Nympham, nec me quæsisse recordor.
 Nunc subiit mentem cum religionis oborta est
 Mentio, & illarum visa est mihi maxima laudum.

Cna. Non erat illa Dryas, neque Libethris, nec Oreas,
 Venerat è cœlo superum regina, tonantis
 Mater, anhelanti pacem latura juventæ.
 Huic Tethys, huic alma Ceres famulantur, & ipse
 Æolus æquoreis ventos qui frænat in antris.
 Hanc Deus astrorum flammæ super, atque volantes
 Solis-equos, supra fulgentem Cassiopeam
 Extulit, & sacram bissereno sidere frontem
 Cinxit, & adjecit subter vestigia Lunam.

Al. Candide, mira canis nullis pastoribus unquam
 Cognita, quid Tethys? quid fulgens Cassiopea?
 Æolus æquoreis ventos quis frænat in antris?

Qui

Qui sunt solis equi? magna, atque ignota recenses.

Can. Sidera sunt partim, partim sunt numina prisca.

Omnia quæ Pollux mihi cum narrasset, in ædem
Duxit, & ista sacer paries, ait, omnia monstrat.

Pictus erat paries signis, & imagine multa.

Omnia non memini, mens est mihi debilis, ista
Vix tenui, dum sæpe animo volvo, atque revolve.

Sæpe recordari medicamine fortius omni.

Ista potest nigro depellere nubila cælo.

Ista potest siccis fluvios dare frugibus imbres,

Cum volet; ista novos duris emitte campi

Cum volet, emissos poterit restringere fontes.

Qui modo sunt steriles, & nudi gramine campi,

Si volet, in pingues poterit convertere glebas.

Frigida Saturni cum sidera suscipit atro

Scorpius hospitio, non auferet hordea grando.

Nec domus ardebit: nam tunc hæc omnia cælum

Dicitur iratis in terram effundere ab astris.

Si volet, hæc nobis custodiet omnia virgo.

Si favet hæc nobis, complebunt horrea messes,

Adiicietque gregi semper fœtura gemellos.

Si pecus infelix erit, & sine vellere, solo

Ipsa potest nutu dare lac, dare vellera, & agnos,

Et curare greges, omnemque avertere morbum.

Nil opus est nunc Pana sequi, neque cetera ruris

Numina, quæ veteres frustra coluisse feruntur.

Vidi ego circum aram Nymphæ pendere capellas,

Plaustra, boves, & oves, hic Jani vidimus hircum.

Et memini inscriptam versu hoc legisse tabellam.

Votum pro salvo Janus breve reddidit hirco.

Dumque ea perlegerem, Pollux hæc carmina supplex

Ante aram genibus positus in marmore dixit

O Dea quæ servas urbes, & rura precamur,

Ne Padus exundet, ne Strix nocturna per umbras

Hauriat infantes, nec eant per compita larvæ.

Diva fave agricolis, talpas occide, malignam

Aggeribus pestem: gelidis sata læta pruinis,

Quando bruma venit, conspergere diva memento.

Ne tineæ erodant anno frumenta sequenti.

A boreæ flatu pingues defende mariscas

A gruis ore fabas, & ab ansere farra palustri.

A serpente boves, a vulpe, & fure cohortem,

A bruco erucas, a bruma, & grandine vites.

A vi, & fraude lupi pecus, a rubigine fruges.

A rabie catulos, a flamma, & fulmine villas.

A murum insidiis petasem, a milite pernas.

A campe, & pigris, pigris: heu cetera nescit

Mens oblita sequi, numerus me in verba reduxit:

Sæpius ad numerum rediens oblivia forsan

Mente abigam, retro gradior, numerumque recurro.

A murum insidiis petasem, a milite pernas.

A campe, & pigris virides limacibus hortos.

Alphe viden quæ vis numeri? jam cetera cerno

A tonitru reboante cados, a frigore foetas.

A gravibus vitulos æstris, a gutture porcos

Anginoso, operas pubes ne rustica perdat,

Adsis, o Dea, nec lædant examina fuci.

Neu milium furentur aves, neu vellera sentes

Succida, neu lappas apprendat lana sequentes.

Diva gubernatrix hominum, custodia vatun,

Diva laborantum requies, medicina dolentum,

Et tutela gregum nostris precor annue votis.

Talibus orabat Pollux, ego postibus hærens

In baculum pede porrecto, recitata notabam

Altius, ac memori condebam singula mente.

Al. Candide, Polluci pro sollicitudine tanta,

Pro precis officio, pro religione putasne

Dandum aliquid nobis? pietate peculia crescunt.

Can. Quid ni aliquid dandum est: opus est persolvere
crates,

Al. Rusticus es, crates enim pro gratibus inquis.

Can. Crates, & grates parvo discrimine distant.

Dandum aliquid, neu bis detur, sine pascha reverti,

Quando sacerdotes commissa piacula solvunt.

Al. Quid dabimus? vituli gravis est jactura: vel agnum,

Vel leporem; pietas etiam laudabilis anser.

Can.

Can Dona docet tempus, lepores brumalia dona.
Quando nive hiberna currendi erepta facultas.
Anser ad Autumni finem, nonasque Calendas
Pertinet; æstatis coryli, nova poma, racemi
Munera; lactentes hædi sunt veris, & agni.
Tunc si de cordis aliquem conspexeris ægrum,
Ac tenuem, qui nec vendi, nec vivere possit,
(Munus erit solenne satis) donabimus agnum.
Ipse mihi cum jam regredi post prandia vellem
Carmina de Nymphæ solennibus eruta fastis
Tradidit, & dixit si quando gravabere curis,
Hæc cane, pro mentis medicamine carmen habeto.
Quando Molorcheo Titan descendit ab astro
Pronus, & Astræ jam limina virginis intrat.
Virgine læteretur pubes, & cana senectus.
Transiit ad superos, & olympica regna petivit.
Ogdoas ut toto jam tertia fluxerit orbe,
Festa dies iterum, natalia virginis aras
Ignibus illustant, offert nova liba sacerdos.
Libra redit noctes properans æquare diebus.
Exultat Picenus ager, vehit Adria puppes
Illyricas, & Chaonias, cum mercibus adsunt
Tusci, Umbri, Veneti, Siculi, Lauretica templa
Cum donis turmatim adeunt, votisque solutis
In sublime jugum læti ad commercia tendunt.
Et cum Thessalicas cursu brevior sagittas
Sol subit, & frigent urentibus arva pruinis,
Clausa Gynecæi sacris penetralibus hausit
Corde Deum toto, proprios oblita parentes.
Et cum semiferi fugiens Chironis ab arcu
Languet ad hiberni glacialia limina capri,
Induat ornatas, & mas, & femina vestes,
Lætitiæque diem celebrent, quo semine sacro
Conjugis annosus gravidam pater imbuit alvum.
Illa dies etenim sanctæ primordia Nymphæ
Fecit, & in nostras vetuit descendere fordes.
Cum volat imbrifera lampas Phœbea sub urna
Ad vernos reditura dies, jam proxima veri,

Ite nurus omnes, sacros altaribus ignes
 Thura focis, faculas manibus date, ducite pompam.
 Attulit in templum nova dona puerpera virgo,
 Quando gregis princeps, aurato vellere fulgens,
 Incipiet Zephyris aperire tepentibus annum,
 Et dare majores luci quam noctibus horas,
 Aliger occultam redeat Paranympheus in ædem.
 Et nova miranti referat mandata puellæ.
 Festa dies Tuscis populos de collibus omnes
 Cogit, & Arnicolas vocat ad Florentia templa.
 Tum quoque sed tenui virgo prius intervallo
 Nupsit, & hæc teneris lux est celebranda puellis.
 Quando sub extrema cancri testudine Phœbus
 Volvitur, & revehit vicina canicula morbos,
 Thure piam celebrate diem, redit hospita mater
 In proprios a matre lares, altaria circum
 Primitias Cereris geminæ suspendite matri.
 Ista dedit Pollux, vigilans quæ in montibus olim
 Fecerat ad pecudem caulas, dum nocte serena
 Militiam cœli, sparsosque examinat ignes.
 His quoque plura dedit, sed carmina plura referri
 Non sinit extremum deponens vespere solem.

FALCO. Ecloga Nona.

Faustulus, Candidus.

Fau. Candide, quo casu patriis procul actus ab oris
 Hæc in rura venis? hic pascua nulla, nec amnes,
 Nec liquidi fontes, nec ovilia tuta, nec umbræ,
 Et tamen assiduos gregis hæc pascuntur in usus.

Can. Faustule, me noster Corydon qui plurima quondam
 His armenta locis habuit, magnamque peculi
 Congeriem fecit. pecori me credere adegit
 Esse salutare istis in montibus herbas.

At

At postquam segnes agros, & inertia saxa
Vidimus, & siccis arentem fontibus undam,
Pœnituit longæque viæ, patriæque relictæ.

Fau. Postquam te incolumem saltus intrare Latinos
Contigit antiquos, potes hæc mea testâ subire
Jure sodalitiî, sunt hic mihi pauperis agri
Jugera pauca, meæ vix sufficientia vitæ.
Quidquid id est, commune puta tibi forsitan ulla
Haud bona fors aderit, fortuna simillima vento est.
Caricæ succede casæ, dum præterit æstus.
Dum grex in gelida procumbens ruminat umbra.
Pone pedum, discumbe parum, recreabere potu.
Potu opus est, potu iste gravis compescitur æstus,
Pocula prende, fluet melius post pocula sermo.

Can. Pocula quis tanta demens æstate recuset?

Fau. Vina sitim minuunt, animique doloribus obstant.
Vina ut amicitias, vires ita corporis augment.

Can. Hæc parit ora bonos si patria vina racemos,
Funde iterum, potare semel, gustare secundus
Colluit hos potus, calefacta refrigerat ora
Tertius, arma siti bellumque indicare quartus
Aggreditur, quintus pugnat, victoria sexti est.
Septimus (Oenophili senis hæc doctrina) triumphat.
Res est consiliis secura fidelibus uti.
Utile doctrinis præbere senilibus aures.

Fau. Victa sis, mens ægra manet, curæque supersunt.

Fau. Ut sedata sis, sic mens sedabitur ægra.
Funde merum, bibe, cardiaco medicina dolori hæc.
Utitur ad curas isto medicamine Roma.

Can. Omne opus, atque labor vult intervalla, quiescat
Obba parum, contra muscas impone tabellam.
Non madet imbre dies, nec habet nox humida rorem,
Crescere nec duris possunt in cotibus herbæ.
Importuna fames, labor improbus, aëris ardor
Confecere gregem macie, vix debile corpus
Spiritus æger agit, vacua cute porrigit ossa
Clunis, & exilis cava contrahit ilia venter.
Hic aries, qui fronte lupos, cornuque petebat,

Nunc ove debilior, pavidoque fugacior agno est.
 Hæc mihi (sed nimium me ardentia vota ferebant)
 Omnia divino prædixerat omine cornix.

Vix egressus eram limen, cum tristitia portans
 Auguria a dextra venit, tegetisque sinistræ
 Culmine confedit, pressoque minaciter ore
 Vociferans iter auspicio prohibebat aperto.
 Heu pecus infelix, quod lacte, & prole solebas
 Affluere, in nostris licuit dum pascere campis.
 Gramina dum quaris, succi plus perdis eundo,
 Quam referas pastu, simul hic tabescimus ambo.
 Tu tenui victu, curis ego victus amaris.

Fau. O nostræ regionis opes, o florida præta,
 O campi virides, o pascua læta feraxque
 Et numquam sine fruge solum, currentia passim
 Flumina per villas, rivi per rura, per hortos.
 Hinc pecus, hinc agri pingues, sub sidere cancri
 Cum tritura sonat passim, cum Julius ardet,
 Arva virent, textæ lento de vimine sepes
 Poma ferunt, redolent ipsis in vepribus herbæ.

Can. O nemorum dulces umbræ, mollesque susurri,
 Quos tecum memini gelidis carpisse sub umbris
 Turturis ad gemitus, ad hirundinis, ac Philomelæ
 Carmina, cum primis resonant arbusta cicadis.
 Aura strepens foliis nemorum veniebat ab Euro,
 Et baccata super tendebat brachia cornus.
 Ipse solo recubans pecudes gestire videbam.
 Atque alacres teneris luctari cornibus agnos
 Post somnos, per gramen humi, nunc ore supino
 Aut flatu implebam calamos, aut voce canebam.
 Pectore nunc prono rutilantia fraga legebam.

Fau. Vivere tum felix poteras, dicique beatus.
 Sed bona, quod nondum fueras expertus acerbam,
 Vilis erat tibi, teque ideo fortuna reliquit.
 Quando iterum veniet, veniet si forsitan umquam,
 Sicut capreolis sursum nitentibus hærent
 Stipiribus vites, stringuntque tenaciter ulmos,
 Sic illam tu prende manu, neu desere prensam.

It,

It, redit, effigiem mutat, nec imagine constat,
 Par lamiis, quas nocte ferunt errare per umbras.
 Mobilis ut facies, ita mens, deludere gaudens,
 Quod dederat tollit, penſi nihil, omnia caſu.
 Qui nimium metuunt capiuntve, repellit, & odit.

Can. Delicias patrii quoties reminiscimur agri,
 Ferre tot ærumnas animo non poſſumus æquo.
 Sed quo mente feror? caſu afflētus acerbo,
 Unde magis crucier, felicia tempora volvo.
 Majus adest, florent vites, humilesque genistæ,
 Jam ſpicata ſeges, malus jam punica multo
 Flore rubet, redolent ſepes albente ſabuco
 In patria, per rura padi, per paſcua Minci.
 Hic vero necdum incipiunt pubeſcere montes.
 Quod ſi vere ſolum torpet, quid frigora brumæ,
 Solſtitiumque feret, gelidis cum terra pruinis
 Albicat, & rapido cum cœlum incanduit æſtu?
 Sunt tamen hic armenta, quibus cutis uvida, cervix
 Non ſignata jugis, gemino frons ardua cornu,
 Luxuriansque toris pectus; niſi pabula carſant,
 Non erit hac tanta humectum pinguedine corpus.

Fau. Hæc armenta quibus caput a tellure levatur
 Altius, & cui ſunt longa internodia crurum,
 Cuncta vorant, herbas primum, mox ore ſupino
 Arboreas frondes, ſummæque cacumina ſilvæ
 Hoc imbellē pecus, quod humi naſcentia tantum
 Gramina decerpit, vacuis jejunat in arvis

Can. Quid verbis opus eſt? cunctis animantibus una eſt
 Conditio, ſemper majora minoribus obſunt.
 Agna lupo, mites aquilis ſunt præda columbæ.
 Innocuos delphin venatur in æquore piſces.
 Unde fit hoc? certe res prodigioſa videtur.
 Hæc loca ſi procul hinc videas è rupibus altis.
 Pingue ſolum, & multo veſtitum gramine dicas.
 Quo magis appropias, tanto magis omnia ſordent.

Fau. Hoc eſt Roma viris avibus quod noctua, trunco
 Infidel, & tamquam volucrum regina ſuperbis
 Nutibus, a longe plebem vocat, inſcia fraudis

Turba coit, grandes oculos mirantur, & aures,
 Turpe caput, rostrique minacis acumen aduncum.
 Dumque super virgulta agili levitate feruntur
 Nunc huc, nunc illuc, aliis vestigia filum
 Illaqueat, retinent alias lita vimina visco,
 Prædaque sunt omnes verubus torrenda salignis.

Can. O bellum hoc! poterit dici nihil aptius unquam.
 Sed procul en coluber tortos in pulvere gressus
 Flestit, & exertis sitiens ferit aëra linguis.

Fau. Candide, quæ moneo memori sub pectore serva.
 Quando inter silvas graderis, defende galero
 Lumina, namque rubi prætendunt spicula longis
 Dentibus, & curvus discerpit pallia mucro.
 Nec depone pedum, multaque armare memento
 Cote sinum, ne te subito novus opprimat hostis.
 Et perone pedem tegito, spineta colubris
 Plena hominum vitæ morfu insidiantur amaro.
 Et nunc longa dies æstu facit acre venenum.
 Mille lupi, totidem vulpes in vallibus istis
 Lustra tenent, & quod dirum, ac mirabile dictu est,
 Ipsi homines (cujus tanta est violentia cæli)
 Sæpe lupi effigiem, moresque assumere vidi
 Inque suum sævire gregem, multaque maderè
 Cæde sui pecoris; factum vicinia ridet,
 Nec scelus exhorret, nec talibus obviat ausis.
 Sæpe etiam miris apparent monstra figuris,
 Quæ tellus affecta malis influxibus edit.
 Sæpe canes tantam in rabiem vertuntur, ut ipsos
 Vincant cæde lupos, & qui tutela fuerunt
 Hostiles ineunt animos & ovilia mactant.
 Fama est Ægyptum coluisse animalia quædam,
 Et pro numinibus multas habuisse ferarum.
 Isra superstitio minor est quam nostra, ferarum
 Hic aras haber omne genus, contraria certe
 Naturæ res, atque Deo, qui dicitur olim
 Præposuisse hominem cunctis animantibus unum.
 Sæpe etiam morbosa æstas, & pestifer annus
 Ingruit, & passim languens pecus omne per arva
 Ster-

Sternitur, extinctæ dum balat ad ubera matris
 Agnus obit, moritur duro sub pondere taurus.
 Nec modus est morbo, non est medicina veneno.
 Sed vicina domus vicino a limine mortem
 Haurit, & assidue sumunt contagia vires.
 Ista feras raro pestis rapit, utile semper
 Fert pecus, extinctas caulas epulantur atroci
 Dente lupi. nostraque feræ jactura opulescunt.

Can. Heu heu quam præceps miserum me insania traxit.

Credere fallaci gravis est dementia famæ.
 Romuleos colles, Tiberim, Romanaque testâ
 Audieram, & studio mens est accensa videndi,
 Ducendique bonis in tot præstantibus ævum.
 Accessi cum parte gregis, tentoria demens
 Totum pene larem cum pastoralibus armis
 Trans juga summa tuli; mulctralia, cymbia, ahena,
 Et cacabos, & quo formatur caseus orbem
 Phagineum, impensam, atque operas amissimus omnes,
 Quid faciam? quo me vertam? sperata negantur
 Fabula; tot casus, tot ubique pericula; cogor
 In veteres remeare casas, & cœpta fateri
 Consiliis egressa malis, iterumque per æstus
 Et montana pati longos per saxa labores.
 Heu pecus infelix! o lævo sidere pastor
 Huc aveſte! fuit multo præstantius istud
 Ignorasse solum, patrioque in limine tutos
 Consumpsisse dies, gelidis senuisse sub antris,
 Atque Padi circum ripas, Athesive per agros,
 Aut ubi per virides campos, & pascua nota
 Mincius it, vel qua vitreo natat Abdua cursu
 Consedisse, gregem pavisse salubribus herbis.

Fau. Te tua credulitas, & me mea fallit in horas.
 Vidi ego supremæ qui prosperitatis habebant
 Culmina, dum laudata petunt, cecidisse, nec unquam
 Emeruisse malis: facit experientia cautos.
 Hi prius explorant, & non laudata sequuntur
 Omnia, laude carent quæ sunt, meliora fuerunt.
 Non nego quæ fama retinent, ac nomina servant

Can.

Cuncta suis pollent vicibus, Luna, Adria, Troja,
 Salvia, quas nobis memorabat sapius UMBER,
 Nomine sunt solo, delevit cetera tempus.
 Si minor est patriæ forsan modo gloria nostræ,
 Res tamen est melior: laudatæ gloria Romæ
 Quanta sit, in toto non est qui nesciat orbe.
 Fama quidem manet utilitas antiqua recessit.
 Illi prisca quibus maduerunt pascua fontes
 Nunc humore carent, venis aqua defuit haussis.
 Nulla pluit nubēs, Tiberis non irrigat agros.
 Tempus aquæ ductus veteres contrivit, & arcus;
 Et castella ruunt, procul hinc, procul ite capellæ.
 Hic jejuna fames, & languida regnat egestas.
 Hic tamen (ut fama est) & nos quoque vidimus ipsi
 Pastor adest quadam ducens ex alite nomen,
 Lanigeri pecoris dives, ditissimus agri,
 Carmine qui priscos vates, atque Orpheæ vincat,
 Orpheæ qui traxit silvas, & saxa canendo.
 Hic alios omni tantum virtute Latinos
 Exuperat, quantum Tiberim Padus, Abdua Macram,
 Lenta salix juncum, tribulos rosa, populus algam.
 Credimus hunc illi similem, cui Tityrus olim
 Bissenos fumare dies altaria fecit.
 Hic ovium custos, ipso vigilantior Argo.
 Daphnide nec solum, sed eo qui dicitur olim
 Admeti pavisse greges per Thessala rura
 Doctior, omne pecus Solymi curare magistri
 Dignus, & antiquo dignus succedere patri,
 Qui fuit Assyrii pecoris post retia pastor.
 Iste potest servare gregem, depellere morbos.
 Humectare solum, dare pascua, solvere fontes,
 Conciliare Jovem, fures arcere, luposque.
 Si favet iste, mane; quod si negat iste favorem,
 Candide, coge pecus, melioraque pascua quære.



BEMBUS. Ecloga Decima.

Candidus, Bembus, Batrachus, Myrmix.

- Can.* Maxima pastores agitat discordia, Bembe,
 Qui Solymos colles Galilæaque rura colebant.
 Batrachus hinc; Myrmix illinc, certare parati
 Judice te: paucis, si non audire recusas,
 Et nisi te revocant majora negotia, dicent.
 Tu pater es vatium, tu scisci componere lites,
 Jurgiaque, & blandis convicia tollere verbis.
 Te quoque Pierios fama est potasse liquores,
 Et vidisse Deas, quibus est custodia sacri
 Fontis, & Eurotæ campos, ac Phocidis arva.
 Ipse ubi fronde sua tibi tempora cinxit Apollo,
 Dona dedit citharam, nervos, & eburnea plectra.
- Bem.* Dicite, quandoquidem tepidos admovit ad ignes
 Nos hiberna dies, dum non sinit ire per agros
 Bruma gregem, flatu Boreas dum sævit acuto.
 Dum riget omne solum, tectis dum plurima pendet
 Stiria, dum torpent sub aquis glacialibus amnes.
 Otia damnantur, quæ nulla negotia tractant.
- Myr.* Pastores, genus infelix, æstate vagamur
 Pro grege solliciti, sed cum nos frigidus imber
 Continet in stabulis, lites, & jurgia surgunt.
- Bat.* Qui veteres audent ritus mutare, suoque
 Arbitrio, & nullis ducunt sub legibus ævum;
 Hi sunt o Myrmix, qui bella domestica gignunt.
- Bem.* De veteri ritu, de consuetudine patrum
 Rixa igitur vobis? leges, moresque parentum
 Batrache dic, dic cur nostrum venistis in orbem
 Ex Phœnice solo: nos pascua vidimus illa.
 Vidimus herbosos felici uligine campos.
 Vertice Carmeli vitreis uberrimus undis

Fons cadit & rauco densum nemus irrigat amne.
 Vidimus & Jordanis aquas, ubi maximus olim
 Pastor oves mergens scabiem refecavit avitam.
 Amnis hic a Libano veniens Galilæa per arva
 Transiit, & ampla lacu confurgit in æquora magno.
 Unda coit rursus, rursus mare findit apertum,
 Urbs ubi Romani de nomine dicta Tiberis.
 Unda coit rursus, tandem Hiericunte relicta
 Intrat in infames Asphalti gurgitis undas.
 Hinc satis est nos horam, omnem vidisse probatum.
 Dicite, & hinc tandem vestras demergite lites.

Myr. Batrachus audaci semper sese ingerit ore,
 Et mihi se præfert magno temerarius ausu

Bat. Non ego me ingessi, processi a iudice iussus.

Be. Pone pedum Myrmix, & tu quoque Batrachæ non est:
 Orandum armatis manibus, sed mentibus æquis.

Batrachæ dic, Myrmix animi compesce furorem
 Interes, ut venias magis ad responsa paratus.

Qui furit, insanit, qui vero insanit amaro
 Impatiens animo, nec corda, nec ora gubernat,
 Quidquid ait, vanum est, quidquid molitur, ineptum.

Bat. Bembe genus nostrum, generisque exordia dicam.
 Venimus Assyriis, ut Candidus inquit, ab oris.

Est pater Helias nobis, qui sustulit armis
 Pastorum genus omne malum, qui traxit Olympo
 Flamminigeros ignes, qui ascendit in æthera curru.

Rem. Nobile, & antiquum genus hoc, & clara propago.

Bat. Pastores alii, quotquot per rura vagantur
 Omnia, sunt rivi nostris a fontibus orti.
 Nos dedimus leges, pascendi ostendimus artem.
 Quo magis hi peccant, qui cum sint ordine primi,
 Præmatum amittunt studia inconsulta sequendo.
 Nos radix, alii rami, sed nos quoque rami
 A veteri radice patrum jam ætate caduci,
 Tradidit Helias certam pastoribus artem,
 Qua curare greges, qua noxia pabula fas est
 Discere, & occultos imbres, ventosque latentes,
 Quive salutaris foret, & qui pestifer annus,

Signa

Signa dedit, nihil omisit quod ovilia tangat.
 Sed fons ille fluens, Carmeli è rupibus alris
 Tam nitidus quondam, tam dulci limpidus unda,
 Tramite mutato [patet id] modo currit in austrum,
 Sed prius (extat adhuc vetus alveus) ibat ad ortum.
 Hi cursus fecere novos, liquere priores,
 Quos dederat rivo veterum prudentia patrum.

Myr. Quid tibi, sive novo currat, seu tramite prisco,
 Dummodo fecundis humectet pascua lymphis?
 Et quid de cœli quereris regione? per austrum
 Solis iter; melior vitis, quæ respicit austrum.
 Et melior legitur Libycis de collibus uva.

Bat. Est melior taxus, Boream quæ respicit, ergo
 In Boream melius poterat decurrere rivus.
 Pastor es, & curâ pecoris malefano relicta
 Sermone de vite facis, quasi legibus isdem
 Grex, & vitis eant, nec quod discrimen in undis
 Gramineque, & ventis, nosti, & quam noxius auster
 Sit pecori: disce a Roma, si noxius auster.
 Cur Mutinensis agri pecudes sunt vellere fusco?
 Cur Clitumnus habet niveas? cur Mantua molli
 Lancio excellit? Veronaque proxima Manto?
 Unde hæc multiplici rerum variantia forma?
 Non aliunde nisi a cœlis, a gramine, & unda.

Bem. Candide, utrumque pedum procul hinc (rogo) pro-
 tinus aufer:

Inter eos hodie video bellum acre futurum.
 Clam cape, & auferto, subter sarmenta reconde.

Bat. Bembe mihi tecum sermo est: dum viximus una,
 Dum commune pecus nobis fuit, heu mihi quantum
 Dedecus, heu quot sunt pecudes incommoda passæ.
 Nec mersare gregem fluvio, nec vellera certis
 Temporibus, sicut mos est, tondere licebat.
 Nudabant spineta pecus, nudata secabant
 Terga rubi, scabie cutis aspera, tabidus humor
 Pestis, & in totum serpebant ulcera corpus.
 Multum igitur refert pecudes quæ pabula carpant,
 Flumina quæ potent, & qua regione morentur.

Die

Dic mihi, dic Myrmix, priscum cur lana colorem
 Perdidit? hæc gregibus quidnam nova vellera fecit?
 Cur pecus est nigrum, quod erat melioribus annis
 Clarum? immutarunt mutati vellera mores.

Bembe ad te redeo, paucis absolvere nitar.

Sed quo digna omni tua sit sententia laude,
 Vera loquar, tu jura tenes, ego facta docebo.

Judicium reddit verum enarratio vera.

His animadversis, ægre tot damna ferentes

Venimus ad fontem, rivumque à vertice summo

Scrutari mihi cura fuit, tu provide Myrmix

Interea nidos aviurn, vel dorcada parvam

Venabare, tuæ quæ dona darentur amatæ.

Myr. Bembe vides, ut aperta in me convicia torquet?

Auguror, ista manu lis est, non ore agitando.

Mos mihi non lingua, maledicta refellere dextra.

Can. Batrachæ haud verum taceam, linguosior æquo es.

Jurgia bilem acuunt, convicia pectus acerbant.

Non tibi cum puero res est, nec homuncio Myrmix:

Res male tuta viros lingua irritare proterva.

Bat. Da veniam Myrmix, amitam proferre volenti

Nescio quis mihi misit in os malus error amatam.

Myr. Do veniam, cave ne rursus me voce lacestas.

Bat. Alveus excelsa saliens de rupe lacunam

Foderat, & clausis ripas æquaverat undis.

Gurges erat textu silvarum umbrosus opaco,

Densaque sepierant tristem spineta lacunam.

Mille venenorum species in gurgite vidi.

Mille secus ripas in opaco margine, mille

Per nemus ad lymphas sinuoso se perepere gressu.

Obstupui, & rapido rediens ad ovilia cursu

Incipio paleas furca versare tricorni.

Ecce caput tollit coluber, linguaque trifidula

Sibilat, instantur fauces, nepa livida tendit

Brachia, ventrosus profert vestigia bufo.

Vipera per stipulam gradiens, strepit, o loca dixi

Non pecori tantum, verum & pastoribus ipsis

Noxia! mox grege diviso de sedibus illis

Pascua quæsitum tristis meliora recessi.
Perque iter antiquum fontis nova flumina duxi
In campos, ubi prima suos Aurora colores
Explicat, & croceos Phœbi redeuntis ad ortus.
Hic mihi fœcundæ pecudes, hic pascua læta
Et sine labe liquor, dulces sine crimine lymphæ.
Hæc loca primævi sunt quæ coluere parentes.
Signa casæ superant, puteus, cariosaque ligna
Fixa solo, sejuncta pedum discrimine septem.
Et focus, & lacera quæ cingitur aëra sepe.

Myr. Cura viris gravibus rerum solet esse novarum.
Propterea certe nova pascua quæris, & amnes
Fingis inauditos, & vis novus auctor haberi.

Bat. Cura viris gravibus rerum solet esse suarum.
Propterea Myrmix nimis a gravitate recedis.
Hæc novitas non est novitas, sed vera vetustas.
Religio, & pietas patrum instaurata resurgit,
Quam tua corripit levitas, & nota tuorum
Segnities; igitur si quis labentia testæ
Erigit, & sterilem qui mansuefecerit agrum
Judice te damnandus erit? non ponitur arbor
Altera, sed veteri inseritur bona virgula trunco:
Segne prius lignum nostro sit fertile cultu.

Myr. Quamvis pingue tuo pecori sit gramen, & unda
Defecata, tamen multæ cum matribus agnæ
Interiere, lupi, & pastæ meminere volucres.

Bat. Hæ fateor, quæ dira tuæ contagia pestis
Accepere, etiam procul aspicientibus obsunt.
Tantum virus inest, vestri vis tanta veneni.
Propterea magis atque magis discedere semper
Est animus, patitur pecus hæc incommoda nostrum
Sola, quod in vastam nondum discessit eremum.
Nec satis: a vobis procul in deserta recessit.

Myr. Batrache de gregibus mentiris plurima nostris.
Certe alienarum tibi cura superflua rerum.
Et temere assummis partes censoris iniqui.
Cur mihi qui pasco, cujum pecus, ista tueri
Non licuit? solisne domus mea cognita vobis?

Bat.

Bat. Æthiopes una quoniam nigredine sordent,
 Ille color nulli vitio datur, omnibus idem
 Vultus, & alterius siquis repnderet ora
 Et tua damnarer, pecori pecorisque magistris
 Fex eadem, scabies eadem, cutis, & dolor idem.


Bem. Parcite, jam satis est lis intellecta, diæque
 Inclinata cadit, jam post juga summa ruit sol.
 Audite o magni generis longæva propago,
 Lite super vestra, quæ sit sententia nostra.

Myr. Batrache me audaci toties sermone laceffis.

Bat. Non ego, sed non æqua magis te causa laceffit.
 Judiciumque timet sibi mens male conscia iustum.


Can. Quando inimicitias tempus deponere, rursum
 Vestra novas lites vecordia suscitatur, ergo
 Perpetuis hæc rixa odiis æterna manebit?
 Quæ vos debilitas capitis, quæ insania vexat?
 Non pudet his uti tanto sub iudice nugis?
 Ergo animis audite æquis, odiisque sepultis
 Ultima doctiloqui quæ sit sententia Bembi.

Bat. Ferte per antiquos patrum vestigia gressus,
 Et veteres servate vias, revocate vagantes
 Per valles, & saxa greges, per lustra ferarum.
 Figite in antiquis iterum magalia campis.



PAULI MANUTII

ROMANI.



Ad eos qui laborarunt pro salute Bonfadii .

Dilectæ musis animæ, Jovis unica cura,
 In quibus & rectum & longos extincta per annos
 Nunc demum exorians virtus antiqua relucet,
 Et tu, qui docti dux inclitus agminis anteis,
 Magnanime o juvenis Grimoalde. quis ille, quis esse
 Tam culto ingenio possit, tam divite vena,
 Officium vestrum qui versibus exprimat aptis?
 Lapsus erat miser in culpam Bonfadius: index
 Derulerat patribus, nec inani teste probarat.
 Quid facerent legum custodes? legibus uti
 Coguntur: dignum est: servantur legibus urbes.
 Continuo infelix in carcere conditur atro.
 Nuntius interea tristes percusserat aures
 Omnium amicorum, vestris dolor hæsit acerbus
 Mentibus: afflicti properè concurritis omnes.
 O pietas, o prisca fides, vos crimine duro
 Oppressum, & multis invisum. non tamen ipsi
 Pendentem extremo casu liquistis amicum.
 Pugnastris precibus, fletu pugnastris amaro,
 Si possent flecti sensus, mentesque severæ.
 Est etiam minime dubio sermone relatum,
 Argento atque auro multos cupiisse redemptum.
 Docta cohors quid agis? turbatis navigat Euris
 Spes tua: vana petis, portuque salutis aberras.
 Ne lacrimas, ne funde ultra: desiste precari.

Suscipis ingratum studium, sterilemque laborem.
 Fixa manet duris sententia legibus atrox.
 Si fecit, pereat: functum patet, ergo peribit.
 Horrendum carmen, tamen immutabile quod non
 Frangere vis hominum, non flectere gratia possit.
 Exprimitur tandem hoc invito a iudice, vivus
 Ne comburatur crepitanti deditus igni.
 Tum se carnifici sævo Bonfadius ultro,
 Mente Deum spectans, animo imperterritus offert:
 Ille ministerio propere functurus iniquo,
 Terribilis rigidam suspendit ad alta securim.
 Quem feris ah scelerata manus? quam nobile collum
 Percutis, ignoras, & quo te sanguine tingis?
 Hic qui prostratus jugulum tibi porrigit, a te
 Fortiter expectans extremi vulneris ictum,
 Dulcibus & numeris, & molli doctus avena.
 Cum caneret versus Musis, & Apolline dignos,
 Aërio sacras descendere monte Camœnas,
 Atque habitare tuo, Benace, in littore iussit.
 Hic & Romano eloquio, & præcellit Etrusco,
 Mansuetus, facilis, dulci sermone disertus.
 Hæc tu non audis: sed inanibus irrita ventis
 Mandantur, quæcunque loquor: tu parcere nescis;
 Eximios, humilesque feris discrimine nullo.
 Sic visum est superis; mutari fata nequibant.
 Fixum erat, ut damnatus, & acri iudice victus,
 Bonfadi, ante diem Ligurum morereris in urbe.
 Urbs præclara viris, urbs classe insignis, & armis,
 Barbaricæ gentis magnis decorata trophæis,
 Cur veterem a nobis, cur fidum avellis amicum?
 Non tamen obscurus peris, aut inglorius: extant
 Scripta viri; quæ posteritas mirabitur omnis.
 Tu quoque in historiis seros memorata per annos
 Genua florebis viridi cum laude: & ab illo,
 Quem tu extinxisti, tibi lucida gloria surget.
 At tu; cui miser extrema Bonfadius hora
 Aspersam lacrimis misit per scripta salutem;
 Flos Ligurum Grimoalde, tuæ decus urbis, & orbis,
 Et

Et vos o Phœbo sacri, studiisque decoris
 Egregii juvenes, mœstum lenite dolorem.
 Jam sat honorifico celebrastis funera fletu:
 Jam satis officio, satis & tribuistis amor:
 Nec vestrum studium, pietas nec vestra latebit,
 Sed clarorum hominum semper notescet ab ore.
 Et quas ille truci correptus morte nequivit
 Officio, studioque pares persolvere grates,
 Has qui perpetuâ vobis cum laude rependat,
 Forsitan alter erit, vel jam est, multique sequentur.
 Vive diu studiosa manus, doctamque Minervam
 Excole quæ vestras divino nectare mentes
 Pascet, & extremum tribuet per sæcula nomen.

Ad Hieronymam Columnam.

Hesperus, ætherci longè pulcherrimus orbis,
 Inter nitet stellas vagas;
 Et rosa fragrantès flores tulit inter honores,
 Cruore tincta Cypriæ.
 At te femineæ decus, o Hieronyma, gentis,
 Terris dedere Cœlites.



ANTONII MARIII

LIGURIS.



Ad Hieronymum Fracastorium.

FRacastori venerande, anima mihi carior ipsa,
 Ut valeas, quidnam juncto pede, quidve soluto
 Scribas, scire velim, dum te Marpesia cello
 Colle tenet, placidi sectantem commoda ruris.
 An medicas herbas Phœbo monstrante per agros
 Colligis, ut caros cives a funere serves?
 An Dryadum mistus choreis, Faunisque jocosis
 Agresti ludis calamo, quæ Tityrus olim
 Canter, & umbroso miretur Nais ab antro?
 An potius volucris raptus super æthera mente,
 Colloquio frueris Turri, secumque vagaris,
 Ignotasque vias stellarum, orbisque tueris
 Ignotos, veterumque palam commenta refutas?
 Felix, quem populi de tempestatibus atris
 Ereptum, claro sistit Sapientia cœlo.
 At nos indoctæ sequimur vestigia turbæ,
 Parvaque miramur, quia numquam cernere magna
 Contigit; hinc vana deludit imagine mentem
 Aut spes, aut metus: invadit nunc falsa voluptas,
 Nunc falsus dolor; in primis me torva feroci
 Pauperies vultu terret, ceu tristis Erinnyis,
 Quum pavidum flammis ultricibus urget Orestem.
 Sæpe loquor tecum, tacitusque hæc corde voluto:
 Incipe forte tua contentus vivere, teque
 Liber, & impavidus fortunæ oppone superbæ.

Ne-

Nemo pauperie miser est, aurove beatus.
 Oppressum morbo Chromilum de paupere lecto
 Transfer in auratos thalamos, & stragula picta;
 Non tamen ægroto decedet corpore febris.
 Impatiens, æstuque amens vigilabit; at idem,
 Quum validus silvis apros venatur, in alta
 Hibernas noctes nive dormit suaviter; ægrum
 Sic animum nec divitiæ sanare valebunt,
 Nec mentem sanam vel magna offendere egestas.
 Quare age, si carus Superis, si carus amicis
 Esse velis, animum semper cole: cetera mitte.
 Cuncta potest sprevisse aliquis, nemo omnia habere.
 Ille opibus vincet Cræsos, illi fluet Hermus,
 Cui licuit contemnere opes; sunt denique certæ
 Divitiæ, Virtus, Sapientia: quas neque bellum,
 Nec mors suprema potis est rapuisse favilla
 Hæc mecum. Sed cuncta fluunt animo, simul atque
 Tabentes artus, & commoda multa volentem
 Aspicio miseram juvenili in flore senectam.
 Crudeles Parcæ, dulcis nec dona juventæ
 Carpere, nec lentos finitis finire dolores.
 Non mea vos pietas, tremuli non vota parentis,
 Non lacrimæ vestras potuerunt flectere mentes.
 At tu, quem Phœbus lethales pellere morbos
 Edocuit, citharaque amnes cantuque morari.
 Huc ades, o Frastori, aversaque Numina flecte
 Carminibus, tabemque meo de corpore pelle.

THYRSIS, EGLOGA.

Vos mihi, quæ quondam Thyrsis puer, & puer Alcon
 Dixerit, alternis dum certant versibus ambo,
 Dicite pastorum divi; vos namque canentes
 Mirati, silva liquistis sæpe Lycæi,
 Et pueros densâ lustrastis sæpe choreâ.
 At tu, quem nimbose suum vocat Archia regem,
 Seu colis Augusti nunc alta palatia, sive
 Rupe sub æria propter Benacidas undas,

Turrianum lugens, cithara miserabile carmen
 Ingeminas, tumuloque pium superaddis honorem,
 Huc ades, & primos pueri puer aspice lusus.
 Lusus, quos, patulæ dum crescentem arboris umbram
 Attenuat, vacuas cantet frondator ad auras.
 Interea crescent anni; mihi dexter Apollo
 Majores texenda dabit in carmina vires.
 Tum patriam linquens, Veronæ dulcia rura
 Adveniam; hic lætus nemorum viridante sub umbra,
 Dum vaga Benaci volitant per flumina cymbæ,
 Virtutesque, artesque canam, & tua maxima facta.
 Archiadem intonsi referent juga celsa Brioni.
 Gaudebunt Nymphæ Benacides, & mihi flores
 Purpureos in ferta legent; pater ipse canenti
 Albula cæruleis assurget leniter undis.
 O tantum hoc Musæ vestro concedite vati.
 Tunc licet extremæ veniant mihi tempora vitæ,
 Ipse tamen Tithoni ævum superasse videbor.
 Hæc olim: vos nunc pastorum dicite Musam
 Hircipedes Fauni: rapidum sol igneus æstus
 Accendebat agris, cùm somnum, & frigora captant
 Custodes ovium. Thyrsis puer, & puer Alcon
 Propter aquam dejecti herbofo in gramine ripæ,
 Alterno vacui cœperunt ludere cantu.
 Cantabant illi, calamos inflabat Alexis.

T. Nymphæ: quæ parvi colitis vaga flumina Rheni,
 Pan felix ovium custos Satyrique bicornes,
 Accipite has voces, aut me jam Phyllis Amyntæ
 Præferat, aut celeri curas mihi demite letho.

A. Faune pater: si sæpe tuos cantavimus ignes,
 Si tibi rite sacra suspendi cornua pinu,
 Cùm tu purpureis ornabit tempora fertis
 Lydiæ, dic: nostros ne semper temnat amores.

T. Colles: intonsi colles, & mollia prata,
 Et qui vos placido percurrit flumine Rhenus,
 Dicite non mea vos docuit jam Phyllis amare,
 Dum canit, aut lætis dum vos arridet ocellis?
 Fontes, muscosi fontes, nimiumque beati,

Qui

Qui caput, & niveos dominæ perfunditis artus,
Dicite non mea vos urit Galatea, virenti
Seu sedet in ripa, vitreis seu ludit in undis?

T. Candidior cyncis, lascivo mollior hædo,
Pulchrior irriguis hortis meus ardor Jolas
Clam venit, & gracili curas dum solor avena,
Dulcia sæpe meo commiscet basia cantu.

A. Nobilior violis, æstiva lenior aura,
Gratior umbrosa platano, mea cura, Lycoris
Mecum servat oves, mecum per præta vagatur,
Junct or ut catæ vitis non hæreat vimo.

T. Aspicias, ut læti surgunt per gramina flores,
Ut variis volucrum resonat concentibus aër.
Utque virent silvæ, utque omnis germinat arbos:
Hæc facies, hæc est Lycidæ ridentis imago.

A. Vidistin' croceo dum lux insurgit Olympo,
Aut glaciem canas inter fulgere pruinas,
Aut rorem de puniceis stillare rosetis.
Hæc facies, hæc est Vari lugentis imago.

T. Hic Zephyri molles, hic conifera cyparissi,
Hic antra, hic tremuli fugiunt per gramina rivi.
Hic mecum Lycida fiscellas texere junco
Velles, aut timidos pennis includere cervos.

A. Nunc mihi nec gelidi fontes, nec pascua Vare
Læta placent, culti jam sordent numina ruris:
Huc ades, & gelidi fontes, & læta placebunt
Pascua nec fuerit quidquam mihi dulcius agris.

T. O mihi si placidum referat se pulcher Jolas,
Si formosa meam non spernat Phyllis avenam:
Si mihi ferta suis manibus legat Orithyia,
O tua Faune quibus ornarem cornua donis!

A. O mihi si currant his lactea flumina ripis:
Si virides liquido flavescant melle genistæ:
Si Tyriis ovium pingantur vellera succis:
O quales mea tunc audires Lydia versus!

Hæc illi: pulsæ respondent omnia valles,
Ulcinas donec rapidus calor ire sub umbras
Compulit, & potum pastas egere capellas.

Ad Aloysium Avilam.

Amice magni Cæsaris Avila,
 Comes fidelis militiæ, & togæ,
 Germanico insignis trophæo,
 Gloria prima equitum, decusque
 De bello anhelum seu reparas latus,
 Ut alma terris incubuit quies,
 Seu cuncta Cæsar bellicosus
 Fulminibus quatiat tremendis,
 Summos honores percipis undique.
 Sævos in hostes intrepidè arripit
 Se prima virtus, cum recessit
 Victa procul rabies furoris.
 Superba divi prælia Caroli
 Mox expeditis historiis refers,
 Ducumque fortium labores
 Muneribus decoras supremis.
 Ut incruento Marte rebellium
 Iras minaces contulit hostium:
 Ut vicit excelso Suevas
 Pectore, Vindelicasque gentes,
 Describis æquus; te neque laus tua
 Amorse gentis flectit Ibericæ,
 Sed impetu quanto fideque
 Bella geris fera gesta dicis.
 Dicis vadofas Albis aquas, manum
 Dicis fugacem Saxonis impii,
 Dicis potentiam tyranni
 Cæsarea demitam catena.
 Scriptor probatus, miles ut inclitus,
 Esto superstes tristitia nec meo
 Te fata plectro, neu superbis
 Cæsaris invideant triumphis:

Ad M. Plemmirium.

Jam luculentâ Marce pecuniâ
 Tumultuosum per mare cursitans,
 Quam comparasti, disce tandem,
 Disce, precor, sapienter uti.
 Nam congerendis divitiis modus
 Hic esse debet, pauperiem ut tibi,
 Tuisque liberis repellens,
 Lætus agas superest quod ævi.
 Ergo relictis navibus, & mari,
 Ad tuta ruris te refer otia:
 Insanientis & procellæ
 Dirum alii paveant furorem.
 Quis non benignæ culta nitentia
 Terræ minaci præferat Hadriæ?
 Quis candido gregi catervas
 Comparat horribiles narantum?
 Quod si lucellum te capit, & sua
 Sunt lucra gnavis agricolis: pecus,
 Saltusque & arva diligenti
 Sunt domino bene fructuosa.
 Nam terra mater reddere diligit
 Magno colenti semina sænore,
 Ni tu recusas illam aratro,
 Assiduisque juvare rastris.
 Est hic agellus, villaque collibus
 Fundata amœnis: quam liquidi ambiunt
 Fontes, & arcens umbra opaca
 Silva canis orientis æstum,
 His tu cœmptis incipe tempora
 Post longa tandem vivere conjugis
 In dulcis amplexu, daturus
 Lætam animam veniente letho.



Ad Vesperam.

O sidus almae Cypridis,
 O noctis aureum decus,
 Vesper, tuo qui luminis
 Fulgore tantum sidera
 Anteis, comæ sol igneus
 Quantum nitore Cynthia
 Præstat, precor, ne deneges
 Amice Vesper candidum
 Lumen tuum mihi, in sinum
 Eunti Hyellæ, atque oscula
 Tu sis viæ comes unicus,
 Quando omnia atra condita
 Sunt nocte, quando Cynthia
 Negat suum lumen mihi.
 Non me impii cupiditas
 Furti, cruoris aut sitis;
 Sed sæva vis Cupidinis,
 Meo æstuans in pectore,
 Has ire compellat vias.
 Cum stella sis Veneris bonæ,
 Quæ sancti Amoris est parens;
 Juvare amantes te decet.

Ad Nymphas Bononienses.

Nymphæ, quæ parvi colitis vaga flumina Rheni,
 Et blando agrestes uritis igne Deos,
 Liba dat hæc vobis, vobis hæc pulcher Jolas
 Porrigit in gelidâs nigra falerna domos.
 Vos puerum accipite, atque instanti arcete periclo,
 Dum vestram niveo pectore pellit aquam.



De Hyla.

Cùm molles dominæ formosus Hylas hyacinthos

Mitteret, & vernis plena canistra rosis;

Flens, ait, ite rosæ, felices ite hyacinthi:

Cur nunc dona mihi non licet esse mea?

M A R R A S I I S I C U L I



AD LEONARDUM ARETINUM,

De laudibus Fontis Gai.

Non opus est Scythicum senibus disquirere fontem,
Quo sub demersis prima juvenia redit.

Unus apud Scythiam per saxa latentia repit,

Fundit & lymphas ante Senense Forum.

Hic situs in media fons est argenteus urbe:

Et tumulus vivis ossibus ille meis.

Phœbus ab Eoo roseas cum solvit habenas

Mane videt Gai lumine fontis aquas.

Quicumque hos latices haurit, quicumque liquore:

Et calet inprimis & juvenescit aquis.

Vidi ego Nestoreos qui jam transiverat annos

Submersum juvenis membra referre senem.

Sed si forte meis tete juvenescere sentis

Versibus: his lymphis unda Papyrus erat.

Non versus fecere mei, nec inepta poësis,

Sed quibus aspersis sæpe libellus aquis.

Fons hic exornat juvenes, urbemque Senensem:

Numen habet laqueos, retia, mille jocos.

Sanguineos arcus pharetram flammamque, sagittas,

Deposuit Gajo candida fonte Venus.

Hæc

Hac fatus ulterius; nec vult volitare per auras:

Exiit huc pennas, deposuitque faces.

Per turres tum non volitat, nec mœnia nostra

Egreditur: fessus fonte cupido sedet.

Argentes ardent: & sunt in amore furentes

Quam primum biberint pocula dulcis aquæ.

Huc, Leonarde, veni sacros haustare liquores,

Sic juvenis fies; sic in amore furens.

Postquam marmoribus gelidoque in fonte resedi,

Plena fuere mihi corda dolore gravi.

Vellem divini raperent mea corda furores.

Ad quos me hortaris dive poëta tuos.

Sed ne intemperie dubito mea pectora vexent,

Ridiculum ut dicar qualibet urbe caput.

Si manifesta meam rapiet vesania mentem,

Prima salus gelido mergere fonte comas.

Nam quem Gorgoneo primum appellavere poëtæ,

Nunc fontem Gajum tempora nostra vocant.

Cruda voluptatis siquid mea verba tulerunt,

Carminibus nostris si qua libido fuit;

Laus omnis Veneri datur: omnis gloria fonti:

Quos cecini versus hæc mihi dicat aqua.

Quid mihi collibuit me inter numerare Tibullos:

Credo meas nugas captus amore probes.

Si te descripsi pœscos superare poëtas.

Me licet immensus numquam fefellit amor.

Sed quia laudari decepta est lingua: sed illa

Nescivit laudes accumulare tuas.

Postremo, ne longa trahar per devia, sacros

Hic superat fontes numine, melle, joco.

Huc, Leonarde, veni sacros haustare liquores:

Sic juvenis fies, sic in amore furens.

Ad Leonardum Aretinum.

Mos erat antiquis, sua cum cruciare volebant

Ingenia, ad doctos sæpe coire viros.

Mar.

Marcum non puduit sapientem audire Catonem:

Multaque Aristotelem turba secuta fuit.

Te sequor: es toto vates celeberrimus orbe,

Orator summus rhetor in arte prior.

Aretine fave: te tamquam numen adoro;

Namque tibi placidam cessit Apollo lyram.

Pœniteat nec te blando legisse libellum

Lumine, ne nugas cerne dolore meas.

O utinam de te possem componere versus,

Quales Virgilius, Callimachusque tulit.

Si ad Mæcenatem veteres scripsere poëtæ

Carmina: Mæcenas carmine dignus erat.

Si sunt grata animo, quæ scripsi verba perennis

Aspice, te vivam tempora multa sene.

Ergo vale & nugas postquam laniaveris, edam,

Sin minus, in cista clausa Papyrus erit.

Quæ cito si tinea non obtundetur iniqua,

Vestiet & chartis pharmacopola piper.

Ad Joannem Pratenem.

Prate meum numen meum, lux mea gaudia legi

Prate tuos versus: & placuere magis

Et te divinum possum appellare poëtam,

Namque elegos redoles: Virgiliosque sapis.

Est gravior mihi pena tuis quod privor ocellis;

Et quod te careo: quam tibi cura mei

Si cupis alternis studiis nos jungere amores

Ast ego juvamus tempora cuncta simul.

Nec fidei simplum, nec te mea vita fefelli;

Marrabus pereat si caret ipse fide.

Est mea salva fides veniam dixisse fatebor,

Cum dixi veniam non sine lege fuit.

Pollicitus colere & villas & florea rura,

Pluminaque & rivos sole calente fui.

Preteriere dies jam jam cecinere cicade,

Et folie arboribus jam cecidere suis.

Nunc

Nunc deformis hyems me territat, angit & ipsum
 Me prope venturi principium studii.
 Ergo nec adversum fundas me Prate querelas;
 Iratus cum sis concutit ossa tremor
 Si veniam, non testa tui, non alta subibo
 Attria, ut hoc videam, te magis ipse petam.
 Nec sine te villæ, nec te sine rura placerent,
 Nec sine te fontes; nec mihi silva placet.
 Quod petis a superis ut me Angelina Sicanum
 Horreat ut vultus horreat usque meos.
 Istud idem faciam divis & thure Sabæo,
 Ut fugiat vultus Francia bella tuos.
 Sive velis nobisque etiam Deus annuat, ut sic
 Illa meos oculos: horreat illa tuos.

Ad Maffæum Vegium, responsio.

Mœstus eram: veniunt ad me tua carmina Vegi,
 Excitantque meum dulcia verba metum.
 Et postquam decies, totiens tua dicta relegi,
 Et cum terdecies, tunc placuere magis.
 Namque lyra & fidibus nostrum venere camœnæ
 Ad thalamum: cithara venit Apollo tua.
 Et cecinit nivea vestitus pectora veste,
 Pexuque auriconius, lucidus arte caput.
 Quamvis in cunctis solet errabunda capillis
 Tempora, & incultas undique ferre comas.
 Et cecinere tuum Phœbo saltante sorores,
 Carmen: & alternis saltibus ille canit.
 Splendida post sequitur centum Angelina Dearum,
 Splendidior cunctis ipsa Deabus erat.
 Et gemitum & luctum & quem sufferre dolorem
 Vix poteram, excussit carmine sola tuo.
 Tale tuum carmen quo me solatus amantem es,
 Quale fuit dixit Sicelis esse volo.
 Angelina fuit; sed non persona locuta
 Ulla fuit: quamvis Angela, ficta fuit.

Præterea ante oculos posuit tua Musa Catonem,
Et te quem pedibus sola elegia premit.
Antoni vatis divino carmine læti,
Æternam famam sæcla futura ferent.
Ovidii eloquium nec te lascive Properti,
Horrescit; nec si unus uterque fores.
Ante alias alium ponunt sua verba Catonem,
Quem lex & Musæ & sancta poësis amant.
Hos inter cantus subito moribunda resurgunt
Pectora: deinde abiit pallidus ore color
Non minor & nostro datur hæc medicina dolori,
Quam data Romuleis quæque Sabina fuit.
Magna tuis calamis referatur gloria Veggi,
Namque ego servatus carmine reque fui.
Dii te perpetuent, cuncta & per sæcla beatum
Reddant: sint vitæ flamina longa tuæ.
Et ne frigescant vires, mihi mitte Thalias,
Cum cythara & cantu, carminibusque tuis.

Ad Carolum Aretinum Hecatombe.

Credebam, Grajos laticeꝝ coluisse Camœnas,
Solum quæ canerent impare dicta sono.
Horrendas acies, horrendaque prælia cerno,
Carole, quæ dictas his madefactus aquis.
Armatae veniunt, mirum est, e fonte sorores,
Intrant & thalamum splendida turba meum.
Secum blanditias, lascivaque verba ferebant,
Otiaque & plausus, deliciasque prius.
Consuevere comas niveis ornare ligustris,
Cingebat frontem fulva corona suam.
Consuevere caput viridi connectere oliva,
Stabat & auratis vestibibus arte nitor.
Aurea per flavos serpebat spira capillos,
Ornabat nitidas candida gemma manus.
Nunc clipeos hastasque ferunt, parmamque sudemque,
Pilaque sunt manibus tela verenda suis.

Carmen voce gravi meme offendere canentes
 Ranarum & murum bella timenda Jovi.
 Dum legerem timui Meridarpaga, Borborophontes
 Ut timeam, major sollicitudo fuit.
 Obtupui medius galeata per agmina murum,
 Territus hinc ranis, inde Deabus eram.
 Nec me interpellant Nymphæ rua dicta legentem;
 Talia perterritis una locuta fuit.
 Carolu udus aquis, & nostro numine dignus,
 Pollicitus centum est cadere rite boves.
 Bos ubi centenus? quando centena dabuntur
 Munera? vota Dei persolvenda volunt.
 Ipse boves habéat centum, totidemque Capellas,
 Atque sua irroret jugera sola Tagos.
 Nos volumus cantet titulos, & numina nostra,
 Cum testudineam pulsat Apollo lyram.
 Centum elegos faciat, centena poemata nobis
 Poscat. & accipiet grandia dona sinu.
 Accipite hos dixi, seque hoc absolvite voto,
 Centum elegos pro se composuisse libet.
 Illa refert: sua sunt gratissima carmina nobis,
 Sunt & Apollineis illa canenda sonis.
 Lauro ornandus erit, nisi sit quod ferta corymbis
 Laureæ, nique hederæ vincat honore comas.
 Inde abiere omnes, & me sibi multa volentem
 Quærere, destituunt, diffugiuntque thorum.
 Centum elegos una perierunt voce puellæ;
 Centum elegos placida scribere mente velis.
 Carole rivus aquæ manat qui fonte Senensi,
 Nec tibi, nec cuiquam despiciendus eat.
 Tarquinii conjunx Gajos libasse liquores
 Fertur, & ante alias facta puella proba est.
 Hinc proba quæque fuit primæva ætate puella,
 Et Tanaquil primo Gaja vocata fuit.
 Hunc Gajum vocitant certe a probitate sororum
 Fontem, quem celebrant numina sacra novem.
 Carole, crede mihi, non hæc sententia nostra est:
 Quæ cecini foliis verba Sibylla dedit.

Obsequere interea, quamvis tua carmina Homerum
Spirant, & quamvis nomen Homerus habet.
Namque polita nimis, nimis & limata fuere
Carmina, Phœbeo suscipienda sinu.
Certant Virgilio, sunt & certantia Homeri
Versibus, & certant, si qua Tibullus habet.
Sive Helicone tui fundantur saepe capilli,
Sive caballina sparserit unda pedes.
Seu juga Parnassi spatium per ardua montis,
Sive per Aescræos iveris ipse lacus.
Sive ubicumque velis requiescere, protinus illuc
Adveniet celeri quæque Thalia pede.
Ut timeam Gajæ repetant te fonte relicto,
Atque habitent pectus turba decora tuum.
Musas nec metuas; nam si te linquere vellent.
Et Phœbus fugeret, te Nicolaus amat.
Hic habet & Musas, & mille poemata, mille
Historias, priscos & bene nescit avos.
Eja agites, postquam cecinisti parva sub antro
Mæonio, Antiphaten, eja Cyclopa agites.
Non facile est clarum quidquam componere, si quis
Neglexit primo scribere velle jocos.
Non pelagi tumidos fluctus secuisset Jason,
Is nisi per tenues sæpius isset aquas.
Qui postquam medium fulcavit nauta profundum,
Auratae ad patriam vellera vexit ovis.
Cortice populeo ni sese armasset Achilles,
Fixisset timidas ni prius ille feras;
Vulcani tam magna humeris numquam arma tulisset,
Sanguine ab Hectoreo nec rubuisset humus.
Muribus & ranis nisi prælusisset Homerus,
Iliadis magnum non cecinisset opus.
Et postquam eloquio cantasti parva rotundo,
Aggredere æternam te precor Iliadem.
Ulterius proprias non vult errare per urbes;
Mæonides, Tuscas vult habitare domos.
Ilias, antiqui quam nescivere poetæ
Transferre, & Latiis edere quippe novam;

Mavult in linguam per te migrare Latinam,
 Quam velit Argolicas nunc habitare casas.
 Te petit iste labor, tibi gloria summa relicta est,
 Sitque humeris validis sarcina grata tuis.
 Sed prius his Nymphis placida parere decorum est
 Mente; fac extollas nomen ad astra suum.
 Centum elegos una petierunt voce puellæ;
 Centum elegos placida scribere mente velis.

Ad Barnabam, studia Humanitatis deferentem.

Qua monitus fueras mihi dulcis epistola ad aures
 Venit, ab ornatis verba legenda viris.
 Scriptum in primis: Barnabeu, trado salutem
 Ad te ego Petrucius, comis amice, meam.
 Non dubito id faciet limato te atque vetusto
 Eloquio ad priscam protinus ire viam.
 Flesteret immitem, quo quondam capta noverca est,
 Hippolytum, Phædra & mortua nulla foret.
 Si Phalaris quemquam vellet comburere tauro,
 Voce sua accensum extingueret ante focum.
 Proposito affixos poterit deflectere divos,
 Deque tuis humeris solvese Phœbe lyram.
 Fabellam at volui risu dignam prius ipse
 Scribere, & attendes carmina mixta joco.
 Cur fereret nullas segetes, quæsit egenum
 Dives, respondit: semina quisque ferit.
 Tempestare alia pauci fulcare solebant,
 Horrendamque famem, frigora longa, sitim.
 Tunc ego fortis humo mandabam femina, lætus
 Excæpi fructum ac aurea poma simul.
 Nunc potero ad tantas aliorum vivere terras,
 Dulcia vina bibam, dulcia mala legam.
 Dives ad hæc: propriis implebunt horrea granis
 Agricolaë, & frugis quisquis avarus erit.
 Adventante hyeme & longævo frigore noctis,
 Tu sine pane bibes pocula tristis aquæ.

Depexit ditem cautum sententia egeni,
 Atque urgente fame mortuus ille fuit.
 Non aliam poteris causam præbere roganti,
 Quam de fruge habuit dives ab Agricola.
 Audes humanis studiis indicere bellum?
 Indignum facinus tempora nostra vident.
 Monstra quis hæc credet? medias sitibundus ad undas
 Non bibit, ille vorax despuit ore cibos.
 Temporibus primis tu solus in urbe colebas
 Rhetoras, & quamvis nullus in urbe foret.
 Pauperie tunc dives eras; nunc copia egenum
 Te facit; affluxus Rhetoris ipse nocet.
 Non opus est monitu, cum te Andreatius ardens
 Admonuit, placidos edidit ille sales.
 Si a se discedis, tu te discedis ab ipso.
 Deque viro armato factus inermis eris.
 Si studia atque artes fugies; tu pectore nostros
 Ex Erebo infernas ipse vocabo Deas.
 Non nisi Tisiphonem, & Tisiphonesque sorores,
 Aut si quid Stygio gurgite pejus erit.
 Irruet ante oculos Furiarum turba: timebis
 Flagra Dei inferni, & milia, crede, facum.
 At si non fugies, sacras vocitabo Camœnas,
 Aut si quid Cœlo dignius esse potest.
 At si non fugies, suaves opobalsama odores
 Spirent, & violæ, spargat & aura crocos.
 Aut repetas Musas, aut tot pellemus ab urbe
 Rhetoras, & primas ique redique vias.

Ad Æneam Silviaden responsio.

Non hilarem accipiat me me Trinacria tellus,
 Ni dederò Æneæ carmina mille prius.
 Verbula, quæ niveo tu vis mea marmore pingi,
 Sunt testura piper, cinnama, thura, crocum.
 Versibus ornasti tantis Marrasia Tempe,
 Ut me immortalem longa papyrus agat.

Nugas non agito, nisi sint mea plena furore
 Pectora: tunc scribo, cum venit ille furor.
 Silvias Æneas cantabitur, atque decora
 Pocula, & alteruter carmina nostra leget.
 Ipse vale; & laudes si mille optaveris; ora,
 Ut cito diripiat pectora nostra furor.

*Ad Leonardum Arretinum, Prefatio in
 Angelinetum.*

Hunc, Leonarde tuo volui obsignare libellum
 Nomine, quo titulus luceat ipse magis.
 Si quoi dandus honos Grai pariterque Latini
 Eloquii, & quidquid laudis in orbe fuit.
 Si quoi debetur fama immortalis avorum,
 Arretine, tibi gloria prima manet.
 Effingis priscos nimia gravitate parentes,
 Et superas veteres tu probitate viros.
 Non solum dicant tibi se debere Latini;
 Verum etiam Argolici teque tuosque colant.
 Non minus in Grajum conversus sermo Latinus,
 Quam Grajum per te lingua Latina tenet.
 Eloquitur lepida ac ornata voce Latinus
 Factus Aristoteles: barbarus ante fuit.
 Punica bella diu tot in annis mortua, vivunt:
 Rex Cicero vivit, non moriturque Plato.
 Quid recitem libros te jam vertisse Pelasgos
 Innumeros, totidem composuisse novos?
 Italiæ lumen, per te venere Camœnæ
 Ad Latium, per te dicta vetusta placent.
 Indulgere velis nostro, Arretine, furori;
 Sive sit ille furor. sive sit ille dolor.
 Judicium facias nostro de carmine, sive
 Thura tegat, vel sint verbula digna legi.
 Quæ si iudicio fuerint laudata benigno:
 Mordeat oh quantum quisque poeta velit.
 Nec pigeat nostris te respondere tabellis,
 Sive velis proſa, carmine sive velis.

Si mihi rescribes, Musas venisse putabo
 Aonio ex fonte, & numina sacra novem.
 Indulgere velis nostro, Arretine, furori,
 Sive sit ille furor, sive sit ille dolor.
 Quando novi vates ausi sunt tempore prisco
 Carmina, Phœbeos consulere focos.
 Nunc quærenda meis non sunt oracula Sybillæ
 Versibus, & Phœbus despiciendus erit.
 Tu Cumæa mihi, tu Phœbeæque sorores,
 Phœbus eris calamis, Calliopeque meis.

Responsio ad Guarinum.

Postquam tu nostis respondes dive tabellis,
 Et postquam placuit nostra Camœna tibi.
 Gloria Marrasio dabitur non parva Sicano,
 Atque futurus honos non mihi parvus erit.
 Omnia, quæ veteres nostri scripsere Latini,
 Carmine, prosa, & cuncta, Guarine, sapis.
 Non minus & Grajas inter doctissimus artis,
 Sive velis prosa, carmine sive velis.
 Adde, quod historias, scripsit quas doctior Argio
 Plutarchus, transfers, & meliora doces.
 Non ego descripsi quam prima theatra colebant
 Larvam, sed quam nunc regia quæque tenet.
 Si primos ortus primæva ab origine vellem
 Scribere, principium tunc mihi Thespis erat.
 Post Thespin, palla cum mimis atque cothurno
 Æschylus ad nostri tecta secundus erat.
 Tunc me oblectarent dicentem hæc omnia, sed nunc
 Fæce nihil calamos ora peruncta juvant.
 Idcirco mimos, scanam, grandemque cothurnum
 Præterii, non hos fabula nostra colit.
 A me tibicen, populus spectator, & omnis
 Tibia præterita est, præteritæque tubæ.
 Sed ne cui dubio foret hæc mea larva legenti,
 Personæ alterius tempora & arma canis.
 Quæ veluti flores, quando cecidere, moritur,
 Larvatus moritur, quum sua larva cadit.

Nil moritur, cessare suo si tempore dicam:

Nonque mori cessat, ceu

.

Nonque mori cessat, ceu rosa quisquis amor.

Quam mihi miisti larvam sine matre, novercam

Ipsa habet, & plures est sibi nata patres.

Quam mihi nullus inest genitor, sed candida mater

Mitior, atque illi nulla noverca fuit.

Ipse meam, tuque ipse tuam jungamus utrasque,

Conjugioque adsint Bacchus & ipsa Venus.

Ex his ambabus nascetur filius unus

Monstrum, quod vultus continet ante retro.

Hæc jocor, hæc habui festis aptata diebus,

Officii ingratus ne ferar ipse tui.

Maxima carminibus referatur gratia, namque

Perpetuo vivent carmina nostra tuis.

Ad Cyriacum Anconitanum.

Si qua fuere virum divina epigrammata faxis

Inscripta obscuro nomine, clara facis.

Tanta libido animo veterum monumenta videndi

Fixa tuo, ut mundus area parva fuit.

Hinc tibi præclaro Musæ arrisere Latinæ,

Hincque tibi Argivæ mille dedere jocos.

Comis es, & frugi, vel sancto dignus amore,

Cyriace, hinc larvas accipe amice novas.

Illis siquid inest crudum, aut non auribus æquum,

Si qua juvenia illis nunc videatur iners;

Id refeca, sive ipse, tua, fac, arte senescat,

Jocundo ut possint lumine verba legi.

Cyriace hoc pacto capias munuscula nostra,

Ut mihi larvato tu comes esse velis.



*Ad Franciscum Tallanum, ut divam puellam comperiat,
cantari dignam carmine; ubi mores puella,
dignæ amari, describentur.*

Petrus ab Etrusca postquam me compulit ora,
Ingenio, & Musis, & sine amore frui.
Et raucæ nostrum rancæ excussere cerebrum,
Quæ ad Patavi fines, & loca spurca natant.
Tris, inter medicos, vigilavi squallidus annos:
Hippocratem legi, non sine rege Arabe.
Expertus varias herbas, variosque liquores,
Ægrotis didici ferre libenter opem.
Interea nullo caluerunt pectora amore
Sæva neque injecit spicula acerbus amor.
Nunc ego limosas timeo, argentesque paludes,
Inviaque & steriles undique, stagna, lacus;
Ut dubitem in saxum subito mea corpora vertant,
Neu rigeant, veluti, frigida corda, nives.
Cum, Franciscæ, tibi divum non defuit unquam
Judicium versûs, atque decoris item.
Cum relegis nostros, atque oblectaris eisdem
Versibus, & nugæ cum placuere meæ.
Ut redeant primæ citharæ, Musæque priores,
Nunc tibi arundinea est quæque petenda palus.
Fluminaque & rivi, fontes & stagna petantur,
Et quoscumque locos splendida Nympha colit.
Sæpe inter salices Nymphas errare videmus,
Sæpe inter calamos, sæpius inter aquas.
Excerpenda tibi nunc est ex vallibus istis
Nympha decora meis sæpe canenda sonis.
Hos habeat mores, mentemque animumque modestum;
Nec modo sit facilis, nec modo cruda nimis.
Gaudeat interdum me prætereunte: revolvat
Interdum faciem, dissimuletque suam.
Hæc mihi discruciet quotiens me viderit illa,
Læta nec ex habitu sæpe sit illa meo.

Illa mihi facie nitida, vultuque sereno
 Rideat, ut nostrum bulliat igne jecur.
 Illa Meduseo nec me respexerit ore,
 Sum velut Aglauros frigidus unde lapis.
 Me flentem si quando etiam tristemque videret;
 Se mitem atque hilarem præbeat illa mihi.
 Hanc mihi si dederis divam, Franciscæ, puellam,
 Mille leges dignam, conficiamque sibi.
 Hoc mihi natura est, nisi sim devictus amore,
 Nulla fluunt nostro carmina docta sinu.
 Nec tibi deficient ex nostro carmine laudes:
 Atque mihi æterno tempore amicus eris.

Ad Ducem Ferrariæ.

Nonnisi de sancta volui, clarissime Princeps,
 Pace loqui nostris versibus atque jocis.
 Pax tranquilla tuos populos sine fine tenebit:
 Tu pius & verus pacis amator ades
 Fortis es & justus non justo tempore Princeps;
 Quem tibi subjecti numinis instar habent.
 Tu juvenis natu, sed prudentissimus heros,
 Tu regis imperiis regna paterna tuis.
 Atque ita tu populos, cives, gentesque gubernas,
 Ut videre tuis anteferendus avis.
 Atque ita tu cunctis dignos largiris honores,
 Ut te divinum quilibet esse putet.
 Est opulenta viris urbs hæc Ferraria multis,
 Hospitium pacis te duce semper erit.
 Non minus & patris semper fuit aucta triumphis
 Tellus finitimis invidiosa locis.
 Hesperia de gente truces mortale duellum
 Expleturi, hostes hic habuere locum.
 Indixere diem pro se sibi quisque tyrannus,
 Armati veniunt ad fera bella viri.
 Dumque animus dubius, dum mors vicina videtur,
 Divisit sapiens prælia voce parens.
 Quos nec magna ducum, nec magna potentia regum,
 Hos potuit genitor conciliare tuus.


Ad.

Adde quod & Latiis erat exitiale periculum
Urbibus, & multis bella futura malis.
Et populi atque duces aceingebantur ad arma,
Atque erat Italicis una ruina Deis;
Ni pater illustris tecum posuisset opimam
Pacem, inter Venetos Anguigerumque ducem.
Conticeo proavos, quibus exornaris ab avo,
Unde Estense genus, quîs, Leonelle, parens.
Magnum opus & magnas res scribere non sine magno
Ingenio; & nostrum quam puerile vides.
Sed si forte meum nunc fortunatius esset
Ingenium, canerem teque tuamque domum.
Gaudeo quod studiis rerum hoc es tempore princeps
Deditus humanis, clarus & eloquio es.
Mecenas obiit, simul oppetiere poëtæ,
Sed tibi nascetur, dive poëta tuus.
Est opulenta viris urbs hæc Ferraria multis,
Hospitium pacis te duce semper erit.
Et Baccho Cererique, est & gratissima Phœbo,
Hanc amat, hancque colit, hancque tuctur Amor.
Tantis culta Deis visa est mihi dulcis: amari
Hanc urbem placuit nosque genusque suum.
Ut nulla sub parte poli perpeffus iniquas
Tot fuerim pœnas, totque timenda mala.
Res mira & nostris non est audita, nec ullis
Temporibus, voluit quot fera bella pati.
Audi, & vera leges quot sunt discrimina amantum,
Quotque viæ, & quantis subdita vita malis.
Pro nihilo faciunt & mille pericula, mille
Mortes, atque volunt mille perire modis.
Hæc mihi nota via est per quam vestigia novi
Sæpius; & vidi, quam sit amara via.
Si tantis objectâ malis est vita, voluptas
Una subest illi, quæ mihi pluris erat.
Hæc erat, ut facilem placidam facilemque puellam,
Ut veniat domina sub ditione mea.
Post multos luctus, lites, sævosque dolores,
Pax tranquilla fuit, non habitura modum.

Et juvenes pacem retinent, pacemque puellæ;
 Si quid agunt, pacis omnia plena vides.
 Pax tranquilla suos populos sine fine tenebit:
 Tu pius & verus pacis amator ades.

*De transmutatione, laboriosaque amatorum vita,
 ad Medusam divam Puellam.*

Quam timui, ante meos oculos objecta Medusa,
 Et mea cum laqueo colla superba ligas.
 Scis tenui facieque tua mihi sæpe minacem
 Extimui, & inores insidiasque tuas.
 Quid, si te fugio; me firmius ipsa catena
 Stringis? si redeo; me quid iniqua fugis?
 Tu quotiens nostros mutasti carmine vultus!
 Tu quotiens oculis corpora tota tuis!
 Sæpe ego vipereos fumo cervice capillos,
 Oraque terna humeris stant rabiosa canis.
 Sæpe fui mitis, tenero mansuetior agno;
 Et mea cæsaries aurea sæpe fuit.
 Ah quotiens stabulis fœnum paleamque momordi:
 Excubui quotiens more timentis apri!
 Me celerem quotiens textit furnaria vestis,
 Nec mihi pistori janua aperta fuit.
 In me præcipites veniunt, qui mœnia lustrant:
 Pervigiles cursant in mea crura canes.
 Efficior tener atque macer pinguisissimus; adde:
 Uno eodemque die vir, puer, atque senex.
 Quid referam? convertor amans in mille figuras
 Quaque die, & totidem nocte silente novas.
 Brachia tu quævis mutasti, & corpora nostra,
 Non animum poteris, blanda Medusa, meum.
 Contribuere mihi nascenti sidera legem,
 Et connexa pari fila fuere manu;
 Ut numquam sine amore velint mea corda manere,
 Seu Paris ipse mihi, seu mihi Nestor ero.



CAROLI MARSUPPINI

A R E T I N I.



Eulogium in Leonardum Aretinum.

Nunc sacrae Musæ sanctos nunc solvite crines
 Nunc grandes lacrimæ sancta per ora fluant.
 Memnona & Aurora flevit, Tuturnaue Turnum,
 Æacidae fato flevit & alma Thetis;
 Ipsa Venus pulchro lacrimas impendit Adonidi,
 Æneamque pium flevit & ipsa Venus.
 Orphei, Calliope doluit cum fluminis Hebri
 Eurydicen clamans volveret unda, caput.
 Juppiter ipse pater, parent cui sidera Mundi
 Dicitur & nato condoluisse suo.
 Nam Leonardus erat, vester qui ductor & arma
 Induit in campis, vestraque signa tulit.
 Nunc jacet, heu miseri, pheretro nunc ille sepulchro
 Effertur jamjam, claudet & ossa lapis.
 Ergo senes mœrent, juvenes, matresque, virique,
 Creditur & silvis ingemuisset feras.
 Tum claros Phœbus oculos avertit: & ipse
 Opposuitque nives, occuluitque faces.
 Quid juvat antiquos nunc evoluisse poëtas,
 Doctaque græcorum tot monumenta virum?
 Quidve tuam prodest scripsisse Fluentia claram
 Historiam: & mores excoluisse probos?
 Cum sanctos etiam rapiant, mala numina, Parca:
 Et data sit, fati, omnibus atra dies.

Aspi-

Aspice Virgilium, Siculi qui carmine vatis
Pastores docuit ruraque Aëra tua.
Hic certè divo potuit concurrere Homero:
Sit tamen hic gnatus: sit tamen ille pater.
Hujus enim fictis incensa est carmine Dido:
Hujus at in veris membra perusta rogis.
Linum Neve valuit genitor defendere Apollo:
Ivit & ad manes ipse gemente lyra.
Illic movit cithara condenda in mœnia saxa:
Illiusque rapax unda retenta sono.
At neuter potuit sævam pervincere mortem:
Neuter & invisas continuisse manus.
Invida quid timidis producis sæcula cervis,
Natura, & cornix sæcula tanta manet?
Cum genus humanum, potuit quod cernere causas
Rerum, tum si qua sidera mente rotent,
Tam rapido vitæ decurrat tempora cursu:
Et cadat in medio sæpius ab spatio.
I nunc atque altum verbis compone corthurnum:
Iratosque Deos, verba nefanda, cane.
Carminis est auctor: periit testudine tanti
Armiger, & damnat lumina falsa Jovis.
Sic vatium varia rapiuntur corpora morte,
Natura, fati vique jubente simul.
Hic canibus rapidis laniandum corpus & artus
Præbuit; huic mortem gaudia falsa ferunt.
Sic pereunt cuncti Scriptores carmina sive
Ludunt: seu torquent tela dicata foro.
Historias scribis moriens doctissime Livi:
Scribis & annales, tu moriere, Fabi.
Nec novisse juvat mundi miracula, quare
Occurrant rapidis sidera cuncta polis.
Curve suum Phœbe totum flammaverit orbem:
Proxima cur fratris cornua & ipsa gerat.
Cur spirent venti: cur Tetys & augeat undas:
Intorta & sævo fulmina Marte cadant.
Quis cœlum volvat; quæ sint sua semina rebus,
Seu terra, aut ær, sive sit ignis, aqua.

Seu vacuum est corpus: seu sine carentia cuncta:
Materia aut potius: junctaque forma simul.
Labitur & vento cur cælo stella, quid imber
Decidat: aut quando Juppiter ipse tonet.
Quidve animus vigilet, teneat cum corpora somnus:
Et quid sejuncto corpore liber agat.
Denique si noscas tenues nam quis indicet umbras:
Non tamen ad manes est tibi septa via.
Sic miser ingeniis finis: labor irritus omnis:
Omnes, ah miseri, somnia, & umbra sumus.
Immo manent vates famâ per sæcula cuncta,
Durat & Orator, durat & Historicus.
Vivet Aristoteles: Plato vivet & omne per ævum
Ulla nec abstulerit tot monumenta dies.
Sed tua, quæ jactas, pereant miracula, Memphis,
Imbribus aut annis, fulmine tacta cadant.
Sic Babylon cecidit: sic est nudata sepulchro
Caria, sic Cretæ Dædala testæ ruant.
At non divini tollet mors nomen Homeri:
Vivet in æternum cuncta per ora Maro.
Æschylus & vivet, vivet tum carmen Orestis,
Oedipus & vivet carmine cum tragico.
Gloria divini floret Ciceronis: & acris
Nunc Demostheneos fama per ora virum.
Si pueri gremio liquit cum corpore vitam
Pindarus: at chartis spiritus ipse sonat;
Et modo nobiscum divos modo Pythia cantat;
Et modo victoris præmia cantat equi.
Si legitur Naso, non sunt ea carmina nostra:
Nostra, sed illius vox perhibenda magis.
Delia si nostro: si Lesbia cantat in ore,
Ore Catulle meo: tuque Tibulle canis.
Sic loquitur mutus, vivunt sic mortua semper
Corpora: ut arboribus sic revirescit honos:
Sic Leonarde tuum nomen celebrabitur annis
Innumeris; obitu gloria major erit.
Nec sua tam doctum spectarunt tempora Crispum,
Nunc Crispum quantum tempora nostra probant.

Disputat in Latio Plato sua dogmata per te ;
Socratica & Latio mors miseranda venit .
Tu modo Aristotelis reddis monumenta Latinis :
Ut patriam servant : seque , suamque domum .
Deficit haud natus : nec pignora cata nepotes :
Et siquid valeant nec sibi divitiæ .
Corpore tum valido duxisti tempora vitæ :
Moribus & sanctis vita severa fuit .
Es felix igitur : sapiunt si dicta Solonis ,
In te fortunæ nulla relicta via est .
Ergo quid optamus , quid numina magna querelis
Tundimus , inque Deos verba nefanda cadunt ?
Urbs Patavina sui celebravit funera Livi ,
At tibi nunc gemina ferrur ab urbe decus .
Te Arretium signis , ornat Florentia signis :
Hæc tibi natura est : legibus hæc patria .
Hæc tibi pro merito summos mandavit honores :
Hæc simul & doctis bella gerenda viris .
Hæc & rem , Cosmus patriæ dum tractat habenas ,
Immunem fecit reque tuosque simul .
Tullius Arpinas Romanam protegit urbem .
Florentina tuo consilio tegitur .
Hujus & historia est per te decursa : sed ipsum
In medio cursu mors inimica rapit .
Hæc tibi defuncto quærit quæ præmia reddat :
Visaque sunt nulla præmia digna satis .
Ipsa tamen merito cingit tua tempora lauro :
Convenit hæc vati ; convenit illa duci .
Giannoziusque simul doctus te in funere laudat ;
Et capiti trepidis ferta dedit manibus .
Si bene pro meritis cœlestia numina reddunt ,
Ibis ad Elysios nunc Leonarde viros .
Occurreretque tuus redimitus tempora Dantes :
Qui canit infernas & super astra vias .
Advenietque simul multa gravitate Petrarcha :
Boccaciusque simul : Coluciusque simul .
His ducibus venies , florent ubi gramine campi :
Augebisque pios agmina docta choros .

Nunc

Nunc Leonarde vale : tuque o Florentia gaude ,
Gaude tam clavis accumulata bonis .
Propter aquas positum fuit ante Fluentia nomen :
At nunc , quæ flores , hoc tibi nomen inest :
Urbs Romana suos misit tunc læta colonos :
Felici auspicio mœnia jacta tua .
Suspiciunt omnes educta palatia cœlo :
Signaque marmoribus : templaque sacra Deum .
Suspiciuntque domos , armataque turribus altis
Mœnia : tum saxis quam bene strata via est .
Despectant montes : mediulque interfluit Arnus ;
Arnus Pisano flumina danda mari .
Divitiæ ingentes : hominum vis magna frequentat .
Ars bona non ulla est : quæ tibi deficiat .
His patribus nati similes : lætusque parentum
Os nati quisque spectat in ore suum .
Hic decus hic Cosmus condit Laurentia templa ,
Templaque sunt illi condita Marce tibi .
Qui genere est clarus summa probitate verendus :
Qui lumen patriæ , qui decus omne suæ .
Qui favet ingeniis ; faveant sibi numina semper
Deprecor : atque annis mollia fata suis .
Hic sculptura viget : priscus tum vivit Apelles :
Et statuas vivas ducit ab ære manus .
Hæc justa , hæc sapiens , hæc est moderata : nec altos
Deicit hæc animos , dum bene bella gerit .
Hæc certe antiquas studiis miratur Athenas :
Grajaque gymnasiis dogmata cuncta legit .
Ergo omnes laudant merito mage : sed mage laudant
Quod ponis doctis præmia tanta viris .
Nutrit honos artes : stimulos currentibus addit :
Addit & igniculos gloria magna probis .
Philosophos igitur gignis : sanctosque poëtas ,
Gignis & orantes , gignis & historicos .
Ergo omnes dicant meritam te , & carmine laudent
Spes certa studiis una relictæ bonis .

*Ad Pontanum Juvenem doctissimum, cur sua Musa
diutius fileant responsio: atque belli detestatio.*

Mœnia si bellum, bellum si disfigit urbes:
Et miseras gentes tristia bella ferunt.
Te procul a nostris jubeo discedere terris:
Cum galea & clypeo nunc perirurus abi.
Non hæc terra tibi: non hæc Gradive colenda:
Jam geticos campos: frigidaque arva pete.
Ilic delubra tibi nudis horrentia silvis:
Stat limen ferro: ferrea statque domus.
Hic nix, hic glacies, hic grando, hic agmina venti:
Aptaque sunt sceleri cuncta, cruento, tuo.
Te decet hic laxas furiis immittere habenas,
His acies campis fervere quippe decet.
Jam satis Hesperiae, satis es bacchatus in oris,
Jam satis est cædis, sanguinis atque satis.
Jam squalent campi, jam poscunt arva colonos:
Jamque suas segetes: mœret & alma Ceres.
Et nimio lapsu queritur jam serpere vitem
Liber: ut inculto vertice tangat humum.
Aspice sacrilegis manibus jam cedere silvas:
Quid teneras vites sæve Lygurge premis?
Ægida jam sumpsit: galeamque hastamque potentem:
Inventisque timet casta Minerva suis.
Quin & oves viridi nimium procedere campo
Horrent: nec tuti per sua regna boves.
Non lupo, at ferrum miseris: hostisque timetur,
Hic lupo agricolæ est: heu lupo ille bovi.
Ah quotiens tectum repetens crescentibus umbris
Agricola in medias incidit insidias.
Ah quotiens tardos stimulat dum forte juvencos
Visceribus sensit vulnus habere suis.
Ubera quin & referunt languentia vaccæ:
Rugosa etiam tenues ubera fertis oves.
Non opus est mulctra: mulctræ calathique valete.
Lac non agricolæ est: non canibusve serum.

Nec

Nec satis est equiti virides quod conterat herbas :
Floribus & rores, dum strepit, ille cadant.
Testa sed infestis apium petit imperibus hastis :
Et cellis fractis dulcia mella fluunt.
Hinc trepidi è castris fugiunt ex agmine reges :
Disruptosque favos cuspide plorat apis.
Crinibus hinc fufis videas errare Napæas :
Ah pereant siquos impia bella juvant.
Hæc quota pars nobis tanti Gradive furoris !
Indignis laxis mœnia rupta jacent.
Omnia jam circum ferro atque incendia vastant,
Non cædi finis : non scelerique modus.
Quid juvat humanas ferro deperdere gentes :
Flumina quidve, furens, ire cruenta juvat ?
O utinam sævo finisses carcere vitam,
Nec tibi Atlantiades ipse tulisset opem ;
Cum gemini fratres proles Neptunia dura
Ausu sunt manibus subdere vincla tuis.
Sed fuit auxilio cyllenius : heu tua quantum
Tunc clades nobis exitiumque fuit !
Nec tamen & semper profunt crudelia bella :
Vulnera nunc repeto sæpe tulisse vices.
Cum latus extremum cuspis Diomedea fixit
Proh pudor atque homini vulnera facta Deo.
Tum quantum exclamant hominum bis milia quinque,
Cum repetunt acri bella nefanda manu.
Tam magna terras implesti : atque æthera voce,
Ut tremarent Danaï : Dardaniique simul.
Dicitur & Xanthus mediis exterritus undis,
Concussa est Ide, territus est Simois.
Visaque tum volucris tremulis petere aëra pennis,
Et trepidi pisces concava saxa petunt.
Turbine dehinc cœlo tendit sic oblitus ille
Sanguine divino constitit ante Deos.
Non hominum puduit regi divumque parenti
Dicere mortali vulnera facta manu.
Dicere nec puduit pedibus sperasse salutem :
Hei mihi quam melius tardus inersque fores !

Juppiter ipse pater rabiem : favosque furores
Increpat : & matri quod nimis ipse places.
Quidquid tam cordi bellum & discordia pugnae
Invisumque sibi non minus esse docet.
Heu quid Tidide vulnus non altius actum :
Corque ferox medium ruperit hasta tuum.
Non castella suis non clausis opida portis :
Nec certe insidiae nec media urbe forent.
Non tota aspiceres vigiles discurrere nocte
Non fusos somno , non variare vices.
Nec secura quies media vocat arma quiete :
Hostis & adventum clam sibi quisque timet .
Hunc strepitus erret : timet hic & harundinis umbram :
Sollicitus bello murmura quæque tremit .
Denique non Galli peterent Capitolia nocte ,
Anserere non ullo mœnia tuta forent .
Ah quotiens dulci celebrans convivium vino
Projecit mensas horrida in arma ruens .
Ah quotiens gremio conjunx dum conjugis heret ,
Excitus è gremio currit ad arma furens .
Templa Deum quotiens infandas urere flammæ
Vidimus : & sacris expoliata suis !
Proh scelus ah quotiens virgo raptatur ab armis ,
Nec tua Cassandram templa , Minerva , juvant !
Atque viro quotiens nondum matura puella
Clamans materno vellitur è gremio !
Non esset bellum : terris scelus omne perisset ;
Namque furor duxit Martius omne nefas .
Non genitor natum ferro : natusque parentem
Lumina fedatum cerneret ante sua .
Nunc soror & fratrem miserum : fraterque sororem ,
Vir nunc uxorem : mœret & illa virum .
Nunc gnatam mater , fulis , nec filia matris
Mœret ad exequias funera acerba , comis .
Undique nunc etiam patrantur denique cædes ,
Ut laxent Parcas stamina rupta manu .
Hæc scelera aspiciens divum quæ sanguine cœtum ,
Et genitum Martem crederet esse Jove?

Caucasea ah potius genuerunt tristia saxa:
Tigris & Armenie ubera sæva dedit.
Quam male Romanus sanctos tibi fecit honores:
Saltantes Salios: templaque sacra dedit!
Quam male Romanus sanctos tibi fecit honores;
Auctoremque sui sanguinis esse probat.
Hæccine Saturni Latio nunc præmia reddis?
Hæccine sunt patruo nomina digna tuo?
Ergo ingratus abi, tecumque irasque, minasque
Aufer: & insidias: telaque sæva tuas:
Teque tuos & equos barathro ceu Curtius abde:
Italiamque tuo nomine sæve leve.
Tunc Pontane tibi potero transferre Platona:
Dummodo sint vires ingeniumque mihi.
Tunc & Aristotelis poteris cognoscere nodos,
Quidquid natura, moribus, ille probet.
Mænonios etiam potero percurrere campos,
Et legere Ascræo carmina culta seni.
Atque Syracosii vatis decerpere flores,
Carmine & Arateo sidera scripta legam.
Quis etiam nautis Colchos ostenderit Argo,
Quæ maria; & quantas fugerit ille vias.
Thebanos etiam potero perquirere fontes,
Carmina Romanis non imitanda viris.
Æschylus atque inflet quali sua veiba cothurno,
Et quidquid Sophocles carmine hiantè sonet.
Orpheæ siquæ probem, non deerunt Orphica nobis
Carmina: Aristoteles illius esse negat.
Denique tum noscam quidquid comædia falsum,
Et quidquid chartis Græcia docta canit.
Nunc fragor atque tubæ, nec cornua, tympana terrent:
Vixque sinunt chartis invigilare meis.
Hæc tu dum cernes quæras non amplius ergo:
Varronis Musæ tempora longa silent.

Ad Pontanum.

Cur Pontane, meos dulcis recludere fontes
 Exigis: & teneros ludere vericulos?
 Carmine formosam poscis laudare puellam;
 Quæ superat Nymphas: vincit & illa Deas.
 Divina est forma: divino & carmine nobis.
 Est opus: ut laudes occupet ipsa suas.
 Tunc modo tunc dentur tua carmina docte Properti,
 Tunc mihi tunc elegi culte Tibulle tui.
 Tunc te Galle velim nostro de pectore fundas,
 Tunc assit Naso: Callimachusque mihi.
 Assit & Alcæus nobis: & mascula Sappho,
 Tunc veniat Calvus: tuque Tibulle veni.
 Denique quod cecinit Cocus, & quid Teja Musa;
 Et quidquid Varro, carmina nostra sonent.
 Namque animus Xandram cunctis quum pulchrior extat
 Ducere: tum nomen tollere in astra suum.
 Non opus est vobis, intres modo pectora nostra:
 Corde meo et regnum pone superba tuum;
 Tunc Helicon modo: tunc Musas pectore dicam,
 Sexcentos vates lingua canora dabit.
 Si deerunt vires? vires dabit illa: nec umquam
 Deficient elegi, dum meus assit amor.
 Hæc modo materia est, hæc risus: venerit illa,
 Et versus veniet: si fugit illa, fugit,
 Tu modo blanditias, tu dulcia carmina fingis,
 Tu Naso & Gallus: tuque Tibullus eris.
 Nunc nubes: ventique sonant, nec frigora tardant
 Ingenium: & Veneri cuncta inimica vigent.
 At ver cum variis terram vestiverit herbis:
 Et venient pratis: arboribusque comæ.
 Carmine tunc tremulas potero narrare choreas:
 Quas duxit toto conspicienda foro.
 Utque puellarum visa est pulcherrima turbâ,
 Et Venus est oculis visa habitare suis.
 Formosæ cunctæ: forma tam præterit omnes:
 Quam superat Nymphas casta Diana suas.

Quid

Quid valeant crines: digitique & candida colla.

Quid roseæ valeant oscula grata genæ.

Quidve lyra possit digitis cum carmina pulsat:

Ut Phœbo & Musis doctius illa canat.

Utque Minerva tuas cunctas pernoverit artes,

Et quidquid vobis culta puella petit.

Denique si poscas, dicam tibi carmina mille:

Dotibus illius carmina mille dabo.

Ad Cyriacum Anconitanum.

Cyriace antiquos inter numerande poëtas,

Rhetoras antiquos inter, & Historicos.

Tu modo navalis scribis discrimina pugnae;

Et modo Mercurio Cæsaris acta canis.

Eloquio grajo dictas epigrammata sæpe:

Sæpe etiam nostro carmina multa facis.

Omnibus in rebus assunt tua numina Musæ,

Dant certe ingenio vela secunda tuo.

Ignorant docti causas: quæruntque frequenter

Unde tibi eloquium, copia tanta tibi est.

Nec certe immerito: cum nil didicisse magistro

Dicas: & ferulæ furtivuisse manum.

Ast ego cognosco spirent cur pectore vates,

Cur sermone vales: carmine curve vales.

Hic maria & ventos & duros perferet imbres:

Ut sibi quam grandes accumulentur opes.

At tu non gemmis: non fulvo carperis auro:

Sed res antiquas quærere magna litis.

Nam modo Pyramidum spectas miracula solers,

Et legis ignotis scripta notata feris.

Nunc & reliquias Babylonis quæris; & horti

Pensilis, & quantum mœnia lata ruant.

Caria an antiquo fuerit spoliata sepulchro,

Vel Mausolei nobilis extet opus.

Diruta templa petis totum celebranda per orbem,

Omnis & antiqui nomina gymnasii,

Hic divi exploras quid sint epigrammata Homeri:
 Quæque & in Aſcræi morte notata ſenis.
 Quin etiam purgas ſpinis obducta ſepulchra;
 Priſcorum et verſus reddis in ora virum.
 Et modo de vaſta miſiſti epigrammata rupe:
 Quæ fuerant Muſis: Panque dicata tibi.
 Denique quæ tabulæ: quæque æra & marmora ſignant,
 Omnia ſunt chartis illa repoſta tuis.
 Sicque tuo heredes: ſic vivunt munere vates:
 Vivit & orator: vivit & Hiſtoricus,
 Tanguntur ſuperi meritis, tanguntur & umbræ,
 Tangitur Elyſiis turba locata thoriſ.
 Quandocumque igitur mente ſcribenda revolviſ:
 Hæret & in digitis charta notanda tuiſ.
 Creditur Elyſia ſcriptorum ſede relictâ
 Ludere per thalamos agmina doctâ tuos.
 Seu cupiſ hiſtorias: ſeu malis ſcribere cauſas:
 Seu pedibus junctiſ: ſive ſolutus eaſ.
 Virgiliuſ verſum, verſum tum dictat Homeruſ,
 Tulliuſ ardenti ſuggerit arma foro.
 Sugeris hiſtorias facundo peſtore Livi,
 Annales priſcoſ ſuggeris ipſe Fabi.
 Sive optaſ elegoſ, ſpirat de peſtore Galluſ,
 Callimachuſ ſpirat: ſpirat & Ovidiuſ.
 Seu gaudeſ nugis, veniunt magno agmine nugæ:
 Plenaque ſunt nugis omnia dicta tua.
 Denique de nihilo ſi nil deſcribere tentaſ,
 Omnia quæ ſcribiſ dicitur eſſe jocuſ.
 Felix qui tantoſ valeaſ ſimulare poëtaſ:
 Et valeaſ etiam dum cupiſ eſſe jocuſ.

*Ad Poggium. De Mercurio ſibi miſſo a Cyriaco
 Anconitano.*

Cyriacuſ nobiſ miſit modo munera Poggi:
 Mercuriuſ propria pinxerat ille manu:
 Ut vidi obſtupui: ſtupeoque & ſlectere nuſquam
 Ex illo poſſum lumina capta ſemel.

Quo magis aspicio, magis exardescit amore,
Visus & illius pendet amore magis
Me miserum! timeo facies ne picta Medusæ
Sanguine, sic fiant corpora nostra lapis.
Vivit Atlantiades: an falsa decipit umbra:
Et falsus ludit lumina nostra color?
Aspice quam pulchre juvenili corpore currat,
Purpurea ut retro flamine vestis eat.
Et quæ flava coma est: qualique adoperta galero,
Quæ pennæ & plantis, aurea virga manu.
Timantem ingenio jam nunc superare valebis,
Cyriace: & quidquid fecerit arte manus.
Parrhasium tabulis vinctes: vinctesque cavandis
Pyrgotelen gemmis: Mentoraque in pateris.
Quin etiam solers tecum si certet Apelles,
Cedet Mercurio victa colore Venus.
Seu tu Phidiaca malis certare Minerva,
Ægida deiciet victa Minerva tibi.
Seu magis ille Jovem forma ostentabit eburna
Phidiacum: victum vilvis ibit ebur.
Sive Helenam pingis: seu falsis decipis uvis
Zeuxis aves visis, diceris arte rudis.
Seu Polycletus equos, Euphranor & alta colossi
Sculpsit: atque vivo marmora viva boves.
Neptunumpue Scopas iterum, verumque marinas
Delphinis credat numina grata Deas.
Praxitelesque Gnidi rursus te marmore signet
Pulchra Venus quo sit nobilis ipsa Gnidus.
Denique Lysippus fingat spirantia signa:
Omnia Mercurio cedere visa meo.
Sic igitur merito vitam producite Parcæ
Cyriaco: & tarda ducite fila colo,
Cum venit atra dies, tuto sint ossa sepulchro:
Et doctas tellus non premat ulla manus.
Ast ego nate Jovis te intento lumine semper:
Semper & aspiciat bibliotheca mea.
Semper eris custos græcis nostrisque libellis,
Semper eris voti maxima cura mei.

Qui mihi si tantas dederis in carmine vires,
Namque vales; possim dicere digna Deo.
Tunc ego navigiis findam majoribus æquor:
Nec nunc ut verbis parvula cymba meis.
Tum juvet a tuto longe discedere portu:
Et juvet in medio pandere vela salo.
Tunc te non humilis dicam pulcherrima Maja
Rupibus arcadiæ concubuisse Jovi.
Utque tuo partu natus Cyllenius ille:
Qui cultus hominum noluit esse feros.
Natus & Aurora media vix luce sonantem
Ut citharam pulset vespere furta tuo.
Utque boves quærens fuerit delusus Apollo:
Et tandem magno causa relata Jovi.
Ut pater arrisit gnatis: armentaque danda
Censuit, utque celer venit uterque Pylon.
Delius utque boves Alpei viderit antris.
Et lætus furti riserit ille reo.
Teque etiam levem dicam invenisse palæstram:
Cyleni, Priamo teque fuisse Ducem.
Te duce Circæos vultus evasit Ulysses:
Inachis & Nili te duce facta Dea.
Tu mactas Argum, Martis tu vincula solvis:
Vincula quæ sævo carcere nexa Deo:
Tu cuneris duris figis sub rupe Promethea:
Caucaseo atque avidam viscere pascis avem.
Reddere quin etiam nobis cœlestia fata:
Et gaudes hominum vota referre Deis.
Tu pedibus pennas nectis; tu cursibus æquas
Ventos, & celeri tela remissa manu.
Denique quæ cupias subducis lumina somno:
Et cuivis somnos virga sopora dabit:
Hæc in honore tuo cantabunt carmina nostra:
Tu modo Pindarico suggere verba sono.

*Ad Vegium Poëtam, de distichis sibi dicatis
responsio.*

Binis carminibus nostros testaris amores,
Binus ero versu, binus amore tibi.

Ad eundem.

Si gemina haud potero geminis dare carmina, Vegi,
At geminus noster non tibi deerit amor.

Ad eundem.

Respondere minus valeam si carmine, Vegi,
Respondebo tibi certe in amore magis.

Ad eundem.

Quantum tu versu vinctes, vinceris amore:
Laus tibi sit versu, laus in amore mihi.

Ad eundem.

Certo te versu, certes me vincere amore
Sic mihi par versus, par mihi fiet amor.

Ad eundem.

Mirum quod versus geminus tuus, at mage mirum
Unum cor geminis, corpora bina tamen.

Ad eundem.

Et Gemini cælo fulgent, laudantur amici
Et gemini, geminus versus in orbe micat.

Ad eundem.

Disticha tu nectis, frondes tibi nectat Apollo,
Impediatque tuas bina corona comas.

Ad Poggiam, de Nobilitate.

Quid sit nobilitas scribere liberis
 Tentas quod pedibus tollere dum cupis
 Errores hominum, nunc ego carmine
 Poggi magna tui gloria sæculi
 Ludam si potero; tum cytharæ modis
 Aptabo levior: tu calamo gravi
 Personisque libens hinc studiosius
 Cures hæc eadem reddere posteris.
 Hic si Mæonium vicerit aureis
 Cræsum divitiis, multaque pascua
 Armentis gregibusque undique compleat,
 Silvas Phœacias fontibus & riget
 Sacris Alcinoi, multaque dulcia
 Cellis mella fluant, cultaque pingua
 Centeno bove vertat; Priami & domum
 Auratis trabibus, seu Menelaëam
 Ornatam Attalicis divitiis colet,
 Fastidit tenues, & sibi nobilis
 Incessum simulans, pectora porrigit
 Librans se pedibus, bileque percitis
 Suspendit populum naribus insolens.
 Quamvis sit cupidus semper, & anxius
 Immensis cumulis addere quæritet,
 Non me Musa precor sic fore nobilem
 Permittas, mage quam cum sale cum joco
 Dicar ridiculi fabula Tantalî;
 Sed jam mi potius pauperies veni,
 Qualis Fabricium vel Curium tulit
 Vel qui signa suis perdita reddidit.
 Tu certe es sapiens pectore Socratis;
 Tu facunde modo, tu modo justior.
 Natus Lysimacho sic probat & Solon
 Et quot si cupias dicere barbito,
 Lassaret mihi crede & manus & fides;
 Et qui si proavum monstret imagines

Varius per veteres, undique & atria
Exornet Pario marmore, & omnium
Majorum statuis, ordine dictitans
Longè facta virum, quique securibus
Ornatus fuerit, qui Capitolio
Olim claruerit curribus aut equis,
Aut qui pertrepidis tempore civibus
Dictator patriæ consulit anxie.
Illis quippe viris se similem putet,
Tamquam gloriolæ pars sibi cesserit
Heredi misero: ha conspice degener
Quid dignum facias laude & honoribus,
Dignum quid titulis, dum Siculis vigil
Pernectas dapibus, dumque Cerinthis
Vasis es stupidus, dum Sybariticum
Fingis Smindyriden, pensaque dividis
Ardens Assyrias, mollia, pellices.
Sed jam Musa procax carpere desine
Nostras delicias: non tibi jambicis
Armatum Pariis pectus, ut incites
Dentes Archilochi, si quis erit gravi
Affinis sceleri: quin age harundinem
Auratam pharetra prome; oculos, manum,
Tende, & proposito limite inhæreat
Telum, dum feriat: quid? generositas
Hic si nulla suis parta laboribus,
Carpat, porticibus dum sedeat piger
Nulli arti datus, & militiæ aut domi,
Nec nostras Arabis navita odoribus
Res mutet, neque quærat sale quid rubro
In conchis lateat; quid mare & Indicum
Rugosi piperis mittat: eburneis
Fulcris unde elephas venerit aptior;
Nec duri chalybes ferrea tristibus
Bellis arma parent, nullaque inertium
Demum cura sibi pectore, dummodo
Spinther perniteat, notior ut satis
Ignotos alios ducit, ut Hercule.

Sit forti Endymion, clarior aut ape
 Frugi fucus iners, tibia quod mea
 Non laudat. Mage sed justus & integer
 Si quis cum fuerit, publica legibus
 Firmet jura sacris; tum sapientia
 Præstet, non dubitet pro patria & mori,
 Plebei ut Decii, Mucius & suæ
 Vitæ prodigus, aut fortis Horatius
 Nulli nequitæ deditus, & bonis
 Drusus Scipio sit moribus, & Xenon.
 Crates marmoreus frigeat ut lapis,
 Quamvis Paryna suis blandula amoribus
 Illum sollicitet, corpore quæ graves
 Nudato potuit fallere iudices,
 Hunc duco generosum, hunc ego nobilem,
 Quamvis fictilibus cœnet, & in genus
 Nullum se referat; nam generositas,
 Virtus & probitas veraque & unica est;
 Illis quin potius nata parentibus,
 Virtutem sequitur, umbra velut; neque
 Fortunæ trahitur, corporis aut bonis.
 Quod si divitiæ cui superent novæ,
 Clarus sit patria, & sanguine clarior,
 Nec dotes animi, corporis aut tamen
 Illi deficient, gaudet & omnium
 Virtutum aureolos carpere vertices,
 Ut tu Cosme decus gentis Etruriæ
 Laurentique facis; desinat amplius
 Velis Oceanum currere, nam mare,
 Ultra, quas posuit durior Hercules,
 Metas, navigiis est male pervium.

Ad Maffejum Vegium.

Felix, tartara qui nigra
 Ditis non tremuit, nec Rhadamantium
 Horret iudicium, sua
 Fidens mente bona; nec sibi conscius

Ullas pertimuit minas
Infani maris, & lætus & impiger
Currens per stadium, & datam
Fatis, curriculo pervenit ad diem.

Felix, qui bona Diis data
Contentus, placida corripiciens manu,
Summo sacra facit Jovi;
Et numquam queritur quod sibi fors mala
Contingat, miser aut nigro
Vicinam segetem lumine conspicit.
Quamvis pernimum sua
Messis fertilior ruperit horrea.

Felix, qui ingenio bono
Immensis tenebris invenit abditum
Verum, nec populi levis
Curis, aut studiis dicitur inscius;
Non illum ambitio, aut honor
Torquet tergeminus; fratribus aut piis
Sævas intulerit manus
Audax, divitiis infatiabilis.

Sed semper choreis juvat
Musarum cupidumnectere brachia
Nymphis & Satyris simul;
Tum certare lyræ carmine consono
Thebano mage, seu mage
Lesboo cupias, Tejo aut, quibus
Princeps in Latio doctus Horatius
Ufus, sæpe meas canens
Dulci dum numero ferit
Aures, continuuit carmina fistula.

Te, Vegi, similis furor
Nuper corripuit, scribere disticha
Dum tentas avidus mihi;
Sed jam non humilis, jam pede Homérico
Heroas canis; & feram
Reddis non licitis Colchida amoribus:
Jam jam non peries, fides
Nobis si qua manet: jam tibi laurea

Vati, nec levis auguror,
 Si non posteritas venerit invida,
 Aut ingrata laboribus,
 Cinget sic merito tempora Delphicâ.

In Fortibracium.

Hostibus in mediis fudi cum sanguine vitam,
 Neglectoque solo Romanæ condor in urbis.
 Ergo quid innumeras acies stravisse sub armis,
 Quid populi gentesque juvant, urbesque subactæ?
 Quid mihi majorum tituli, prolesque superba,
 Fortia quoi forti fecerunt Brachia nomen,
 Quod Capuæ princeps, quod Regia signa tenerem,
 Reddiderim patriæ longo post tempore cives.
 Vile caput jaceo, tantum sed dedecus absit
 Care nepos: patrio reddas mea membra sepulchro.

Aliud.

Dum mediis turmis perfusus sanguine luctor,
 Sternor, & in vili contegor umbra solo.
 Ah pudeat gentes domitas, urbesque subactas
 Victoris clarum turpe jacere caput.
 Fortia quid profunt majorum nomina prolis
 Brachia, nunc titulis nomen inane meis?
 Quid mihi quod princeps Capuæ, quid Regia signa,
 Si modo neglecta membra gravantur humo?
 Sed tu, care nepos, patrio nunc ossa sepulchro
 Transfer, & hæc saxo carmina nostra dabis:
 Braccius est nomen, patria estque Perusia, cives
 Restitui patriæ, contegor hoc tumulo.

In psicharpaga murem.

Qui cineres parva quæris condantur in urna,
 Accede, & propius pellege fata mei.

Tris miseros natos nostri genuere parentes:

Muscipulæ arreptus moribus ille fuit.

(Proh scelus!) ast alius laqueo deceptus, & arte,

Dum tenui lardum stringere dente cupit.

Me nimium facilem dum veſtat rana per undas,

Hydro fatifero territa merſit aquis.

BENEDICTI MASCHIANI

PISANI.



*Famam Poëtarum perennem aſſerit, cetera tempore
conſumi, aiſ Hieronymum Roncionem.*

Quid petis in doctis memorande Hieronyme chartis,
Rancio carminibus nomen habere meis.
Non quamvis crebro noſtris celebrere libellis,
Hæ tibi Pierides ſecula longa dabunt.
Non me inter ſacros auſim numerare poëtas,
Nomen odoratis qui rapuere rogis.
Fluminis exigui fertur mea cymba per undas,
Vixque paludigenis teſta movetur aquis.
Quære alium cujus doctis cantere Camœnis,
Nam fluit ingenii parvula vena mei.
Felix qui celebris memoratur carmine vatis,
Numquam lethæas totus adibit aquas.
Hæc inter ſeros vivunt monumenta Nepotēs,
Quæque nocent aliis tempora longa juvant.
Tempus Echionias potuit conſumere Thebas,
Structaque Phœbæis mœnia celſa ſonis.
At regina maris populos vulgata per omnes,
Terruit invictos Martia Piſa Deos.
Illa fuit quondam Sardois læta triumphis,
Scyllæos fertur perdomuiſſe canes.

Illa eadem spreuit balearis pondera plumbi,
 Et valuit Solymis reddere jura locis.
 Nunc extincta jacet miserandismersa ruinis,
 Tempora Pisanis causa fuere mali.
 Symirnaei stabunt longæva volumina vatis,
 Dum geminos uret flamma futura Polos.
 Ascræumque senem semper mirabitur orbis,
 Et qui Pellæo tutus ab igne fuit.
 Si tamen horrendum fugiet mea fama sepulchrum,
 Parvaque post cineres Musa superstes erit.
 Laus tua semper erit venturis notior annis,
 Quod tibi tam placuit gloria Thespiadum.
 Posteritasque tuos tollens ad fidera mores,
 Roncio quam musis dicet amicus erat.
 Quod tibi si similes multos natura crearet.
 Perpetuo Aonii viveret amnis honor.
 Furtaque non essent, nec Amor furiosus habendi,
 Namque est a vitiis docta Minerva procul.
 Qualiacumque damus, rudibus perarata tabellis,
 O utinam læta carmina fronte legas.

*Dominam amicis chariorem urbanaeque delicias
 ruri præponendas.*

Quem modo virginæ mulcebant otia Senæ,
 Me tenet hirsutis aspera villa rubis.
 Quemque coronabant chari doctique sodales,
 Nunc rigidos montes duraque saxa sequor.
 Hic non Mænii vates, sociumque catervæ;
 Amissa est oculis Deidamia meis.
 Istud Achæmeniis fixit mea pectora telis,
 Debet amicitiam vincere talis Amor.
 Si forte in nostris laqueis, Neptunius heros
 Rideret chari federa Pirithoi.
 Cur Agamemnonium Pylades dilexit Orestem
 Si quæris: tanto liber amore fuit.
 Per nemora erramus soli rivosque sonantes,
 A sævo veluti dama reperta cane.

Talis Mimalion Tegeis vixit in antris.

Oh pereat si cui sordida rura placent.

Atria me capiunt urbis teneræque Puellæ,

Quæque tenent magnos aurea templa Deos.

Quis pecudes inter vivat simasve Capellas,

Montanisque velit testa propinqua rubis?

Miratur quisquis sæcundi munera ruris.

Miratur fateor, sed fugit illa tamen.

Carmina dum Romæ caneres lascive Tibulle,

Laudabas humilis tegmina parva casæ.

Quicumque ille fuit, cinxit qui mœnibus urbes,

Nos voluit sævis dissociare Feris.

Sed nobis vivunt ursi fulvique leones:

Ah demens quantum vanaque Turba sumus.

Attamen hic colerem lapidosi culmina montis,

Si mecum dulcis Deidamia foret.

Ponite me ætipedis qua fervent brachia cancri,

Quave rigent getici frigida plaustra poli.

Atque ubi Tanarix surgunt fera saxa Maleæ.

Quaque vorat Siculas sava Charybdis aquas.

Stabimus hic (sed sit mecum meus ignis) in oris,

Et si quid latus durius orbis habet.

Dum loquor, ingentes urunt præcordia flammæ,

Et quatunt pectus Gnosia tela meum.

Ante ignota vagæ fuerat Venus impia menti.

Sed quantis pœnis pensitat illa moram!

Nunc mihi succurrit raræ nova gra ia formæ,

Quæ juncta est clari dotibus ingenii.

Perpetuo mansura meis o forma medullis,

Hei mihi cur nostro lumine semper abes?

Dum nos per colles salebrosaque saxa vagamur,

Ante oculos venit non semel illa meos.

Rupibus his peragam totum miserabilis ævum.

Semper eris nobis dulcis Amica procul?

Aut cito Romuleæ spectato mœnia Senæ,

Obruet aut vultus rustica terra meos.



Effuge Calliope, nostrosque relinque penates,
 Nam modo nec vates, nec tua turba fumus.
 Olim Pieriis egi sub rupibus ævum,
 Castalio solitus fonte levare sitim.
 Nunc mea Cæsareæ circumdant tempora Laurus,
 Et capiunt trepidos atria nostra reos.
 Hæc ego: tum quatiens gravibus sub pectore pugnīs,
 Emisit tales Calliopea sonos:
 Ergo ego Mæonio quondam tibi carior auro,
 Effugiamne tuos, dure poëta lares?
 Impie, quid facies ipsi crudelius hosti,
 Immemores doctas te coluisse Deas?
 O quoties nobis sacræ dixere sorores,
 Hunc juvat in rauco verba tonare foro.
 Hic Aganippeos tandem ridebit honores,
 Præfertur nostris Bractea fulva choris.
 Ast mea prægrandes solvebant ora cachinnos,
 Ludebantque novi talia dicta sales.
 Non semel hoc dixi: miseros lusura parentes
 Volvitur invita pagina longa manu.
 Qui fuit Aonidum teneris mirator in annis,
 An poterit talem deseruisse gregem?
 Ante diem terris Titan lustrabit Iberis,
 Firmabitque vagas candida Luna rotas.
 Non horam nobis posset spirare reliquis,
 Terga dabunt divis æmula jura novem.
 Nunc mihi verbosas audes præponere leges,
 Ut nitidas ornent autem vincula manus;
 Et rubeant Pœno radiantes munere vestes?
 Mens hominum quantis volvitur in tenebris!
 Dic mihi mentis inops, nisi sis post fata superstes,
 Quid juvat ingentes quærere divitias?
 Quas celebras omnes consumunt tempora leges,
 Vaticinor, multos non superesse dies.
 Mirantur veteres mores, hominesque, Deique,
 Namque novam damnant omnia barbariem.

Urentur vestrò Perusina volumina sacro,
 Urentur longæ Jasonis Iliades.
 Mæonides vivet nullum moriturus in ævum,
 Et qui Dardanii concinit arma ducis.
 Tota cohors vatum cunctos mansura per annos,
 Ingens perpetuo tempore nomen habet.
 Forſan quæris opes? ſatis eſt quod rure paterno
 Non pauci ſubigant jugera culta boves.
 Occupat humanas operoſa pecunia mentes,
 Nobiſcum ſtygias non ſubitura domos.
 Illa fugat toto Cirrhæas orbe ſorores,
 Virtuteſque hominum tubtrahit ex animis.
 Mortales auri cæco capiuntur amore,
 Hinc tamen eſt veſtris omnis origo malis.
 Si'te fata vetant ſalebroſas linquere chartas,
 Non cedant ſcriptis ſcripta vetuſta novis.
 Nos quoque (ſi tantis poteris ſecedere curis)
 Cantent Biſtoniæ dulcia plectra Lyre.
 Sic adverſa tuis non ſint pia numina votis,
 Et vivas Pylîi tempora longa ſenſis.



BENEDICTI MENZINI

FLORENTINI.



*De infelicitate terreni Amoris. Ad Equitem
Naldinum.*

SÆvè puer quem cuncta timent fera bella moventem,
Torquentem tenera fortia tela manu;
Et qui fluctivago regnantem Nerea ponto,
Diceris, & superos sollicitare Deos;
Cujus & imperium sensit quoque tertius hæres,
Pallida Tanariis qui juga flectit equis;
Improbe carminibus jam divexabere nostris,
Dum facit alternum docta Thalia pedem.
Ipse dolos, fraudesque tuas ulciscar oportet;
Oh veniam læso det mihi quisquis amat.
Nam, memini, quondam fallacia vincla subivi,
Et dedimus victas in tua jura manus.
Vestra dii pietas; duros confringere nexus,
Et potui celerem corripuisse fugam.
Quis neget ergo mihi, pleno velut agmine in hostem
Prodire, & vires exeruisse meas?
Ibimus, & nostræ fuerit nova gloria dextræ,
Quòd magnis ausis non facit illa moras.
Interea, Naldine, suos natura recessus,
Cui dedit arcana noscere posse fide;
Si vacat, hæc olim properata libentius audi,
Et juvet Aescræis incubuisse choris.





Ocia, deliciæque & Massica dona Lyxi,
 Idalio vires ista dedere Deo.
 Illa Cupidineis acuerunt spicula telis,
 Admorunt sævas & magis illa faces.
 Urimur hinc miseri, per vulnera mille venenum
 Ducimus, & mentem fauciat inde furor.
 Hinc crebro superos, hinc lamentamur & astra;
 Astra quidem nostris non operata malis.
 Ah querimur frustra quòd nos devicerit hostis;
 Hostibus ut vincant, scilicet arma damus.
 Namque ubi Thessalicis erravit montibus heros,
 Quo sua Phylliridæ gloria parta seni;
 Non illum potuit fallax mulcere voluptas,
 Cumque sua in juvenem Cypride fufus Amor.
 Firmabat duro crescentia membra labore,
 Et decor est membris additus inde novus.
 Quin & formosas fertur sprevisse puellas
 Implicitus studiis, casta Diana, tuis,
 Mænala perlustrans sævos modò proruit apròs,
 Aut timidos lyncas irrequietus agit.
 Aut nemora, & sylvas umbrosa indagine cingit,
 Aut celer Æmonio tesqua fatigat equo.
 Sæpe etiam Oebalio vel dissidit àgra disco,
 Vel jaculo fines præteri sse juvat.
 Vel celebrata illi fumosa Palilia saltu,
 Vel victa est volucris turba petulca pede.
 Talibus illusæ periere sub artibus artes;
 Et sua promeritæ præmia laudis habet.
 Vidtrices juvere illi per tempora lauri,
 Nullaque de tanto palma relata viro.
 Idalis imbellenti dicta est damnassee pharetram,
 Et fregisse dolens spicula turpis Amor.



Nunc cibus, & vini nos largior obruit usus,
 Statque coronatus nocte, dieque calix.

Sirius exhorrens algentis frigora brumæ
 Te videt alpinam ferre Lyæ nivem.
 Jamque peregrinis pretium quoque fecimus escis,
 Quas vehit Eoo picta carina mari:
 Amplius haud nostris ignota Peruvia mensis,
 Et jam quod placeat terra Sinensis habet.
 Vix dubiæ auspicium famæ si fecerit aura,
 Ad se pontigradas advocat illa rates.
 Protinus Ausonio deducitur anchora portu,
 Concipiuntque leves candida vela Notos.
 Oh illa horribili deflagret fulmine puppis,
 Præda sit undisonis ludicra vorticibus.
 Illidatque vadis, atque aggere cincta profundo
 Torpeat, & cæcis hæreat in scopulis.
 Illa & Tyndareos, splendentia sydera, fratres,
 Nec queat Arctoi cernere signa poli;
 Quæ trahit extremo damnosas litore merces,
 Oh nimium nostris officiosa malis.
 Jam sat erat sedare famem vel ab Illice nigra,
 Jam sat erat miseram fonte levare sitim.
 Deliciæ fuerant, si presso rustica lacte,
 Et foret Hyblæo mensa onerata favo.
 Arbuteos foetus, pendentia mora vepretis
 Præbebat casto Nais amata viro.
 Cinnama oderatis sed nunc vestantur ab Indis,
 De frutice & juglans carpitur Assyrio.
 Inde sibi vires reparant Amathuntia tela,
 Altius & misero fixa manent jecore.
 Stulte quid obstupeas, dum nutrimenta favillæ
 Subdis, in ardorem proxima cuncta rapi?
 Ætnæo jam nulla foret de vertice flamma,
 Pabula si flammis denegat Ætna suis,

-0220-

Jam leges, natura, tuas dum culpat amator,
 Proiicit in sanctos non bona verba Deos.
 Hi facile in teneros formarunt pectus amores,
 Et prona in labem corpora nostra suam.

Nec

Nec mihi de solido conſtarunt ære medullas,
Aſpera nec gelido ſtat mihi corde ſilex.
Aſpice quæ fuerit formæ viſ; inclitus auro
Et Salomon trabea cinctus amore perit.
Hoc perit igne pater, ſteterat cui cella Sionis
Regia Jeſſæis nobilitata viris.
Et nos Hyrcanæ non preſſimus ubera Tygris:
Flectimur, & duro cedimus imperio.
Hæc ais ah demens, qui noctu pervigil adſtas,
Sub trifti ducens tempora dura Jove.
Nec glacialis hyems, nec te nimboſus Orion
Terret, & Æoliâ flamina miſſa domo?
Ah quoties primus crocæ Pallantidos ignis
Te vidit duras ante jacere fores.
Et formidatis longum perſtare ſub armis,
Et ferre inviſæ tædia pigra moræ,
Dixiſti quoties: Rerum ſpes una mearum
Cynthia languenti, quam precor, aſſer opem.
Aſſer opem miſero, viden ut mala frigora lædant
Corpus; at ipſa tremens effugit ore anima?
Illa tuos queſtus, & carmen inutile riſit;
Riſit & effuſas ſupplique ab ore preces.
Hæc tolerare potes, vel ſi pluvialibus auſtris
Decidat adverſo fœda procella polo.
Nec tibi ſubſultant trepidâ formidine fibræ,
Si quando obliquus Juppiter inſonuit?
Ferre potes miſeros discrimina ſæva labores;
Et quereris vires non ſatis eſſe tibi?
Fortis & in Vitium, tenui præcordia cera,
Atque ais e fragili corpora ducta luto?
Quam malè de proprio cenſebis crimine iudex,
Qui tibi ſic, vitio vel renuente, faves?



Sed leviora puta quæ diximus: accipe quod te
Fecerit in voces protinus ire meas.
Ipſe ego plorantem vidi per compita matrem
Lædentem tremulas ungue furente genas,

Illa & femineo complebat cuncta tumultu,
Qualis in Æmonium Thyas adaeta jugum.
Aut quale Heliades puerum Phaëtonta sorores
Clamarunt ripis nobilis Eridani.
Nec deerat canis injuria sæva capillis,
Et scissa indicium palla doloris erat.
Mæsta exundantem fundebant lumina rorem;
Tundebant miseræ pectora nuda manus.
Quis neget hoc matri? dulcem per vulnera natum
Audiit immitti procubuisse nece.
Ille quidem tota jacuit spectabilis urbe,
Planxit & invisam sanguinolentus humum.
Quam visu horrible? stupidi simul oris hiatus,
Et simul exangui lumina plena metu.
Et demissa filet frons, & riger horrida cervix:
Nil non funestum turpe cadaver habet.
Vilia suffuso maduerunt membra cruore,
Oblita & immundo est pulvere cæsaries.
Quærenti causam, quidam mihi talia reddit;
Occidit hic spurcæ captus amore lupæ.
Ecce vides illi non mæstum præfica dicit
Carmen, & extremum non pia turba vale.
Non illi cognata manus vaga lumina condit,
Membra nec hexaphoro nobiliore locat.
Ordine non longo lictores funeris atri
Stant illi; versas nec tenuere faces.
Hoc habet exemplum qui vim non novit amoris,
Monstrato valeat liber ut esse malo.
Nam dum conveniunt temeraria turba procorum,
Concupit & noctem quilibet esse suam:
Hinc rixæ primum, mox jurgia, denique ferro
Sæviit, intentans vulnera, cæca manus.
Prælia purpureo Pallantias igne diremit,
Diffugere alii protinus, ille jacet.
Ille jacet, tua qui sequitur dum castra, Cupido,
Hoc sibi non nota miles ab arte tulit.

Finge quòd exitiì sperare pericula tanti
 Te vetet in crimen mitior ira Dei.
 Quis poterit fando morbos nunc ire per omnes
 Qui nova lethææ semina fraudis habent?
 Congeriem citius numerabo, sidera, vestram,
 Lactea queis cœlo semita cuncta nitet.
 Aut, quæ diversis vastum per inane figuris
 Corpora volvuntur, dinumerem citius.
 Dinumerem citius Sigeia ad litora fluctus,
 Quos agit ex imis unda refusa vadis;
 Quam quæ proveniant petulanti e Cypride damna,
 Sint licet externis sæpe adoperta bonis:
 Mille miser, poteris vitæ subisse pericla,
 Mille tibi Veneris damna parabit opus.
 Syphilis, & podagra est, Paralyſis, Rheuma, cerebro
 Illapsus membris qui fluit humor iners.
 Tunc non Aſclepij, totæque Machaonis artes
 Profuerint, Coi non monumenta senis.
 Non quem clara dedit magnum Verona Poëtam,
 Qui medicâ serpens corrigit arte malum,
 Et quem laurigeris cingentem tempora fertis
 Vel tibi non renuas, doctæ Catulle, parem.
 Plurima formosæ fient tunc vota Saluti,
 Sed fuerit votis non reditura Salus.



Æger erat simili tractus serpigine morbi,
 Constituitque bonis ponere thura Deis.
 Audierat Phœbum turbæ præesse medenti,
 Atque ipsum artifices sæpe adhibere manus.
 Allevet ut morbum patrios liquisse penates
 Ardet, & hinc molles pergere ad Jonios.
 Jam supplex aris sacros imponit honores;
 Jam latices libat, fundit & ore preces,
 Phœbe pater, sancto lustras qui lumine terras,
 Quo sua sunt claris munia sideribus;
 Quo sine non ullis vis ignea rebus inesset,
 Non lux concreto purior igne foret.

Qui genus humanum, pecudes, pictæque volucres,
 Cunctaque camporum germina Phœbe foves;
 Qui reparas vires, laxos qui comprimis artus,
 Diceris & Stygium fallere sæpe senem;
 Et quem gramineis succis voluere potentem,
 Pharmaca qui nostris diluis apta malis.
 Aspice me, quem languor habet, cui corpora tabo,
 Infecit pallax, & malefuada Venus.
 Quod si dive, preces dura minus abiicis aure,
 Aureus in sacro conspiciere tholo.
 Risit, & arcanae prospector mentis Apollo
 Frustra ait, ah demens, numina sollicitas.
 Si, quidquid morbi Phœbæa demitur arte,
 Crimen te rursus restituisset juvat.
 Et verum dixit; quis enim non vera loquutum
 Credat, & a falso semper abesse Deos?
 Hæc modò si teneas, qui tristitia pocula Circes
 Sic bibis, ut gelidas Cervus anhelus aquas
 Jam tibi, quæ Vatum sunt argumenta canentum
 Ridendi haud fuerint fabula plena joci.
 Græcia carminibus visa est lulisse; sed intus
 Quod valeat mentem flectere carmen habet.
 Carmen habet, dulci possis quo nectare mores
 Spargere; siderea vir statuende domo.
 Carmen habet, quanto cumuletur fasce malorum
 Credula quæ in vitium turba proterva ruit.

In Podagram.

Olim cum Podagra gratam sibi quæreret ædem.
 Erravit multis irrequieta locis.
 Scilicet in rebus durum est angustia telum,
 Ingeniumque artes cogit inire novas.
 Camporum glebosa petens, & florea rura,
 Aspexit luteæ culmina parva casæ.
 Ambigit, & dubio figens vestigia gressu,
 Nunc pavidum profert, nunc revocatque pedem.
 Quid faciat? dolor hanc urget; requiescere tentat,
 Sed piget in auda ponere corpus humo.

Angusti subeamus, ait, data limina tecti;
Nam minor est vulgus delituisse pudor.
Vix ingressa videt duri instrumenta laboris,
Armaque non ullo squalida facta situ.
Tribulaque & trabeas, pando & curvamine falces,
Et pendere suis splendida aratra jugis,
Ut vidit, diris atrocibus execratur
Ipsa locum, & vori vix meminisse velit.
Jam remeare cupit, longè quàm liquerat, Urbem,
Atque vicem sortis rursus adire novam.
Nec spes vana fuit; qua pars est clavior urbis,
Prospicit excelsæ tecta superba domus.
Stant ibi Mygdonio dissecti marmore postes,
Et foribus limen perstrepat ærisonis.
Sidonioque rubent satiata aulæ cruore,
Totaque barbarica regia splendet ope.
Accessit; magnosque lares dum sedulâ lustrat,
Jam sua persequitur gaudia pectus iners.
Protinus hæc secum; hic demum consistere fas est;
Aptior in tota non erit urbe locus.
Protrahere in multam fas his convivia noctem;
Ducere & annoso pocula plena mero,
Hic mihi formosas dabitur spectare puellas,
Et puer a Nilo porriget ipse scyphum.
Hic ego prædulci, longum satiabor amore,
Ebria me circum stabit amica cohors.
Et mihi blanditias faciet; dabit oscula labris,
Oscula queis ænnem demat amaritiem.
Nec deerunt molles oblectamenta choraulæ,
Cynthia nec blandam pellere docta chelyn.
Sic ait; at postquam cœpit marcescere luxu.
Sævior in nervos ingruit atra lues,
Jam nova nodosi geminantur vincula morbi;
Jam nequit ingrato crura levare toro.
Imo in vase sedet serò gustandus amaror,
Nectareus quamvis sparserit ora latex.
Diffugere levi fallacia gaudia penna;
Ex illis reliquum nil, nisi quod doceat.

Pocula nemo bibit, quæ scit nocitura palato;
Hæc tamen innumeri vel nocitura bibunt.



Prætereo plures primævo in flore juventæ,
Queis erat ore nitor purpureumque decus.
Amisere suæ donum peramabile formæ;
Obsedit roseas tabida crusta genas.
Pallidus & miseris confecit corpora marcor,
Corpora decidua candidiora nive.
Non illi annosæ limen tetigere senectæ,
Nec Pylî norunt qui foret oris honos.
Imo illos vidi crudeli morte peremptos
Vilia præpropero tradere membra rogo.
Sæpius ah genitor dum natis oscula libat,
Este, ait, afflictæ spes rediviva domus.
Crescite, & in viridi lætentur germina ligno,
Quale solet pomis arbor onusta novis.
Dixit, at in viridi succisa est germine planta,
Amplius in viduo nec fuit illa solo.



Vix ea fatus eram: coram stetit inclita Pallas
Ambrosias fulva casside pressa comas.
Hastam dextra tenet meruendam cuspide sæva,
Et clypeus lævæ nobile pondus erat.
Illa quidm liquidum demulcens aëra voce;
Alloquio Vates non abigende meo.
Perge, ait, exitium facili monstrare juventæ;
Sic tibi stet viridi Daphnide tectus apex.
Nunquid fœda Venus miserorum corpora tantum
Læserit? ah majus, quod malè perdat, habet.
Parrem animæ ætheream, in mentem grassatur: & ipsas
Ingenii vires altius ire vetat
Ah quota pars juvenum nemoroso in vertice Pindi,
Et foret Aoniis gloria rara jugis.

Atque audituras traherent ad carmina Musas,
Carmina funereum non subitura diem.
Ast illos Erycina ferox illexit amore,
Jussit & immiti subdere colla jugo.
Conentur licet æratos abrumpere nexus,
Nexus qui firmet fortior ulus erit.
Ergo ego quæ poteram clarum super æthera mentes
Tollere, Acidaliæ vincor ab arte Deæ.
Dixit & ante oculos velut indignata recessit,
Perculit & vultus mobilis aura meos.
Et bene, quod Virgo patrio citò reddita cœlo es,
Telluremque imam non reditura fugis.
Hic quoque si degat cœlo delapsa sereno,
Hic quoque Virginitas vix modo tuta foret.
Sed tua sacra fero, Pallas; mihi gratior uni,
Da tua nunc nostrum iussa sequatur opus.



Ah miser insano qui se committit Amori,
Incidit & casses, sæve Cupido, tuos;
Sordidus & vitiis, & probris undique opertus
Inde sui labem contrahit ingenii.
Non satis innumeras sævire in corpora pestes,
Ni quoque in infandum mens sit adacta malunt.
Quid mihi Caucaseo pendere Promethea saxo,
Invictumque stupes tempus in omne jecur?
Et fixos manibus clavos, & fortia vincla,
Membraque perpetuo torrida facta gelu?
His graviora pati miserabile vulgus amantum
Idaliæ cogunt sceptrâ superba Deæ.
Nulla quies animo, ceu quum mala saga susurro,
Devovitque suis pectora carminibus.
Impia cantatas exurit flamma medullas,
Qualis in Oetea sæviit ante pyra.
Hinc patrii subeunt animos oblivia cœli,
Nec sedet in casto pectore relligio.
Non pietas cordi, nulla est reverentia legum,
Cui Venus ardentes admovet ipsa faces.

Cunctorum inventrix scelerum vefana libido,
Ingenii atque hominum maxima perniciēs.



Sed tu, dius Amor gemino de lumine lumen,
Alme Deus, summi fons & origo boni;
Tu mihi divino sensus tu flamine lustra,
Et mentem sanctis ignibus ure meam.
Scilicet hi poterunt felicem ducere vitam,
Quorum casta tuo numine corda calent.

Christinae Suecorum Reginae Panegyricus.

Mentem hominum quantâ divini Numinis aurâ
Afflari debeat, quanto & molimine ferri,
Largius ut claris exuberet undique factis,
Et se cognato deducere semina Cœlo
Approbet ingenio, contestatumque relinquat,
Exemplo, Christina, tuo præsentia sæcla,
Et pia posteritas vestros mirata triumphos
Agnoscat; nec erit magnarum oblivio rerum.

Certè ego, Romuleas postquam devenimus arces
Auxilio Phœbi, & fatis melioribus acti;
Vidimus & flavas Tyberinî fluminis undas,
Quas circum ludunt arguto gutture Cycni,
Et resonare docent florentia rura Maronem;
Vidimus & moles, atque ardua templa Deorum
Dedaleæ monumenta manus, minitantiæ cellis
Nubibus, & mediâ attoniti spectavimus Urbe
Tot decora alta virûm, tot ductas ordine pompas,
Et quæ clara sibi potis est Insignia virtus
Congerere, externi non amplius indiga cultus;
Omnia quum meditor, vestro Christina, favore
Hæc tamen aucta magis, magis & splendescere novi,
Ac veluti innumeri roseâ de lampade Phœbi
Frumpunt radii, quibus unda, & stabilis ær
Pellucet, vario pinguntur & arva colore,

Et

Et viridî rident gemmantia prata sfgmaragdo,
Cunctaque terrarum facies hilarescit, & æther,
Et mare velivolûm; debent tamen omnia Phœbo;
Sic quidquid magnum, quidquid mirabile, quidquid
Egregium spectasse datur, de sidere vestro
Prodire, inque ipsum sic vidimus usque refundi.

Sed velut in pratis Virgo properare corollas
Dum cupit, & blandæ querit sibi frontis honorem,
Tot varios inter rutilantia sidera flores,
Quem niveâ carpat dextrâ, quem præferat, aut quem
Judicet eximix splendorem adjungere formæ
In dubio est, inopem felix & copia reddit;
Haud aliter laudum crescit mihi tanta tuarum
Materies, rerumque adeò mihi suppetit usus,
Ut partes animus jam sese verset in omnes
Et sese officio jam sentiat esse minorem.

Oh propriis fœcunda bonis! facit aurea Virtus
Ipsa tibi pretium: quidquid quæsieris extra
Te minus usque foret. Fulvo diademate frontem
Vincire, & sceptro dextram exornare potenti
Sint pretiosa aliis, superosque imitantia Divos.
Tu majora putas animo super ardua niti,
Eximioque tibi statuisse in pectore regnum
Firmum, inconcussûm, æternoque perennius ære;
Nam poteras latè populos ditione tueri
Arctoasque acies, inque aspera bella phalanges
Duxisse; & memini ut patriis e sedibus olim
Excita hostiles complesti milite campos;
Ut virtute animi, galeâque insignis, & hastâ
Romanas Aquilas, & frangere Theutonas armis
Ausu es, & invicto concurrere viribus Orbi.

Hæc potuisse satis: celso de vertice Pindi
Quæ fertis pia sacra Deæ nunc volvite facti
Eximii seriem, recolet quod fama superstes.

Æthereo noster quum jam Sol aureus axe
Sidereis hucusque choris sua jura dedisset;
Auricomum posuit rutilo cum syrmore lumen,
Rem miram! patrioque libens concessit Olympo.

Scilicet ut summum coleret super omnia Solem,
 Ille suos currus, agilesque remisit habenas,
 Major & hæc, inquit, moderamina Phœbus habeto,
 Cui superum mentes, chorus ancillatur & omnis
 Cœlituum, dio spargentes nectare flores,
 Dum plaudunt rerum Domino, Regemque salutant.
 Sic tua te, ingens Herois, pulcherrima Roma
 Et Trabea, & sceptro miratur spontè carentem
 Parères ut tota Deo; sed fortè videris
 Dum solium sprevisse, animo majora petisti.
 Nam mortale genus tunc se præstantius esse,
 Nobiliusque docet, quum sese tollit ab imis
 Sedibus, & rapidâ sublatum mente per auras
 Auctori placuisse suo vehementius ardet.
 Nec sceptra Isacidum, nec quæ Nilotica tellus
 Tot Regum monumenta colit; non Perfidis omnes,
 Non quas nutrit opes prænobile litus Erythræ;
 Argivi non rura soli felicia; non quod
 Protulit Imperii magnum gens Romula nomen,
 Præ eximio fuerit cuiquam spectabile regno,
 Quod virtus dare sola potest, quodque approbat æther.

Hinc tibi vocales Parnassia cura Poëtæ
 Fundunt grande melos, tantas & dicere laudes
 Uno omnes ore exoptant, nec gratior ulla est,
 Quam, quæ de vestro signatur nomine, Laurus.
 Scilicet æterno vivent in carmine vates,
 Dum tua gesta canunt sæclis spectanda futuris,
 Et varias animant dulci spiramine formas.

En video ut niveis fertur subvesta quadrigis
 Cana Fides triplici frontem redimita coronâ,
 Et quæ fidereâ de majestate refulget.
 Illius auratas prætendit dextera claves,
 Queis Pater Omnipotens, ne non solemnia summi
 Jussa forent gnati verbis sancita verendis,
 Et valvas aperire dedit bipatentis Olympi,
 Et manes cohibere feros, Erebumque profundum.
 Parte aliâ decus Astrorum pulcherrima mundi
 Una salux Crux alma nitet, quam purpura Regis

Exornat, noscuntque suum fida agmina signum.

Tuque adeò sacris nomen venerabile fastis
Christina, æterno laus accessura triumpho,
Poplite subnixo partæ monumenta salutis,
Sacrorumque Patrem colis ipso in limine; & illi
Subiicis arcano percussam numine mentem,
Subiicis & sceptrum. Crux, o Crux aurea salve,
Salve Tarpejæ ter maxime Juppiter arcis,
En vestrum sequor auspicium; præ divite regno
Sat mihi si vobis nostra est addicta voluntas.

Nempe tuum firmat divinum Sapiëntia pectus,
Quæ simul ac magno mentem succendit amore,
Sedibus hanc ipsam, & claris præponere Regnis,
Et summum didicisti animi pietate trophæum
Instruere, ut præ te solâ nil majus haberes
Quicum præcipuum ad laudem certamen inires.
Vidimus hinc tortis frustra sævire flagellis
Invidiam & manibus post lurida terga revinctam
Infremere, & frustra nigros agitare colubros.
Infremat illa licet, nigros agat illa colubros,
Usque sibi pœna est, quâ non habuere Tyranni
Majorem Siculi: non si Mezentius illis
Addaturque, trucemque illis Salmonea jungas,
Horribileque thoro, sævi & Busiridis aras.
Scilicet hoc proprium est, ut grandia facta dolorem
Invidiæ pariant, stet magnis gloria factis.

Intereâ victis dum te vaga sidera monstros
Expectant, justâque Poli plus parte relinquunt,
Hic juvet excultas Orbem illustrare per artes,
Et te Palladiâ præcinctam ostendere Olivâ.
Nam veluti ex unâ trepidantis origine lymphæ
Plurima vena salit, varique ad plurima rivi
Ducuntur, facilesque trahunt, qua jusseris, undas;
Seu Platani geniales, seu tibi Citrea Sylva
Forte riganda foret, biferque rosaria Pæsti;
Sic tibi, quæ exsurgit dio Sapiëntia fonte
Unica multiplici confert sua munera ductu.
Ultima tantarum fuerit nec gloria rerum.

Quod, te præsidium, ac decus artibus omne ferente,
 Nunc quoque Praxiteles vivos de marmore vultus
 Ducit, & effuso fulget Lysippus in ære;
 Atque alii mutas animant ab imagine telas,
 In dubioque est ars possit, naturane vinci:
 Nam rerum generosa parens quum deficit, arte
 Corrigitur, mancum & quidquid foret, auctius exit.
 Nostraque Dædaleas mirantur tempora vires,
 Quæ auxiliis crevere tuis, teque Auspice facta est
 Ingenii, studiique omnis solertia major.

Sed quid ego hæc memorem? quot ab æthere purpureus Sol

Emittat radios; pluviis quot nubibus alto
 Usque polo recidant imbres; Hyemalibus Austris
 Quot sese agglomerare nives in vallibus Hæmi,
 Aut Hebro soleant, ripisque binominis Iðri;
 Aut citius numerabo tuos, terra Attica, flores,
 Aut volucres quot pascis Apes, Ligur inclite, vestris
 Cedrina quicis frondet silvis felicibus umbra;
 Quum quæ divino congestæ munere dotes
 Una omnes rutilant: tibi nil, Christina, relictum
 Quod magnos animi non undique proferat ausus.
 Jamque Polum scandis: jamjam super æthera summum
 Proveheris, divumque potes cognoscere jura,
 Vertice & excelfo terras spectare jacentes,
 Atque inde humanis succurrere provida rebus.

Hic quonque quanta fores visa est pulcherrima Pallas
 Ore loqui, & Cyrrhæ tremulis quum sisteret undis,
 Dicitur Ascræas quondam docuisse sorores.

Dum loquitur, sacræ cantu abstinuere volucres,
 Quæ vada purpureis celebrant Heliconia ripis,
 Continuitque sonum trepidantis murmuris ipse
 Ambiguo erumpit qui vertice dulcissimus fons,
 Atque auræ siluere leves, siluitque comanti
 Fronde nemus, Laurique, & coniferæ Cyparissi;
 Diva canit fatorum arcanum, ac talibus infit.

Tempus erit quum quis nostrum cognoscere Numen
 Forte volens Grajas jam non properabit Athenas;

Sed

Sed te, Roma, petet. Felicia secula, nostram
Queis Christina feret monumenta per omnia laudem
Illa meas geret una vices: nam Dardana pubes
Palladio ceu tuta fuit, steteruntque superba
Pergama, quæ lævo prospexit lumine Juno;
Sic ubi Christinæ placuit sibi figere sedem,
Illic firma quies; studiis atque apta fovendis
Publica felici nituntur commoda fato.

Quumque illa abfuerit, retro collapsa referri
Omnia tunc videas: facient sua vota Quirites,
Sed frustra amissam revocabunt vota salutem.

Oh mihi quam blando saliant præcordia motu!
Ecce iterum in terris, iterum mea Regna videbo
In Latiis terris; celsæ Capitolia Romæ
Inclita dicentur traxisse ad Tybridis undam
Migrantes Grajo peregrinas litore Musas
Ecce iterum mihi sacra cohors, mea signa secuta
Militat, & mentis qua fertur concitus ardor
Sese agit, & nostrâ gaudet certare palæstrâ.
Certandi genus egregium: seu quærere verum
In sylvis Ecademi; almas torquere sagittas
Seu juvet e Sophiæ pharetra; seu docta Lucreti
Tradita Romanis expendere dogmata chartis.
Num sibi concurrant discordia semina rerum,
An volitent variis vastum per inane figuris
Corpora: numue suo libretur pondere tellus,
An circum magis acta rotet; num vivida Solis
Omnia componat, conservet & omnia virtus.
Sic benè dum certat, dum magnis militat ausis
Auspice te, Lauro frontem, Christina, virenti
Præcinget, studiisque vicens Academia claris
Proferet æternum victrix per secula nomen.

Dixerat; & plausu circum assensere canoro
Aonii fontes, sylvæque, atque antra reposta,
Omnia fatidico quæ complet numine Dirce.
Quis tibi non plaudat, quæ diceris altera Phœnix
Et quæ præpetibus transcendis nubila pennis?
Namque tibi plausere olim, Parnassidos undæ

Pectore qui toto latices hausere ; nec illos
 Terruit invicta asperitas , præruptaque saxa
 Quæ de Pieriâ pendent minitantiâ rupe .

Illi seu victo , seu vis sermonè soluto ,
 In laudes , Christina , tuas impensius ire ,
 Et poterant niveis ferri sublimius alis ,
 Materiâ præbente novas ad carmina vires .
 Seu decus , & formæ blanda , & generosa venustas ;
 Seu vis illa animi , totum quæ fulciat Orbem ;
 Seu dicenda foret majestas inclita frontis
 Qua egregiè adsurgis ; seu quam reverenter haberi
 Debeat ille vigor , quo sese nobilis ira
 Exacuit ; novitque tamen subsidere flamma ,
 Mitior & fieri , necnon placabilis esse .
 Nam veluti facies nitido redit aurea cœlo ,
 Undique quum fugiunt Boreali flamine nubes ,
 Quas pluviique Noti , & madidus collegerat Auster ,
 Candida sic rursum placidis stat gratia verbis ,
 Atque serenato remeat pax aurea vultu .
 Seu mentis dicendus apex , quæ comprobet ortus
 Ut generosa suos , jam dedignatur inanes ,
 Nec potis est animo imbellès admittere curas .

Hæc illi poterant fatis melioribus orti ;
 Hæc grandes illi poterant , quos æquus amavit
 Juppiter , aut ardens evexit ad æthera virtus .

At nos exigua consueti ludere cymbâ ,
 Nos , quibus in pelago minus attrisere secundæ ,
 Nec nostris plausere leves conatibus auræ ,
 Deterimus forsan tenui sublimia cantu .
 Parce ausis , Christina , meis , nec despice nostros
 Qui tamen obsequio nunquam caruerè labores .
 Hæc te , Magna , decent ; de Majestâtè remissum
 Nam foret inde tuâ , modulo si expendere cuncta
 Humano velles ; nec te de gente Deorum
 Agnosces , parili temnens incedere gressu .
 Ecce vides , paucas aris imponit aristas
 Messor , & eximii pars illa est ultima acervi ,

Placat & inde Deum: mentem nam Juppiter æquam
Aspicit, exiguo quamvis & munere gaudet.

*Ad Annibalem Albanum Clementis XI. Pont. Max.
Nepotem, quum Doctoratus insignia acciperet.*

Arma alia, atque alias artes, non qualia Mavors,
Annibal expedit divite ab Ingenio.

Scilicet egregiæ meditarur præmia Palmæ,
Ardua quæ Virtus dulce recludit iter.

Ille alter, qui Romanas surrexit in arces,
Quid nisi sævitiam, qua memoretur, habet?

Hac duce nam patrias olim juravit ad aras
Romulidis hostem se fore perpetuum.

At noster placida arma movet, clementia tela;
Et bene promeritâ Daphnide cuncta fovet.

Ergo illi æratos sublato cardine postes,
Hic ubi templa nitent aurea, pandat Honor.

Quippe triumphatas uni sibi iudere mentes,
Gloria magnanimo est clarior Annibale.

Catonis Uticensis Tumulus.

Ille super cunctas quo clara est Utica gentes

Hoc jacet Ausoniæ gloria sub tumulo.

Fama ingens quæ magna solet protendere facta

Spargit odorata florea ferta manu.

Vitales auras mens indignata reliquit

Admissura nihil quod sibi turpe foret.

Et de marmoreo vox exsilit alta sepulchro:

Desit libertas, jam mihi vita mori est.

Quis te, magne, Cato, proprio dum concidis ense

Deneget invictâ procubuisse nece?

Quum tamen adversæ nequæ obistere sorti,

Te, fortem, si quis dixerit, acta negant.

*Laurentio Casonio Innocentii XI. Pont. Max.
a Secretiori Cubiculo.*

Laurenti, amico non tacende carmine,
(Nam quis te iniquo supprimat silentio
Doctum, integerrimum, & refertum moribus
Priscis, fidemque confoventem pectore?)
Si me fugacis urget ira temporis,
Nil turbor; ille se diutius quidem
Vixisse dicet, qui provectus ingenj
Virtute vixit, & favente Apolline.
Nam turba quamvis moliatur invida
Cladem, eminenti qui resedit vertice
Pindi, furores ille temnit improbos,
Lethique victor, sordidæ & plebeculæ.
Annosa Quercus ut jugosum Pelion
Firma infidet, nec favientes imperus
Formidat Euri, nec superbus Arbitr
Arctoe ab Axe quos tumultus excitat.
Jam vor a, sive prorsâ fluat oratio,
Equos utrosque junximus docti iugo,
Seu patrio sermone, seu vis extero.
Anacreon jucundior melle Attico,
Virente myrto qui revinctus tempora,
Ille ille Etruscis sæpe mecum collibus
Gressum frequentans ludibundo carmine,
Alumne, dixit, hanc modo lyram accipe;
Dignatur hac te cantor ipse Cynthius.
Intactus & mæ Pindarus non exitit,
Excelsa quamvis scandat, & per ardua
Exemplar ingens, sed viris ingentibus.
Ætas at inde dum propinquat firmior,
Majore mentes quâ vigescunt augmine,
Vatum priorum lance justâ expendere
Me scripta juvit, & venusta, & optima
Non quæstuosis indicare laudibus.
Nam semper ad pejora sunt qui proximant

Illic

Illic morantes, æno ubi exhalat gravis
 Æstus, reflatu pinguiore torpidi
 Flores relinquunt, & rosæta roscida.
 Ut vera dicam, hos juvat excitariæ,
 Illi excitari siquidem per nos queant,
 Natura pronis quos recurvat mentibus.
 Mox & Poësin serio volumine
 Defendimus, ne nos obesse moribus
 Putent, minarum turgidi, qui territant
 Urbes, & Orci Numina, & manes crepant.
 Jam sive Amoris telo aduro igneo,
 Aperta sive rura dulci arundine
 Percurro, duras semper odi voculas,
 Cethegus ipse quas repente respuat;
 Et plana quæ sunt, limpida, & fluentia
 Consector ultro, ut omnibus sim pervius.
 Hinc nostra multi despicientes elevant,
 Et garrunt per urbem, & aureas domos,
 Forum, Theatra, porticus potentium.
 Illorum ineptis haud ego mutor modis;
 Viris probatis, & satis fidens mihi.
 Haud mutor hercle: non si & alter Attalus,
 Non si beatus dicar, atque lucido
 Ostro mihi frons ipsa purpurasceret.

*Michaëli Radzovio Sac. Rom. Eccl. Cardinali
 Regni Poloniae Primate.*

Postquam Romuleam accessit Radzovius Urbem,
 Latata est ripis Thybridis unda suis.
 Nam quo Sarmatici consurgat gloria regni
 Jam satis in tanto Principe nosse datur.
 Ille suâ fulget radiatus tempora Lauro.
 Atque illi auratâ in cyclade splendet honos.
 Splendet honos, quæ sceptrâ super Regumque tiaras
 Externo haud nixus pondere pondus habet.
 Sed licet eximio sese undique lumine prodât
 Laudari Ausoniis gaudet & ille modis.

Ecce vides; sacros circumvolat infula crines,
 Romuleoque nitet murice tectus apex.
 Et vox una sonat quodd nemo est dignior ostro
 Quà pater Arctois Regia elara jugis.
 Jamque pià dat thura manu, jam numina placat,
 Fundit & augusto plurimus ore preces.
 Hæc agit Austriacum dum per-tonat alter ad Istrum
 Terret & Odrysiòs per fera bella duces.
 En tibi qui partos concessit Roma triumphos,
 Pressit & indomito barbara colla iugo.
 Quàm, puto, præsentem cuperes cognoscere Regem
 Publica quo didicit firmior esse salus!
 Per fora, per plateas tunc circumfusa Juventus
 Iret in applausus obsequiosa suos.
 Atque novas traheret celsa ad Capitolia pompas,
 Et longum spoliis usque niteret iter.
 Invida fata negant; votis Radzovius istis
 Sed sat erit; tantas impleat ille vices.
 Hic studio Pacis, spectabilis ille per arma:
 Clara ambos Virtus sed facit una pares.

Elegia, cui titulus Querele.

Ille ego, qui tuto credebam sistere portu.
 Rursus agor sævo ludicra præda mari.
 Nec mihi dona sacris imponere profuit aris
 Nec pelagi magnos thure piare Deos.
 Ecce iterum irati surgunt in prælia venti;
 Hinc Aquila, inde gravis concitat Auster aquas.
 Ecquis erit finis? Num cæcula numina ponti
 Forte juvat nostris ire superba malis?
 Diripite, & fragilem ad scopulos allidite cymbam,
 Et lacera undifono spargite membra falo.
 Hos ego jampridem potui sperare labores;
 Liquimus ut patriæ limina parva domus.
 Illa dies miseræ non indefleta parenti
 Spondebat nostræ longa pericla rati.

Illa dies, primo quum vix exurgeret ortu,
Obduxit roseum pallida facta jubar.
Haud aliter Phœbe magni subit oscula fratris
Stans ferrugineâ cyclade tecta humeros.
Unde graves metuunt trepidantia pectora sortes,
Fingit & in majus damna futura pavor.
Discere debueram, quum totus inhorruit æther
Quæ capiti ingruerent non nisi dira meo.
Illum infelicem, qui non prælagia Cœli,
Novit, & Clarii signa verenda Dei.
Novimus; at mentem nobis Deus abstulit æquam,
Et cedit iratis pandere vela Notis.
Intera furit acris hyems, sævisque procellis
Renigio nudum torquet utrumque latus.
In bravia, & fyrtes, atque obsita litora monstribus
Veitotum & pelagi trudimur arbitrio.
Nec ibi sat fueris tantas, Fortuna, per artes
Illudum innumeris sæpe agitalle modis.
En quoque pugnaces ornas in prælia morbos,
Et iit in misertum, te duce, tota cohors.
Nil tibi jam prodest quidquid Podalirius ægro
Diuit arte potens, quidquid & Hippocrates.
Sævix in corpus; nostræ dum parcere menti
Sos velit, intactis viribus ingenii.
Spes vobas hominum! Flavas ad Tybridis undas
Totamus dulces sæpe movere sonos.
Sed ix (vera loquor) plectro incubuere canoro,
Exemplo digiti dirigere gelu.
Talis erat Niobe mutatis saxea fibris,
Orheus amissa talis ab Eurydice.
Falsalicet fuerint quæ finxit Græcia mendax,
Metamen a vero fors procul esse negat.
Me tibi surripuit duri inclementia fati,
Imroba sævities me mihi surripuit.
Quali eram, quantusque modò subcreverat ardor,
Dui colui ripas, lauriger Arne, tuas.
Tunc faciles aderant generosa in carmina vires,
Immitesque dabant flectere posse feras.

Extincto nunc quæro miser de torre favillam,
 Et negat optatam Delius ignis opem.
 Nunquid & ingenium fati sub jura venire
 Dicitur, & claros nox tegit atra viros?
 Credo equidem; priscis nam quot celeberrina seclis
 Pectora, quæ exiguum vix modò nomen habent?
 Exiguum dixisse pudet: tot grandia nullum,
 Grandia tot nullum pectora nomen habent
 Ergo ego quid fatis, quid sorti indigner iniquæ?
 Hanc penes arbitrium est cuncta movere loco.





CHECCHI DE MILETO

FOROLIVIENSIS.



Ecloga Prima.

In qua solus ipse Auctor loquitur.

JAm medium lucis contingere lumine fulvo
 Gadibus, & Phœbum distare videbat Eois
 Mœris, ab occiduo semotus gurgite, quantum
 Stabat & alipedes calcabant cursibus austrum;
 Nulli tantum operosa fuit pars lapsa diei:
 Non frondes capris, ovibus non gramina læta,
 Non puros querulo labentes murmure rivos
 Monstrarat pastor, fœtus teneri sed amore
 Captus adit ramos silvestria poma ferentes;
 Inde legens quæcunque suo plus grata sapore,
 Fallitur, & placidi consumit temporis horas.
 Mox ubi concepit quantum post terga relictum est
 Solis, in hæc dignas effudit verba querelas.
 O demens, o mente levis, quid credule Mœri,
 Credule quid blandis donas felicius ævum
 Rebus? & ad sanas non retrahis otia curas?
 Cur non ipse gregem per mollia prata vagantem
 Colligis? ac numerum pecoris sub colle recenset?
 Errantemque regis, dextra innitente bacillo?
 Vel si forte juvat levibus resonare cicutis,
 Incipe, nam major voluit licuisse Menalcas.
 Fistula tunc placidum conflabit eburnea carmen;
 Testor Pana tamen, Dryadasque, & numina ruris.

Nil

Nil minus in pretio, quam blandos condere versus.
 Sint mihi Dii testes, Musæque Heliconæ colentes,
 Sit quoque Parnassus, desertæ sint Aganippæ,
 Olim quæ nostros recolunt eguisse poetas;
 Nunc quoque nec suadet cælum, nec frigida Phœbe
 Pastorum modulos, spondet minus umbra quietem.
 Uritur omnis ager, sed habent incendia mundum.
 Aspice, nam minimas contraxit populus umbras;
 Nonne canes tremulis lambentes æthera linguis,
 Stagna lacusque petunt, & siccis faucibus ardent?
 Et sitis implacata magis quo plurima potant,
 Et quondam virides squalent in pulvere frondes,
 Myrtus cum lauris, hederæ ac quæ nexibus ambit
 Arboreum corpus, solitum posuere decorem.
 Consonat hinc multa raucum nemus omne cicada,
 Sibila dant, pavidæ milvi, per inane volucres,
 Et male quæ falsa usæ est commercia linguæ
 Ales quum nigrum traxit per membra colorem,
 Immemor exercet mendacia guttura pœnæ,
 Alatusque suas certatim reddere voces
 Molitur cœtus discordi garrulus ore.
 Omnia nunc varios confundunt murmura versus;
 Quid si igitur cantes? quid si canat ipse Menalcas?
 Quisne operis fructus? nullas mulcebitis aures,
 Irrita sed potius tradetis carmina ventis.
 Talia dicta dedit Mœris, cum forte Menalcas
 Adveniens, subito dextram comprehendit amici
 Sic referens: quando nulla est modo gloria Musis,
 Cedamus, saltusque ultro repetamus amœnos,
 Pabula qua nivei tondent armenta coloris.
 Ille minor sequitur componens fronte galerum,
 Læva tenet virgam, raptam de stipite querno:
 Dum simul incedunt, dum verba protaciâ dicunt,
 Hunc incepra vocant silvestri vimine septa;
 Alter abit multam Cererem præbere colonis.



Ecloga Secunda.


In qua solus poëta loquitur.

Non tam præpetibus captabant æthera pennis
 Gnosa jamdudum fugientes litora, duro
 Quos mirabantur scindentes vomere terram
 Agricolaë, cum tanta fuit vecordia nato,
 Ut male tentantes agitare ad astra volatus,
 Invisoque daret functus cognomina ponto,
 Quam qui Cyllenes insultat turbine collem
 Nuper & in tenera molitur carmina bucca,
 Carmina pastorum claro cantata Maroni.
 Quo tamen is truncum dimittat gutture murmur
 Imperfecta sonans, veluti puer ubera caræ
 Nutricis poscens, cui nondum plena labellis
 Verba cadunt, nescire juvat, nam claudicat omne
 Ordine per metrum versò, symphonia discors
 Implacidum flavit dulci resonante cicuta;
 Quod postquam notum fecit Mœri ipse Menalcas,
 Quid faciemus? ait, forsân tentamur? agendum est
 Cantu, qui nostrum non inficietur honorem.
 Dux gregis infausti, quem pinea sylva coronat
 Flaminias juxta valles, cui mœnia patent
 Jam confecta situ, & sancto interfusa cruore:
 Quique regit portus, colitur qua sacra Cybelle,
 Æquoris Adriaci prospectant litore classes.
 Tunc sic ille quidem, recolo, nam pangere cœpit,
 Qui Sículos quondam Lilybæis vallibus hædos;
 Plura tamen cecinit, subque umbra tectus acerna,
 E quibus hoc unum memini, dum fronde saligna
 Jam saturas sylvis studeo revocare capellas.
 Mira feram, rigidas flexere cacumina quercus
 Sponte sua, nullis tandem impellentibus auris,
 Atque aspras cautes, silicèsque & saxa moveri
 Aspexi, & solitos compescere flumina cursus.
 Quodque magis stupui, modulantis carmina plestri

Menala traxerunt, pecorosaque dorſa Lycæi;
 Taliter ur fama eſt pulſu teſtudinis heros
 Dirceus cellas cuni ſepſit mœnibus arces,
 Concentu gravidas devexit ad ardua moles.
 Sic ſe ſicque ſuos numeros modulamine tentans,
 Arguit alterius forſan tentamina: Mulis
 Hoc placuit, ne quâ lædatur voce loquacis
 Fama viri, meritos ſervat cui laurus honores,
 Finis erat: ſolitos repetebant cuncta reſeſſus.

ANTONII SEBASTIANI MINTURNI

NEAPOLITANI.



De Venere armata.

A Rmatam Venerem aſpiceret cùm cæſa Pallas,
 Vis Cypri iudicium ſic ſubeamus? ait.
 Quæ tenerum ridens: clypeos attollere contra
 Audes? ſi vici nuda, quid arma ferens?

De Venere Praxitelis.

Qui Gnidiam fecit Venerem, num viderat umquam
 In terris nudam Praxiteles Venerem?
 An nitidi in cœlo clara inter ſidera Olympi,
 Cùm a mortali animus corpore liber erat?
 An Dea mentem illi affarit, ferrumque manuſque
 Rexerit, atque animam pulchro operi dederit:
 Ut Venerem credas miſſam cœleſtibus oris,
 Piſcoſæ tumulos incoluiſſe Gnidi?

De

De Adonide ab apro interempto.

Adonin puerum puella Venus
Suas delicias suumque decus,
Amantemque ut amans, suis misera
Mirata est oculis, suis oculis,
Qui rerum exhilarare cuncta solent,
Extinctum, egregiæ indolis faciem:
Totos in lacrimas dolens soluit
Nitentes oculos: utraque manu
Flavam scissa comam, genas roseas
Ac pectus niveum petit: Cypriam
Se divam haud meminit Jovis sobolem.
Nequicquam Charites, Jocusq; & Amor,
Ad quas tristis amor rapit, tepidas
Solantur lacrimas: at illa, dolor
Ut voces miserabiles agere
Dedit, cæruleo sinu puerum
Amplectens vocat ore Adonin hians:
Adonin nemus undecumque refert:
Et cælum omne Deæ dolore dolet.
Tum vero assiduè vocans misera,
Premensque oscula dulcè pallidula,
Hic ne, hic ille, ait, oris eximius
Honos purpurei, mea ambrosia
Meum suaviolum meusque lepos?
Hoc ne, hoc cæsariei illud auricomum
Decus, quam his digitis ego, his toties
Depexi digitis, studens nimium?
Vos o vos agedum mei pueri
Huc illud gravius malum huc trahite,
Illud dedecus omnium nemorum.
Tumque voce resistit in media:
Sævus plura dolor loqui haud patitur.
Illi, non mora, commodum volucres
Totum ingens peragrant nemus, sonitum
Pulchris & humeris dedit pharetra.

Dolentem inveniunt suam : capiunt :
 Circum terque etiam, quaterque ligant :
 Verbisque, & manibus mali exagitant.
 Hic illum prior horrido laqueo
 Invitum rapit, ille letifero
 Vadit posterior premens calamo.
 Infelix tacitus, timensque ita aper :
 Formidabat enim Cypri dominam.
 Moxque illum ut malè vidit Idalia,
 Tune, inquit, femur hoc mihi laceras
 Omnes ante feras gravissima ? tu
 Dilectum hunc juvenem mihi interimis ?
 Vitæ perniciēs meæ immodica ?
 Illi innixa genu, timensque nimis,
 Respondit fera : per tuum Cypria
 Magnum numen, & hunc per egregium
 Virum, per meaque hæc manus valida
 Sancta vincula, & hos per, hos volucres
 Venantes, iterum atque juro iterum :
 Formosum hunc juvenem tuum haud volui
 Meis diripere his cupidinibus :
 Verum dum specimen nitens video
 (Æstus impatiens tenella dabat
 Nuda femina mollibus Zephyris)
 Ingens me miserum libido capit
 Mille suavia dulcia hinc capere,
 Atque me impulit ingens indomita.
 Hos ergo capiens Venus domina,
 Hos ulciscere, demequæ hos penitus
 Dentes, heu nimia asperos acie.
 Nam quid mi superant supervacui ?
 Qui nunc si tibi non satis fuerint,
 Abscinde hæc mea labra tam cupida :
 Horum criminis hoc sit indicium,
 Quin & si mea vita nunc odio est,
 En sacram hanc animam Dea accipias.
 Heu quales potero miserimus, heu,
 Ego annos agere hoc sine, hoc juvene ?

Hæc

Hæc cum dicere visus est, nimios
 Infelix lacrimans dedit gemitus.
 Tum vero miserrimi miserta Venus,
 Suis dixit Amoribus, valida
 Illa ut vincula solverent ab apro.
 Novit, quò furor improbus rapiat
 Dolens tam sibi obesse vim propriam.
 Profecturus aper Dæ insinuat,
 Qualis vita sibi futura foret
 Extincto Cynireio puero.
 Saxum ventre cavo, arduo capite
 Antrum, immane facit: situque putri
 Totum Cimmeriis nigret tenebris:
 Circum silva patet, strepitque Noto.
 Huc ille haud solitum nemus petiit:
 Ibiq̃ue assiduè gemens miserè
 Tabescit: vitisq̃ue cum propriis,
 Absumpsit lacrimis calentem animam.
 Jam vero pueri cruor roseus
 Flos est puniceus, rubens lepidè:
 Pulchra Crispior ipse cæsarie;
 Sic enim Dea jussit Idalia:
 Ut qui jam fuerat nitens juvenis,
 Idem sit quoque flos, & arbor, amans,
 Suae deliciæ, suumque decus.

*De Coma Mariae Sanseverinae Medicorum jussu
 recisa, cum illa gravissimè egrotaret.*

Quis novus hic dudum antiquis nitor additur astris?
 Quo divùm hæc rapta est numine cæsaries?
 Ausonidum jubar, & longe pulcherrima proles
 Divino Mariæ nomine digna Dæ.
 Illa & principibus felix ab origine princeps,
 Dis genita, & magnos progenitura Deos,
 Et forma egregia, & propriis virtutibus omnes
 Inclita per terras conspicienda nitet:

Principe læta viro: valet indelebile gentis
 Qui decus Urfinæ, candidus ingenio:
 Cui prædives agri pulchro vicina Vesuvo
 Nola perantiquo subditur imperio.
 Non sic Oenidæ lætata est munere conjux,
 Quem lacrimis patriæ non tetigere preces:
 Non sic Tyndaridæ miro Leucippis amore,
 Non Iphiclea Laodamia domo.
 Non Ida, non vitreis Eveni fluctibus orta:
 Non Phrygia gaudens Hippodamia face:
 Nec tantum Alcestis Pheræo cara marito,
 Cujus in hunc studio victus uterque parens.
 Illam visuri qui non venerè Deorum?
 Quis non ex certis advena cardinibus?
 Venit ab Ismariis, thiaso plaudente per arva,
 Collibus, inflectens Eiraphiota caput:
 Omnivagusque puer, pulchra ludente chorea,
 Idalium liquit fronde virente nemus.
 Liquit acerfecomes lauro decoratus Apollo
 Ortygiam, atque antri saxa Lycore tui.
 Undipotens Heliconæ pater Neptunus, & Ægas:
 Tritonumque dedit buccina rauca sonos.
 Quin & ab Æthereo magnus descendit Olympo
 Juppiter, & divûm turba secuta Jovem.
 Ipsa autem misit Taprobane Antichthonas orbis,
 Tuque ab Hyperboreis ultima vorticibus.
 Obstupuere omnes admoto pollice dextræ
 Oribus, augusta ut visa suis species.
 Pars Venerem dicunt cœlesti semine natam,
 Pars Junonem, alii Pallada magnanimam.
 Sunt quos non ipsis pigeat præferre deabus,
 Tanta illi & vultus sunt animique bonas.
 Quippe oculis Solem referebat, & ore fereno
 Auroram, & flavis sidera pura comis.
 Jamque æther Mariam, Mariam omnis terra sonabat:
 Jam magnæ decrat nil, nisi templa, Dææ.
 Quamquam nec tanto se dignabatur honore,
 Nec tanta divûm laude superbiebat.

Illicet invidia flagrant corda Dearum:
Invidia infelix, vipereumque malum.
Te propter, scabra veluti rubigine ferrum,
Quæ mens affecta est, invidia, afficitur.
Te duce cuncta magis pereunt, quam Martè superbo,
Quod malefana taces, perpetuumque furis.
Quî rerum Æneadæ ceciderunt summa potestas?
Quî Macedum nomen? regia quî Babylon?
Quî quoque Persarum quondam vis maxima regum
Nulla est? quî virtus occidit Agricolæ?
Tu minime justus simul, & iunctissimus unus
Morborum; inde bonis instruis insidias.
Et sequeris quocumque illustris gloria ducat,
Umbra velut, quisquis lampade solis eat.
Quid referam, ut sua Beliden clarissima virtus
Te comite ad geminos duxerit interitus?
U que Neoclides patriis procul actus ab armis?
Ut Sophiæque parens atra venena bibit?
An verò ut magni in Pænos ardentia Martis
Fulmina Scipiadæ succubuerè dolis?
Occidit ut primus Romanæ conditor arcis
Romulus? ut summi conditor imperii?
Hinc verò ingentis meritò das improba poenas;
Ipsa tibi sola es pessima perniciès.
Haud secus ac temerè ferientis pectora, duro
Tela reperiusta e marmore concutiant.
Cum nihil invisis noceas virtutibus horrens;
Sed tua nec bona te, nec mala visa movent,
Alterius vero pingui macrescis in arvo:
Mox tamen arenti lætior efficeris.
Ecce ferus Stygio manans de gurgite morbus
Candida pallidulo membra fluore rapit.
Inde ereptus honor facie capitique decoro,
Quem mirata Deum est sæpe virumque cohors.
Quid morbo obstitit? cedant cui fortia bello
Corpora, quæ sævæ non domuere manus.
Ille quoque hoc victus, qui vicerat omnia ferro,
Ælius, Italicæ gloria militiæ.

At pereat, morbis quæ totum infecerit orbem
Principio, humanæ causâ dolenda necis.
Ah malè caute parens, quæ te tam dira cupido?
Siccine Pandoræ captus es illecebris?
At sator omnipotens Cœlus non aspicit æquis
Hæc oculis: tantum viderat unde malum.
Omnia namque vides Cœlus pater, omnibus idem,
Custodisque tuis omnia sideribus.
Munde parens, rerum finis, rerum omnium origo,
Naturæque vices, quodque necesse regis.
Cum primum nitido ceciderunt vertice crines,
Quos toties docta pexuit Hora manu;
Uni unguentorum biberant qui millia multa;
Ne decus hoc percat, sic ait ipse Deus.
Ex Ariadneis variato in limite nostro
Aurea temporibus fixa corona micat.
Ex Bereniceo pulchræ devota Dionæ
Vertice divino munere cæsaries.
Hic Neptune tuam qui vexerat Amphitriten:
Hic mediis juxta est lucida luminibus.
Quin etiam Andromedæ spectantur brachia latè:
Et triquetrae facies littora Trinacriæ.
Denique quodcumque est prudens venerata vetustas,
Ex alto fulgens æthere conspicitur.
Et præclara mihi liceat quoque in astra referre
Flaventis Mariæ verticis exuvias.
Dixerat: actutum variis Thaumantia proles
Multicolor pennis nuntia missa Deum.
Quæ flavos raperet crines, cœloque locaret
Undique & æterno sidere conspicuos.
Proque his, & radiis divinæ lucis, & auro,
Insignem capiti poneret inde comam.
Oraque pallentis cœlesti afflaret honore,
Amissum specimen pulchrius efficeret.
Ut sit, quam magis admiremur, gratia formæ,
Ipsaque se carpat sævius invidia.
Haud mora dehinc stellis fulsit redimita corona:
Aspice, contingens ante Corona feram.

Huic,

Huic, seu felici tæda, & Junone secunda,
 Juncta viro casti jura cubilis habes.
 Seu Veneris vinclo cuiquam socianda jugali,
 Lecta tuus liber munera carus onyx:
 Ipsa immortalis ante omnes clarissima dono,
 Et caput, & faciem pulchra magis colere.

De Maria Sanseverina, & ejus marito.

Cum decus Italidum velut inter sidera Phæbe
 Hinc divûm Maria prædita muneribus.
 Hinc jubar Ausoniae magni ceu Phæbus Olympi
 Fulgeret Heroicus gloria Romulidum.
 Alterum & alterius fulgenti lampade mundi
 Clara magis niteant lumina, junxit amor.
 Conjuge felices conjunx & principe princeps,
 Vivite felici vivite conjugio.

*Ad Elysum Caraciolum Episcopum Catanensem,
 Elysum.*

Forte puellares ludens per prata choreas
 Duxerat, ac molli tandem confederat herba,
 Frigus & obtentu sylvæ captabat opacum
 Turba ingens Dryadum pictis admista Napæis,
 Jamque inter corylos ingentem sideris æstus,
 Et curas animi vario sermone levabant,
 Auratam citharam tum pectine pulsat eburno
 Euryale ad septem fundens discrimina vocum
 Carmina: dulcisono resonant nemora ardua cantu,
 Mirantur pecudes: mirantur agrestia Panes
 Numina: du-atæ flexêre cacumina quercus.

Nam canit insigni superos qui prole parentes,
 Mortales fecere, polique auxere penates:
 Utque Jovi Herculeas peperit Tirynthia vires
 Alcimene decepta viri sub imagine falsa:
 Ut puerum Cadmea parens, qui primus Eois
 Quedrijugos victor currus agitavit ab Indis:

Ut divum interpres pulchra sit Atlantide natus,
 Ingenioque potens sacro Cyllenius antro.
 Tum canit Heroas, Divæ quotcumque superbo
 Connubio genuere viris similesque Deorum;
 Jasio quem flava Ceres, veneranda Marica
 Quem Laertiadæ, quem Dardan o Anchisæ
 Alma Venus, quos Nereides, Psamatheque Thetisque,
 Pulchra Thetis: quis enim fama non novit Achillem?
 Quanta viro virtus, testis quæ lata per arva
 Terra Phrygum toties undavit sanguine: testis
 Unda cruore novo tam sæpe coacta Scamandri:
 Testis qui correpta virum tot scuta sub imo
 Gurgite tot galeas Simois tot corpora voluit:
 Testes Iliades natorum in funere matres
 Ungue caput lacerum fœdantes, pectora palmis,
 Pallida cum crebris rorarent fletibus ora.
 Qualis ab ætherea Mayors dimittitur arce,
 Fulmineas rapido spirant cum turbine vires:
 Sive per Æmathios incendat prælia campos,
 Sive in Agenoreis renovet certamina Thebis
 Purpurea insignis crista & fulgentibus armis,
 Quem sequitur loris minitans Bellona cruentis,
 Necnon Threicio stridens Aquilone procella:
 Talis erat, talem sese mittebat in hostem
 Vulcani clypeo, & multo spectandus in auro
 Pelides, animoque ardens sic bella petebat.
 Quid referam? aut raptatum hostilibus Hectora loris?
 Hectora, quo numquam cecidissent Pergama vivo,
 Aut Martis sobolem, Scythico quæ venit ab orbe
 Auxilio Teueris, fœdatam pulvere crines,
 Æacidæ telo Trojæ cecidisse sub altis
 Mœnibus? aut te materno jam numine Memnon
 Fidentem heu nimium? Eois quem milit ab oris
 Diva parens, magna Æthiopum comitante caterva,
 Ulturum Priami clades, gratumque paterno
 Facturum generi, contra ni fata tulissent,
 Jamdudum Antilochi exuviis lætatur Achillem
 Ah malè caute petis, quo non præstantior alter

Decertare manu, atque hostem pravertere cursu.
Ah malè caute, genus, quo non præclarus uilum,
Magnanimi herois contemnis, & inclita facta.
Quo ruis infelix? quo te dementia ducit
Imprudens juvenis, fatisque & viribus impar?
Quamquam non alio undisonis tremuere sub antris
Nereides bello, nec tam adduxere Tonantem
Altera in ambiguum ferventia prælia regum:
Insonuere poli, & strepitum dedit undique pontus.
Tum vero extinctum crudeli funere venti
Corripiunt, vestrūque obscura in nube per auras
Frigida perniciēs Ælapi ad flumina sistunt.
Te Nymphæ ad patrias flebant Ælapides undas,
Te Sol purpureum tectus ferrugine vultum,
Te Solis natæ, te sidera matutina,
Pleiadesque, Hyadesque & claro Lucifer ortu,
Ipsæque ætheræ Themidos pulcherrima proles,
Quæ Cœli obsidunt portas, quæ tempora rerum,
Quæ noctesque diesque ferunt & quidquid ubique
Exoritur quodcumque viget quodcumque movetur,
Ingeminant Horæ lacrimas, crinesque resolvunt.
Te mater complexa sinu miserabile corpus
Heu gemit illacrimans & questibus omnia complet
Auricomum velata caput sub nubibus atris,
Crudelesque Deos, crudelia & astra vocabat:
Quam miserata parens Stygias tum protulit alas
Nox atra, & totum texit caligine cælum.
Illa perosa Jovem, & lumen candentis Olympi,
Infernos penetrare sinus, manesque profundos
Certa, vel obscuros inter se condere nimbos,
Abstulerat superis lucem, & mortalibus ægris:
Nec dum purpureis retulisset vesta quadrigis
Alma diem, nec sideraū repetisset Olympum,
Ni patet invitam revocasset fulmine torto.
Dant gemitum comites, & fletibus ora rigabant.
Æthiopes tum præpetibus se tollere pennis
Ante rogos vix (dicto mirabile) regis,
Et latè extemplò ingenti sonuere volatu:

Ter circum volitant volucres, lustrantque sepulchrum
 In numerum, ter conveniens ferit æthera plangor,
 Dehinc veluti adductum studia in contraria vulgus
 Bella gerit latis plusquam civilia campis.
 Sic sese in partes diversaque in agmina ducunt
 Adversisque ruunt celeres in prælia rostris,
 Pectora pectoribus quassant, atque unguibus ungues
 Impediunt, diramque petunt per vulnera mortem.
 Has cineri dant inferias, hæc sacra quotannis
 Perficiunt regique suo de more parentant.
 Hunc nato implorat (sic Dii voluistis) honorem:
 Hoc se Aurora dolens solatur munere tandem.
 Quin etiam sævi servant nunc signa doloris
 Imperio Divûm Phrygiæ sub collibus Idæ
 Flumina Memnonio (mirum) collecta cruore:
 Servatoque die, quo jam Tithonius heros
 Cessit Achillea trajectus cuspide terris,
 Annua sanguineo perfundunt gramina fluctu,
 Halitus it cælo grave olens: ut putrida dicas
 Vulnera adhuc sanie tetrum diffundere odorem.
 Hæc Thetidos referens laudes tum Nympha canebat:
 Hisque recens addit Divûm genus, edita cælo
 Italiæ decora alta: jubar tum denique pulchræ
 Parthenopes canit Elysiûm: ut fovere cubili
 Nascentem Charites, vitalique ubera rore
 Naidæ infanti admorunt: ut rupe sub alta
 Parnassi Aonides puerum docuere sorores:
 Fonte Medusæo perfusum, ut maxima vatem
 Calliope fecit divino fluminis haustu:
 Ut juvenem lauro ornavit Parnasside Phœbus,
 Exceptumque choro suprema in sede locavit.
 Tum vero hæc illi: tu longa in veste sacerdos
 Ætnæos populos divina lege tuendos
 Ante diem accipies, te fertilis ora Symætin
 Præsida jam latè letabitur ipsa, Sicanis
 Terra ferax largo plures dabit ubere fruges:
 Aurea te superum custodem sæcla videbunt
 Sectantem patrum vestigia passibus æquis:

Ornatum roseo felix te Roma galero,
 Augentemque sacros ritus & templa tuentem
 Adspiciet, Latium summo qui cardine rerum
 Magnarum subeas orbem, si verus Apollo est.
 Cetera me prohibet genitor prædicere divum,
 Multaque præterea cecinit doctissima virgo
 Omnia quæ pulsæ referunt ad sidera valles:
 Donec & invito decessit Phæbus Olympo,
 Et magnæ invitis cecidere e montibus umbræ.

GULIELMI MODICII

MONTEFERRATENSIS.



In P. Clodium; & Tyrannos aliquos.

Pelle domo, paariâ, Ciceronem trans mare Clodi:
 Hunc Milo qui revocet lege Tribunus erit.
 Urbe furens mediâ Ciceronem concute Clodi:
 Uitor in Albano te Milo rure manet.
 Te Caro, te Cicero patriæ celebramus amantes:
 Omnis posteritas vos amat atque probat.
 Sunt odio gener, atque focer fera bella gerentes,
 Neuter amat patriam; sed sibi quærit opes.
 Ultiores patriæ, duræque tyrannidis hostes
 Cassius, & Brutus sunt in amore mihi.
 Autoni, Lepide, Octavi; mœstissima Roma
 Vos non tres homines, sed tria monstra tulit.

Mulier tres conjunctissimos lugens.

Undique mi luctus. Sponsum pater, at meus illum
 Filius; hunc rapuit fratris acerba manus.

Puellæ Mediolanensis interitus.

Vultus Anastasiæ geminos exussit amantes :
 Implevit quotum sæpe puella sinus.
 Qui fuit inferior, iussit sperare puellam,
 Si fieret potior, jura, fidemque thori.
 Alter, ut advertit partes in amore fecundas
 Esse suas, fuerat qui potiore loco;
 Invidiæ stimulis, sævisque doloribus actus,
 Oranti veniam traiecit ense latus :
 Et miseræ fuso satiatus sanguine, dixit;
 I nunc, rivali nube puella meo.

*Paulo III. Pont. Max. & Carolo V. Imperat.
in rebelles.*

Accola gens Rheni, furiis agitantibus ausa
 Spernere jura hominum, spernere jura Deum;
 Jam satis illudit, summi nam Præsulis arma
 Hinc properant; illinc Cæsaris arma ruunt.
 Gens scelerata cadet; cum junctis fortibus armis
 Vindictæ hic homines; vindictæ illa Deos.

In Ravennatis picturam.

Livius è cœlo venit, qui pingit ad unguem
 Æthereâ quales vidit in arce Deos.

Ad Joannem Rosam.

Ora quibus tibi cumque modis est solvere visum;
 Te, Rosa, nil hodie doctius astra vident.

Ad eundem.

Unum te colimus cuncti, miramur & unum;
 Maxima Musarum gloria docte Rosa.
 Quidquid enim decoris Latium fert, quidquid Athenæ
 Quidquid natalis Tuscia; solus habes.

Ad eundem.

Si vocet, atque ultro ambrosiam mihi porrigat Hebe;
 Nectaris & Phrygius pocula grata puer:
 Et tùm fortè Rosam sit fas audire canentem:
 Dicere non dubitem: nec revocate Dei.
 Hæc potior mihi vox: hæc dum vox mulceat aures:
 Nun opus ambrosia est: non mihi nectar opus.

In Spinellum, remedia chiragræ docentem.

Vos, quibus est capsis conclusa pecunia; vates
 Unde nihil tenues utilitatis habent;
 Spinellum tandem procures audite poëtam,
 Consilium vobis utile quod det, habet.
 Exercete manus, altis numerando poëtis:
 Solvere chiragram nam labor iste potest.
 Hic tamen argento non est donandus, & auro:
 Obsita qui spinis carmina multa facit.
 Jus est contentum quadrantibus esse minutis;
 Pellat & unde famem: pellat & unde sitim.
 Nec qui solvendæ non dat præcepta podagræ;
 Hunc artis solidæ præmia ferre decer.
 Si labor hic sanat: brevis est numerantibus aurum,
 Plus profunt, quia plus æra laboris habent.

Caloris remedium.

Ante canam mihi bis denis, totidemque diebus
 Post hunc; sint medici, Bacchus; & umbra, domus.

Epitaphium Basilii Zanchii.

Zanchius hoc saxo tegitur; qui laude Maronem
 Æquavit: nusquam voce, vel arte minor.
 Hoc etiam major; quanto sit dicere divos,
 Majus opus, Phrygios quàm cecinisse viros.

Aliud.

Zanchius æquavit qui priscos laude poëtas;
 Conditus a doctis hac requiescit humo.
 Non obiit, claro qui uomine vivit; & hymnos,
 Quos prius hic cecinit, qui canit ante Deos.

De eodem.

Zanchius hic recubat Musis dilectus, & orbi
 Cognitus, heu magnos quàm brevis urna capit!

In eundem.

Cùm docti fufum fit Zanchi nomen in orbem:
 Pulvere tam paucò quis putet ossa regi?

Petri Stroze tumulus.

Elos Italum Petrus situs est hic Strotia, fortes
 Mars rapit; & ferro quos nequit, igne rapit.

In eundem.

Tormento Petre Stroza jaces, an fulmine? pulchrum est
 Non hominum manibus, sed cecidisse Deum.

In nuptias Podionas.

Sì tua Rhene pater curæ tibi Felsina: cujus,
 Eridanum quærens, pinguis culta secas;
 Tolle caput placidum de gurgite: fronte fluentes
 Mitte, premens digitis post tua terga, comas.
 Cerne leves passim lætâ, pater, urbe choreas;
 Omnia dum resonant cantibus, atque sonis.
 Nunc roseo peragit partes Hymenæus amictu:
 Nunc Venus, atque Jocus, nunc & honestus Amor.
 Nam juveni in Podio Populâ de gente puella
 Nupta subit thalamos, jura subitque thori.
 Ede, pater, plausum, ripas stringentibus undis.
 Æquius haud unquam gens tua læta fuit.

Puella Florentina tumulus.

Musarum comes Irene, comes atque Minervæ,
 Hic jacet Itolidum dulce puella decus.
 Ingenium, formam, mores ut vidit, & artes
 Gens Etrusca, ferè credidit esse Deam.
 Hanc, bis ut octavum miserabilis attigit annum,
 Sustulit humanis invida Parca bonis.
 Floribus Irenes decoret, lacrimisque sepulchrum;
 Quisquis amat Musas, Pallada quisquis amat.

In Ciceronis Statuam.

Non putat hunc ipsum Ciceronem vulgus, & inquit:
 Hic est vocis inops; ille disertus erat.
 Jure silet Cicero: ne perdat verba; quòd Urbem
 Oblitam videat verba Latina loqui.

Ad Canes custodes hortorum.

Ite Canes: Augusto mense tuebitur hortos,
 Qui tenet astra Leo, qui tenet astra canis.
 Non fera, non volucris siccos depascitur hortos:
 Non est, quod rapiat furis avara manus.

*In fontem, & hortos Alexandri Grandis ad radices
Pincii montis.*

Ante fores curas, fontem qui visis, & hortos,
 Exue: poscit enim libera corda locus.
 Ebibe, quod libeat, flores ne carpseris ullos:
 Nam satis est oculos pascere, fonte frui.

Aliud de iisdem.

Debetur laus summa Deo. Natura secundam
 Postulat, ars multum denique laudis habet.

Ad Horatium Gualterucium.

Mercibus Eois reditum si civis onusti
 Gratulor; & cordis gaudia fronte gero;
 Cùm redeas mercis pretiosæ dives Horati;
 Cur tibi non multo gratuler ista magis?
 Urbe redis Patavi, referens MaVortis in urbem.
 Exculti raras cordis, & oris opes.
 Interpretes legum, jubeant quid jura, docebis:
 Sanctaque quid statuat curia; quidque forum.
 Civis amans patriæ communia commoda quæres:
 Atque tuâ miseros saepe levabis ope.
 Carus eris patribus: populus tibi latus honores
 Deferet: & plausum plebs tibi lata dabit.
 Idcirco reditum tibi gratulor, artibus istis
 Indorum semper posthabiturus opes.
 Dii tua fortunent bona: dent & utrique parenti
 His tecum longo tempore posse frui.

*In Imaginem Anne Austriæ Hispaniarum
 Reginae.*

Anna decus gentis, fata Cæsare, nupta Philippo,
 Pulchrorum regum quem facis esse patrem:
 Si species animi pingi potuisset ab arte,
 Ut potuit species corporis ista tui;
 Spectarent oculi; cùm sis mirabilis intus,
 Et foris, in toto pulchrius orbe nihil.

De eadem.

Effigiem meritò stupet hanc quicumque ruerit;
 Et simul esse novi credit Apellis opus.
 Forma tamen vivæ longe præstantior Annæ est:
 Qualem cœlestium fama fuisse refert.
 Ast oculos strinxit pictoris forma puellæ
 Inclita; ne posset pingere, qualis erat.

In eandem.

Sit licet effigies pulcherrima; viva puellas
 Forma tamen melior, plus & honoris habet.
 Perstrictis oculis divini luce decoris,
 Pictoris caruit lumine docta manus.

In Antonii Perenoti Cardin. Numismato.

Si species animi, seu corporis, esset in auro:
 Granuelane, foret par tua forma Deis.

Aliud.

Ars animi speciem si fingere posset, ut oris;
 Granuelane, tuâ non foret ulla prior.

Aliud.

Excellit facies; tua, Granuelane, per artem:
 Pulchrior est animi; sed nihil artis eger.

Ludovici Areosti tumulus.

Verbis Hippolytum celebrans, gratum esse probasti
 In Matenatem te, Lodovice, tuum.
 Junior Hippolytus statuens, Arioste, sepulchrum
 Hoc tibi; pro patruo gratus & ipse fuit.

In templum montis Regalis renovatum.

Hanc superis celsam Gulielmus condidit sedem,
 Qui tenuit Siculi sceptrum superba soli.
 Abstulerat faciem rebus spatiosa vetustas,
 Collapsam fuerat jam decus omne loci.
 Restituit, regi titulum Farnesius; aras
 Cœlicolis; templo, quod fuit ante, decus.

Tumu-

Tumulus Cosmi Etruriæ Ducis.

Hic situs est Cosmus gentis Dux Magnus Etruscæ,
 Qui decus Italiæ, gloria, lumen, erat.
 Scilicet hoc major toto rex nullus in orbe
 Consilio, meritis, aut pietate fuit.
 Non obiit, cujus terras diffusa per omnes,
 Inter & Antipodas, fama perennis erit.

FRANCISCI MARTI
 MOLSÆ
 MUTINENSIS.



Ad Casarem.

DUm te Sirenum retinet terra hospita, Cæsar,
 Seberthus riguo qua fluit amne pater,
 Postque graves pelago exhaustos, terraque labores,
 Queis auxit titulos Africa tonsa tuos.
 Hospitio indulges; clypei que oblitus, & hasta,
 Jure tuâ sequeris commoda parta manu.
 Roma tibi auratos componit sedula currus,
 Queis vestus sacrâ conspiciare viâ.
 Captivos addit famulis cum fluctibus amnes;
 Multaque diversis oppida capta locis.
 Tum super his tumidi latè maris extat imago:
 Cærule victrici marmora classe latent.
 Ipse fugam male sisus aquis, levibusque sagittis
 Admisso caprat Arriadenus equo.
 Mox Nomadum gentes, Maurusique agmina cernas,
 Tendere captivas ad tua frena manus.

His

His te muneribus supplex veneratur, & ora
Absentis sperat cernere posse Dei.
Quin de septenis vox est modò collibus ingens
Exaudita, moras increpitare tuas.
Parthenope sat culta tibi est: linque otia, Cæsar;
Ista solet summis ora nocere viris.
Quos tu nunc victos justis ulcisceris armis,
Deliciis eadem fregerat ante suis.
Carpe viam, tibi præca situm jam marmora ponunt:
Et Latii facies jam nova facta fori est:
Æquaque dispositis confurgunt recta columnis:
Arte rudes nullâ quæ incoluistis avi.
Miles inoffenso simul ut pede quisque vagetur,
Sternitur assiduâ glareæ dura manu.
Et disjecta silex aptâ conjungitur arte,
Cunctaque in æquales compita secta vias.
Victor io, bellator io, quid nostra moraris
Gaudia? sunt captis hæc quoque digna tuis.
His mihi Cæsar enim viguit dum nomen in oris,
Nil nisi Romanum sub Jove terra tulit.
Hinc progressa olim divi tela horrida Juli
Terrarum latè perdomuere sola.
Vix bene Romuleis Cæsar confederis arvis,
In cælum cùm te gloria summa feret.
Ex tuto hinc regum poteris contundere vires:
Victori insultet gens modò si qua suo.
Communi pater auspicio Romanus inibit
Fœdera queis geminum scandet ad astra jubar.
Huc ades, en celebres iterant Capitolia plausus:
Sume triumphali lora regenda manu.
His tua jamdudum debetur laurea templis,
Et junctus niveis currus eburnus equis.
Ecce tibi intactâ nivei cervice juvenci
Ad pingues properant procubuisse focos.
Ecce tuos cogit Victoria læta jugales
Ad frena, æternum est quæ tibi facta comes.
Adspice ut hibernis vernet tibi mensibus æstas,
Utque hieme in media floreæt omnis ager.

Obduſum nulli præcingunt æthera nimbi,
 Duſta nec obtuſi eſt luminis ulla dies.
 Scilicet eventus ſunt omnia læta futuri.
 Subſcriptis votis Juppiter ipſe meis.

Ad Alexandrum Farnesium.

Curarum ingenti Paulus dum mole repulſâ
 Se ſolis feſſum colligit uſque locis.
 Et modo in Herculei delatus Tiburis arces,
 Damnata æſtivo deſerit arva cane;
 Aut intempeſtæ ſurgunt quo monte Graviſcæ,
 Sedile argutas ſuſtinet inrer aves.
 Et validus metas ultra, ſortemque ſeneſtæ
 Comuni neſcit conditione premi,
 Tu greſſum comitatus avi, pulcherrime, tecum
 Vota virûm deſers, publica vota virûm:
 Suſpenſamque diu variis terroribus urbem,
 Abſentem dum te cogitat, unus habes.
 Ipſa etiam latos Pallas demigrat in agros,
 Et tecum, poſitâ Gorgone, rura colit.
 Quemque graves per venem mox eſt ductura per artes,
 Muſarum ſanctos gandet inire choros:
 Atque ſub Aoniâ recubantem detinet umbrâ,
 Qua tibi trita olim, culte Tibulle, via eſt.
 Interdum magni lætum in ſecreta Maronis
 Deducit, lateri ſubſequiturque comes.
 Suggestit aut ſolers puri tibi carmina vatis,
 Olim Phœbeâ carmina fuſa lyrâ.
 Scilicet his tenero ſenſim præludit alumno,
 Quem properat caſtris præpoſuiſſe ſuis.
 Illic principiis diſces quibus omnia conſtânt,
 Ortaque quâs coëant, diſſiliantque modis:
 Nocturniſque ſimul naturam intexere chartis,
 Res erit ingenio non operoſa tuo.
 Sed neque Socraticis renues de fontibus hauſtus,
 Quò tua fertilibus ora rigentur aquis.

Hinc

Hinc felix toto demum spatiabere cœlo,
Unde vices rerum tempus in omne fluunt.
Tunc, quæ stelliferos ingens vis torqueat orbes,
Noscere, perque altas ætheris ire vias,
Extremum fuerit munus, retrisque relictis
Altra super fulgens exseruisse caput.
Dum licet, absentem doctæ celebrare sorores,
Urbe illi est Pallas sola futura comes.
Has avus ad metas primis se ezercuit annis:
Et tibi, quos superes, leniit ante gradus.
Qui pendentem a se meritò nunc adspicit orbem:
Et divisa alto cum Jove sceptrâ tenet.
Quàm bene Tarpejum fulstis Numina saxum,
Illâ, qua terris præfuit ipse, die.
Nutabat patrum sententia; nec satis ullus,
Imperio dignus qui videretur, erat.
Acri summarum studio sibi quisque petebat;
Et regni cunctos sollicitabat amor.
Obnixique animo inter se non cedere, sepris
Vix bene se admorant, intulerantque pedem;
Cum Paulli species cunctis augustior hæsit,
Quàm possent oculi, cordaque ferre patrum.
Quæque illi custos oculis afflarat honores,
Composuit motus dia Minerva truces.
Aurea sic illi medio stetit agmine sella,
Atque dedit victas sacra caterva manus.
Sic sæva immites miscent cùm prælia venti,
Seu Zephyrum Boreas, seu premis Eure Notum.
Undarum si forte parens caput extulit antro,
Iræ subsidunt, & freta dira silent.
Ipse levi circumvolitans vasta æquora curru.
Concita subjectis marmora mulcet aquis.
Nil unquam studiis æquè est cuncordibus actum,
Ut cunctos unâ mente fuisse putes.
Et meritò: tantos quis enim componere fluctus
Bellorum victor Marte furente queat?
Quis dextram everso clemens nunc tenderet orbi,
Aut tantis posset invigilare malis?

A tu, magne puer, tertiis suscepte regendis,
 Olim cum cœli templa tenebit avus;
 Ex illo virtutem hauri, verumque laborem:
 Teque illi similem, quâ potes arte, velis:
 Ut tenero agnoscens se in vultu, tempora cernat
 Ipsa iterum per te lapsa redisse sibi.

Ad Benedictum Accoltum.

Me tenet invitum (fieri quod posse negabam)
 Romani genius, mi Benedicte, soli.
 Nam quoties animo spatia interjecta recursant:
 Disjuncti queis nunc cogimur esse procul:
 Non mihi Phæacum dentur si mollia rura,
 Quidquid & Alcinoò parturit almus ager.
 Ulla queant ægrotum animum deducere Tempe;
 Nec sine te regum commoda magna juvant.
 Scilicet illa in me reciderunt fulmina dextra,
 Quæ Vaticano sunt modò torta Jove.
 Cum tibi mille acies, intentaque pectore tela
 Una animi virtus reppulit alma tui.
 Mox contemptor opum, nullo non vulnere pressus
 Fortunæ, Eridani pingua culta petis.
 Æmula quâ magnæ surgit Ferraria Romæ;
 Hospitio tellus facta beata tuo.
 Hæculis hic primum vultu, dextraque potitus
 Naufragi tabulas colligis ipse tui.
 Atque opibus tanti subnixus principis, idem,
 Qui fueras, rebus incipis esse bonis.
 Ambustum Phaëtona olim sic gurgite molli,
 Os sacrum attollens, excipit Eridanus:
 Vulneraque exiccat, lymphis, muscoque virenti,
 Membra prius crebris ictibus usta fovet.
 Conveniunt virides passim antra ad cognita Nymphæ:
 Fidentemque nimis suscipiunt puerum.
 Ille animam revomens, & sacros fulminis ignes,
 Undosam complet sulphure, & igne domum.

Tum

Tum pater Eridanus fatorum arcana resolvens,
 Innixus cubito talia verba dedit;
 Tempus erit; magnus nostra hæc cum littora adibit
 Hospes, fulmineâ tactus & ipse face.
 Qui secum Phœbumque vehat, Phœbique sorores;
 Et doctæ quidquid Pallados ora sonant.
 O ego tunc quantis assurgam fluctibus ingens,
 Arduus ut cœlo cornua summa feram!
 Creta Jovem iaster, Latonæ pignora Delos;
 Accoltus longum littora nostra colat.
 Hætenus Eridanus, faciles quæ dicta puellæ
 Certatim dentis plausibus excipiunt.
 Ipse pater leni compescens murmure fluctus,
 Cæcula pacatis marmora findit aquis.
 Fortunata, tuos jam tum præsensit honores,
 Flammatum ablueret cum Phæäonta Padus.
 At mihi jucundæ perstent si tempora vitæ,
 Abstineantque avidas invida fata manus:
 Qualis apis, verni species cùm temporis egit
 Trans pontum, celeri frigore pulsa fugâ,
 Crura thymo redolens, florum per summa vagatur,
 Compleat ut dulces, cerea texta, favos.
 Talis ego Aoniis Musarum operatus in antris,
 Intexam chartis te Benedicte meis.
 Quod si me tenebris suprema obduxerit hora,
 Et mutos cineres flebilis urna teget.
 Laudibus ipse tuis felix, ævoque fruare;
 Et Pylîi superes flamina lenta senis.
 Nostraque præteriens magnus dic busta sacerdos:
 Huic misero farum sors mea dira fuit.

Ad Beatricem Hispanam.

Quid fles abscissi toties dispendia crinis,
 Qui tibi mox circum largiûs ora fluat?
 Ista iterum fusos argentea colla cap illos
 Accipient; reduces, nec mora longa, dabit.

Interea nitidos fletu corrumpere ocellos
 Define, & aureolis, lux mea, parce genis,
 Non deerunt laquei, miseros queis perdere amantes
 Possis, & vinctos in tua jura trahas.
 Tam male non tibi sic es fortasse Beatrix,
 Crinibus ut tantum posse placere putes?
 Semper erit, nostris cur sis prælata puellis:
 Mille tibi causæ, mille decenter erunt.
 Ipse aderam, exuvias capitis cum stringeret ægræ
 Dira manus, ferro demeteretque comam.
 Aurea cæsarie: terram spargebat, & ille,
 Qui poterat Phœbi colla decere, nitor.
 Dicebam mecum: tali se Juppiter imbre
 Optatum Danaës contulit in gremium.
 Tum cordis subiit, fulvo quod vertice captum
 Sævus Amor densis crinibus implicuit.
 Accessi quæsitum amens, si forte rediret,
 Arctius at miserum detinere oculi.
 Cum tibi non desint tot retia culta Beatrix,
 Invidiam superis parce movere Deis.
 Et mecum abreptos potius tu collige crines:
 Vernabant capiti qui modò, pulchra, tuo.
 Et venerare Deum, medicæ qui præsidet arti,
 Castaque cum multâ carmina funde prece:
 Primitiasque offer capitis, dabit ille fluentes,
 Illudant quæ humeris, involitentque comas.
 Tunc levi inveniens molles in fronte capillos,
 Vix cupies tantis non caruisse malis.
 Ergo iterum Phœbo sparges radiantia fila,
 Aptæ novum Solis vincere fila jubar.
 Atque iterum accensis flavescent crinibus æquor,
 Et capiti rapræ restituentur opes.
 Sic viduata stupet frondator vimina silvis,
 Tam citò florentes explicuisse comas.
 Sufficiunt sic prata novos in ferta colores:
 Vidimus hybernâ quæ violata nive.
 O tibi tum quales vario de flore corollæ
 Ornabunt postes, Phœbe superbe, tuos!

Ipse ego votivam mactabo rite juvencam,
 Et spargam violâ vericolore solum.
 Atque addam inscriptam tali mox carmine laurum,
 Obtendat templi quæ tibi sacra fores:
 Formosæ optatos crines quod Phœbe puellæ
 Restituis, laurum hanc dedicat illa tibi.
 Nos viridem interea juvet exercere juventam,
 Non intellecto dum fugit hora pede.

In Paulum III. Pont. Max.

Adspice dum rapidis sæpit fervoribus æquor;
 Ut medio fregit se calor ipse die.
 Ut molles spirant Zephyris felicibus auræ,
 Dulcius & solito murmurat omne nemus:
 Utque sui oblitus, flammis quæ exusserat ante,
 Jam reficit pulsâ Serrius arva siti.
 Ipse pater dempto tandem luctamine Tivris
 Labitur, & placidâ se trahit amnis aquâ:
 Et quâ vix ulli poterant procedere remi,
 Transvolitat nullo remige nixa ratis.
 Quin mihi, quæ toto Musas Helicone cienti
 Vix poterant justis verba coïre modis;
 In versum coniecta fluunt, subitoque calore,
 Non accersito cuncta nitore cadunt.
 Scilicet ipsa parens rerumque & provida fari,
 Venturæ pacis omina certa dedit.
 Dii Latias tutantur opes, & præside Paulo
 Despicit hostiles Italia terra minas.
 Non ille æstivumque canem, non torrida Cancrî
 Sidera, non longas eximuitque vias.
 Dura nec infirmæ properant dum fata senectæ,
 Invitum longâ detinuere mora.
 Sed tandem diris confectum ut cladibus orbem
 Sublevet, & certâ fœdera jungat ope,
 Non piget ignotis vitam traducere terris,
 Aut trabe piscosum sollicitare frerum.

Dant cædes, dant bella locum, positoque flagello
Bellona invisæ commoda Pacis amat.
Et quocumque caput canis venerabile præfert,
Candida pone subit, subsequiturque Quies.
Nempe erat hoc, totâ nuper quod Juppiter urbe
Intonuit lævum, certaue signa dedit,
Et Capitolinæ jaculatus fuimine sedes,
Devovit telis bella cruenta suis.
Divinam agnovit vocem monitusque Deorum,
Mente homines Paulus quâ super unus abit.
Moxque Deo plenus, cunctis retinentibus, urbis
Sustinuit lacrimas posse videre suæ.
Visendi studio concurrunt undique gentes;
Exoptat reditus & sibi quisque bonos.
Utque alios servet, nullis non fluctibus illum
Objectare sacrum flentque, timentque caput.
Quodque senex obeat tantum telluris, honorum
Decernunt omnes huic meritò titulos.
Lætus Alexander, magnæ spes altera Romæ,
Ad latus it tanto conspiciendus avo.
Et cunctos inter sidus juvenile refulget;
Qualis ab æquoreis Lucifer ardet aquis.
Contudit ista truces animos clementia regum.
Et tardat promptas ad fera bella manus.
Hinc tantum venerata virum gens effera quæque
Admitti ad sacros orat, avetque pedes.
Hinc prono exposcit pacem diademate Gallus:
Hinc ferrum in sævos vertis Ibere Scythas.
Vos, quibus est odium vallum gestare, sudemque,
Et galeâ nitidam sumere fontis aquam.
Longinquis voti compos dum Paulus ab oris
Optatos vultus, oraquæ sacra refert;
Dicere jam reduci meritas accingite laudes;
Nomen & absentis concelebrasse juvet.
Perque vias turis passim incendantur honores,
Et velent sanctos floridaserta focos:
Exhilarantque dapes, & vina liquentia mensas,
Nec renuat festâ quisque madere die:

Inque orbem cyathos referens, non lente minister,
Fac pariter Paullum densa corona sonet.

Huc ades afflictis spes ô fidissima rebus.

Uno quo fulta est publica causa duce:

Vindice quo firmis tandem radicibus hærens,

Libertas magno parta labore viget.

Quàm bene, te invitâ nuper cùm mitteret urbe,

Arces respexit Juppiter ipse suas.

Jungite jam tauros pueri, atque incumbite aratris:

Lætaque mollito credite farra solo.

Jucundamque simul palis adjungite vitem,

Unde etiam nato serior umbra cadat.

Occupet hostiles vicino milite campos

Squalor, & abducto vomere cesser humus.

Et quem Turca ferox nobis injecerat, illi

Nunc regerant tristem classica pulsa metum.

Illi ferratos duris incudibus enles

Procûdat rrsiti sedulus arte faber.

At nobis placeatque bidens, vomisque probetur,

Et pastoralis fistula facta modo.

Tum circum innumerâ florescant oppida pube:

Insanus ferri quæ viduarat amor.

Dii modò felices annos, & candida Paulo

Dispensent largâ flamina ducta colo:

Ut toto demum felix Oriente subacto,

Quæ facit ipse aliis, ora longa terat.

Ad Benadictum Accoltum.

Ecquid (sepositis dum te juvat optime curis

Hadriacis vitam ducere littoribus.

Et Venetos spectas patres, ausamque superbis

Stare urbem æternum fluctibus arte notas)

Impositas septem suspiras collibus arces,

Et quæ te ereptum moenia celsa gemunt?

Illis vel potius doctas componis Athenas;

Quæ quondam toto jura dedere mari?

Romanæ aut relegens prisca exemplaria linguæ,
Cum magno confers jam Cicerone pedem?
Quidquid agas Accolte, simul mens nostra vagatur,
Observatque tuos subsequiturque pedes.
Et quo tu veheris, vehitur fidissima lembo,
Nec tecum liquidas pernegat ire vias.
Ipse mihi videor nunc te tua fata loquentem
Audire, & casus nunc quoque flere tuos.
Et meminisse, olim quàm forti pectore diros
Fulminis affarus, contuderisque minas.
Territus utque Marî divino est Cimber ab ore,
Sic Quæsitorem te extimuisse tuum.
Nunc pendere iterum videor scribentis ab ore,
Et bibulâ dulces imbibere aure modos.
Quos circum excitati ludant delphines in orbem,
Et Phorci assulter curva per antra chorus.
Anne ego, subdctis vitæ rationibus, amens
Accolti potero non meminisse mei?
Cujus opem expertus toties melioribus annis,
Fortunæ potui temnere tela meæ.
Ah potius peream. tali quàm crimine turpis
Arguar, & firmâ non puter esse fide.
Te nostræ referent vivaci carmine Musæ:
Ni mi sæva nimis fata fuisse velint.
Tertia nam misero jampridem ducitur æstas,
Ex quo me morbi vis fera corripuit.
Quam lætæ nequeunt, succisve potentibus herbæ
Pellere, nec magico saga ministerio.
Vestæ nec ipsa Indis nuper felicibus arbor.
Una tot humanis usibus apta, juvat.
Decolor ille meus toto jam corpore sanguis
Aruit, & solitus deserit ora nitor.
Quæ si forte modis spectes pallentia miris,
Esse alium, quam me, tu Benedicte, putes.
Quid referam, somni ductas sine munere noctes,
Fugerit utque omnis lumina nostra sopor?
Et toties haustum frustra Cereale papaver,
Misceri & medicâ quidquid ab arte solet?

Sævit atrox morbi rabies, tenerisque medullis
Hæret, & exhaustis ossibus ossa vorat.
Haud aliâ Alciden confectum clade superbum,
Oetæo memorant proeubuisse jugo.
Illi Nessæo vestis conspersa veneno
Hæsit dira humeris, intepuitque sinu.
Forte Jovi patrias votum sacrarat ad aras,
Extaque jam flammis impositurus erat.
Abdita cùm tabes miseros depascitur artus;
Et premit indomitus fortia membra dolor.
Qualis ad Apidanum choreis exercita Mænas
Errat, & in molli gramine fessa cadit.
Oechaliæ talis domitor, Jovis inclita proles,
Concidit, & tristes dat sine mente sonos.
Nunc ferus exoritur, sævo nunc frena dolori
Laxat, & ipsa jecur vis generosa petit.
Ah quoties nullo cernens se robore fultum,
Atque lacertorum disperiisse toros.
Ingemit; eque imo vellens suspiria corde
Sæpius hæc secum tristia verba refert.
Hæ ne manus raptumque altè, vinclisque petitem,
Tartareum quondam perdomuere canem?
Et toties leto sternendam viribus anguem
Frangere Lernæam non timuere suis?
Brachia Centauros nostra hæc pressere furentes,
Pocula cùm fervens vertit in arma Pholus.
Quæ si forte humeris, heu, nunc spectentur ab istis:
Fulta olim nisu quis putet astra meo?
Scilicet una Oenei vecors me me edita partu
Perdit, & indignâ persida peste necat.
Quique steti Nemees monstrum contra, atque Erymanthi
Pacavi trucibus vix loca tuta feris.
Femineâ absumptus fraude, atque immanibus ausis,
Uror & ipsa atro viscera felle madent.
Talia commemorans, tantisque doloribus impar,
Pallenti tristes ore ciet gemitus.
Consilium donec migro capit Hercule dignum,
Stirpe satum quo mox se probet æthereâ.

Ipse pyram properans Oetei in vertice montis
 Excitat & mœstâ fronde coronat humum.
 Impositusque rogo rapido se destinat igni,
 Et tandem cœli, quæ tulit astra petit.
 Subdidit aversus flammâs Præantius heros;
 Præmia cui fortis tela fuere Dei.
 Non tamen est moriens Joles oblitus amorum:
 Tantum infixâ animo cura Deusque valent.

*Ad Henricum Britannie Regem uxoris repudiata
 nomine.*

Scilicet hoc titulis deerat, Rex maxime, nostris,
 Conjugio pactam non tenuisse fidem.
 Et, quæ non sancti vinxerunt fœdera lecti,
 Pellicis indigno posthabuisse toro.
 Dii bene, longinquis tantum quod sævus in oris
 Aggrederis dirâ conditione nefas.
 Hæc semota orbi vasto tibi regna recessu,
 Cinctaque dant animos fluctibus arva truces.
 Est aliquid, fateor, ventos audire furentes,
 Et quæ perpetuè murmura pontus habet.
 Larga tui quocunque olim se audacia jactet,
 Ingenio similis diceris esse loci.
 Non sic Penelopen Ithacâ digressus Ulysses
 Abrupto potuit linguere conjugio.
 Illum non sævæ mutarunt pocula Circes,
 Tristitia nec longæ tempora militiæ.
 Sed Divûm acceptus mensis, & divite lecto,
 Prætulit his vulcus, Penelopea, tuos.
 Cumque olim posset cœlestia templa tenere;
 Maluit optato conjugis ore frui.
 Affixam saxi patriam sic maximus heros
 (Parva lapis quamvis nil nisi nudus erat.)
 Præruerat cœlo; longis erroribus actus,
 Ut posset casto membra levare toro.
 At mihi nescio quæ titulis non æqua maritis,
 Subducit lecti dulcia vincla mei:

Possidet & stupro dotalia regna nefanco,
Et gerit in gremio commoda nostra suo.
Tu tamen hanc falso prætexens nomine culpam,
Jam famæ narras consuluisse tuæ.
Et fratris mihi sæpe torum, tædasque priores
Obiicis, & vani nomina conjugii.
Cui quondam primis fueram desponsa Hymenæis,
Concordi heu nimium nupta futura domo.
Invidere meis contraria numina votis:
Numina ad humanas semper avara preces.
Nam ruit ad tædas properans dum læta juvenus,
Araque Cōrycio fulget odora croco.
Illibata tibi linquens sua gaudia, manes
Ante diem indigno funere mersus adit.
Sic fratri frater, sic tædis impia flamma,
Sicque toro obrepfit igne micante rogos.
Crede mihi, vanas frustra te vertis ad artes,
Si speras tantum posse latere scelus.
Arbiter ipse orbis Clemens, quo sospite terris
Pax viget, & sancto reddita jura foro.
Criminis admonitus tanti, crudelia dixit
Vota foves nostro terra aliena solo.
Priscorum & volvens veneranda volumina patrum
Subscripsit causæ Maximus ille meæ.
Perge pater, sanctique pius defende pudoris
Vincula, non ulli dissolūenda viro.
Ipse Deūm genitorque, & rerum summa potestas,
Cujus finitimum crederis esse caput.
Hoc ipsum ut strueret, tædas celebrasse jugales
Dicitur, & piæ accubuisse toris;
Pocula cūm pingui mutans Acheloïa musto,
Cessit ab humanâ conditione procul.
Scilicet has leges, æternaque fœdera sanxit,
Antiquara meo ut conjuge nulla forent?
Et quæ compositis laudaverit ipse libellis,
Improbet inconstans, dissimilisque sui?
Illuvies Germana tume, neu cede furori,
Cui, per quem periit, surgere posse licet.

At non ipsa fori discrimina sæva recuso :
Judicis innocuus non timet ora pudor.
Non ego sortitus vereor , non ferrea jura ;
Te Quæsitorem mi licet urna ferat.
Sed tibi nullus adest æquus , te iudice , iudex ,
Et præjudicio concidis ipse tuo.
Posterior causâ sic me jam sæpe priorem
Arguis ; atque artes , deficiuntque doli .
Ipsæ etiam , quæ te circumstant , perfide gentes ,
Et populi , latâ quos ditione premis ,
Libera si detur tantum nunc copia fandi ;
Te memorant sacram conscclerasse fidem .
Atque odiis forsan consurgant undique iustis ,
Hisque tuis animis præmia digna ferant .
Diraque devotum poscant ad prælia regem .
Aut celeres properent in tua fata manus .
At tu quam præfers , sævo male saucius arcu ,
Dum censēs animo cuncta licere tuo ?
Nempe illam , nostros quæ comere sueta capillos ,
Sæpius abreptâ vulnera sensit acu .
Quæ nobis toties liquidis vestigia lymphis
Permulsit , durâ nec satis apta manu .
Credita cui fuerat lecti custodia nostri ,
Cum te non puduit dicier esse meum .
Forſitan hic referas veteres Briseidos ignes ,
Et Telamoniadæ corda subacta ducis .
Thessalus ast formâ Briseidos arsit Achilles ,
Et Tecmeſſa toro principe digna fuit .
Altera divini numeris insignis Homeri ,
Nota Sophocleis altera carminibus .
Nunc te quæ moveat facies , quæ gloria morum ,
Dispeream , si tu dicere sæve potes .
Sæpe tamen cur sim tibi idonea visa , requiro ,
Quàm duris perſtes ludificasse modis .
Dumque memor repeto priscorum nomina avorum ,
Vix capiunt magnos atria longa duces .
Cæsare nil majus dederant pia Numina terris :
Huic tamen è nostro est sanguine ductus honos .
Quid

Quid tibi nunc magnis referam me regibus ortam?
Aut jactem antiquæ nomina clara domus?
Una mihi mater titulos Isabella, genusque
Una parit; ceras implet & una graves.
Quæ quondam calathos, telasque exosa Minervæ,
Martia femineâ sustulit arma manu.
Moxque suâ fractos sensit sub cuspide reges,
Cæsaque captivos terga dedisse viroa.
Exuviis hinc aucta novis, hinc aucta triumphis,
Addidit imperio sceptrâ superba suo,
Enectæ donec cæli super ardua virtus
Condidit in victo parta sepulchra solo.
Testis Anas, Sicorisque, vago quâ prænatat alveo
Terra potens: fulvi testis & unda Tagi.
I nunc, atque tuos nostris componere reges
Aude: compositis femina major erit.
Imparibus ne forte ferox te in fœdera vinclis
Deceptum quondam nostra venire putes.
Ire per æternos placuit mihi Martis honores;
Sim licet ipsa uno Cæsare fulta satis.
Qui tamen es tu, quem nostri sic pœnitet oris,
Congressu ut perstes abstinuisse meo?
Reginam thalamis qui sic excludis? & ipsa
Connubii exagitas jura, fidemque premis?
Tecum ego florentes potero sic turpiter annos
Exegisse, doli nec meminisse tui?
Aut ego te in castum polluto corpore florem
Invasisse viri nomine sustineam.
Pellicis ut vano tandem correptus amore
Exultes spoliis, impie, virgineis?
Ipsaque cæruleis sim fabula nota Britannis,
Et vivo vivens sic ferar orba viro.
O mihi terra satis quænam nunc ima dehiscat:
Quodque petat summâ hoc fulmen ab arce caput?
Debueram natæ jugulo demissa cruoris
Flumina luminibus supposuisse tuis.
Et patriis artus sparsos apponere mensis,
Obiicere & sævis viscera nostra lupis.

Sed,

Sed, quæ nulla tibi est, pietas crudelibus ausis
Obstitit, & sævum dextra refugit opus.
Vestra decent tales animorum pectora motus:
Conveniens nostra est mitior ira solo.
Hæc potius vivat, plenis & nubilis annis
Matris ad exemplum nubere cauta neget.
Nata vides patriis genitor te pellere regnis
Nititur: unde gravis sit tibi iniusta nota.
Et matrem fraudare toro, justisque Hymenæis,
Heu, nimium turpi victus amore, parat.
Si tamen hic positis mitescat litibus olim,
Sævaque det rapidis vota ferenda Notis.
Sola tibi, & tantis servatis sedibus heres
Suscipias tenerâ sceptrâ regenda manu.
Tu faciles sine lite toros, sine lite Hymenæos,
Perpetuo summum carmine posce Jovem.
Maternumque animo repetens persæpe dolorem,
In nostro discas cuncta timere malo.
Tisiphone crinem brevibus redimita colubris
Intulit ardentem in mea damna faces.
Obscœnum & carmen diro ingeminans ululatu,
Tristia connubiis omina fudit avis.
Ipsa sacros ignes devovit pronuba Juno:
Et mihi fœdifraga est zona soluta manu.
Vestra tamen Superi si numina læsa reposcunt
Errorum pœnas, supplicibusque favent;
Hæc loca vi quondam Cæsar populatus, & igni,
Sæva jugum doceat æquora vestra pati.
Quodque olim potuere Dei tela horrida Juli,
Dum furit, & medio fulminat ille mari.
Ceruleo ostendat frustra vos fidere ponto,
Lataque nequicquam fluctibus arva regi.
Cæsaris ista horrent etiam nunc littora nomen;
Quo duce, ni fallor, bis potuere capi.
Ille sibi objectas ausus transcendere moles
Intentata prius per vada fecit iter.
Et male defensas in prædam fervidus arces
Vertit, & obstantes milite fregit opes.

Sic ventos sprevit virtus Romana furentes,
 Et gressum ignotis intulit æquoribus.
 At precibus si quis superest locus, & tua possunt
 Inflexi blandis pectora dura sonis.
 Dejectas hinc natam oculos, hinc aspice matrem,
 Nec pigeat tantis ingemuisse malis.
 Æternum sic læta viris, sic læta puellis,
 Tellus subiecto floreat ista mari.
 Et mala cuncta ferant per terras irrita venti,
 Deprompsit læso quæ mihi corde dolor.
 Quod si sola tuo videor non digna cubili,
 Et tristi perstas vivere dissidio.
 Nec te jura movent, precibus nec flecteris ullis,
 Nec furiis obstat filia parva tuis.
 Me duce læta tuæ mittantur nuntia genti:
 Henricum titulum mortis habere meæ.
 Sedibus utque tuus genitor gestire sub imis
 Possit, deque tuis surgere nominibus.
 Audiat uxoris spoliis, & cæde superbum,
 Pellicis indigno colla dedisse jugo.
 Vos verò ultrices mecum properate sorores,
 Et miserum diris pellite imaginibus.
 Ut neque jam dulci declinet lumina somno,
 Nec valeat sanæ mentis habere modum.
 Sed flammis cinctæ, quoquo vestigia vertet,
 Illuc Tartareâ lumina ferte face.

Ad sodalem, in morbo mortifero.

Ultima jam properant, video, mea fata, Sodales;
 Meque ævi metas jam tetigisse monent.
 Si foret hic certis morbus sanabilis herbis,
 Sensissem medicæ jam miser artis opem.
 Si lacrimis, vestrum quis me non luxit? & ultrò
 Languentem tories non miseratus abit?
 Obstruxere aures nostris contraria votis
 Numina, & hæc ventos irrita ferre jubent.

Vos mihi, quos olim colui, dum fata sinebant,
Ultima jam cineri dona parate meo.
Vobiscum labor hic fuerit, quando his procul eris,
Ignara heu nostri funeris, uxor abest.
Uxor abest, nostrique diu studiosa videndi
Pro reditu patriis dona vover Laribus.
Hæc potuit præiens, nato comitata, feretrum
Floribus, & multâ composuisse rosâ.
Et nivei lactis fontes libasse, merique,
Conjugis ut manes spargere mœsta queat.
At, qui me extremâ compellet voce sodalem,
Et claudat tenerâ lumina nostra manu,
Et fugientem animam supremâ exceperit horâ;
Hæc vos communi pro pietate rogo.
Non operosa peto titulos mihi marmora ponant,
Nostra sed accipiat fictilis ossa cadus:
Exceptret gremio quæ mox placidissima tellus,
Immites possint ne nocuisse feræ.
Rivulus hæc circum disiectus obambulet, unda
Clivoso qualis tramite ducta sonat.
Exiguis stet cæsa notis super ossa sepulta,
Nomen & his servet parva tabella meum:
Hic jacet ante annos crudeli tabe peremptus
Molsa, ter injecto pulvere, pastor abi.
Forsthan in putrem longo post tempore glebam
Vertar, & hæc flores induet urna novos.
Populus aut potius abruptis artubus alba
Formosâ exurgam conspicienda comâ.
Quidquid ero, vestra hæc pariter descendet in imam
Tellurem pietas, Elysiumque nemus.
Quod mihi si tumulto vobis curantibus arbor
Ingruat, & virides explicet alta comas:
Quæ circum nitidis, æstus dum sævit, obumbret
Frondebis, & scissam tegmine opacet humum;
Jam mihi pyramides, regum monimenta, valete,
Et quidquid miri barbara Memphis habet.
Scilicet huc, divi pecoris comitata magistro,
Conveniet festo pulchra puella die,

Quæ molles duxer choreas, & veste recincta
 Ad certos norit membra movere modos.
 Quin erit illa dies, tragus cum capter opacum
 Hic aliquis flavo cum Corydone Mycon:
 Et cantare pares, & respondere parati,
 Alternis certent vincere carminibus.
 Quorum aliquis forsan crudeli funere raptum
 Me gemat, & lacrimis polluat ora piis.
 Ac misero instauret funus, sternatque sepulchrum
 Floribus, & nomen tollat ad ultra meum.
 Et dulci referat Musarum ut captus amore
 Sustinui patriæ linquere tecta puer.
 Mollibus utque olim vitam dum degimus hortis,
 Regales porui deseruisse domos:
 Utque sub umbrosæ quercus, platanique virentis
 Maluerim densâ delituisse comâ
 Quàm Tyriâ pictum chlamyde, auroque intertextum
 Captatis vulgi plausibus urbe vehi.
 Tum faciles memoret mores, & puriter acta
 Percurrat vitæ temporâ quæque meæ.
 Non ego I....volvens monimenta, nefandis
 G....populos ritibus implicui.
 Non mea mortiferos parxit tibi dexterâ fuceos
 Hippolyte, Ausonii flenda ruina soli
 Auspicio externas cujus tandem Italia tellus
 Abjectas Medicâ cuspide sensit opes.
 Te rigidi stupere Getæ, Rhenusque bicornis,
 Et tremuit famulis frigidus Ister aquis.
 Miles ab Eoo veniens cum littore Nili
 Ingemuit latebras tam procul esse tibi.
 Ultorem nobis talem tete affore, pensa
 Ferrea quæ ducunt, præmonuere Deæ.
 Sed tantum terris, quis te ostensura putasset
 Numina, tamque brevi tot peritura bona?
 Italia res tecum periit, tecum Italia virtus,
 O nimis immiti stamina rupta manu!
 Cuncta ego quæ Latii dulces vulgare per oras
 Dum propero, & laudes dicere, Magne, tuas;

Ante diem Elysios cogor cognoscere campos,
 Implet odoratum quâ pia turba nemus.
 Illic ne incertâ ludar regione viarum,
 Occurras vati nobilis umbra tuo.
 Et myrto cinctum caput, aut Daphneide fronde,
 In tibi vicino me velit esse loco.
 Interea dulces cœtus valeatis amici,
 Jam vocat in nigros mors tenebrosa lacus.
 Increpitatque moras Lethææ portitor undæ,
 Et remi auditus per loca secta fragor.
 Dii tamen in melius vertant hæc omina, si quem
 Humanis precibus non pudet esse locum.

In discessu Turcarum ex Italiâ.

Excessere truces Italo de littore Turcæ,
 Versaque præcipiti terga dedere fugæ.
 Qui modò trajecto numero â classe profundo,
 Vastabant fines, Appula terra, tuos.
 Quo terrore omnis trepidavit ab Alpibus usque
 Ad Superum, infernumque Ausonis ora mare.
 Tuque elate jugis pater Apennine nivosis
 Nutasti, & trepido territus amne Padus.
 Sed vani cecidere metus: audacia cessit
 Hostibus, & sævas deposuere minas.
 Nam simul Austriades invicto milite Cæsar
 Explicuit, vires opposuitque suas.
 Selectasque acies Italorum, & robur Iberum,
 Et trepidis numen rebus, opemque tulit,
 Excessere truces Italo de littore Turcæ,
 Versaque præcipiti terga dedere fugæ.
 Qui modò Romanamque urbem delere parabant,
 Barbaraque in Latio ponere castra solo.
 Non expectatâ petierunt æquora pugnâ,
 Versaque præcipiti terga dedere fugæ.
 Utque olim vasti calcator Persa profundi
 Amisâ trepidum classe relegit iter.

Haud Secus ex Italo cedentes littore Turcæ,
 Perculsi fœdo vilia corda metu.
 Vela Noto, remos undis, cœpta irrita ventis,
 Versaque præcipiti terga dedere fugæ.

Ad Herculem Ducem Ferraria IV.

Otia Musarum sacris, & Apolline digna
 Quærebam curis liber, & urbe procul.
 Et nunc quâ gelidis immurmurat aura viretis
 Errabam tacito per loca sola pede.
 Nunc nemorum exceptus dorso, & viridantibus umbris,
 Pergebam Aonios lassus inire choros.
 Hinc magnum Alciden victuris condere chartis
 Mens erat, & summi facta referre Ducis.
 Scilicet ut puero Phœbi chorus adstitit œmnis,
 Ad cunas primos dum ciet ore modos.
 Eulserunt nitidis circum pleetra aurea gemmis,
 Et dulces cantus Calliopea dedit.
 Divinum ambrosiæ Charites sparsere liquorem,
 Quo languor teneris artubus omnis abit.
 Ecce tibi Superos inter lis orta repente est,
 Munera quis puero nobiliora ferat.
 Ipsa oculis Cytherea novum mellita decorem
 Afflat, & insolitum spargit in ora decus.
 Mars pater immensum robur venientibus annis
 Spondet, & invictas ad fera bella manus.
 Regna Deum genitor, rapido quæ interfecat amne
 Hinc Padus, & tumidis alluit auctus aquis,
 Hinc sale Thyrrheno clauduntur plurima, at illinc
 Hadriacis latè fluctibus ista sonant.
 In medio Eridiani surgit Ferraria ad undas,
 Aureaque invictum tollit ad astra caput.
 Qualis septa ardet baccâ Gangetide gemma,
 Atque puellares nectit honore comas:
 Talis culta inter vicinas enitet urbes
 Clara hominum ingeniis, semideumque domus.

Quamvis nulla queat, non ipse excindere ferro
Juppiter, adversum si ferat arma, Deus.
Quin & avis atavisque potens, & sanguine Ibero
Mista D.ûm soboles, id mihi carmen erat.
Externique iterum thalami, queis Regia conjux
Gaudet, & Herculeum suscitât alma genus.
At mihi livor edax Musarum sacra ferenti
Obstitit, & cœptum linquere jussit opus.
Ignotas subitò Nymphæ petiere latebras
Et flentem Phœbus deferit ipse pater.
Nil nemora aut saltus miserum juvere, latentem
Invenit, effuso cuncta labore cadunt.
Quid referam obscœnos vultus, quid sanguine fœdo
Suffectos visus, quos meminisse piget?
Canities inculta genas, color obsidet ora
Buxeus, auratâ pallidior statuâ.
Hoc ego nocte satas monstrum exhorrere sorores
Crediderim, & siquid tristis Orcus alit.
Tu mihi seu fessis Italum succurrere rebus,
Seu perstas regnis consuluisse tuis.
Ausoniæ columen quo nunc Ferraria gaudet
Principe, & irati vix timet arma Jovis:
Huic monstro occurras pernix, & vindice dextrâ
Fac Strygios repetat, te feriente, lacus.
Herculeâ latere diu sic optime fronde
Æternum, terror hostibus unde cadat,
Sicque tibi placido delapsus in æquora cursu
Eridanus famulis littora pulset aquis.
Abstineat nostras olim si invadere fines
Pestis, & hæc telis concidat ista tuis;
Non mihi te potior fuerit Jove natus ab ipso
Alcides, cœli fulserit astra licet.
Straverit aut dirum Nemeæ sub rupe leonem,
Traxerit & Strygium cæca per antra canem.
Sævius his quando monstrum est, quo jactor, opemque
Numinis implorô terque quaterque tui.

Ad Venerem.

Alma Venus, frondosa colis seu littora Cypri,
Seu petis Idalii florida culta soli.
Si te sique tuum colui, mea Numina, natum.
Deque meo vobis carmine venit honor:
Adsis, & teneræ senium defende puellæ,
Et quæ damna feret senior hora veta.
Venit ad extremi (heu facimus) jam tempora veris
Hæc mihi non vano nomine dicta Dryas.
Tu domine, tu Diva precor, per si qua salutis
Est tibi cura meæ; protinus affer opem.
Scis Dea, cum libeat Divos exurere, ut hujus
Accendas nitidis lampadas ex oculis.
Sentiat illa prius raptæ dispendia formæ,
Cui riget in gelido pectore dura silex.
Cedere quæ nescit lacrimis, precibusque moveri,
Ingenti pretio cui placet emta Venus;
Huic macies niveos deformet turpiter artus,
Occupet & roseas ruga, sitisque genas.
At mea perpetuo lætetur vere puella,
Quam tantum pietas quam benefacta juvant.
Illa quidem vatum observat pia numina Musas,
Et cupit ut de se fama loquatur anus.
Muneribusque sacros novit præferre Poëtas,
Poscit amatorem nec gravis ære suum.
Ergo fluant molles humeris volitentque capilli,
Stillet & Assyrio myrtea rore coma.
Nulla queat nitidam labes corrumpere frontem,
Neve mihi tantis sit superesse malis.
Neu videam obscuras oculos inducere nubes,
Neu sparsa indignis candida colla notis.
Quid precor ah demens? venti temeraria jactans
Vota; Venus nostras negligit ipsa preces.
Jam cedit niveo tam grata è corpore forma,
Jam jam puniceus deferit ora color.

*De Arce Capitolinâ, tactâ de cælo, ad Paulum III.
Pont. Max.*

Nuper Tarpejas repetitis ictibus arces;
Impulit ardenti quod pater ipse manu;
Quodque idem mediâ nimborum in nocte refulsit
Stellarum cinctus, conspicuusque choro;
Et tibi quod flagrans pinus mole excidit altrâ,
Hæc quoque nocturnis ignibus usta Jovis:
Paule, tibi optatam portendunt Numina pacem,
Adventum magnæ testificata Deæ.
Sume animos: pacata fecas pater æquora: malo
Nil opus est, tutâ nat tibi puppis aquâ.

Ad Dianam.

Delia, quam sicco properans canit ore viator,
Et minuit longæ tædia mille viæ,
Dum patrias repetit sedes formosus Alexis,
Adspires placido numine Diva precor.
Neve illi molles urantur sole capilli,
Detrahat aut solitum pulvis & ipse decus;
Ambrosiæ exudes tenui pro rore liquorem,
Quo matutinum te duce carpat iter.

Ad Solem.

Sol pater, æthereâ cujus sub lampade foetus
Concipit, & varias terra ministrat opes.
In virides cernis quæ jam procumbere ramos
Poma diu, & curvo stipite nixa geri.
Pulcher Alexis abest patriis dum longiùs oris,
Illi pendebunt sepibus ista suis.
Tu face ne nimio tandem violentus ab æstu,
Neu rapido ad terram frigore lapsa cadant.

Ad Cerevem.

Hæc tibi, magna Ceres, Daphnis jam messe peracta
 Affixit foribus spicea dona tuis.
 Tu, Deâ, fac illi jacto de semine rursus
 Falcem hebetent valida gramina secta manu.

De Virgilio.

Hos Musis in festa Maro fragrantia flores
 Dedicat, & dulcis pocula bina meri.
 Quas olim faciles, primis expertus ab annis,
 Hybla tuum vatem vicit, & Aspera tuum,
 Nunc magni redit exuvias indutus Homeri:
 Vos triplici heroi cingite fronde comam.
 Este Deæ memores vestris ut maximus olim
 Consiliis Grajas fregerit unus opes.

De Farnesio.

Cæsaris excitus lacrimis Farnesius heros
 Cùm modò mutatis invehetur equis;
 Atque illam afferret speciem, qui maximus orbâ
 Præsidet, & terras numine replet avus;
 Obstupuit gemino percussus nomine Iberus
 Et secum hos rauco mox dedit ore sonos:
 Parce, minus Cæsar tua nos si incommoda tangunt;
 Queis tam præsentis cernimus ora Dei.

De Hippolyto Medice Card.

Hippolytum Medicâ cernis qui gente viator,
 Et juvenem ignotâ veste nitere vides.
 Cur ostro tectus non sit, si forte requiris,
 Accipe, & hæc placidâ perlege mente precor.
 Danubii ad ripas his quondam cultibus acrem
 Summovit Turcam finibus Ausoniis:

Ulti-

Ultima Baëtra olim vireſque Orientis & Indum
 In noſtrum veheres cum Solimane caput.
 Jure igitur ſumptis colitur dux maximus armis,
 Quorum præſidio libera turba ſumus.
 Ipſum aliàs decuere ſacræ redimicula mitræ,
 Et preſſit flavas infula pura comas.
 Hic diverſa novos diſpenſant tempora cultus:
 Tu modò Victorem ter veneratus abi.

De Cruce Domini.

Hoc quondam everſum ligno Pater optimus orbem
 Suſtulit, humanum reſtituitque genus:
 Ut conſperſa Dei ſacro Crux alma cruore
 Vel magnis poſſit regibus eſſe decus.
 Sidera fulſit apex, radice in Tartara fertur;
 Hoc latus Eoos, hoc fovet Heſperios.
 Quiſquis es, hanc tecum mortales tolle per undas:
 Inſcia naufragii ligna trabemque vides.

De Clemente VII. Pont. Max.

Sidera dum reperit Clemens, terrifque relictis
 In ſibi jam parta collocat arce pedem,
 Subducunt cœlum nubes, & nocte coorta
 Proluvies fœdis imbribus arva premit.
 Cæruleus tumido Tiberis caput abdidit alveo,
 Et formidatis flumina laxat aquis.
 Scilicet & fluvios dolor attigit; ipſaque funus
 Certatim ducunt mœſta elementa novum.

Ad Phœbum.

Hunc tibi, Phœbe pater lunata fronte juvenum,
 Tibris quâ undoso largiùs amne fluit.
 Alcimedon paſtata altè poſt terga ſecuri
 Maſtat, & in ſacros porricit exta focos.
 Tu ſi ſævitum ſatis eſt, & cædis abundè
 Pœnarum exſolvit ſi tibi Roma ſatis.

Illuviem hanc expelle, inimicaque tela retunde,
 Et melius Turcas mitte perire feros.
 Qui cinxisse Rhodon perstant nunc fortibus annis
 Dilectam, & cives perdere classe tuos.

De Lycoride.

Alcidæ magni spoliis dum lætus opimis
 Substrata in molli pelle quiescit Amor.
 Languenti puero fessos sopor occupat artus;
 Et molles differt aura benigna comas.
 Quem temerè inventum spoliis dum forte Lycoris
 Exuit, & rapta lampade culta niter:
 Sæva dolos frustra indomito componis Amori:
 Dixit, & inspectâ saxeus obriguit.

De Avalo.

Eridani in ripis Avalus tibi, Juppiter, altæ
 In quercu hostiles dum sacrat exuvias.
 Quaque ferox vicit: regum ter magne Feretri,
 Suspendit valida dona revulsa manu.
 Tu pater ipse tuas spoliis nunc suscipe silvas;
 Nil tibi non victrix jam dabit ista manus.

Ad Deliam.

Argutum inclusi juxto tibi, Delia, gryllum,
 Cujus sæpe mihi munere parta quies.
 Nam mihi nec somnum veniens cum duceret Auster,
 Argento vel quæ purior unda gemit;
 Hic veterem instaurans proprius de more querelam
 Plus venti, & lymphæ murmure plus potuit.
 Mox etiam majora feres, cum messe peracta
 Capreolus nostri pignus amoris erit.

De Cardinali Farnesio .

Farnesi rapidæ domino venante lacænæ
 Commorant celeres per juga summa feras .
 Fortè superveniens juveni cùm Delia , dextra
 Impubi obstupuit , obstupuitque gena .
 Et me quàm Latmi (dixit) nunc panitet alti !
 Hoc poteram melius Endymione capi .

De Colotii fonte .

Quàm bene confurgit virgo in tua testâ , Colori ?
 Non alio poterat tutior esse loco .
 Jam sua numen habet Nympha : & te præside , Virgo
 Incipit Aoniis vatibus esse liquor .

Ad Carolum V. Imper. de Vulpîi Cosmographia .

Victor Alexander sumptis dum fulminat armis ,
 Angusto gemuit se nimis orbe premi .
 Hoc tu quàm melius ! cujus jam scepra veretur
 Hic radii quidquid Vulpîus ambit ope .

De Hippolyto Medici Cardin. ad Phæbum .

Hippolyto Diçtynna feras , Erycina lepores ,
 Vertice nata artes , dat Jovis uxor opes .
 Dat superùm pater ipse togam , dat belliger enssem ,
 Quo petat in nostros qui feret arma Deos .
 Mœnia quo Turcam cingentem Norica flammis
 Aversum turpi cogat abire fuga .
 Certatim juveni Diî dant sua dona : salutem
 Nemo sed affecto , tu nisi Phœbe , dabit .
 Quin melius vivo vitam des Phœbe perennem ,
 Quàm tuus extincto filius ante dedit .
 Ille suæ placuit soli solo ore novercæ ,
 Hic virture placet regibus ac populis .

Hoc facias Rhodani atque Tagi rogat accola & Istri,
 Cujus hic hostili sanguine tinxit aquas.
 Hoc Roma, hoc Clemens, cui seu petis ardua, seu tu
 Prona premis; toto par nihil orbe vides.

De Venere marmorea Romæ.

Candenti expressam saxo, somnoque jacentem,
 Quà fluitat querulo garrula lympha pede.
 Ut primum agnovit sese Venus aurea; tales
 Subridens roseo protulit ore sonos.
 Ipsa ego sum fateor duris his cautibus orta:
 Nil mihi jam tecum est, æquoris unda; vale.

De eadem.

Spiranti ductam spectans se marmore Cypris,
 Dispergit rorem quà levis unda sacrum.
 Cui nudos, dixit, detexi corporis artus,
 Aut cui tantum de me artificii licuit?
 Haud alio accubitu visens Amathunta Paphonque,
 Crediderim herbofo ponere membra solo.
 Lumina quæ veritus prudens effingere cœlo est,
 Æterni occuluit clausa soporis ope.

De rostris navalibus in apum alvearia versis.

Ferrea rostra olim pressis erepta carinis,
 Quæ Nili fractas testificantur opes.
 Ecce apibus parcis pandas præpandimus aulas:
 Congesto redolent (quis putet?) æra thymo.
 Cæsaris hæc ingens laus est, quo vindice pacis
 Jucundos fructus arma inimica ferunt.

Ad Jo: Nerettum, & Tryphonem Bentium.

Annus septimus appetit, sodales,
 Ex quo munere Tertius Deorum,

Terrarum sola Maximus gubernat :
 Quo rege ingenuas videtis artes
 Antiquam reparasse dignitatem,
 Et cunctas solito decore niti.
 Multam nos igitur decet salutem
 Curis dicere, sensibus receptæ
 Si quæ nos stimulant proterviores.
 Tum luce omnibus hac bonis cupitâ,
 Par est perpetuam madere noctem
 Vinoque, illecebrisque diffuentes.
 Nererti, propera, novemque Musis
 Indicas subito solutiores
 Lusus, quos numeris Tibullianis,
 Peligno aut magis condiant lepore.
 Tu rorantia largius ministres
 Benti pocula, providusque siccæ,
 Quò mox fervidior tumente venâ
 Scindas lacteolis superbientem
 Mammis jam nimium diu puellam,
 Subnixam male viribus genuque.
 Forſan me Semeles puer juvabit,
 Et fractos miseri fovebit artus.
 Quodd tandem ut struerem libens relevi
 Omnes (quod potui) meri lagenas.

Ad Cosmum Ducem Florentie.

Quodd miles modò Marte tuus pugnavit iniquo ;
 Turpi terga fugæ nec tamen ille dedit.
 Sors illud, Virtus dedit hoc, quæ invicta tuorum,
 Maxime per te animis usque & ubique nitet.
 Sic Lacedæmonii, sic pugnare Quirites ;
 Scilicet alta tui sic patris arma monent.

Ad Pasquinum, in Martem conversum.

Tunc cùm sola tibi Mavors Cytherea placebat ;
 Solus eras tanto dignus amore Deæ.

Non

Non erat in cœlo formosior ulla Dione,
 Nec tibi par Superûm viribus ullus erat.
 At nunc Roma tui manibus fundata Quirini
 Mille parit Martes, mille parit Vencres.

In venustam Puellam.

Quæ miseros olim sævis torquebat amantes
 Ignibus, & patriis Graja puella dolis.
 Hic molles choreas, tenerosque reponit amores,
 Legibus intactæ vivere certa Deæ.
 Sic quondam Phrygiæ victrix in vallibus Idæ,
 Nunc Romæ vero iudice victa Venus.

Ad lacus, ut placidos se principi suo præbeant.

Egelidi salвете lacus, muscoque virete,
 Vestraque sit puris dulcior unda favis.
 Ac veluti insignit multo vos nomine princeps
 Vester, ab Eois notus ad Hesperios.
 Vos illi tumidos fluctus lenite vicissim.
 Et blanda errantes pervolet aura rates.
 Et facite in vestris si fors piscabitur undis,
 In jacta ut multus retia piscis eat.

Ad Paulum III. Pont. Max.

Annua jam fuerant Tertî solennia & ignes
 Urbs septem extulerat collibus alta suis.
 Intonat ecce tibi lævâ cùm Juppiter arce,
 Et cœlum flammis occupat æthereis.
 Cedite mortales divinis ignibus ignes,
 Et cessent gemitus æra ciere graves.
 Ipse Deus Paulli summos testatur honores,
 Emicat, & festos curat obitque dies.

In eundem.

Accipe decoctas niveis tibi solibus uvas,
 Farcta puellari bina canistra manu,
 Servatasque tuos paulatim confice in usus,
 Ora ferens dum nos tristitia visit hyems.
 Massæque memor, venientem dicito in annum,
 Impleat hæc pingues vitis amœna lacus.
 Sic tibi languenti decedat corpore pallor
 Buxeus, & saluum jam mea dona petant.

Epitaphium Lascaris.

Lascaris hic situs est Janus, quo sospite Grajùm
 Res olim fractæ non potuere capi.
 Hic etenim in Latium dilectas Palladi Athenas
 Detulit, & gemino mox dedit ore loqui.
 Sæpe etiam Regumque animos, populosque feroces
 Cecropio flexit tum sale, tum numeris.
 Annosi donec confectum viribus ævi,
 Exitio obrepens curva senecta dedit.
 Felicem ante omnes, folio qui pulsus avito,
 Tam procul hic patriâ contegeretur humo.

*Jovis cum Neptuno expostulatio, pro periclitante
 Cæsaris classe.*

Cæsaris infausto depressam fidere classẽ
 Viderat e summâ providus arce pater.
 Cùm fratrem increpitans mœstis sic vocibus inquit,
 Subdita quem ponti cærula regna tremunt.
 Quid Superùm magnis solus conatibus obstas,
 Et perstas sanctum tollere velle caput?
 I tandem, & tellus quas non detrectat habenas,
 Indomitus quamvis, tu quoque disce pati.

Ad Cæsarem in mari periclitantem.

Intactis Libycis nuper quod videris undis
 Ipse tuas vento disperuisse rates.
 Ne demitte animos: his, Cæsar, naufragus oris
 Erravit fato Troïus ante pater.
 Imperiumque orbis Lavina ad littora vexit,
 Romano ut caderes Aphrica pressa jugo.
 Sic tecum hæc istâ quæ nunc luctatur arenâ,
 Fessa dabit victas, fors licet atra, manus.

*De Veneris, relicta Cypro sedem Venetiis
deligente.*

Eductam cælo mediis è fluctibus urbem
 Dum spectat, conchâ Cypria vesta suâ.
 Condita in æternum flectens ad mœnia cursum
 Illo quo flammæ ore ministrat, ait.
 Sum patriam mentita satis: vos littora Cypri
 Culta olim & nostris apta valete jocis.
 Dixit: & infrenes medio in sermone jugales
 Abjungens, Venetis se Dea mersit aquis.


In Pompeii sepulchrum.

Dux, Phariâ quamvis jaceas inhumatus arenâ,
 Non ideo fati est sævior ira tui.
 Indignum fuerat tellus tibi victa sepulchrum:
 Non decuit cælo te nisi, Magne, tegi.





JO: RINALDI MONTORII



In Ottonem Truchses Cardinalem Augustanum.

DUcis ab Imperio genus alto sanguine natus,
 At majus Virtus præbuit Imperium.
 Tu splendor patriæ, custos fidissimus urbis
 Augustæ, unde etiam nobile nomen habes.
 Et te patronum ostentat Germania firmum;
 Præfectum jactant te quoque Vindelici.
 Sublimes servas Prænests Episcopus arces,
 Quas est molitus Cæculus igne satus.
 Coccineumque tuum miratur Roma galerum,
 Quam benè, quam meritò tempora çana tegat.
 Gloria tu Latii: legarum plurima Mundi
 Pars novit: terræ, notaque fama polo.
 Unum deest, quo sis ex omni parte beatus,
 Te colat ut sanctum quælibet ora Patrem.





FRANCISCI MORANDI


SIRENÆ.



De Francisco Duodo Venetæ classis Præf.

Duodus ob innumeros nequicquam territus hostes,
 Primus in adversos arma animosque parat.
 Primus ab arce ratis vastæ nova fulmina torquens,
 Barbarico tingi sanguine vidit aquas.
 Primus membra feræ gentis disiecit in auras,
 Membra, avidum Protei mox alitura pecus.
 Primus cæde, metu, flammis, fremitu omnia complet,
 Quo socia est majus robur adepta manus.
 Primus ut ancipiti in pugna superavimus, egit.
 Quid? Duodi nunc stat res Venetæ omnis ope.
 Cur igitur non prima ambit præconia? mavult
 Factis, quam fictis laudibus esse prior.





JOANNIS MOTIÆ NEAPOLITANI.



Ad Petrum Bonihominis de Aversa.

Lætæ dies externa fuit, memorandaque semper,
Qua mihi perspicuum licuit te cernere coram;
Sed nox læta magis, qua dextram jungere dextræ
Fas fuit, & tecum dulci sermone foveri,
Me, quem cœna tibi dederat jocunda sodalem;
Nec tibi ficta loquor, nec blanda, vir optime; verum
Vera loquor; non ipse prius tua lumina vidi,
Nec prius ore tuo vox excidit ulla benigno,
Quàm citius surrexit amor compagine prompta
Dulcis amicitiae, nobiscum fœdera jungens.
Tu licet indignum non asperneris amicum,
Petre, precor, tibi namque licet: dignissima virtus
Non jungat me, jungit amor, qui jungere magnis
Exiguos plerumque solet; vis maxima cujus
Cuncta regit. Sed forte modum transcendendo loquendi.
Fortassis jam tempus adest, ut epistola finem
Sumat, & ore tenus tecum quid fando reservem:
Petre vale, memorisque tui, memor esto Joannis.



JO: THOMÆ MUSCONII

SONCINATIS.



Ad Hermetem Stampam II. Marcbonem.

HAnc tibi in Amineo decoxit palmite fervens
 Julius; unde trahit nominis uva decus.
 Nulla fere vitem commendat gratia; tantum,
 Quod nitet æstivo tempore prima, placet.
 Fræta tuos solo candoris honore penates
 Intrat, & indicium est pectoris illa mei.
 Candidus huic uvæ color est; mnes candida danti;
 Candoremque tuum talia dona decent.

Ad Baptistam Messivorum.

Cum felix Fortuna tibi det cuncta diebus
 Saturnalitiis, quid dabit æris inops?
 Nam neque de sterili quidquam grege venit, & omnes
 Excussit loculos Principis ipsa manus.
 Sed ne forte vaces xeniis, & more vetusto
 Non possis hilari fronte agitare jocos.
 Marcentes uvas capies, & munera cortis
 Parvula; quæ medio sunt mihi nata foro:
 His accedet amor, vatis cum carmine rides
 Jam scio: tu nobis his meliora dato.

Ad M. Hieronymum Vidam.

Ecquid erunt tanti divini carmina vatis,
 Desueta ut tentem plectra movere manu?

Nam simul ac Divûm monitu patrimonionia liqui,
 Et mea sunt sacro colla subacta jugo;
 Nil mihi cum Phœbo, nil cum Permesside lymphâ,
 Nec lauro placuit componuisse comas:
 Nunc quid agam oppressus verbis, & pondere rerum?
 Mene tui sperem versibus esse parem?
 Protinus ut fiant leviora gravissima quæ sunt
 Carmina, sitque minor copia, culta minus.
 Hoc tamen ingenium, gravitasque, leposque pusillum
 Exuperent; tantum hoc pectore noctis inest.
 Si forte exspectas, tradam tibi chalcea tamquam
 Tidides; tu dans chrysea Glaucus eris,

Ad Hieronymum Treccburn.

Æra mihi non sunt; & debeo plurima Trecccho.
 Quid faciam, ingrati ne puter esse animi?
 Sarcinulas vendam? nihil est: brevis auctio fiat
 Ruris? erit nobis hæc quoque summa levis.
 Addicam libros, & quæ mihi fidus Apollo
 Dictavit quondam carmina: sed quis emet?
 Quid faciam? certum est ingratum nolle videri:
 Me dedam & certo fœdere nexus ero.
 Scilicet æternam firmo ut devinctus amore,
 Hic animus Domino serviat usque meo.

Ad eundem.

Numquid agis? debere nihil dum fingis amicum;
 Arctius, & nexu me graviore premis.
 Inductoque meo dum nomine tendis haberi
 Magnificus, quæstus tu facis inde novos.
 Heu ramen usuram perdes cum sorte benignus
 Creditor: ad Janum res mea fracta perit.
 Stringis obærato cur vincla tenacius? & quis
 Si pergas meritis addere, finis erit?
 Tandem impone modum, tibi solvere forte paratus,
 Ne fugiat nimii debitor æris Amor.

Pro Jo: Mario Marone, ad Amicum.

Si Maro sum, capies bona carmina, namque Maroni
Egregios versus scribere Musa dedit.
Sum Maro, nec versus tamen accipis ipse disertos;
Quæ ratio est igitur? sum Maro, nec Maro sum.

Ad Jacobum Covum.

Emisti cancos: ego coxi: sunt utriusque.
Mitto dimidium; dimidium teneo.

Ad gentem Italiam.

Hos jacet Italiæ virtus dispersa per agros,
Frigida quos Rheni fluminis unda lavat:
Quæ nec aquâ periit, nec ferro, aut concidit igne;
Sed confecta gelu torpuit atque fame.
Marta turba, jaces infelix hic ubi victor
Romanus posuit magna trophæa parens.
Quæ tot barbaricis spoliis onerata triumphos
Duxisti, ærias nunc alis, heu, volucres.
Quin & tempus erit, curvo molitus aratro
Germanus terram cum ruet ossa tua.
Quæ superes manus, Italiam tueare, tuoque
Victrix ossa virum barbara conde solo.

Ad Jo: Jacobum Covum.

Carmina cum perames, semper tibi carmina mittam;
Credere ut hinc possis, me meminisse tui.

De Cæsaris in Galliam adventu.

Offenso est ausus Cæsar se credere Gallo:
Fallere quam poterat, præstitit ille fidem.
Sit licet exemplum magnæ virtutis utrumque;
At servasse fidem, plus, mihi crede, fuit.

De eisdem.

Perdere quem voluit Cæsar, se credidit hosti;
 Servavit pactam sed tamen ille fidem.

Si qua fides regum tangit præcordia; certè
 Nulla fides major quàm tua Cæsar erit.

Rursus, si qua fides tangit præcordia regum;
 Nulla fides major quàm tua Galle fuit.

De captivitate Francisci Regis.

Lustra duo illustant si Julii Cæsaris arma,
 Quæ Gallos Latio supposuere jugo:

Quo debet Cæsar laudari Carolus ore,
 Cui tota est uno Gallia capta die?

Ad Carolum V.

Matthiæ lux festa, tibi, fortissime, lucis
 Imperiique fuit, Carole, principium.

Hæc capto te rege facit, regnique coronâ
 Clarum: plus hominum cui dedit ulla dies?

Ad Hermetem Stampam.

Si pretiosa forent nobis, tibi dona darentur:

Cortice nunc capias mala imitata nûces,

Quæ si fronte hilari capies, tibi plurima mittam:

At si displiceant, tu meliora dabo.

De Venetorum Urbe.

Urbs Venetum, quis te posuit? posuere potentes

Cœlicolæ: nomen quis dedit? alma Venus.

Cur dedit alma Venus nomen? quia nata profundis

Illa Cytheriacis edita fertur aquis.

Quis tibi thesauros tot contulit? optima Juno:

Imperium pelagi quis dedit? ipsa Theris.

Quid

Quid mirum, si tot, si tantis rebus abundes,
Urbs Venetum? magni te posuere Dei.

Ad Jo: Baptistam Pallavicinum.

Naturæ fuit egregium certamen, & Artis;
Clarus ut orator, Pallavicine, fores.
Utraque multa tibi, sed plus Natura leporis
Contulit; unde novo membra decore moves.
Verba fluunt, instar rapidi torrentis, ab ore;
Quæ pariter dulci voce manuque regis.
Adfiscis inde animos tantâ dulcedine, risum
Ut moveas populo cum libet & lacrimas?
Quis neget & silvas & saxa secuta moventem
Orphea Threiciæ plestræ canora lyræ?
Creditur Amphion Thebas fide clarus, Apollo
Pergama vocali constituisse lyrâ.
Quid mirum? cum tu vocis modulamine volvas
Vulgus, & ad Superos saxea corda trahas?
Quæ multis partita fuit, tibi contulit uni
Natura: Ars omni, quâ potis, ornat ope.

Ad Joannem Musonium.

Quod mecum cupis esse, meosque subire penates,
Quodque tibi ut pateat janua nostra petis.
Quid tibi vis? Helicon doctis communis habetur
Vatibus, & sacra Phocidos umbra patet.
Non Aganippeo deterret ab amne poetas
Delius, & Cyrrham non vetat ire Deus.
Tu tibi ne pateant non limina nostra vereris,
Idem Musarum quem mihi junxit amor?
Si sumus unanimes, studioque tenemur eodem,
Cur eadem non sit quantulacumque domus?
Si pater est Phœbus, si mater Pallas utrique;
Frater es, an nescis? hospitiumque vocas?
Fide, tibi de me promittens omnia; fratris
Candidaque æternum pectora frater ama.

Ad Antonium Mariam Augustum.

Qualis in obscurâ pergit dum nocte viator,
 Et vagus à recto tramite flectit iter;
 Hæret, & interdum relegens vestigia, quærit
 Incertæ pateant quâ loca tuta viæ.
 Dum dubitat, casu adveniens succurrit amicus,
 Ducit & ad patrii dux face testâ laris.
 Talis ego, amissâ Libethride devius undâ,
 Horrida per silvas tesqua secutus eram.
 Errantem sed tu cùm primum cernis amicum,
 Sumis Apollineas ex Helicone faces.
 Aonas in montes, meque in mea castra reducis;
 Ut redit optato servus amatus hero.
 Non igitur tantum debet tibi Phæbus & omnis
 Phocis, & Aonii quæque puella chori.
 Quantum ego, amice; tuo sospes qui munere, ferre
 Dicor honoratâ laurea signa manu.
 Quid reddam tibi? non opis est perolvere nostræ:
 Sed sum mancipio tempus in omne tuus.

Tristani N. Epitaphium.

Tristano peperere mihi cunabula nomen,
 Tristitiæ nomen, triste quod omen erat.
 Ut numquam variusve labor, curæve tenaces
 Defuerint, lethi tristis ad usque diem.
 Tres habui fratres; tria funera tristia vidi,
 Cum quibus in patrem tela cruenta tuli.
 Tristanus vixi tristis: mox tristis. ab ipsis
 Pœna mihi superest tristior exequiis.

Epitaph. Cæsaris Barbovis.

Cæsareâ Barbos Cæsar virtute per hostes
 Dum ruit, & forti prælia miscet equo.
 Concidit, & tutos cùm posset habere receptus;
 Maluit egregiè, quàm dare terga, mori.

Ergo avidum pugnae properant dum perdere, vitam
 Invida perpetuam fata dedere viro.
 Inclita nam spatium virtus si prorogat ævi,
 Vita potest nulli longior ulla dari.

Bartholom. Mayssi epitaph.

Hac jacet, heu miseræ Mayssus cura parentis,
 Ante diem raptus Bartholomæus, humo.
 Flexisset duras vario modulamine linguæ,
 Suavisonoque canens dulcius ore, Deas.
 Invida sed blandam eripuit Proserpina vocem,
 Ut fieret campis canter in Elysiis.

Epitaphium Galbani.

Galbanus minimo jacet hoc Lisana sepulchro,
 Grandia cui numquam rura facere satis.
 Conducebat enim, fecundos sordidus agros,
 Ex inopumque fame quærere avebat opes.
 Sustulit hunc inter congesti farris acervos
 Tisiphone, en ulnas tres premit ille soli.

Franci Treini epitaph.

Litibus implicitus miseræ data tempora vitæ
 Egisti, extremum tempus adusque diem.
 Nunc quia nec morte est tua lis finita, licebit
 Sub Minoe tuum Rege citare reum.

Epitaph. Theodosii Bobbii.

Indolis egregiæ puer hac Theodosius urnâ
 Clauditur, heu, mæsti cura dolorque patris.
 Limina vix vitæ attigerat, jam laudis honestæ
 Spem dederat; pulchro tantus in ore decor.
 Mors rapit in tenebris, genitricis ab ubere; savas
 Ne posset Parcas forma movere die.

Epitaph. Stephani Azanelli.

Pharmaca amara ægris solitus componere, & undas
 Ex herbis follers elicere igne novas;
 Conditur hac Stephanus morbo consumptus in urnâ;
 Olface, ut ipse Arabo fragret odore lapis.
 Scilicet in terris varios quia semper odores
 Miscuit, hos tumulo nunc quoque tectus olet.

Francisci Chizole tumulus.

Qui coquere es solitus panem, Francisce, popello;
 Nunc tibi cærulea est Styx superanda rate.
 At nullam quare meministi ferre placentam
 Mellitam, crudo munera grata seni?
 Quid facies? parcat vector, tamen ossa relictæ est,
 Qua canis obstrueres guttura tartarei.
 Spes tamen una tibi, video: Proserpina Diti
 Illic pistorem quod volet esse, suo.

Prosperi Columnæ epitaph.

Armorum decus, & Latii nova gloria Martis,
 Callidus in multos ducere bella dies.
 Prosper humo hac regitur; quem non manus hostica pu-
 In medio belli machina nulla tulit. [gnæ,
 Paulatim morbo in plumis consumptus inertis,
 Quem medicæ Phœbus nesciit auctor opis.
 Non gemitus moriens, non edidit ore querelas;
 Sed doluit, quod non contigit ense mori.

Benedicti Fodrii epitaph.

Certamen fuit egregium Benedictus Olympo;
 Contendunt Superi dum dare summa viro.
 Juppiter insignes equitis largitur honores,
 Clarorumque novas principum amicitias.

Divi-

Divitias Juno, formam Venus, impiger artes
 Mercurius, sophiam Pallas, Apollo dies.
 Invidit Lachesis Divûm pia munera, rupit
 Candida felici stamina ducta colo.
 Cerratur cœli sedeat quâ parte: supremum
 Quem tenuit terris occupat ille locum.

Tumulus Valentine Stange.

Dum medicâ adfectat formosior arte videri,
 Membraque odorato sæpe liquore foveat;
 Et formam liquidis & vitam amisit in undis;
 Naufragium viden' ut fecerit illa novum?
 Sic Veneri Idaliæ formæ dum certat honore,
 Est famula infernæ lurida facta Deæ.

Christophori pueri tumulus.

Ah miserande puer quis te fœdavit? iniqui
 Cognati causam dic rogo? propter opes.
 Fecerat heredes pater hos male cautus, adissem
 Tartareas dulci si sine prole domos.
 Hi, me auri studio, cæcæque cupidine ducti,
 Dum surgo tamquam surculus, ense necant.

Homoboni Offredi tumulus.

Venerat ad ripas fato modò functus Averni
 Offredus, Stygio constitit atque lacu.
 Obvius Hippocrates, patriisque Epidaurius herbis
 Nobilis, & gemino corpore Phillirides;
 Quorum ope nigra diu vivens spoliaverat umbris
 Regna senex, morbos depuleratque graves.
 Dis torvum hunc spectans; quid tu hoc, ait, orbe petisti?
 Hæc loca num solitâ vi populare paras?

Alexandri Bonetti tumulus.

Hoc jacet egregia tumulo puer indole, ruri
 Dum nat Alexander, vortice raptus aquæ.

Spem dederat patri summæ trieteride plenâ
 Virtutis, fuerat tantus in ore decor.
 Invidit Lachesis; puerumque nitentibus undis,
 Merfit, & Alcidæ Nympha remisit Hylam.

Epitaph. Petri Mannæ.

Sarcophago Petrus hoc quamvis nunc Manna tegatur,
 Non obiit; Superos verius ille adiit.
 Nam licet in terris morbos certâ arte fugaret,
 Sciret & herbarum nomina, vimque senex;
 Æthereas tamen ille vias cognorat, & ortus,
 Sidereos animo viderat atque obitus;
 Naturæ latebras invenit & abdita rerum:
 Nota igitur jam tum sidera jure tenet.

Galeatii Zuchi epitaph.

Hic situs est viridi raptus Galeatius ævo
 Zuchus, honor patriæ, fama decusque domus.
 Huic manus hostilis tenebroſæ munere noctis,
 Ferro animam juveni dum rapit, astra dedit.
 Flere nefas mortem, vitæ quæ cauſſa beatæ est;
 Sed nihil, hoc lethum qui gemis, ipſe gemas.

Tumulus Nicolai Corii.

Quid fles? non obiit Corius, licet ossa sub isto
 Marmore sint: armis gloria parta viget.

Tumulus Caspari Parmensis.

Certamen fuit egregium; Lucretia mater,
 Filius & tristi Caspar in interitu.
 Ille mori pro matre cupit: rogat illa sorores
 Ne liceat: vicit mater & occubit.
 Filius amplectens genitricis corpus, amaro
 Cum gemitu riguit, hæc habet urna duos.

Epitaph. Marcionis Aterni.

Hispanæ spes certa manus; fidissima dextra
 Cæsaris, Armorum gloria, Martis amor:

Auspice quo captum deplorat Gallia Regem,
 Deslet & Insubrum tristior ora Ducem;
 Hoc jacet Aterni Princeps sub marmore: nemo
 Cur gemit? Aufonii nominis hostis erat.

Locarini tumulus.

Quid clamas Locarine? vetat mea creditor urna
 Ossa regi, donec debita persolvam.
 Addicas illi tua prædia; non satis: uxor
 Spondeat, at dotis nomine & ipsa petit.
 Quid facies? vivens elusi debitor omnes:
 Nunc magis eludam mobilis umbra manus.

Pater, Maximiano Cipello, loquitur.

Quid fles, nate mihi sublata virentibus annis
 Maximiane? puer quid gemis in tumulo?
 Nil de morte queror: mors me revocavit ab imo
 Exilio exurum corporis, ad Superos.
 Sed quia te oppressum morbo tristisque senectâ,
 Præsidio cogor destituisse meo.
 Hoc quoque mitte queri: quæ vita ingrata parenti est,
 Non est longa: brevi te sequar ipsa mora.

Christ. Malagnini tumulus.

Piscator fueras, lampetris terror acerbus,
 Piscibus atque aliis hic Molagnine jaces.
 Morte tuâ gaudent anguillæ & thynnus, & qui
 Vicino capitur gratus in amne lupus.
 Cocytus metuit, postquam Malagnine notavit
 Tendere te Stygio retia rara lacu.

Epitaph. Francisci Brambillaschi.

Hac tegeris, Francisce, Faber lignarius urnâ,
 Huic Brambilla domus quem genuit patriæ.
 Orbibus hîc olim cingebas vasa rotundis
 Impiget, & celeri dolia multa manu.
 Atropos invidit: filum secat. Orcus adegit
 Fracta Charontæ ligna dolare ratis.

Tumulus Jo: Angeli Coradelli.

Hoc tumulo, Coradelle, jaces? an sidera cœlo
 Adscitus, frustra jam premis astra pede?
 Jam premo: non debet terrenâ sede gravari
 Angelus, ætherei sed colere arva poli.
 Ergo cur tumulum lacrimis perfundit inanem
 Brixia? non videt hoc, dum nimis illa gemit.

Lucretia Montelle tumulus.

Æmula Romanæ Lucretia casta puellæ,
 Moribus, & patriæ nobilitate domus.
 Clauditur hac, si terra tamen tegit ulla pudorem,
 Et blandas Charites, conjugii que fidem.
 Noluit huic Lucina manum florente juventâ
 Porrigere, ut superis posset adesse choris.


Jo: Bapt. Musconii F. Tumulus. Dialogismus.

Quis mihi te rapuit misero, Baptista, Deorum
 Tam celeri fratrem morte secute tuum?
 Decepi, pater, invitus tua vota: senectæ
 Debita sed fato fors erat ista tuæ.
 Ergo nihil prodest pietas? nulli expedit ergo
 Esse probum? nostræ est hic pietatis honos?
 Quid? tu rere tibi Divos nocuisse, supremum
 Pro terris cœlum si tribuere mihi?

De Victoriâ Columnâ ux. March. Piscar.

Non vivam sine te, mi Brute. exterrita dixit
 Porcia, & ardentes sorbuit ore faces.
 Te, Davale, extincto, dixit Victoria, vivam,
 Perpetuò mœstos sic dolitura dies.
 Utraque Romana est: sed in hoc Victoria victrix:
 Perpetuò hæc luctus sustinet; illa semel.





JO: AURELII MUTII

MANTUANI.



In D. Joannis Baptiste laudem.

NAscere, quid cessas dudum? cunctisque petitem
 Votis redde diem veniens, age Lucifer, alium:
 Dignum quo possit Superum favor omnis in unum
 Congessisse virum quodcumque est ulla potis vis,
 Quoque olim non te pigeat, vatium optime, nasci.
 Quem cœlo ex alto Superum Rex tempore, quo se,
 Venturus tandem populorum orbisque saluti,
 Jam jam hominis faciem, & mortales induere artus
 Certus erat, terris quondam præmisit habendum:
 Dum nos interea solennes dicere laudes
 Aggredimur, vatisque pii celebramus honores.
 Ille quidem in silvis, perque avia lustra ferarum,
 Propter aquam, & vario depictas gramine ripas,
 Pulcher ubi, fluvioque ingens Jordanis amœno,
 Collibus è curvis per pingua culta volutus,
 Exercet cursu latices, simul & secat arva,
 Florem ævi totum primis exegit ab annis,
 Divinis animum curis & pectora plenus,
 Magna Deo, populoque docens instantia fata.
 Non illum Veneres, non illum pocula Bacchi,
 Non epulæ flexêre ullæ, non purpura dives,
 Verum undas hausitque manu, & quas plurima ubique
 Fundit humus, teneras decerpit graminis herbas
 Horridus, hirsutoque humeros contectus amictu.

Illuc, ut perhibent, diversæ atque agmine lato
Certatim coeunt gentes atque inde reversæ,
Haud dubia ex dubiis referunt oracula rebus;
Deseritur Solyme, linquunt Hierumque, Themnamque,
Arva Palæstinæ, palmosæque oppida Idumes.
Undique conveniunt, & inhospita rura frequentant.
Ille autem super his, ripas lucosque silentes
Insuetum multo calefactus pectora Phœbo
Personat, & vacuæ responsant omnia valles:
Nunc pater è summo claram demittit Olympo
Progeniem, ætherei monimentum & pignus amoris:
Jamque aderit Deus, ecce Deus: quæ tanta moratur
Segnities? quæ tanta animos dementia fallit?
Ite, agite, & Superum venienti occurrite Regi:
Quamque viam institerit, terras, regna ultima, visens
Certa Dei soboles, studiis ingentibus illam
Sternite: nunc opus est animis, nunc mentibus æquis,
O multum monitique mihi multumque monendi,
Spernite opes, inquam, ac variarum, nomina vana,
Delicias rerum, & contagia divitis auri,
Versantisque orbem, & mortalia cuncta trahentis,
Otia, desidiâ, sævique Cupidinis arma.
Felix qui potuit Cereris contemnere dona,
Et latices Bacchi, morbos & bella ferentes,
Ac tolerare sitim, & jejunia longa suctus
Corpoream imminui molem, & mortalia sensim
Membra tulit, gaudens vinclis & carcere cæco
Exonerasse animum, ac volucrem super æthera ferre.
Huic sæpe in somnis primum sese obtulit ultro
Ipse Deum genitor, ultro docuitque futura:
Mox etiam atque etiam claro se lumine passus
Contingi, eloquio ardenti, adpectuque beato
Affulsit, sanctumque inspirans ossibus ignem,
Divina implevit penitus dulcedine mentem:
Usque adeo magni mentem facit æthere natam,
Ardua conantem sponte, & præclara volentem.
Hæc & plura heros memorans populumque patresque
Spargit rore levi, & felicibus abluit undis

Conceptas mundi labes ab origine primâ.
Continuò mores suscepit, grataque servat
Posteritas, sacrumque pii coluere minores.
Ecce autem ætherei Regis certissima proles,
Pro mortali hominum genere & pro numine læso,
Heu, fato indigno & crudelis vulnere dextræ
Projectura animam, & finem allatura malorum,
Dudum aderat, summique Patris præcepta docebat
Nota sibi, atque animos supera ad convexa vocabat:
Progeniem quoniam immeritam cunabula mundi
Postgeniti, ob noxam primique errata parentis,
Damnatam omnipotens pœnas expendere jussit,
Terribilique hosti Divum concessit in iras.
Hunc simul adspexit juvenis, & fluminis alveo
Terque quaterque manu liquidas superintulit undas,
Reddita vox ingens reserato è vertice Olympi.
Testatusque sacra præsens pater alite Natum,
Intonuit late, tremefecitque ætheris arces.
Ex illo haud dubitas, magnorum maxime vatum,
Solvere fatidicum os, & spem vulgare per agros,
Advenisse hominum certam requiemque laborum,
Pollicitique Dei toties mox testis adesse,
Unum præ cunctis, populis spectantibus ultrò.
Et monstrare manu & verbis signare volentem,
Visa canens, monitusque datos pridem æthere summo:
Tu matri, tu vocis adhuc & luminis expers
Prima utero exultans fœto das signa supremi
Adventu super Herois, magnamque parentem
Pandere res altas, summique arcana Tonantis
Decreta, & volucrem superâ de gente ministrum,
In medio visumque die auditumque fateri.
Impellis, tua sidereus facta optima Natus
Mox probat, & cunctis præfert mortalibus unum
Te vatem: ô longe melioribus optime sæclis
Nate Pater, meritoque adscripte Quiritibus olim
Cælicolis, suave ô regi gratissime Divum,
Ac nos composito celebrantes carmine laudes,
Ritè tuas, pariterque preces, ac tura ferentes,

Nunc videt is quanto moveant fera bella tumultu
 Crudeles animæ, sæva illinc arma Britanni
 Expediunt: solidas latis Hispania terris
 Cum populis urbes effundit, & omnia versat:
 Hinc Gallorum acies, & prodiga corpora vitæ,
 Cædis amor, ferrique armat scelerata cupido.
 Inter utrosque facem intentans Discordia sævit,
 Impius armatos stimulat Mars, & furit ingens.
 Ah, ne iterum tanto concurrant agmina motu:
 Ah, ne iterum largo pinguescant sanguine campi.
 Has tu iras, atque hæc imperdita corpora bellis,
 Quæ dudum Ausoniæ cierant in viscera reges,
 Verte hostem in Turcam, Superis det sanguine pœnas
 Cizicus, & populi quos dividit Hellespontus:
 Æquius huic fuerat nostra arma opponere genti:
 Hunc tu animis pater accensis immitte favorem,
 Ecce tibi Decimus præses simul & decus orbis,
 Afflictis quem vos rebus sæcloque ruenti,
 Auxilium cœlo properastis mittere ab alto,
 Augusto ingentes voluit sub pectore curas:
 Jamque Scythas vexat bello, atque amissa reposeit
 Regna animo; mox excidiumque stragemque daturus.
 Actutum valido complebit milite campos:
 Olli igitur vires ultro se ad bella paranti,
 Quo sine nulla super miseris mortalibus est spes,
 Sufficite; ipse animosque sibi, mentemque ministret.
 Nunc ô quique Hebri, vitreas & Strymonis undas,
 Quique bibunt Xanthon, & fluctisonum Simoënta,
 Quosque aliis longè positos in partibus horrens
 Caucasus hinc, illinc prospectat maximus Atlas,
 Agnoscant veri tandem præcepta Tonantis,
 Et fluvio discant natos mersare salubri:
 Teque adeo ante omnes unum, tuaque arma tremiscant,
 Nota nimis miseris ac cæde inspersa suorum.
 Testis clara Rhodos, facti non immemor umquam,
 Cùm latè implerunt campos, passimque per herbas
 Agmina multa virum jacuerunt æquore toto,
 Carpathiique maris foedarunt sanguine fluctus.

Ad Leonem X. Pont. Maxim.

Dum tu orbem immensum paribus compescis habenis
 Atque animo terras prospicis, & maria.
 O Decime afflictis tandem pater optime rebus,
 Præsidium extremis reddite temporibus:
 Totque tuo ingentes concurrant pectore curæ:
 Quot fluctus vasto gurgite pontus habet.
 Nos tibi sic inter tantarum culmina rerum,
 Actutum toto fluximus ex animo:
 Sicque leves jactant promissa tot irrita Cauri,
 Ut folia autumnî tempore ventus agit:
 Quæ simul occurrant inter se, & prælia miscant,
 Post tandem ad terram ex aëre crebra cadunt;
 Atque hæc præteriens calcât neglecta viator;
 Non gregibus, non his parcere cura homini.
 Interea exercet mème, nec desinit umquam
 Pauperies omnes mi facere insidias:
 Cuncta minatur enim misero mala Juppiter: atræ
 Ut paupertatis omne genus pereat!
 Quæ mihi nec suaves Musarum expromere cantus,
 Nec sinit a tanto mentem inhibere malo:
 Sed duras curarum inter stipata cohortes
 Urget, & hoc semper vexat acerba caput;
 Cuius dispaream, similis si pestis in orbe est;
 Tristius aut quidquam Tartara nigra pavent.
 Quinetiam Stygium hacce Jovem torquere nocentes
 Fama tulit, nudas cùm jubet esse animas.
 Non gemmarum infra, non usus divitis auri,
 Nec quisquam nudâ corpora veste tegit:
 Nonve dapes adhibet mensis, non dulcia vina,
 Ast tenebras latè, squalidaque arva situ
 Gens colit: hanc durum quatiens insana flagellum,
 Inferna excruciat per loca pauperies.
 Tartarei ex vultu pender suspensa Tyranni
 Pallida, & ad pœnas, quos cupit ille legit.

Innumeras pestes atque agmina sæva sororum

Immittit miseris perpetuamque famem: (quam

Hanc trepidæ aspicientes quantum horrent animæ, &

Optarent votis tunc quoque posse mori.

Nusquam illic urbes, nusquam illic tecta: maligno

Sub Jove, Regem etiam durum habitare ferunt.

Contra autem ex auro atque ebore alti in vertice Olympi

Summa nitent claris atria cœlitibus.

Hic passim toto diffundit Copia cornu

Ambrosiasque dapes, Nectareumque merum.

Plausidus ac cœlum vario latè undique cantu

Perstrepit, & lætas Numina agunt choreas.

Huc Dii fulgentes magni cum vestibus aureis

Conveniunt, summo stat pater in solio.

Juppiter & Superis edicit jura vocatis,

Divino mulcens sidera colloquio.

Dispositos sic infra olim sede editus altâ,

Conscriptos cernis, numina vestra, patres.

Cùm tu Oratores, per quos tibi supplicat orbis,

Atque tuo sese subiicit imperio,

Excipis: illi autem placidum sibi numen adorant

Prostrati, & sacris oscula dant pedibus:

Dein divina, domum redeunt, jussâ reportant,

Quæque alia externis regibus ac populis

Pectoris è sancti penetralibus abdita profers,

Suspensis captant quæ prius auriculis.

Quare quid mirum est, si aurum quoque judicibus Dîs

Vulgus amat, largas divitiasque probat?

Ut quæ unæ valeant facere ac servare beatos,

Et dare compositi læticias animi:

Quæque etiam veluti me invisum deseruere,

Jactatumque maris fluctibus in mediis.

Quòd neque jam dignatur opem Rhamnulia virgo

Ferre, nec ulla hominum pectora consilium.

Atqui olim non me hæc miserum sperare jubebas,

Degere sed discincta otia Pegasidum:


Multaque quæ vestro mihi nomine rettulit olim

Hadriaci Bembus gloria magna soli;

Bem-

Bembus amor Musarum, & Palladis ultima cura,
Castalio Bembus potus in amne pater;
Omnibus his qui te, te unum jam prætulit, uni
Dulcia Pieridum Numina posthabuit.
Quæ nunc ærii sub verticibus Parnassi
Te sibi fient tantum surripuisse decus.
Da mihi igitur dextram, meque hoc ex turbine mentis
Totque ærumnosis eripe vorticibus.
Hoc tibi restat opus, hoc est tibi perficiendum:
In te uno est una, atque unica nostra salus.
Quod si non æquâ hæc mea carmina respuis aure,
Verbaque das rapidis irrita ferre Notis;
Me neque tantillum, quantum est servare Deorum
Jam poterit, non si mox velit ipsa Salus:
Quia totis penitus Fortunæ absorptus in undis,
Protinus ingratos ore bibam latices.





LU C Æ N I C O L A I D E L M U T O

P R A T E N S I S .



*Dive Catharina Virginis, & Martyris exemplo
probatur, humaniores litteras a feminis
non abhorрere.*

FEmineum quicunque bonis genus artibus arcet,
Invidus, aut aliquis durior ille Cato est.
Fallitur, ingenuas nimium qui tetricus artes
Moribus ingenuis posse nocere putat.
Hæque pudicitia, si quando femina lapsa est,
Non bene servatae prædicat esse reas.
Quod si casta parum fuit inter carmina Sappho,
Et famam læsit docta Corinna suam;
Carminis hoc vitium non est, neque culpa Poësis:
Ipsæ se probris implicuere suis.
Omnes Virgineo gaudent cognomine Musæ,
Castus inest illis, virgineusque pudor.
Nil vetat esse igitur castas, doctasque puellas,
Castis nec pugnat moribus ingenium.
Quin etiam doctrinae extat concordia magna,
Atque pudicitia, si quis utramque colat.
Si adamas fulvo inclusus magis emicat auro;
Sic bene conveniunt lilia mista rosis.
Testis Virgineo insignis Catharina pudore,
Et docti florens laudibus ingenii.

Ar-

Artibus illa bonis mores conjunxit honestos,
 Nec quia docta, fuit Virgo pudica minus.
 Ipsa pudicitiam jūvit doctrina, suisque
 Præstitit ut telis fortior illa foret.
 Illa cupidineas docuit vitare sagittas,
 Otiaque, unde capit plurima damna pudor.
 Insidiasque procul, fraudesque, & Cypridis astus,
 Si quos prospiceret, tunc ea, Virgo, cave:
 Virgo, cave, dixit; te callidus ecce Tyrannus
 Appetit illecebris aggrediturque minis.
 Virgo, cave, multi jam te in certamina poscunt
 Doctrina celebres, eloquioque viri.
 Heu cave, ne mentem perplexa sophismata fallant,
 Garrula quæ è cathedris fundere turba solet.
 Neve Sophistarum tibi callida verba repente
 Offundant tenebras, excutiantque fidem.
 Pectoraque abducant æterni regis amore,
 Cujus connubio se tibi junxit amor.
 Tu ne cede malis, sed callida verba retunde,
 Et quæ præmonui, tu bona Virgo, cave.
 Dixit, at illa datis confestim accingitur armis,
 Aggrediens multos una puella viros.
 Una sed illa licet, cunctos sibi cedere cogit.
 Et veræ fidei subdere colla jugo.
 Nec mora, quos vicit, Virga præmittit ad astra,
 Miratur lætus tanta trophæa polus.
 Talia qui laudat, doctrinam in Virgine laudet;
 Nam factura minus, si caruisset, erat.

Angelus ad Pastores, Phalencium.

O quos sollicitos tenent ovilis
 Dulces excubiæ, Gregisque cura
 Nocturnò juber abstineri somno,
 Bethlæum, moneo, petatis antrum,
 Antrum nobilius, beatiusque
 Vel ægum domibus, magis superbis.
 Illic quandoquidem jacet puellus,

Com.

Complectens hominis. Deique formam,
 Virgo quem peperit Davidis orta
 Claro sanguine, clarior, quod illam
 Dignatur Puer hic habere Matrem.
 Vestris hunc Patribus spondit olim
 Æternus Pater, Abrahæque dixit
 Hunc de semine filium futurum,
 Totum qui regat, erigatque Mundum
 Ærumnis, quibus undique involutus
 Olim jam premitur, vetusque sacro
 Quem fundet, scelus expiet cruore.
 Illuc vos celeres movete gressus,
 Illuc vos hilares jubente Cœlo
 Pastores properate, Civitatum
 Prælati Populis; ter o, quaterque,
 Vestra si hæc bona noscitis, beati!
 Queis libamina prima gaudiorum
 Fas decerpere, cœlicumque primos
 In terris Puerum videre natum.
 Ite, & rustica ne timete dona
 Afferre huic Puero: nihil Puello
 Hoc est mitius, aut magis benignum,
 Nil demissius, aut magis remotum
 A quovis animi tumore; leni
 Vos ille excipiet benignus ore,
 Matrisque è gremio caput tenellum
 Attollens, oculosque, vos sereno
 Obtutu efficiet beatiores,
 Quam si divitias, opesque regum
 Vobis protinus assequi liceret.
 Vestra hinc munera, crassiora quamvis,
 Blandusque accipiet, simulque magno
 Vobis fœnore munerum rependet.
 At cur vos moror, ampliusque vestra
 Dictis gaudia differo? Puellum
 Vos invisite, plura vos ab illo,
 Quam quæ nunc ego spondeo, feretis.



Heu! fatis in scelерum cœno defixus, & hærens
Turpis servitii vincla pudenda tuli.
Illecebris me blanda suis complexa voluptas
Colla mihi duro prefferat ante iugo.
Cogebatque meas malefanus amare catenas,
Et gaudere meis, quæ nocuere, malis.
Cur ita? me nisi quod cæcum cæca ipsa voluptas
Fecerat, insidiis obrueratque suis?
Per Dalidam quondam captus sic lumine Sampson
Præda Philistæis, ludibriumque fuit.
Dum volat oblatam male cauta volucris ad escam,
Et visco, & laqueis implicat illa pedes.
Piscis & æquoreis hamum dum captat in undis,
Fallitur, & prædæ præda fit ipse suæ.
Sic & me, præbet dum pabula grata voluptas,
Implicuit laqueis insidiosa suis.
Neve catenatum laquei, nexusque pigeret,
Illecebris texit blanda inimica dolos.
At mihi jam patuere doli, patuere catenæ,
Et servile pudet sponte tulisse jugum.
Ah! pudet in morem pecudis jacuisse profundo
In scelерum cœno, luxuriæque sinu.
Et pudet, & turpes mens est abrumpere nexus,
Et laqueis solvi, servitioque juvat.
Aude anime, & temet servilibus exue vinclis,
Subtrahе tam turpi libera colla iugo.
Reiice, Tartareus quæ injecit vincula Prædo,
In cor enim nullum jus habet ille tuum.
Non bene servitur Stygio, mihi crede, Tyranno:
Ingenuum summus Conditor esse dedit.
Quis pudor ingenuum vinclis damnare? quis, inquam,
Quis pudor, o anime, est jus violare tuum?
Excute ab ingenuo servilia vincula collo,
Exere tam turpi libera colla iugo.
Quod si forte genus famulatûs quæris honesti
Et famuli nomen, conditioque placet;

Cui Superi parent, cui Sol famulatur, & astra,
Illius imperio jure subesse potes.
Et potes, & debes illi te subdere, servum
Soli Domini te decet esse tui.

De hirundinum ad nos reditu.

Salve, quæ ad nos incolumis te vertis hirundo,
Quandoquidem veris nuncia grata redis.
Et nos cen socios post frigora sæva revisis,
Et tecum nobis tempora læta refers.
Te redeunte redit facies lætissima Mundo.
Sævus abit Boreas, mitior aura redit.
Solvunturque nives, & grato murmure rivi
Labuntur ripis, prataque amœna rigant.
Herba solum vestit, pinguntur floribus arva,
Omnis abit squalor, pulchra juventa redit.
Te redeunte virent, nuper quæcunque rigeant,
Arboribus redeunt te redeunte comæ.
Salve igitur felix cunctis mortalibus ales,
Nuncia veris avis, nuncia lætitiæ.
Vera loqui censes? ah falleris improba hirundo,
Falleris, ex animo si hæc tibi dicta putes.
Non hæc ex animo tibi dicta fuisse mereris,
Quandoquidem haud nobis, sed tibi amica redis.
Ah! pereas, læto quæ tantum tempore nostra es,
Ast ubi fugerunt tempora læta, fugis.
Scilicet infida infidos imitaris amicos,
Et specimen fictæ prodis amicitiae.
Tu siquidem rauco dum bruma Aquilone remugit,
Dum squallet tellus, arvaque cara rigent,
Demigrans alio nos deseris, improba hirundo,
Et læto tantum tempore nostra manes.
Sic etiam præbere solet se infidus amicus,
Fortunæque negat ferre utriusque vices.
Si fortuna favet, felici hic adstat amico,
Si fortuna tonat, protinus ille fugit.

Hunc

Hunc & tu pariter fallax imitaris hirundo,
 A nobis toties quæ fugis, atque redis.
 Desine nos igitur blando jam fallere cantu,
 Blanda salutatrix, fraus mihi nota tua est.
 Ut nostras comedas fruges, nos vere revisis,
 Frugibus absumptis nos iterumque fugis.
 Ergo mihi posthac non tu dicêris hirundo,
 Dicêris potius callida hirudo mihi.

*D. Philippus Nerius præ nimio Divini Amoris
 ardore queritur. Phaleucium.*

Ohe! jam satis est, Amor, quid ultra
 Felix pectora vulnerare pergis,
 Et flammæ placet aggerare flammis?
 Sunt conflata tibi, fatemur ultro,
 Auro tela: tamen minus potenti
 Ictu non feriunt vibrata pectus,
 Quam si culpide ferrea rigerent.
 Telorum pretiosus ille fulgor,
 Quo nos sæpe petis jocantis instar,
 Totus flammeus, igneusque totus
 Urit pectoris intimas medullas,
 Et fibras penetrat profundiores.
 Hinc tantis flagrat, æstuatque flammis,
 Quandoeunque tuis, amor, sagittis
 Cor nostrum petitur, fere ut nec ipse
 Tantis æstuet ignibus Vesevus.
 Sed jam deficimus, diutiusque
 Tanta incendia perpeti videtur
 Morte ipsa gravius: rogamus ergo,
 Ut vel pectora mitius calescant,
 Vel tali penitus crementur igne.



Τῶν καλῶν εἰδὲς κόρος.

Pulchrarum rerum nulla satietas.

Pulchra placent, & nulla sui fastidia gignunt,
 Et spectata diu non minus illa placent.
 Sæpe oculis, & sæpe manu juvat illa tueri;
 Visa revisa licet, tædia nulla ferunt.
 Numquam sordescunt, & nausea nulla videndi est:
 Sed magis atque magis pulchra videre juvat.
 Pulchrarum rerum cunctis amor insitus hæret:
 Pulchrum si tollas, nil, quod ametur, erit.
 Hoc placet, hoc cupitur, totoque hoc regnat in Orbe,
 Hoc in nos summum possidet imperium.
 Si pulchri semper flores, semperque recentes
 Essent, in magno semper honore forent.
 Sol quod inocciduo spectandus lumine fulget,
 Optatus semper nascitur ille Polo.
 Hoc habet ipsa Dei sincera, ac summa venustas,
 Quod numquam satiat corda, sed illa beat.

Δευτέραι φροντίδες σοφώτεραι.

Secundæ cogitationes sapientiores.

Quidquid ages, expende diu, tacitoque voluta
 Pectore, ne præceps in tua damna ruas.
 Tempus enim meliora affert, potiora ministrat
 Consilia, & quæ sint utiliora, monet.
 Democritus verum puteo latitare profundo,
 Nec subito nobis posse patere docet.
 Ac veluti longo fit homo sapientior usu,
 Sic meditanda diu, quæ peragenda semel.
 Festinare nefas magnis in rebus agendis;
 Sat facit ille cito, qui bene cuncta facit.

Ἀνέχεσθαι καὶ ἀπέχεσθαι.

*Sastine, & abstine. Aurea Epicteti Philosophi
sententia.*

Scire cupis, quæ ad virtutem compendia ducant?

Sperne voluptates, duraque disce pati.

Aurea conspicuos moderatio spernit honores,

Atque voluptates, quæque coluntur opes.

Fortis in adversis perstat patientia rebus,

Robore fortunam vincit & ipsa suo.

Hæ veluti Herculeæ sunt in virtute columnæ,

Quas ultra virtus ire nec ipsa potest.

Hæc nisi virtutem sapienter quæris, aberras:

Hæc si quæsieris, te reperisse puta.

*Omnes Divini Amoris vires in uno Eucharistia
ferculo parando absumptæ, atque exhaustæ.*

Est Deus Omnipotens, sed tanta potentia nobis

Majus se donum tradere non potuit.

Illius agnoscit nullos sapientia fines.

Attamen hoc illi in munere meta fuit.

Omnes effudit, quamvis ditissimus, una

In dape divitias prodigus ille suas.

Nemo igitur posthac majora his munera poscat:

Nil Deus hoc majus, quod dare possit, habet.

Sic licet omnipotens, sapiens, ditissimus idem,

Unum divinas hoc opus hausit opes.

*D. Maria Magdalena de Pazzis, pati, non mori
postulat.*

Pro Christo voluisse mori meta ultima amoris

Fertur, at ulterius te tuus urget amor.

Nam, quo plus patiare, mori, bona Virgo, recusas;

Teque diu in pœnas vivere posse cupis.

Magnus amor vitam pro Christo impendere: sed plus
Est voluisse pati, quam voluisse mori.

De eadem.

Hesperiaæ splendor fertur dixisse Teresa:
Sive pati, Jesu, da mihi, sive mori.
Magdala magnanimum votum tu vincere certas,
Teque ultra hanc meram nobilis ardor agit.
Namque audes morti juges præferre dolores,
Quidquid & est toto durius Orbe pati.
Inde rogans Sponsum fundis pia vota, precesque:
Da mihi, Christe pati, non peto, Christe, mori.
Quisquis utramque audis, illarum confer amorem:
Par amor ut fuerit, fortior iste fuit.

De D. Joseph.

Sistite regales fasces jactare superbi
Terrarum Domini, quos colit aula frequens.
Pauper, inopsque licet Joseph Davidica proles,
Imperium vestro majus in Orbe gerit.
Nutibus ille suis regem moderatur Olympi,
Descenditque libens in sua jussa Deus
Sidera cui parent, totus cui subditur Orbis,
Non piget huic sese subdere sponte seni.
Gloria summa aliis famulari posse Tonanti;
Gloria sed Joseph est dare jussa Deo.

De D. Thoma Aquinate.

Digna legi superis Thomas conscripserat ipsis,
Quippe facem ingenio prætulit alma Fides.
Explanat enim sacrae miracula vocis,
Qua in potum, atque cibum vertitur ipse Deus.
Præmia tanti operis Thomas hinc poscere jussus,
[Et quidquid peteret, Christe daturus eras.]

Te præter, Jesu, dixit, nihil amplius opto,
 Tu merces operis, tuque laboris eris.
 O prudens votum! nihil hic petiisse videtur,
 Sed tamen hoc majus poscere non poterat.

De Augustissimo Jesu Nomine Kalend. Januar.

Urbibus everfis, victisq; ex hostibus olim
 Romulei nomen sæpe tulere Duces:
 Africa, & Allobroges, Daci, Germania, Cimbri
 Nomina Victori clara dedere suo.
 Tu quoque jure tuum, Jesu, tibi Nomen adoptas,
 Illud sed causa pro meliore datur.
 Sævitie aliis, Tibi dat clementia Nomen,
 Quando servato Nomen ab Orbe capis.
 Quodque illi emerunt alieno sanguine fuso,
 Emptum tu proprio sanguine Nomen habes.

De eodem.

Dum novus Annus init Jano referente Kalendas;
 Olim quæ terris aurea sæcla ferent.
 Christe novus Consul proprio spectabilis ostro
 A te servandi suscipis Orbis onus.
 Sanguine mercaris titulos, mercaris honores,
 Et proprium fuso sanguine Nomen emis.
 Hinc ego disco, tuum quam sit venerabile Nomen,
 Cum tulerint pretium Nomen, & Orbis idem.

De eodem.

Assumit Nomen dum servatoris Jesus,
 Nominis in pretium sanguine terra madet.
 Non sat Avis clarum se, nec Davide propinquo
 Credidit, hic tanti ni foret emptus honor.
 Discite, quo pretio veri quærantur honores,
 Cum Deus ipse sibi sanguine Nomen emat.

*Puer Jesus inter duo animalia.
Parodia ex Martiale.*

Te pius, & supplex, Jesu, quod Asellus adorat,
Jam rude sit quamvis, tam stolidumque pecus;
Quodque genu tibi Bethleo bos flectit in antro,
Non est hoc artis, sed pietatis opus.
Hoc illi ut facerent, nullo didicere Magistro:
Credere mihi Numen sentit uterque tuum.

De D. Thoma Apostolo.

Dum tibi confirmant socii vidisse sepulchro
Egressum Dominum, credere posse negas.
Et fossi lateris nisi tangam vulnera, dicis,
Vivere defunctum non erit ulla fides:
O Thoma quid ais? profers pugnantia secum
Verba; quid his verbis stultius esse potest?
Namque fides, poscis dum tangere, destruis ipsam:
Credere vult, non vult tangere vera fides.

De eodem.

Posse alios sanare suo quis crederet ægrum
Morbo, aut ex tenebris lumen habere diem!
Præstitit hoc Thomas, redivivum credere Christum
Dum negat, & socios falsa referre putat.
Divini siquidem lateris dum vulnera tangit,
In nobis firmat, quæ caret ipse, fidem.

De eodem.

Christi dum tangit redivivi vulnera Thomas,
Exploratque sacrum dextera iussa latus:
Ingens portentum! dictu mirabile! tacto
Vulnere convaluit, quæ fuit ægra, fides.

Christus ad Thomam.

Effossum scrutare latus, quære undique Thoma
 Amissam possis si reperire fidem.
 Et quoniam illa oculis gaudet velata latere,
 Illam tu nostro in pectore quære manu,

Beatissima Virgo in Templo presentatur.

Cœlica vix ternas numerabat pupula messes,
 Et patris, & matris pupula dulcis amor.
 Linqvit utrumque tamen Cœlo invitante Parentem,
 Templaque vix hærens gressibus illa petit.
 Tempia petit, famulamque vovet se Virgo Tonanti,
 Sistitque & Domino victima grata suo.
 Multa licet sacras oneraverit hætenus aras
 Hostia, non tamen hac gratior ulla fuit.

D. Caroli in egenos liberalitas.

Dum tibi commissos populos gravis urget egestas,
 Exedit atque inopum pallida membra fames:
 Una dies tantum tibi, Carole, prodigit auri,
 Quanto vel Crassus ditior ipse foret.
 Sic tu dum tot opes, tantum largiris & auri,
 Ferrea quæ fuerant, aurea secula facis.

*Idem pestilentia laborantibus inferuit,
 nec leditur.*

Dum caput Infubriæ viduaret Civibus Urbem
 Dira lues, totas depopulata domos:
 Carolus (o pietas!) inter discrimina vinæ
 Versatur, vitæ prodigus ipse suæ.
 Detque ut opem miseris, mortem contemnit, & aude
 In se grassantem sollicitare luem.

Non tamen illa audet sacrum contingere corpus,
 A qua, vix tutus, qui fugit, esse solet.
 Hoc tamen haud mirum est: cœpit mors ipsa timere,
 Cum vires sperni cerneret illa suas.

Nosce te ipsum.

Quid fueris, quid sis, quid eris, si sæpe volutes,
 Crede mihi, numquam corde superbus eris.

PETRI MYRTEI

UTINENSIS.



Alcon.

MAxima Naiadū, atque Athesis pulcherrima conjux
 Ægle, quæ nitidos flavo lavit amne capillos;
 Audierat cari discessum conjugis, & se
 Desertam immenso Tiberini Alconis amore,
 Mœstaque de nigris lacrimarum flumen ocellis
 Deducens, tali implebat liquidum aëra voce.
 Magne Athesi, & vita longe mihi carior ipsa,
 Rursus abes? nec te ulla relictæ conjugis urget
 Cura? nec incœpto potes unquam abstinere cursu?
 Tu dulci amplexu magni de partibus anni
 Tris abes, & viduo pateris me flere cubili
 Nequicquam optantem tardos absentis amores;
 Quare ego (nam sedet altè infixâ injuria meati
 Ista meæ) magni repeto monumenta doloris.
 Te sine ver placidum, sine te mihi præterit ætas
 Sole rubens, gravidaque autumnus pomifer alvo.
 Et modo te volvens flavas Tiberinus arenas
 Excepit, strictis modo tristior ensibus Ister.

Nec

Nec tamen id tantum dolui, quantum ægra laboro,
 Nunc te hieme in mediâ, & gelido procul esse Decembri:
 Pastores externi optatâ in pace fruuntur.
 Ah nimium peccas Athesi, dum te trahit Alcon,
 Et patriam dilectam, & amantem deseris Æglen;
 Deseris & lævi semper labentia musco
 Antra, quibus centum tibi Naiades & tibi Nymphæ
 Centum aliæ, natæ Mæsis & Apolline ludunt.
 Sed quid ego aut Nymphas memoro, aut mea damna re.
 Forsitan Hadriacis de fluctibus altera conjux, (volvo?
 Vel Nereum mentita partem, vel Protea magnum,
 Lecta tibi, & scopulo tecum luctatur aperto.
 Forsitan illecebras omnes, tibi munera mille,
 Divitis illa parat regni, conchyliâ mille,
 Mille tenendi artes; nec tu discedere curas.
 At non muneribus superat me Nereis: amne
 Sunt tibi de vivo lecti, mea munera, pisces.
 Est tibi de soceri nitidâ grave pondus arenâ
 Argenti: neque, si placeant, conchyliâ deerunt.
 Ah ne aliqua excipiat pelago, sævisque procellis;
 Illudatve tibi mendaci carmine Seiren!
 Ah ne, cum te Neptunus pater ire per altum
 Viderit, atque tuum ex humero pendere tridentem,
 Invideat, nec te tali dignetur honore.
 Hæc ego, quæ toto te animo, te pectore toto
 Excepi, dilecte Athesi, timeo omnia: namque
 Sæpe suum invidia effundit tristissima virus
 Immiscetque graves violis beneolentibus herbas.
 Credo etiam ille, suo mecum si certet amore
 Alcon, concedat facile mihi: tu tamen illum
 Crudelis sequeris; & sola relinquitur Ægle;
 Linquntur & mecum, quondam tibi filia grata,
 Persina: quæ latè diductis murmurat undis;
 Exiguoque tuam rivo perlabitur urbem.
 Quod tibi siqua manet pietas, si conjugis ulla,
 Ulla tibi natæ cura est, si munera tantum
 Nostra valent, quantum Nep-uni cærule regna:
 Huc Athesi propera, & mihi tantum absterge dolorem.

Sic pater æternum te diligat Appenninus :
 Sic nimboſo humero tibi ſerviat arduus Ochra.

Ad Paulum Jovium.

Non parum teneor, Jovi, diſertis
 Iſtis hiſtoriæ tuæ libellis ;
 Non parum capior tuis tabellis
 Piſtis artificum manu eruditâ.
 Sed verum fateor meo ſodali,
 Et quidem ex animo, ut decet ſodalem ;
 Gratâ multò habeor mage a catenâ.
 O Jovi, Jovi, habes me ; habes puto, & ſcis
 Quidnam dicere nunc volo, medullis
 Quod me cogit ab intimis libellos
 Omnes negligere, & omnium tabellas :
 Non tuas modo cum tuis, ſed omnes,
 Sed meipſum quoque, quod magis dolendum eſt.

In Adonin.

Ah, ne Aquilo eripiat mihi te ; ah ne bruma colorem
 Extinguat, labra hæc purpurea abde puer. (mī
 Ah ne Aquilo potius tibi me, ah ne bruma animam hanc
 Eripiat, labra hæc purpurea abde puer.
 Id timeo quia amo te, amo me : ſed ſi improba fata
 Hoc tulerint, facite ô dii ſequar ipſe animam.

Ad Bernardum Xanthium, Epiſc. Aquilejenſem.

Te quamvis foveant toro jacentem,
 Xanthi, vellera delicatiora
 His quæ molle Tarentum ovesque Marſæ
 Mittunt p. ctine ſeligenda docto,
 Non credo tamen excitare ſomnum
 Tibi, quàm mihi, poſſe dulciorem.
 Nam tu dum meditaris altiores
 Tam dilectæ Aquilæ tibi volatus,

Infomnes agis inquietus horas,
 Et per non tacitum cubile ferris.
 At me vilior hispidæ capellæ
 Lana, nunc reliquis laboriosis
 Curis explicitum acquiesse Musis,
 Et vos, dico, odium & valete curæ.

Tumulus Bartoli.

Hic est Bartolus ille juris ingens
 Lux & commodus explicator: hic est
 Quem mors ante diem abstulit maligna.
 Heu mors invida & ævo iniqua nostro,
 Quæ leges iterum jacere cogis.

Tumulus Ambrosii Monachi.

Viximus ambrosia, sed enim concessimus Orco:
 Nunc iterum cœlo redditur Ambrosia.

De Philelphi certamine cum Timotheo Græculo.

Numquid sat tibi non fuit Philelphe
 Linguae gloria nobilis Latinæ,
 Ni græcas quoque pervagatus urbes
 Dignus conjuge nuptiisque Græcis
 Ferres Timothei novum triumphum.
 Cui dum una super ille dictione
 Tecum pignore certat, atque barbam
 Abradi tibi ferre pollice ur
 Victus, aut positam pecuniam abs te
 Victor auferat, abnegasti eadem
 Barbam posse pecuniâ obtinere
 Victor: atque novacula expedita
 Barbam illius habere maluisti.
 Jam nunc non talæ Philelphe, sed sis
 Græcæ gloria nobilis palæstræ.

De villa Nicolai Perotti.

In villâ Fugicurâ obit Perotus.
 O villam nimis & nimis beatam!
 Quæ viventis heri levare curas
 Posset, nunc cineres tenet sepulti.
 O villâ dominum beatiorem,
 Cui curas moriens reliquit omnes.

De Laurentio Medice, literarum patre.

Occidit ut fato Medices Laurentius, ora
 Convertens in sollicitas Florentia Musas,
 Dixit: abite, aliud vobis nunc quærite testum.
 Cui Musæ: hospitium nos sanè perdimus, usquam
 Quærendum; sed tu Medice Florentia rapto,
 Amissum invenies nusquam: quoniam desinis ipsa
 Esse illud decus, & Latii Florentia lumen.
 Nos erimus Musæ: tum si quid nostra parente
 Ab Jove dat pietas sperare, videbimus ullo
 Tempore post heroa Deorum in sede suprema
 Immortalem, alti nutu Jovis, astra regentem.

Epitaph. Joviani Pontani.

Qui vos Sidera clara, citriosque
 Flores, Hesperidum hortulis virentes
 Versibus cecinit laboriosis,
 Pontano date, sidera alma, lymphas;
 Vos Horti date ferta, quæ sepulchrum
 Ornent perpetuò cadente flore,
 Spargant perpetuò fluent rore.

Epit. Petri Criniti.

Priscos Poëtas vivere
 Crinite, dum doces, obis.
 Ergo tibi superstites

Debeat poëta non minus.
 Ipse amplius nihil volens
 Debere, dono carmine
 Hoc te sepulchro conditum.

Tumulus Hieronymi Donati.

Donate, Divum munere
 Fudisti ut orbi nectaris
 Quantumque manat gratiæ
 Divino ab ore cœlitum;
 Servasti & exul patriam,
 Diis restitutus denuo;
 Orbi querenti deferis
 Nil præter ossa & lacrimas.

Tumulus Antonii Nebriffensis.

Me putat æternum saxo posuisse sub imo,
 Acerba mors, & fallitur,
 Non ingrata etenim mea gens volitare per ora
 Dat, & per oras omnium.
 Hæc mihi pro reduci studio Latiisque Camœnis,
 Certè trophæum non minus,
 Quàm tibi pro Mauris debet, Fernande, fugatis,
 Et pro recepta Bæticâ.

Tumulus Pomponii Gaurici.

Ibat Gauricus ad suos amores,
 Sed diu haud potuit suos amores
 Uti Gauricus: abstulere fata:
 Verum nulla manet sepulchri imago.
 Namque, quod coluit pari labore
 Musas & Venerem; vel à Camœnis
 Raptus creditur in juga alta montis,
 Qui imminet Stabias super vetustas;
 Vel pulchræ Veneri datus sacerdos,
 Tyrrheni maris in sinum profundum.

Tumu-

*Tumulus Benedicti Lampridii Cremonensis,
Mantuae mortui.*

Ergo ego, nobilium ô genitrix atque hospita vatum
Mantua, quod nimium vicina Cremona Maroni
Obfuerit, solus pœnas abs te ipse reposcor?
Ille soli tantum damnum tulit: ast ego de te,
Mantua, deque tuo meritis bene principe, cara
Pro patriâ & vitam & cineres tibi reddere cogor.

Tumulus Jo: Bocacii.

Si quæram cineres tuos Bocaci,
Hic jacent: si animam, petivit astra:
Si quæ gloria sit tuis libellis
Major, non ego, Lydiusve linguae
Cultor patriæ, & æmulus Latinæ:
Sed judex erit, aut jocos Cupido,
Aut gaudens facili Venus loquelâ,
Aut quem dicere malo totus orbis;
Cui vivunt Veneres Cupidinesque:
Quibus cultior est tuus libellus,
Elegantior omnibus libellis.

Tumulus Pogii.

Olim Pierides, olim Florentia mater,
Vivente risit Pogio.
Nunc tumulum hunc adit, & donum, pro carmine, flores
Fert, proque risu lacrimas.
Quæ nisi pro verâ sat sint pietate, rogabit
Agnus ministret ut suas.

In obitum Philippi Beroaldi.

Sæpe novos linguae mirata Bononia flores,
Non alios legit quàm, Beroalde, tuos.

Quo


Quo nunc amisso, languent cum floribus horti;
Et flet delicias ad tumulum illa tuas.


De morte Andree Maronis.

Postquam secundum publica abstulit clades
Maronem, & urnà caruit infelix, campis
Quæsitus Elysiis, nec inventus Musis:
Phœbus furoris nam minister illius,
Quo carmen edere inclitum Maro fuerat,
Inter Sibyllas rapuit, æternum ut vivat.

De Jo: Mario Cataneo.


Vide, viator, quanta jactura occulti
Esset sepulchri, ni ingeni sui claris
Perennioribusque monumentis reclus
Adhuc ubique viveret Catanæus.





NALDI DE NALDIS

FLORENTINI.



*Ad Petrum Medicem in obitu Magni Cosmi ejus
Genitoris, qui vere dum vixit optimus,
Parens Patriæ cognominatus fuit.*

ERgo quis infandum possit narrare dolorem?
Quis possit lacrimas explicuisse graves?
Quæ mihi, quæ possit carmen spirare Dearum;
Dum gravis affligit pectora nostra dolor?
Dumque adeo Medicis lugemus funera Cosmi,
Natus ut extincti tristitia busta patris.
Quum nova præsertim quæ jam dictare solebant
Varibus Aonio verba notanda pede,
Nunc etiam nigra squallescant veste Camœnæ,
Et solvant tristes in sua colla comas.
Cum graviter Phœbus casu concussus acerbo
Dicatur mœsta conticuisse lyra.
Nam neque Syllani tantum te Cosme Quirites
Extinctum lacrimis condotuerè suis.
Sed superi, quorum lugendi rarior usus,
Et procul a tristi vivere mœstitia.
Quod bene de cunctis adeo si Cosme fuisti
Promeritus, vira dum fruerere pia;
Ut sua nunc mœstis tundentes pectora palmis,
Heu mortis doleant fata severa tuæ.
Non precor e nostro discedat corpore luctus,
Aut sim præcipuæ conditionis ego.

Hoc

Hoc precor, usque adeo laxentur membra dolore
Ut pateat stupido pectore vocis iter,
Qua liceat mæsto dum fundimus ore querelas,
Fortunæ miseras condoluisse vices,
Qua liceat patriæ dum dantur iusta parenti,
Tristitia flebiliter publica damna queri.
Tempus erat Titan quo fervida signa per orbem
Altior Herculei terga Leonis adit.
Cum prope jam positus supremo in limine vitæ
Senserat extremum Cosinus adesse diem.
Ergo non vanos metuens in morte dolores
Inscia quos hominum turba timere solet,
Sed constans veluti qui dudum certus eundi
Sidereas cuperet nempe redire domos.
Advocat hic natum, qui verba extrema parentis
Audiat, heu levibus non referenda modis.
Qui simul accitus monitis gravioribus, ille
Divini subiit ora verenda patris.
Naturam nivei Medices imitatus oloris
Suprema moriens talia voce dedit.
Si morbus gravior tristi vitiata senecta
Corpora nostra vetat vivere posse diu;
Te precor, ut nostri tales de pectore curas,
Et medicam mittas, quam Petre quæris, opem.
Nec tu Parcarum durum contende tenorem
Humanis unquam flectere consiliis:
Nam me fata vocant, video, nam Juppiter ipse
Me jubet humanas deseruisse vices.
Non invitus eo, nec me mortalia tangunt
Vota, nec est vitæ jam mihi cura meæ.
Humanas pridem meditor deponere curas;
Et procul humano me removeere gradu.
Corporis ut cæcis tenebris vinculisque solutis
Extremum valeam carpere mente bonum.
Quo facere id possim, curas tu, nate, paternas
Suscipe, sunt humeris pondera digna tuis.
Quarum nulla magis me me nunc urget euntem,
Nec magis ingenium degravat ulla meum.

Quam

Quam me, quæ semper vita mihi carior ipsa
 Extitit heu patriam linquere, nate, piam.
 Quod te per geminos tua pignora cara nepotes
 Oroque perque meum, Petre, senile caput.
 Ardenti ut studio Lydos tueare penates,
 Et procul infesto semper ab hoste tegas.
 Et quæ nunc multos est jam serrata per annos
 Florentis placidus ocia pacis ames.
 Concordes moneo semper complectere cives,
 Et quibus est Patriæ maxima cura suæ.
 His precor, ut sociis Etrusci fræna Leonis
 In rectum semper flectere, nate, velis.
 Nec tu justitiæ monitus contemne severos,
 Dum statues urbi libera jura tuæ.
 Namque potes diros populi vitare tumultus,
 Hac duce dum meritis quemque tuetur honos.
 Quin ubi te justis urbes populique videbunt
 Legibus Etruscas instituisse domos.
 Undique convenient ad te, mi nate, frequentes,
 Qui rebus cupient consuluisse suis.
 O quam conspicias hanc urbem, qualia cernes
 Tempore Lydorum surgere regna brevi!
 Cum tibi vel reges potius parere monenti.
 Quam reliquis mores imposuisse volent.
 Hic ego si tennes fuero d lapsus in auras,
 Ut nequeam sedes, nate, videre novas.
 Attamen Etrusci gaudebo ut regna Leonis
 Accipiam monitis aucti fuisse tuis.
 Nam me quæ tenuit vivum tellure repostum
 Suscipiet patriæ maxima cura meæ.
 Jamque vale, & nostrum pompis ornare sepulchrum
 Desine! quod terra est, fac quoque terra tegat.
 Vix ea finierat, cum fama accita sinistra
 Advenit huc celeri patria mæsta gradu.
 Namque suburbanum quod te tum Cosme tenebat,
 Casibus accessit exagitatu novis.
 Ergo ubi jam subiit Medicis penetralia magni,
 Atque patrem vidit filia mæsta pium.

Tristibus extemplo Cosmum complectitur ulnis,
Effundens querulis verba dolenda modis.
Quis me, quis miseram genitor carissime natam,
Quis me, quis sine te vivere posse puret?
Cui modo, si moreris, cuinam deserta relinquitur,
Aut quonam potero me refovere sinu?
Quid vos fata juvat sævissima numina tristi
Funere divinum sic temerare patrem?
An quoque quod sacrum est audetis tollere, Parca,
Nec pudor est sanctos perdere morte viros?
Quin ego crediderim mortem tibi posse parari
Juppiter & nigros posse subire rogos.
Si modo si Medices superum dignatus honore,
E nostro trahitur in cava bulta sinu.
Dixerat, & lateri posthæc affixa paterno,
Non oculos usquam dimovet illa suos.
Et modo defæssi permulcet membra parentis,
Et modo dat canis oscula mæsta genis.
Interdum sævam tentat si flectere mortem,
Aut lacrimis possit vincere fata piis.
Ast ubi tot cernit precibus nil fata moveri,
Aspera sed cursum continuare gravem.
Quod superest cari morientia lumina Patris
Cogitat heu tristi composuisse manu.
Sed nequit infelix subitis exterrita monstis
Officium patri reddere nata pio.
Namque ubi perpexit gelidos miserabilis artus
Extremis Cosmum deseruisse rogis.
Heu gelidum magno pectus stupefacta dolore
Concidit in patrios exanimata sinus.
Post ubi jam stimulis urgens gravioribus, illi
Excussit stupidæ languida membra dolor.
Consurgit pugnis pectus percussa decorum,
Et lacrimis mæstas irrigat usque genas.
Hinc magnum subitis Cælum clamoribus implet,
Dum vocat extinctum patria mæsta patrem.
Quis te, care pater, sævus mihi casus ademit,
Quæ potuit sacrum vis temerare caput?

Quis te, quis nobis invidit, Cosme, Deorum,
Aut quæ te rapuit livida Parca mihi?
Cui tantum de te concessum Cosme, quis ausus
Æterum tristi perdere morte virum?
An passa est rerum natura exstringere Cosmum?
Ah potuit tantum sustuluisse nefas?
Ut modo sustulerit tali quem sorte creatum
Ipsa quidem summa finxerat artis ope.
Effet ut in terris aliquis qui mente valeret
Divina superos æquiparare Deos.
Cui foret in cunctis ea mens præfaga futuri,
Qui foret aut tali præditus ingenio.
Ue nihil instaret dubium mortalibus usquam
Quin hic non acie cerneret ante gravi:
Hinc igitur quotiens olim te Cosme videbam
Insigni egregios arte præire viros.
Dum tua consiliis peterent oracla futuris
Undique vel summi turba verenda duces.
Verius & posthæc a te responsa referrent
Quam possint ulli reddier illa Deo.
Non ego credebam, ut sic mors inferre per ævum
Auderet nigras in tua terga manus.
Sed te divina victurum sorte putabam,
Aurea dum geminus pasceret astra polus.
Nunc moreris, nec me tecum trabis ipse volentem,
Nec finis in sortem Cosme venire tuam.
Heu quibus inveniam te nunc pater optime terris,
Aut ubi qui pariter me colat alter erit?
Quid primum deserta querar, quis damna rependet
Talia? Fesuleas temperet arte domos?
Unus enim noras penitus quæcunque fuissent
Sive gerenda domi, sive gerenda foris.
Sæpe alias quamvis divino in pectore virtus
Laudibus eluxit concelebranda novis.
Hoc tamen egregias Medicis cognovimus artes
Tempore quo Lydos presserat ipse furor.
In mea cum miseri sævirent viscera cives,
Cum timui socias in mea damna manus.

Passus

Passus es antiquas nimirum relinquere sedes,
 In me ne videas vertier arma pater.
 Cum sciperes diro cessisti, Cosme, furori,
 Non veritus caros deseruisse lares.
 Ne tu si contra contendas viribus, ipsum
 Cresceret alterna seditione malum.
 Tum si fata mihi tandem meliora venirent,
 Restares patriæ spesque salusque tuæ.
 Sic postquam precibus per me revocaris honestis,
 Publica res Medicæ noscat ut artis opem.
 Heu nostris humeris suffultus, Cosme, redisti.
 Quanto candidior hac fuit illa dies.
 Ast ubi compositos Medicum virtute Quirites
 Maximus in placida pace revinxit amor.
 Ex illo semper Medices tibi maxima cordi
 Cura fuit Tuscum surgeret ut imperium.
 Hinc memini summas dum rerum flectis habenas
 Dumque doces Lydos candida jura patres.
 Insuavis e laribus nostris horrenda Philippi
 Agmina consiliis pulsa fuere novis.
 Viribus antiquum cum Piccinine Mucellum
 Sub juga credebat posse venire tuis.
 Nam licet hoc ipsi trepidarent tempore cives,
 Dum timor insolitos vertit in arma viros.
 Constanti Medices a cunctis pectore Cosmus
 Civibus ingentem jussit abire metum.
 Atque suis tandem melius confidere rebus
 Dum monet, hostiles pellere ab urbe minas.
 Donec in Anglari Piccinus valle subactus
 Cœpit conflictus in sua damna graves.
 Singula sed referam quid nunc bene gesta parentis?
 An premat ut gravius pectora nostra dolor?
 Sed premat usque licet, moriar prius ipsa necesse est
 Præstita quam taceam, candide Cosme, tua
 Tu nostris Calabrum propulsas mœnibus hostem,
 Tu Lusitani fortia castra ducis.
 Sicque graves casus, & summa pericula summis
 Vitabat studiis Tuscia prisca tuis.

Urbe quod in tota non te divinius unquam
Consilium patriæ qui daret ullus erat.
Acrius ingenio te nullus, Cosme, videbat
Tempore vel dubio quæ faciunda forent.
Ergo ferox Arago cum Lydos forte Quirites
Fideret insolito posse domare jugo.
Consilio tantum, tantum pietate fideque
Publica res per te contabilita fuit.
Ut Calaber Tusca pulsus virtute tyrannus
Inceptis caderet turpiter ille suis.
Nec satis est acies procul hinc fuisse molestas,
Hosti aut Fesuleas eripuisse domos.
Quod mihi perpetuos dempsisti, Cosme, timores
Inspice quas vires patrius ardor habet.
Inspice quo Medices nostri succensus amore,
Æternas Tusca pellat ab urbe minas.
Ne quis enim Lydos auderet forte Quirites
Viribus interdum sollicitare novis.
Cum duce Bebriaco foedus contraxit amicum,
Civibus Etruscis quod violare nefas.
Cum meminisset enim qua Gallus mente Philippus
Sæpius indixit bella gerenda mihi.
Utque suis cuperet Lydum d' muisse leonem,
Viribu & Tuscos diripuisse lares.
Cum bene novisset posthæc te maxime rerum
Sfortia militibus consuluisse meis.
Quantaque præterea constanti e pectore virtus
Surgeret & quantum mens agitare opus.
In me ne posset Ligurum sævire tyrannus
Amplius ingenio prospicit ille gravi.
Inde videt monitis e iam conatus honestis
Ne desint merito præmia digna viro.
Nam tibi Cæsareas cum forti e pectore vires
Cerneret in bellis enituisse novis
Ut posses armis summos sperare triumphos
Fortibus & priscos æquiparare duces.
Ni te deficient comites qui forte ministrent
Sfortia virtuti commoda quæque tuæ.

Non cessat Medices opibus contendere magnis,
 Non cessat vires accumulare tuas.
 Sic dum consilio Medicum suffultus & auro
 Expugnas populis mœnia sæva meis.
 Insuavis imperio quondam subiecta Philippi
 Tradita sunt merito Gallica regna tibi.
 Hinc me majori jam tum pietate tueris,
 Hinc manet in socio major amore fides.
 In me quum princeps odiis agitatus iniquis
 Antiquus ruerit in mea damna ferox.
 Nec tamen heu sævam potuerunt pellere mortem
 Tot merita in patriam, Cosme benigne, tuam.
 Quæ cum sint, aderit quisquam, qui lumina nostra
 Perpetuis lacrimis posse carere putet?
 Adde huc optatæ per te tot commoda pacis,
 Adde huc & nati munera tanta tui.
 Nam cum pauca mihi veteris vestigia belli
 Restarent Medica fræna tenente domo.
 Cum Veneti Tuscam cuperent turbare quietem,
 Cum raperet nostros Appulus hostis agros.
 Mittitur in fœdus Cosmi genitoris alumnus.
 Comprimat ut motus Mars violente tuos.
 Qualis enim noram generoso e pectore virtus
 Quam similis Cosmo surgeret illa patri.
 Nec spes destituit dum tantæ pondera molis
 Sustinet, atque iras temperat arte graves.
 Dum Petrus egregiam percusso fœdere pacem
 E Veneto rediens attulit ille sinu.
 Sic nati virtute nova, virtute parentis,
 Tradita sunt Italis ocia tanta viris.
 Ast ubi me diris jactatum sæpe procellis
 Accipit in tutos mollior aura sinus.
 Erigis auratos, insignis Cosme, penates,
 Ut vetus Etrusca crescat in urbe decus.
 Hinc in honore Deum cunctos celebranda per annos.
 Condita sunt opibus candida templa tuis,
 Candida Fesuleis templa hæc suffulta columnis,
 Quæ sint ingenii signa notanda pii.

Nam quicumque novas spectavit protinus ædes
 Quos addis sacræ candide Cosme, Cruci.
 Quinque Pio Marci constructum nomine templum
 Viderit aut cameris atria longa novis.
 Laurenti cernet nitidum quicumque lacunar
 Auratas testæ versicolore trabes.
 Aut Canonum surgens templum sedemque sacratam
 Visat ubi pulchro fornice testæ micent.
 Affret hic dudum qui jam tot templa, tot ædes
 Ingenti Medicum condidit ære sacras.
 In terris olim nulli pietate secundus
 Exiitit aut superum religione Deum.
 Nec regit hæc pietas Cosinum; tot sacra colenti
 Improba mors nigras intulit ecce manus.
 Nec juvat heu doctas semper coluisse Camænas,
 Illarumque choris usque fuisse ducem.
 Nam quicumque sacrum sperans libare liquorem
 Optabat vitreo spargere fonte caput.
 Te duce Cyrrehas hinc est deductus in oras,
 Votaque complevit te duce, Cosme, pia,
 Quidquid enim Medices uni tibi forte placebat,
 Quidquid & ingenium sanxerat inde tuum.
 Hoc alacres etiam Nysæ sub vertice Musæ
 Numine firmarunt tempus in omne suo.
 Quo te non patrii tantum dixere poetæ
 Qui cuperent frondes carpere, Cosme, sacras,
 Sed quoque Bebriaci divino carmine vates,
 Sed quoque te Latii concinuerunt viri.
 Qualia Pierias tentabant gaudia mentes,
 Qualia Castalii pectora sancta Dei;
 Bellerophontæas cum te ductante cohortes
 Spectarent auctos ex Helicone choros!
 Nunc mecum heu lugent communia damna querel
 Communemque dolent numina mœsta patrem.
 Nec tantum Cæsar qui festas dicitur omnes
 In placido Musas con inuisse sinu;
 Ad lacrimas movit divarum lumina quondam,
 Dum subit extremos morte iubente rogos.

Nunc

Nunc Medices quantum fato correptus iniquo
In fletum mœstas compulit ire Deas.
Et merito: quis enim Latiis erat alter in oris
Qui daret heu doctis munera tanta viris?
Numquis erat, Medices, qui non donatus abiret,
Nomine qui ferret scripta legenda tuo?
Ille domum de te suscepit, Cosme, laremque,
Hic etiam de te prædia læta tulit.
Divitiis alius Medicum ditatus & auro
Invenit ingenio qualia dona suo!
Quid referam summo quos es dignatus honore?
Aut duce te summum qui tenuere gradum?
Enumerare mora est quot jam dum præmia dignis
Digna paras, artes edidicere bonas.
Hinc oratores, hinc sunt mihi, Cosme, poëtæ,
Hinc sunt philosophi, turba verenda, graves.
Sed bona quot nobis tecum modo rapta fuerunt!
Decidimus quanta spe modo, care pater!
Per te jam virgo terris Astræa redibat,
Ut tecum fraudes pelleret illa malas.
Jam mihi jam Medices te consultore redibant
Aurea Saturni secula prisca senis.
Jam fore credebam me tandem, Cosme, quod olim
Cæsaris Augusti tempore Roma fuit.
Fallor, at infelix fatis confixa malignis,
Fallor ut in lacrimis tempora longa teram.
Nam mihi quæ veniat sine te modo, Cosme, voluptas?
Pectora quid sine te nostra juvare queat?
Quid prodest placida quod per te pace fruamur,
Quidve juvant populos ocia tanta meos?
Si moreris vitæ Medices pars maxima nostræ,
Conspectu si nunc tolleris usque meo.
O saltem exequiis patrium celebrare sepulchrum
Sivisses meritis pignora cara pater!
Hæc aliqua heu nobis solatia Cosme fuissent,
Hæc poterant luctu membra levare gravi.
At cupidus vitam quem tu servaris in omnem
Actibus extremis exhibuisse modum.

Usque vetas ullis efferri funera pompis,
 Aut Mausoleo condier illa novo.
 Ast ego quæ nullis astringor legibus usquam,
 Libertas monitis cui data Cosme tuis.
 Ipsa quidem tali semper dignabor honore
 De te quæ restant maxima facta pater.
 Syllana veterum quali dignatus avorum
 Non fuit Etruscis alter in urbe meis.
 Denique vel qualem Ciceroni Roma togato
 Libera vix uni præbuit ipsa viro.
 Namque Pater Patriæ Tusca vocitaberis urbe,
 Libera dum populis jura petita dabo.
 Hæc tibi dum magnum radiis sol circuit orbem
 Constabunt titulis nomina juncta tuis.
 Hæc tibi non fatum, non invidiosa vetustas,
 Non tibi, longa licet, auferet ulla dies.
 Dixerat, & variis tandem confecta querelis
 Reiecit in fratrem languida membra Petrum.
 Ille sinu accipiens dictis solatur amicis,
 Et festam luctu sublevat inde gravi.
 Si visum est Medicem fatis extinguere Cosmum,
 Si patre nos privant numina terna sacro.
 Niteris in vetitum, nam Ditis busta tenebras
 Cum semel intrabunt, janua clausa manet.
 Nec revocare datur, cum fuscæ janitor aula
 Obseret æterna limina dura fera.
 Disce igitur querulis jam finem imponere verbis,
 Disce tuis lacrimis exhibuisse modum.
 Ne tibi, ne dubita desit qui publica curet
 Munera, Fesuleas qui regat arte domos.
 Nam mandata pater quibus hæc tua damna leventur
 Extremis moriens vocibus ipse dedit.
 Egregios etiam Tusca de gente Quirites.
 Nonne vides plures hic superesse tibi?
 En Florentini proceres sanctusque Senatus
 Fluctibus en adiunt portus & aura tuis.
 Hi licet inguri vexentur corda dolore,
 Et tibi sit luctus maxima causa gravis.

Hic tamen edocti Cosmi virtute parentis,
 Te poterunt tantis eripuisse malis.
 His igitur ducibus lacrimis conabor ab istis
 Ad lætos tandem te revocare gradus.
 Annuit illa viro, & quotiens solatia quærit
 Ad notos Medicum confugit ipsa lares.

Ad Braccium Martellum.

Quid, Bracci, totiens graviter me impellere tentas,
 Ut scribam læto carmina læta pede?
 Desine me tantum monitis urgere severis,
 Desine me verbis cogere, amate, tuis:
 Lætos læta decent; me caræ fata puellæ
 Æterna cogunt vivere mœstitia.
 Nunc elegi heu nimium nostris sunt fletibus apti:
 Nunc dolor inde gravis flebile carmen amat.
 An ego non miseris obtundam cuncta querelis?
 An mihi non lacrimæ fluminis instar eant?
 Cum quæ sola mihi tantum dilecta fuisset,
 Unica nec quantum pignora mater amat,
 Me miserum! ante diem fato prærepta nefando
 Liquerit in tantis Alba pudica malis.
 Sic ubi mors nitidos extinxit tristis ocellos,
 Luce magis solis qui nituere mihi.
 Perpetuis lacrimans versabor amice tenebris,
 Et miser in luctu tempora longa teram.
 Ut Phaëtoniadum fuerint quæ fata sororum,
 Dum fratrem lugent nocte dieque pium;
 Nunc eadem timeam nimium crudelia nobis,
 Umbris dum dominæ mitrimus inferias.
 Ast hunc si quando possim sedare dolorem,
 Aut aliquem lacrimis imposuisse modum;
 Tunc ego non dubitem quodvis, Martelle, quod urges
 Ludere, jam totiens vota perita tibi.
 Namque canam (placidum sic sis habiturus amorem,
 Annuat optatis sic Cytherea tuis)

Ut Florentinas præstat candore pue 'as,
 Quæ sola ingenium est digna subire tuum;
 Nec tantum tulerit quas nostri temporis ætas,
 Sed facile præscas vincat ut illa natus.
 Ausim quin etiam formis præferre Dearum,
 Vidit in Idæa quas male valle Paris.
 Nam si visa foret superis hæc mixta figuris,
 Cum grave iudicium de tribus ille tulit;
 Diceret hanc Divas forma vicisse supremas;
 Diceret & Veneri: vinceris, alma Venus.
 Æquo sic animo præferri passa fuisset,
 Iudicio cedens hanc Dea quæque sibi.
 Ex quo non ira in speras cecidisset acerba,
 Iudice nec Phrygio numina læta forent:
 Nec patriæ turpis gravius nocuisset adulter,
 Per mare dum munus exitiale petit.
 Non Helene Paridi nimium placuisset iniquo,
 Dum jus hospitii frangeret ille sacri.
 Nec Juno in Teucros movisset bella Pelasgum,
 Sed staret Priami regia celsa senis.
 Neve Hecube miseræ præberet tristia vitæ
 Exempla, rabido facta dolore canis.
 Sic odio dignus quanto fuit ante, malorum
 Tam gravium Teucris causa nefanda Paris;
 Egregiæ tantum laudis Marietta tulisset,
 Non belli, at pacis causa futura bonæ.

Ad Annalenam feminam castissimam.

Surge liber; nigram tristis nunc indue vestem;
 Namque color lacrimis convenit ille tuis.
 Vade: dolor si te jam nunc sinat ire nefandus
 Quem capis: atque Annæ casta sacella pete.
 Tu tamen hic dubius ne sis, aut inscius erres,
 Huc iter ista tibi signa noranda dabunt.
 Invenies pontem, qui tertius imminet undis,
 Quas Arnus placidis in mare volvit aquis.

Fefuleis surgunt post, quæ suffulta columnis
Cardida templa peres, Spirituamque domum.
Hunc a fronte locum quo mitteris inde videbis,
Est modo qui gradibus meta futura tuis.
Veneris huc postquam, primum prece numen adora,
Quod sibi præcipuum casta facella colunt.
Hinc ubi conversus pulsaverit ostia solers,
Quæ tibi prima domûs interioris erunt.
Ostia pulsanti custos referabit amicus,
Namque patet castis protinus ille locus.
Atria jam subiens cernes loca digna videri
Plurima, te quorum non remoretur amor,
Quominus Annalenam, liber, hanc mœstissime visas,
Quæ gravis accessus est tibi causa tui.
Vestales quamquam spectabis in ordine castas,
Fundentes sacras in sua vota preces;
Invenias licet ipse locum, qua parte fuisset
Hæc tibi, quæ lacrimas suggeret usque graves.
Sed puto non facies, nam sunt graviora fatemur
Hæc præcepta, damus quæ tibi parve liber.
Te nihil heu poterit, video, retinere ruentem,
Quo minus hunc adeas, inspiciasve locum;
Quo minus hæc miseris implens loca questibus amens
Effundas querulis verba dolenda modis.
Parcius ista tamen, linguis quia forte favendum
Est ibi, tu facies parcus ista tamen.
Cum dederis lacrimas nullis clamoribus actas,
Impletur tacitus cum tibi corda dolor;
Annalenam properans adeas dominamque salutes,
Si dare qua careas, mœste, salute queas.
Hanc ubi convenies sacrata in sede locatam,
Que tibi divini numinis instar erit;
Dic quo consilio, quibus aut rationibus actus
Viseris hanc, vel sit quæ tibi causa viæ.
Dic age, sed vul-u qualem decet illius esse,
Qui miser in lacrimis tempora longa terat.
Dic, liber, Albieram sic te doluisse cadentem,
Dum ruic heu fatis rapta puella malis;

Ut nihil acciderit quondam tibi tristius usquam,
 Nec sit quod gravius pertimuisse queas.
 Ut Phaëtoniadum fuerint quæ dura sororum,
 Hæc eadem possis fata timere, liber.
 Cum tamen hæc ita sint, non est minor ille, suprenum,
 Sit quamvis sapiens, quem capit Anna dolor.
 Dicitur hæc etiam lacrimas fudisse pudicas
 Albitiæ fato virginis acta gravi.
 Nec mirum sic Anna piam dilexit alumnam,
 Pignora sola velut anxia mater amat.
 Hanc ubi sis igitur sacro veneratus honore,
 Insuper hæc illi pauca, sed apta, refer.
 Non ego te, mater, jubeo deponere curas,
 Quas tam legitimo victa dolore geris.
 Hæc tantum facienda putes nunc, Anna, rogabo,
 Quæ facienda tamen sunt quoque visa mihi;
 Ut tantum spatii tribuamus uterque dolori,
 Et tantus nostris sit modus ut lacrimis,
 Illius ut memores solitum servemus amorem,
 Hanc ut uterque prius, nunc & uterque colat.
 Tu precibus sacrum castis augebis honorem,
 Et quem pro meritis nuper adepta suis.
 Ast ego quæ totum fuerint celebranda per orbem,
 Illius in nomen carmina sancta canam.
 Sic en te superis melior duce fiet in oris,
 Vivet & hic numeris aurea facta meis.

*Eulogium in Albieram Albitium morientem,
 ad Sigismundum Stupham ejus Sponsum.*

Huc quæcumque tenes Arni vada fluminis, aut quæ
 Incolis Etruscas, Nympha pudica, domos.
 Et quæcumque piæ mores imitata Dianæ
 Prosequeris castos per juga summa choros:
 Huc precor, ut venias, pectus percussa decorum,
 Et manibus mœstas dilaniata comas.
 Namque Flumentinis formosior una puellis
 Occidit, Albitiæ fama decusque domus.

Occi-

Occidit Albieræ fato pia forma nefando;
Cura patri misero, cura dolenda viro.
Nec fuit indignum sævissima numina, Parca,
Illius heu plenas sic lacerasse colos?
Vix hæc infelix vitæ tria lustra peregit,
Cum cecidit sævæ facta rapina neci.
Profuit Albitiæ nil optima forma puellæ,
Qua poterat superas urere pulchra Deas.
Ah quotiens dolitura nefas Venus aurea dixit:
Illa Cupidinibus altera mater erat.
Quid juvat ingenium? variis quid lingua figuris?
Pallada quid prodest mille referre modis?
Quidve pudicitiam penitus servasse? quid aureis
Moribus Etruscas exuperasse nurus?
Optima quæque rapit tollens tria Cerberus ora;
Deterius numeris prævalet omne suis.
Flos erat, ipsa cadit, moriturque Polyxena virgo
Jam sene tam miserum matre vidente nefas.
Interpres superûm cecidit Cassandra Deorum:
Delirans Hecube tuncque superstes erat.
Quid referam patris pro te, quid vota mariti?
Plura licet fuerint, nil valuisse tamen.
Atra dies aderat vitæ tibi terminus actæ,
Fortibus illa quidem sæpe tremenda viris.
Jam stabat vacuâque colo Dea de tribus una,
Ut secet auratas livida Parca comas.
Cum solata virum, cum tu solata parentem
Intrepidis loqueris talia verba modis:
Sancte quid heu conjunx, lacrimas ita fundis acerbis?
Quid, pater ingeminans, verba dolenda refers?
Tristia quæ vitæ disrumpit flamina Clotho,
Non audit miseras invidiosa preces.
Illa proterva magis, semper magis improba sævit,
Quo magis est meritis exagitata piis.
Neve quod illa manus mihi nunc inferre moratur.
Id facit a verbis Parca retenta bonis;
Sed quia Saturni superis expectat ab oris
Improba de nobis tristia signa dari;

Quæ simul accipiet, non me remorabitur hora,
Lurida sed nigras inferet illa manus.
Non genus Albitiam, talis neque gratia formæ,
Qualem spectatis, proderit ulla mihi.
Non decus heu famæ, non vita pudica, nec ætas
Me queat e nigris eripuisse rogis.
Nil, Sismunde, tibi fuerim quod sponsa, juvabit;
Me tua defender mutua cura nihil.
Nil prodesse queat cari mihi cura parentis,
Is licet assiduo corda dolore premat.
Proderit haud populus faciens mihi vota benignus,
Vota procellosis illa ferenda Notis.
Est calcanda semel cunctis via mortis acerbæ;
Omnibus atra semel styx adeunda palus.
Discite qui statis juvenes, teneræque puellæ,
Terrenis solidum rebus adesse nihil.
Plura locuturæ gelidum mors improba pectus
Occupat, & sævas iniicit usque manus.
Illa graves tollens oculos vix pectore ab imo,
O pater, o conjunx, inquit, amate, vale.
Dixerat, & fatis tandem confecta malignis
Deferit in gelido candida membra thoro.
Hic quos clamores dederit pia turba dolentum,
Musa licet faveat, nemo referre queat.
Nam patris ut fiteam gemitus fiteamve mariti,
Utque pius lacrimas fudit uterque pias;
Astabant matres lecto, tristesque puellæ,
Copia carminibus non referenda meis.
Quælibet ac miseris tundentes pectora palmis
Figebant gelidis oscula mœsta genis.
Trahebant aliæ niveum de vertice crinem,
Posset Apollineas qui superare comas.
Atque aliqua ex illis dixit: fera Parca, supremas
Jam potes e medio tollere acerbæ Deas.
Jam potes in superos tua jura tenere beatos,
Si cecidit manibus sic Dea tanta tuis.
Nam sicut fuerat formosior una Deabus,
Credideram penitus ne moritura foret.

Hæc

Hæc cum, Nympha, tibi non exaudita referret,
 In nemus Elysium candida vertis iter.
 Huc te mortales nullæ comitantur euntem,
 Sed quibus in superas sunt loca certa domos;
 Relligio, Pietas, te sunt, Charitesque secutæ,
 Te decus ingenuum, purpureusque pudor.
 Quid memorem sanctamque fidem, caramve sororem
 Dædaleâ lances quæ tenet arte pares?
 Teque pudicitia decor aureus, aurea summæ
 Forma venustatis rite secuta fuit.
 His comes irriguos fontes & amœna vireta
 Devenies, nuribus prata tenenda piis.
 Per Tyberim, Romæ, Matrem quæ sola Deorum
 Traxerat, occurret Claudia prisca tibi.
 Illa manu capiens te, per nemus ire docebit
 Erudiens cultus casta puella pios.
 Hic expectabis fidum Dea facta maritum,
 Mortales donec deferat ille vices;
 Est ubi tam tristi fatorum sorte negatum,
 Dum superes, tecum vivat ut ille simul;
 Sitis ut hic junctis animis, & mente futuri,
 Dum sol occiduas ingreditur aquas.

Epitaphium Albieræ Albitiæ.

Quid juvat, Albiera, ingenium, quid forma? quid ætas?
 Quid te nobilitas, Albitiumque decus?
 Quid te, quod juveni primati sponsa fuisses?
 Quidve pudicitia cuncta dedisse piæ?
 Ecce jaces, subito truncant dum filia sorores,
 Deliciæ patris, deliciæque viri.

In eandem.

Conjuge quid rapta lacrimas, Sismunde, pudicas
 Fundis? sum vulgo mortua, vivo tibi.

Ad Laurentium Lippium.

Lippus erat priscus, lyricis cui versibus olim
 Romanus primas usque daret populus.
 Lippius agnomen tibi, nunc quoque carmen eburno
 En lyricum plectro musa benigna dedit.
 Quam prope conveniunt igitur tua nomina Lippo,
 Tam prope & ingenio sitis uterque pares.

Ad Antonium Tridentonem.

Quam bene conveniunt Musarum magne sacerdos,
 Prisca Tridentonum nomina clara tibi!
 Nam velut æquoreas Neptunus temperat undas,
 Utque tridente suo commovet acer aquas;
 Sic quoque tu, seu vis ægros, divine Tridento,
 Mortales dulci detinuisse lyra;
 Seu cupis hos rursus numeris impellere ad æstus
 Mentis, ad tristes acrior inde minas;
 Id facis egregie; sic quod Deus ille tridente,
 Docte Tridento potest, tu potes ingenio.

Ad Philippum, & Amerigum Corsinos.

Sunt gemini cœlo fulgentia sidera fratres,
 Quos magna ad cœlum fama tulit celebres;
 Hic pugili insignis palma fuit, alter equestri:
 Nemoque tantorum viribus æquus erat.
 At vos & geminos paribus nunc artibus æquum est
 Pieria cœli tendere in astra via.

Ad Petrum Cenninum.

Cum, Petre, quid valeam meditor, penitusque repostas
 Ingenii vires mente voluto mei;
 Sacri non ausim nomen sperare Poëtæ;
 Quum nequeam gracili magna referre lyra.

Sed

Sed tu cum biberis lymphas Helicone petitas,
Doctaue Gorgoneo tinxeris ora lacu;
Ut possis certo quæ mox ventura trahantur
His qui nosse velint, protinus ore loqui,
Suspicio interdum fieri quoque posse, quod augur
Carminè Lesboo vaticinatus ais.
Sed ramen hac illud puto conditione futurum,
Si tibi quod dederit, mî quoque Musa dabit.

Conqueritur de infelicitate sui natalis.

Tristia tunc ternæ ducebant pensa Sorores,
Editus in lucem cum miser ipse fui.
Nunc ceptum servant crudelia fata tenorem,
Jactatam ventis fors agit ipsa ratem
Vix mea bisseos ætas heu viderat annos,
Cum cari extuleram funera acerba patris.
Quin etiam moriens mater mihi maxima cura
Attulit hinc oculis tristia visa meis.
Nec, germane, minus, quam quondam Castora Pollux
Dilexit, fratrem linquis, amate, pium.
Nam miser ante diem morbo præreptus acuto,
Clauisti vitæ vix duo lustra puer.
Præterea res ipsa, malis tutoribus acta,
Urget in angustum pessima sæpe locum.
Ut mihi, dum cupio placidas attingere musas,
Quarum præcipue me modo raptat amor;
Tempora sint curis nunc impendenda molestis,
Fluctibus emergat navis ut acta malis.
Sed postquam fato ducenda est vita severo,
Meque bonis privat fors inimica suis;
Præstabo saltem, ne quis tot casibus umquam
Dicere me victum succubuisse queat.

Ad Antonium Puccium.

Puccius, unde tibi deductum nomen avitum,
Clarior unde domus Puccia nomen habet,

Flectendis fertur Lydorum doctus habenis
 Egregia multos arte præisse viros.
 Ast ubi fatali genuit te sorte cretum
 Puccius, Antoni, spemque decusque tuis;
 Accidit, ut quantum vicit pater ipse priores
 Ingenio, tantum viceris inde patrem.
 At tu si studeas imitari facta tuorum,
 Et patris ingenium, nate, referre tui;
 Atque huc Pierias adjungas protinus artes,
 Ut facis, & quidquid Calliopea monet;
 Te, Pucci, nequeant ulli superare nepotes,
 Virtutes possit vincere nemo tuas.

Ad Titum Strozam, Poëtam insignem.

Tite, Fludentinæ magnum decus urbis, avitum
 Qui trahis a Stroza nobilitate genus;
 Quem nova quod placidæ dederint tibi carmina Musæ,
 Frondibus ornavit pulcher Apollo suis;
 Quod fuit Augustum, vates, apud, optime, regem
 Pollio, Mæcnas vatibus ante bonis;
 Id precor Estensis mihi sis prope Principis aurem,
 Sic quæcumque cupis fors det amica tibi.

*Epitaphium in Carolum Marsupinum,
 vatem nobilissimum.*

Ingemuit graviter quondam Parnassia laurus,
 Mæonium rapuit cum fera Parca tenem.
 Rursus morte tua, vates sanctissime, tantum
 Luxit, ut ex illo cura secunda fores.
 Et merito; quoniam Latio tibi ludere plectro,
 Carole, quod potuit Calliopea dedit.

*Epitaphium in Philippum Antellam
Antistitem Florentinum.*

Hic tuus Antistes fuerat, Florentia, quondam,
Romanæ mirus religionis honos.
Sed dum jura pius sanctissima dicit in omnes,
Et verat in populo crimen inesse suo;
Antellæ non clara domus, non sancta Philippum
Vita potest nigris eripuisse rogis.

*Epitaphium in Antonium Lucensem, Medicum
insignem.*

Auctor opis medicæ, medicam cui Cynthius artem,
Cui dedit, ut genimos nosceret arte polos;
Antoni, ratio terræ cui nota fuisset,
Qui nosces numeros, hoc situs es tumulo.

Epitaphium in Antonium Baroncium.

Cyrrhæis olim semper veritatus, in oris
Diceris Aonias excoluisse Deas.
At dum prima novis modularis carmina nervis,
Antoni, juvenem te rapit atra dies.

Ad Herculem Estensem.

Musa, ubi tu dederis solitas in carmina vires,
Et mihi Pieriam mentem spiraris, ut ante;
Borsius Estensis cum se bonus obtulit ultro
Carminibus nostris, divino ex more canendus:
Musa, velim Tuscas dubites haud linquere sedes,
Herculis auratos subeas ut, diva, penates.
Post ubi regalem venies in principis aulam,
Hæc illi nostro referes mea nomine dicta:
Urbibus idcirco pia fata dedisse Liburnis,
Rebus ut Hercules princeps frueretur avitis.

Ut desiderii ferat hic solatia magni;
Omnibus ecce suis, moriens quod triste reliquit
Borcius Estensis lacrimabile tempus in omnes,
Ni foret Herculeum robur, nisi maxima virtus,
Quæ facit, ut penitus lacrimæ ponantur acerbæ,
Omnibus & latæ veniant in gaudia mentes.
Hæc ubi dicta viro dederis, qui nomina prisca
Herculis uique refert; latum mea musa per orbem
I, pte, magnanimosque duces, populisque potentes,
Et quoscumque, sua qui sub ditione tenebunt
Urbes & populos latos, gentesque virosque;
Quos ubi convenies, moneas, ne temnere jura
Ipsa quidem statuunt, cupientes vivere raptō.
Si quos offendes non æquo jure tyrannos,
Qui vexent populos injusto Marte propinquos,
Protinus abstineant; graviter monuisse licebit.
Ni faciant quodcumque voles, quodcumque jubebis:
Et nisi desierint agitare tyrannide sæva
Innocuos, illis vel adhuc superesse referto
Herculeas vires, quodam quibus ille solebat
Injustos latum reges domitare per orbem;
Nam superest alter, paribus qui temperat urbes
Legibus Estenses, & acuta protegit hasta,
Robur & Herculeum propriis virtutibus æquat.
Hic igitur cum sorte nova, fatique benignis
Cæperit imperium magnum, populosque regendos,
Viribus Herculeis statuit crudelia monstra
Tollere, & injustos condigna morte tyrannos.
Hinc iterum Diomedis equos domitabit agrestes
Is novus humanis vespentes carnibus heros.
Temporibus nostris fuerit si forte repertus,
Qui sua tam tristi perfundat corda veneno,
Ut velit aut homines diris opponere monstros
Impius, aut sævis velit objectare periclis;
Si modo Mænalias aper invalisset in oras,
Cunctaque fulminibus vastaret rursus, ut ante,
Hunc tamen ille suo superet modo robore princeps,
Herculeis Estenses ritu qui temperat urbes.

Inde fuga æripedem Cervam superabit et idem,
Veloces olim cursu quæ vicerat Euros;
Ut fueras quondam validis, Acheloe, lacertis,
Herculis utque manu tandem superatus & arte,
Privavit cornu cum te fortissimus Heros;
Sic modo convictus clava, convictus & armis
Herculis, Estensi venies nova gloria palmæ.
Quin etiam superanda Palus Lernæa labori
Se dabit Herculeo, tenuit quam corpore vasto
Septem dira novis immanis hiatibus hydra,
Cui licet & capiti tot nunc, velut ante, redirent,
Ora quot a monstro penitus convulsa fuissent;
Non tamen is molem dubitet superare nefandam:
Unus præsertim de tot cervicibus anguis,
Si velit Herculeas se contra attollere vires.
Crudeles licet extiterint Busiridis aræ,
Ille peregrinos quibus infestabar ut hostes,
Impia dum patriis imponitur hostia sacris;
Non tamen hunc tegerent crudelia facta tyrannum,
Quo minus Herculeis ita nunc velut ante fuisset
Viribus, Estensi fieret nova præda triumpho.
Certamen summum priscorum viderat ætas
Herculis Antæum procul a tellure tenentis;
Ipse viam donec vasto sibi fecit ab ore
Spiritus, atque leves in ventos vita recessit.
Si quis, ut Antæus fuerat, venit ergo superbus,
Qui vocet heroas ferus in certamina fortes:
Hic expectet idem, quod tandem contigit ipsi,
Qui dulcem presso vomuit de pectore vitam.
Quin Leo si Nemees sese ferat obuius alter
Herculis ecce novis summis modo viribus, aut si
Irruat Estensem contra Teumessia moles;
Attamen hic victor jugulos aperiret, & acer
Amborum gemina frueretur pelle leonum.
Geryonem quid enim referam tria corpora habentem?
Quid Cacum memorem dirum, celebremque latronem?
In quos libravit clavam Deus ille trinodem
Sæpius, effractoque illisit in ossa cerebro.

Quid tristem Nessi dicam, mea Musa, ruinam?
 Herculis uxorem magnò qui victus amore
 Ceperit, & pœnas dederit malesanus acerbas?
 Estensem credam pariter nunc rursus iniquos
 Centauros domitare manu quoque posse feroci;
 Hos ut adulterium pigeat patrasse nefandum.
 Es quoque tu magni subiturus tartara Dis
 Qui regis Estenses, rursusque in vincla daturus
 Custodem magnum, quamvis tria Cerberus ora
 Porrigat ad nigram venienti janitor aulam.
 Inde petes superas divino numine sedes,
 Ut quæ gessisti terris agitatus in imis,
 Cœlicolis eadem facias quoque nota supremis.
 Nam roget hic aliquis si quæ mihi causa videtur,
 Cur fuit Herculeo capiti subeundus & axis:
 Hanc ego crediderim, quia quæ Tyrinthius heros
 Gesserat in terris, ea maxima facta per orbem
 Mortales superique simul condigna putarint;
 Auctor ut illorum fama penetraret Olympum.
 Ergo si potuit sævissima vincere monstra,
 Atque feros superare duces Tyrinthius heros;
 An dubitet quisquam, sit adhuc cum fortibus armis
 In terris alter, referat qui nomina prisca
 Herculis, ut possit pariter nova vincere monstra,
 Atque novos virtute nova domitare tyrannos?
 Quare agite, o reges, monitus neu temnite sacros;
 Namque novem, quarum vos nunc petit una, puellis
 Numen inest: igitur ne non prædicta putetis,
 Hæc animis penitus vestris sua figite dicta.

*Elegia in septem Stellas errantes sub humana specie
 per urbem Florentinam curribus a Laurentio
 Medice Patrie Patre duci iussas more
 triumphantium.*

Mirari genus antiquum, quæ viderat olim
 Desinat, in terris maxima facta geri.
 Sit leve, quod veteres quondam cecinere poëtæ,
 Sit leve, quod priscus scripsit & historicus.

Et quod Roma potens fecit, quod Græcia dixit,
Edocet innumeros cum bene multa viros.
Dum monstrat, nitido quot sunt errantia cœlo
Sidera, quæ virtus cuique tributa manet.
Quidquid Olympiacis in montibus Herculis acer
Contemplans animus vidit in arce poli.
Sit leve, sitque hominum neque gloria tanta priorum,
Dicitur antiquis quanta fuisse viris.
Nam meliora dedit Medices, majora paravit,
Quam quæ ab antiquis gesta fuere prius.
Militibus inultis quia si domitavit & orbem
Cæsar, ut imperium surgat in alta Remi.
Aut si rex Macedum multas superaverat urbes,
Rebus ut a gestis nomen in astra ferat;
Id fecere duces fieri quod posse facultas
Est data, conditio nostra quod ipsa dabat.
Si varias superum sedes adiere Deorum
Felices animæ stelligerosque polos;
A causis possent ut res bene nosse futuras,
Deque vagis stellis quot bona certa fluant;
Fecerunt homini quod erat fecisse potestas;
Quod valet ingenio quis, quod & arte valet:
Quod menti licuit mortali in corpore clausæ,
Viribus humanis quod licitumque fuit.
At plus ecce dedit nobis Laurentius heros,
Quam sit ab humana conditione datum.
In Cœlo quæ sunt alii docuere sub umbra,
Nube sub hi superas exposuere domos.
Primus hic in terras altum deduxit Olympum,
Primus hic en oculis astra videnda dedit.
Hic prior huc stellæ deduxit ab axe vagantes,
Quæ nusquam superos deseruere prius.
Vidimus hæc primum terris habitare jacentes,
Quæ cœlo semper fixa fuere suo.
Vidimus hæc igitur, manibus tractandaque nostris
Sunt data Te, Medices sidera tanta duce.
Nec dubitare datur, quid ferr Saturnus agitque,
Sideris aut virtus quæ sit habenda Jovis.

Quid ferus inducat nobis Gradivus, ut arma
Suggerat illa, quibus patria tuta tua est.
Quot bona Sol tribuat mortalibus, ut ferat hos, qui
Communem monitis rem, patriamque regunt.
Quid gerat alma Venusque boni, quid amica ministret
Nobis, ipsa suis septa Cupidinibus.
Nec tu Mercurius nobis dubitandus haberis,
Quid facis aut quod te sub duce fervet opus.
Ultima de septem nec tu, vaga Luna, moraris
Nos docuisse homini qualia danda putas.
Corporeis oculis vos hæc manifesta tulistis,
Sensibus humanis sint ut aperta magis.
Sint ut aperta magis per vos quæcumque geruntur
Omnibus his animo qui minus illa vident;
Qui minus ingenio possunt cognoscere tardo,
Moleque corporea nosse nec alta queunt.
Nec tantum signis quot erant ea sidera certis
Monstrasti, Medices, qua specieque forent.
Dulcibus at numeris suavi modulatus ab ore
Singula quid faciant præcipis arte cani.
Præcipis arte cani tanta, foret omnis ut inde
Stella magis nota hic, quàm sit in arce poli.
Qui cantus postquam fuit his bene ceptus haberi
Ad suaves, placuit quos statuuisse, modos;
Constitit hic cælum subito, stetit aureus axis,
Quo circum ipse agitur semper uterque polus.
Nec non a solito requierunt flumina cursu,
Neve aliter steterunt, quam manet alta silex.
Ipse aër solitus qui semper in orbe moveri,
Constitit ad numeros, quos cecinere, bonos,
Quin etiam venti late posuere feroces,
Omnibus atque fuit tradita summa quies.
Frondebis ex levibus nulla est ibi visa moveri;
Sic intenta sono quælibet aura fuit.
Rursus aves, liquidum quæ cantibus aëra mulcent,
Quæ duce natura semper ab arte canunt.
Gutturis ora sui subito clausere volentes,
Et statuere omnes sponte tacere sua.

Quod meliora quidem se tunc audire putarent,
Quàm fuerant ea, quæ blandula cantat avis.
Nam meminere illi, quibus est data cura canendi,
Sidera quid soleant omnibus alta dare.
Dixeruntque gravis quàm sit Saturnus in omnes,
Ut creat & tristi religione viros,
Sive nigras vestes capiantque, ferantque libenter,
Infectas fusco sive colore gerant.
Quosque melancholicos vocitant, Saturnus & affert,
Quos & avaritiæ dira cupido tenet;
Ingenioque valent, & acumine mentis abundant,
Quique solent animo res agitare diu,
Hæc ubi dicta: canunt, cœli quid ab arce creare
Juppiter est solitus, vel bona quanta ferat.
Utque Sacerdotes magnos creat ille, gravesque,
Illustresque sacro semper honore facit.
Pontificesque pios, quique ordine cardinis alto;
Pilea rubra ferunt, Juppiter ipse tulit.
Marsque det ut vires recirunt, animique ferocis
Robur in hostiles præstet ut ille minas,
In medio positus cur Sol ab origine mundi est,
Scilicet ut radios fundat utramque pares.
Spargat & ut vires stellas Deus æquus in omnes,
Vimque det ut reliquis inde calore suo.
Astra quod ille novo faciat splendere nitore,
Posse quibus Titan plusve minusve dedit.
Lucis enim quidquid residet, seu roboris illis,
Tradidit auricomum tempus in omne jubar.
Nam bene cum sapiat, sapienter & alta gubernet
Cynthius illustrans omnia luce sua;
Procreat inde pios vates, sanctosque poëtas,
Et quos ex humili gloria tollit humo:
Famaque quos ornat: dat enim nomenque decusque
Sol bonus, & celebres reddit honore viros.
Gignit item medicos, non tam qui corpora sanant,
Quam bene qui menti consulere malæ;
Qui purgant animos vitiis gravioribus ægros,
A vera possint ut ratione regi;

Unde domus Medicæ Phœbus mihi primus & auctor
Creditor, & credam cur, mihi causa paret.
Nam quicumque vir est toto mal sanus in orbe,
Et morbos animo sentit inesse suo.
Ad sanum per te, Medices, ratione magistra
Ducitur, & monitus servat ubique tuos.
Hæc ubi dicta satis Phœbo; Venus ipsa quid affert,
Quid facit, hinc placidis concinere sonis.
Gratia namque Deæ cum sit data maxima semper,
Ignitas in nos commovet illa faces;
Unde fit, ut semel a Veneris qui tangitur igne,
Torreat hunc formâ pulchra puella suâ.
Semper amore gravi namque ille tenetur, & ardet,
Semper in alterius corpore fervet amans.
Idem amor & gelidis pisces grave torret in undis:
Torret aves, dulci conficit atque malo;
Per Venerem totus quoniam renovatur & orbis,
Arboribus fiondes profiliuntque suis.
Lætæque diverso variantur prata colore;
Floribus a multis picta relucet humus.
Hanc igitur læti, divamque sequamur ovantes,
Matres, atque nurus, vir puer, atque senex,
Lætius ut vitam suavem ducamus ab illa;
Quilibet ut læto transigat inde dies:
Nec genitus Maja numeris indictus abisti,
Namque canunt alacres vis tibi quanta manet;
Quisque vir ut loquitur per te, populisque per artem
Quod volet hic suadens aurea verba facit;
Commover utque gravem dictis, sanctumque senatum
Acribus, & populum vertit ad arma levem.
Ducit ut ad sanum cives ubicumque feroces,
Et qui plus ratio quam monet, alta petunt.
Rursus ad extremum dignatur honoribus isdem,
Luna quidem partes sumit & ipsa suas.
Nam Dea venandi cum sit, canibusque sit illa
Notior, optato quam sit amica viro.
Aurea dehinc Phœbe canu celebratur eodem,
Namque refert cantus, quid solet illa dare.

Ut venatorem doceat bene retia ferre
 Huc ubi quammultas captet ab arte feras;
 Quem quoque turba canum sequitur, rictuque sagaci
 Sæpe citat lepores per juga summa vagos.
 Sæpeque capreolos, obscura in valle repositos,
 Sic agit, ut fiant præda petenda viris.
 Inde mola si quis fruges bene frangit acuta,
 Si quis ad id vitreas ire coëgit aquas,
 Accipit a Luna quæcumque est illa facultas,
 Possit ut in partes consuluisse suas.
 Arboris & ramo feritur cum surculus alte,
 Gignat ut interdum poma aliena sibi,
 Cynthia præstat opem, cœlo quam mittit ab alto,
 Et facit ad votum quemque venire suum.
 Hæc, & plura satis cecinerunt carmina vates,
 Ex nis, quæ septem sidera ferre solent.
 Sed tamen hæc modo me tam maxima copia rerum
 Innumerabilium dicere cuncta vetat.
 Me vetat, & Medices oculis quia cuncta tueri
 Cum dederit, nostris non opus illa cani est.
 O res mirandas, & quas memorare poeta,
 Divinus quamvis, non queat ille tamen;
 Tu quia Laurenti fecisti solus in orbe,
 Quod veteres cuncti non potuere prius.
 Fecerunt illi pulcherrima multa fatemur,
 Mi serunt orbem tui ditione sua.
 Scandere tentarunt Cœlum, causasque latentes,
 Quoslibet ingenio perdocuere gravi:
 Sidera mortales ut mentis acumine possent
 Nosse, quid afferrent, quid meditata forent.
 Tu tamen, o Medices, non tantum hæc omnia nosti,
 Nec tam sunt alta mente reposita tibi,
 Quàm virtute tua nobis potuisse videris,
 Corporibus sumptis astra videnda dare.
 Astra videnda quidem reliquis, ac rite jubenti,
 Omnia quæ cupias ferre parata tibi.
 Tantus honos, Medices Laurenti, fulget in illa
 En tuus atque tuum tam movet illa decus,
 Quod

Quod virtute nova sic jam meritisque parasti,
 Factus ut hinc superis par videare Deis.
 Ergo si qua fides, oculis quæ vidimus ipsi,
 Danda est, id, quod agis, majus habetur opus.
 Majus habetur opus tanto (mihi credito) quanto
 Plus erit huc supera numen ab arce trahi,
 Quam quæ sunt hominum superis si annectimus ipsis,
 Si mortale quod est jungimus atque Deo.
 Unde quidem priscos, illorum ut pace loquamur,
 Vincis & ingenio, vincis & arte tua.
 De gestis hominum quoniam duxere triumphos,
 Mortalis curram quisque secutus erat.
 Te nos de superis meritum nova ferre trophæa,
 Vidimus in terris astra superna sequi.

*Ad Sanctissimum D. N. Leonem X.
 Pont. Max.*

Cum genus humanum miserum, Deus alte, videres
 Affectum variis ante fuisses modis:
 Cum quoque perspiceres cædes, & vulnere late
 Tot fieri, spes ut nulla futura foret:
 Heu mala tanta polo tandem miseratus ab alto
 Tristibus optasti jam posuisse modum.
 Hinc dare sic requiem statuis, finemque labori,
 Ne pereant omnes, ne genus omne ruat.
 Cum dederis talem divino ex ordine nobis
 Pontificem, qualis non darus ante fuit.
 Nullus in urbe mea prior extitit, attamen unus
 Instar multorum Tu, Leo, factus ades;
 Ex vero penitus nos ut jactare queamus
 Pontifices centum nos habuisse prius.
 Ut jam Pontifices centum rear esse creatos
 Ex his, quos vitreis irrigat Arnus aquis.
 Ponderis en tanti quia sis, eris atque futurus,
 Unus ut is multis plus habiturus eas.
 Nam, Leo, Tu tantum Medices potuisse videris
 Cum virtute tua, cum Medicæa domus,

Ut

Ut vincas cunctos Terræ quos accipit orbis,
Quos sinus exoriens, occiduusque tenet.
Omnis enim virtus sedem sibi fecit honestam
Morte vel in media, pectoribusque tuis.
Hinc meditaris opus, quo non aut Græcia majus
Præstitit, aut melius non Latiumque vetus
Ut templum, Leo, nunc, Medices, hoc esse puteris,
Romulidæ soliti quod statuisse prius.
Tunc ubi Virtuti sedem posuere sacratam
Sic, ut & a cunctis diva putanda foret.
Nam tua mens, postquam vitiis procul inde fugatis,
Est animi certe pluribus aucta bonis.
Ingenio nosti summo, quæ scripta fuerunt
Omnia, quæ tribuit utraque lingua tibi.
Novistique sacros vates, sanctosque Poëtas,
Quodque Maro cecinit, Mæoniisque senex.
Quod Cicero docuit, quod Quintilianus & auctor
Scriptis, & historici quod monuere graves.
Est quod Aristoteles meditatus, & arte notavit
Divina, dictus qui fuit ante Plato.
Atque alios plures, quos est mora longa referre,
Quosve meis numeris non meminisse queam.
Adde quod es musis factus pius inde sacerdos,
Pieridum manibus dum sacra ferre juvat,
Dum quoque Cyrrhæo totus sic fonte lavis,
Ut sacer hinc vates Carmina sancta canas.
Qualia jam veteres quondam cecinere poëtæ,
Audiit Eurotas quæ tamen ante cani.
Sed quota pars meriti fuit hæc? majora feruntur
Quæ possint laudes accumulare tuas.
Namque pudicitæ tantum tribuisse videris,
Ut sis spiritibus par, similisque sacris,
Cum vitam, Medices, ita Tu bene duxeris omnem,
Ut tibi jam fuerit cognita nulla Venus;
Hæc nisi Cœlestis, superum quæ gignit amorem,
Omnia componit quæ super astra manent.
Felices animas Venus hæc facit arte superna,
Hæc genitum patri jungit, eique Patrem.

Spiritus hæc, sociis geminis, qui sanctus habetur,
Nectitur; hæc trinum colligat una Deum.
Qui tamen existat simplex, namque una voluntas
Semper, & una tribus mens animusque manet.
Unde fit æthereum late quia fundit amorem
Hæc Venus, & superas implet amore domos.
Semper ut hæc natos generet, similesque parenti,
Sancta que sit sanctis septa Cupidinibus.
At licet hæc facias, Leo, mens quæ monstrat agenda,
Quæ contemplandis rebus & apta putas;
Aptaque sunt studiis, & quæ sapientia præstat,
Quæ docet, ac tacitis cogitat illa modis.
Fortia tanta tamen rerum natura creatrix
Tradidit ipsa tibi, tot cumulatâ dedit.
Ut quoque bella geras, Medices, atque arma capeſſas,
Tu quibus Italiam semper ab hoste regas.
Nec sine consilio tibi sunt concessa superno
Talia, sed summo sic statuente Deo.
Omnipotens Cœlo nam cum spectaret ab alto,
Corpore quanta pares, qualia mente geras;
In cunctis, Medices, ita te facit esse potentem,
Ingenio vires sic facit esse pares.
Ut quodcumque putas animo seu mente gerendum,
Corporeis possit viribus illud agi.
Ergo vices Christi tribuit tibi summus habendas
Omnipotens, serves tu quibus omne genus.
Tu quibus & sapias reliquis magis omnibus unus,
Quos sol exoriens, occiduusque videt.
Tu quibus in bello superes Garamantas, & Indos,
Quidquid & imperio paruit ante Romæ.
Quod facere ut possis, Italæ tibi cura vocandis
Prima sit ad pacem: pax statuenda prior:
Hos ubi compones bellis procul inde fugatis,
Omnibus & fuerit tunc ubi facta quies.
Unaque cum fuerit sententia facta gerendis
Rebus, & in Latio otia pacis erunt,
Ibis in hostiles pugnas ita milite forti,
Victor ut ex illis tunc rediturus eas.

Julianus frater primum quoque ductor in agmen.

Primus adesse volet, primus in arma ruet.

Primu & in Teucros sacra signa movebit iniquos.

Militibus cunctis Dux quoque primus erit.

Talibus auspiciis, ut nil nisi forte resultet,

Nil nisi quod vires augeat usque tuas.

Fortiter incipias quodcumque putabis agendum,

Viribus indomitis aggrediaris opus.

Per varios casus, per summa pericula Christus

Duxerat omnipotens Teque tuosque simul;

Liber ut eff.ctu tandem pia bella ministros,

Ut perdas hostes tempus in omne graves.

Per Macedum populos iter aggrediare volentes

Hæc eadem, statues quæ facienda, Leo,

Inde sepulchrales urnas invade, nec ultra

Permittas, habeant, qui tenuere diu.

Ad nos fac redeant, superum vice functus, honesta

Hæc loca, quæ Christum sustinere patrem,

Quæ tetigere Deum, certam qui ferre salutem

Venerat, ut nobis esset habenda quies.

Tempora namque monent, hæc ut facienda putetis,

Cum male discordent qui sacra nostra premunt.

Inter seque gerant hostes, fera bella sequantur,

Cumque sit his virtus, quam fuit ante, minor.

Quale decus rerum spectare per agmina summi

Principis, ut sacras ille movebit opes.

Ut superabit eos, quibus est audacia talis,

In superum moveant ut fera bella Deum:

Utque sacram pergant Christi turbare quietem,

Sancius in terris quod nihil ante fuit.

Non impune ferent, quia non modo totus & orbis,

Et quoscumque suis Nilus inundat aquis:

Et quos Oceanus, quos nutrit & ultima Thyle,

Quos alit extremos Indica terra viros,

Felices animæ, sed quæ super alta feruntur

Sidera, quæ superas, incoluere domos,

Ad te descendunt similem sibi rebus in illis.

Quas tractant, superi, quas agitare juvat,

His

His, Medices igitur Leo, te comitantibus ipsum,
 Ardua bella geres, iustaque bella geres.
 Spiritibus Cœli pariter venientibus ad te
 Viceris & quidquid maximus orbis habet.
 Viceris omne solum, quod circuit unda, quod ambit
 Terraque nectendas porriget ipse manus.
 Auspiciisque tui totus superabitur orbis
 Fratris, & exoriens, occiduusque sinus.
 Ille triumphatas gentes deducet in urbem,
 Victoris Currum quisque secutus erit.
 Ista quidem fient jam nunc, quia tempus adesse
 Creditur, ut possint talia facta geri.
 Hostiles cum sint animi, viresque minutæ,
 Hostilis cum sit vis quoque facta minor.
 Adde, quod & primus datus es divinitus orbi,
 Ut genus imperio pareat omne tuo.
 Ut virtute tua totus renovetur & orbis,
 Imponat vitiis ut, scelerique modum.
 Tempora nam redeunt eadem, redit annus & idem
 Qui fuerat, nobis num data certa salus:
 Evenere tibi, Medices, quia maxima rerum
 Signa, quod ad summum sis quoque natus opus.
 Temporibus Christus veluti monstravit in illis
 Se fore, qui cunctis consuluisse queat.
 Mense quidem, Medices, sic nunc ornatus eodem
 A te significas maxima quæque geri:
 Qualia tunc fecit Christus, facturus ut esses
 Ipse tua mundus dum renovetur ope.
 Nam post victricis Christo data munera palmæ,
 Post ramos virides, quos & oliva dedit.
 Postque sacros versus, post decantata per urbem
 Carmina divinis tunc recitata modis;
 Ut duce cuncta Deo gens est renovata supremo,
 Ut fuit a vitio tunc revocata gravi.
 Tempore sic nostro, tibi Pontificalia jura
 Cum data sint, & cum Pontificale decus.
 Mensequae sub Martis Tibi cum data summa potestas
 A populo, rerum cumque tributus honos.

Talia

Talia significant, Medices, eademque futura
 Sub duce te fieri, quæ prius acta forent
 Obstandunt, veluti per te renovabitur orbis,
 Utque vir ad sanctum quisque redibit opus.
 Utilitas eadem veluti nascetur in omnes,
 Ingenio certe non aliena tuo.
 Tempore quæ Christi data tunc fuit omnibus illis,
 Qui terras homines incoluere graves.
 Te facit ipse Deus tanti Leo; tantus haberis
 A Christo, geminos qui regit arte polos;
 Ut per te statuat fieri, quod & ante per omnes
 Fecisset populos, dum sibi vita fuit.
 Ut possis eadem jam nunc quoque tempore nostro
 Tempore quæ Christus fecerat ante suo.
 Ut totum redimas, Leo, nunc quoque maximus orbem,
 Ante sua velut hunc ille redimit ope.
 Nam modo cum vigeant totidem mala, tanta resurgant
 Temporibus Christi quanta fuisse putant;
 Decrevit, Medices, Deus, ut medearis & illis,
 De medio tollas ut scelus omne, Leo.
 Ergo invade viam, vaginaque eripe ferrum:
 Eja age, tolle moras, Tu quia victor eris.
 Ibitis auspiciis, paribus, Leo; namque jubebis,
 Quæ facienda putes, quæ facienda velis.
 Julianus frater subito tua jussa sequetur,
 Idque volet fieri, tu cupies quod agi.
 Cernere jam videor substerni classibus æquor,
 Hostibus inferri possit ut inde timor.
 Per mare velivolum veluti prætoria navis
 Se movet, ut Teucris inferat illa metum
 Ut redeant ad nos, quas Constantinus & urbes
 Condidit, ac opibus auxerat inde suis;
 Ad nos ut redeant ea, quæ loca possidet hostis
 Junctaque sint sacris hæc loca sancta locis.
 Fiat ovile unum cunctis, ut pastor & unus,
 Totaque gens uni serviat usque Deo.
 Talia Julianus faciet sub fortibus armis:
 Viribus ipse suis, auspice Teque, Leo.

Parte alia superis, Medices, divisque secundis
Julius invadet, quæ gravis hostis habet.
Militibusque, Rhodus quibus imperat insula fortis,
Julius ipse quibus Induperator erit.
Defuerit ne quis Medicum de sanguine, bello
Ille vir addetur cui favet alma Venus.
Cui quoque Gradivus vires, animosque ministrat,
Cui favet e summa Juppiter arce poli.
Qui virtute refert maguum quoque nomen avitum,
De lauro sumptum qui quoque nomen habet.
Viribus iste novis sic aggredietur & hostem,
Ut magno similis tunc habeatur avo,
In bello numquam qui perdidit, undique victor
At fuit, & merito cui data palma fuit.
Nec mora, nec requies, donec spes nulla supersit
Hostibus, ut possint ultima ferre mala,
Utque gravem possint a se depellere mortem
Ut vitare necis vulnera sæva queant.
Ast ubi perspicient oculis atque auribus hostes
Accipient nostris quam pia corda manent.
Quantaque militibus nostris clementia, quam sit
Mens pia, sit ducibus parcere quantus amor.
Ad vos convertent sese, sacra signa sequentur
Vestra magis, cupiant quam sua signa sequi.
Seque dabunt, victasque manus, credentque vel hosti
Se, potiusque suos deseruisse volent.
Cuncta forent vobis potius servire parati,
Quam regnare velint, imperioque frui.
Seque volente Deo, nulloque labore dicabunt
Omnibus his sacris, quæ sacra Christus habet.
Unde quidem veniet victoria digna triumpho,
Quæ fuerit nullo sanguine parva tamen.
Nam Ducibus Latiis non tam sua regna redibunt,
Quæ possessa Italiam ante fuere viris.
Quam nova, quæ numquam fuerant amissa dabuntur,
Ac dominis venient præda futura novis.
Urbs tamen ipsa magis, quam Constantinus habebat,
Romanum cupiet nosse reversa patrem.

Teque saluabit reliquis magis omnibus una,
 Letaque Pontifici se dabit illa suo.
 Sacra, quibus caruit multos subiecta per annos
 Dum fuit, ac Teucris paruit illa malis,
 Sacratís eadem manibus, Leo, cuncta resumet,
 Urbs ea divinis libera facta modis.
 Hæc quos complexus rediens, quot tradet amoris
 Signa, quot adueniens, vel tibi quanta dabit?
 Omnibus illa prior currum sectabitur altum,
 Subque triumphantis sede manebit ovans.
 Jam prope tempus adest, quo talia facta gerantur,
 Auspice Te, Medicos, auspice fratre, Leo.
 Dicta monent vatum, sententia certa sacrorum
 Detegit illa mihi, quæ latuere diu.
 Nam, veluti meminit scribens Erythræa Sybilla,
 Terminus en aderit, jam quoque finis erit.
 Quo Constantini jam mœnia perditæ regis
 Ad sanctos redeant, sintque recepta Patres.
 Namque cænit: quartus cum sexagesimus annus
 Fugerit, his menses addiderisque novem:
 Dimidium mensis veniet cum rursus eisdem
 Mensibus, & numerus creverit inde magis;
 Ad nostros redeat jam tunc Byzantia sedes,
 Tunc erit a ducibus illa recepta sacris.
 Si numeres annos, aderit jam tempus, ut hæc urbs
 Debeat ad Latias ipsa redire domos.
 Debeat ad rerumque Patrem, Dominumque reverti,
 Utque reversa tribus serviat usque Deis.
 Qui tamen existant unus, faciesque sit una,
 Una tribus quoque sit mens animusque tamen.
 Nestendasque manus dabit hæc tibi prima volensque,
 Prima tuos currus ista sequetur ovans.
 Hinc aliæ comites urbes aderunt, venientque
 Ad tua, quæ duces, sancte, trophæa, Leo.
 Cantabunt laudesque tuas, nomenque tuum tunc
 Carmine divino vel super astra ferent.
 Quid Reges memorem captos, aut inde profectos,
 Unde jubar celeres surgere cogit equos:

Undeque sol abiens imas solet ire sub umbras
 Et procul a nobis inferiora petit;
 Divinae mentes, quæ sancta sepulchra tuentur,
 In quibus & cœli conditor ante fuit,
 Destinent loca sacra Deo Dominumque sequentur.
 Te, Leo, victori carmina sancta canent
 Ac dignas reddent grates pro munere tanto.
 Quod loca sint ea, Te, libera facta, duce.
 Omnia tunc Medici cedent, Orientis & ora
 Cedet, & occidui gurgitis unda Tibi
 Felices anni! felicia tempora, quæ Te
 In rerum Dominum, Te capientque Duce
 Felix quique Tibi credet se maximus orbis,
 Quive regi cupiet legibus usque Tuis.
 Linqere quique volet divos tunc denique fallos,
 Ut verè faciat Religionis opus,
 Utque colat Christum, Christi sacra rite sequatur,
 Non nisi divinis sacra colenda modis.
 Orbis erit postquam, Leo, Te comitatus ad urbem
 Hanc, ubi sit supero victima danda Deo,
 Huc ubi Romanas stabit sacer ignis ad aras,
 Ut grates reddat pro superante duce.
 Spiritibus fiet par orbis ubique supernis,
 Mentibus & superis se geret illa parem,
 Te duce nam vitiiis purgabitur ipse fugatis,
 Delebit maculas tam bene quisque graves,
 Ut nihil intersit tandem cœlestibus ille,
 Qui prius humano semine natus erit.
 Ergo ubi permixti fuerint homines, superique,
 Spiritus & quisquis stat super arce poli;
 Auspice tunc Leo, Te, ducenteque fratre triumphum
 Juliano lætus sic vagus orbis erit,
 Omnis ut, firmet nil majus ab orbe creato,
 Omnibus ac melius nil potuisse dari
 Quam sit & a vobis, Alij duxere triumphos
 Ob victos hostes victaque Regna duces,
 Corpora quo caperent, ut & urbibus imperitarent;
 Illaque mortalis non nisi causa fuit,

At Vos, de vitiis, Medices, procul orbe fugatis,
 Victores eritis tunc vel utrique pares.
 Alter eris, primus fueras quod & auctor in armis,
 Bella quod egregie gesserit alter erit.
 Sic & uterque novos ducetis in urbe triumphos,
 Vidisset quantos nullus in orbe prius.
 Mortales fuerant mortalia facta secuti,
 Quod mortale fuit, præmia magna dabat.
 Ast ubi victores animi mentisque nefandæ
 Vos eritis, nec jam corpora victa cadent:
 Sed mala mens, animusque malus ducetur ad hostes
 Captivus sacros, præda futura Tibi.
 Immortale quod est, vos inde sequetur ovantes:
 De superis venient præmia danda locis.
 Tunc aderunt homines pura sic mente, superbis
 Mentibus ut fiant tempus in omne pares;
 Non tam mortales tunc vestra trophæa sequentur,
 Mortali vel qui conditione sati:
 Sed qui divini divino a numine missi,
 Qui procul a fato nil nisi sancta volunt:
 Hi comitabuntur, Leo, Te divina gerentem
 Facta, nec humanis commemoranda sonis.
 Hi quoque ducendos divina ex arte triumphos
 Ornabunt numeris Turba superna sacris.
 Cantabunt laudes ita tunc divinitus illi
 Compositas ut nil jam nisi vestra probent,
 Te duce sancta, Leo, quod reddita cuncta per orbem;
 Libera quod fuerint reddita fratris ope.

Ad Cosmum Medicem.

Heu modo qui læta dicebam carmine natum
 Florentem ludens, Cosme beate, tuum,
 Cogor in extinctum crudeli funere eundem
 Dicere Flebilibus tristia verba sonis.
 Quam cito fata suum vertunt mutata tenorem.
 Quam cito fors diras vertit acerba vices!

Nam quo Syllana florentior alter in urbe,
Aut mage quem deceat vivere nullus erat.
En tristi subito correptus morte Joannes,
Extremis linquis frigida membra rogis.
Non tibi divitiæ Medicum, non fama per orbem
In cunctis prodest concelebrata locis.
Non tibi quod monitis divini edocte parentis
Servaris patriæ libera jura tuæ.
Nil etiam casta te relligione Deorum
Tam bene de superis promeruisse juvat.
Omnia mors rumpit, meritum nec respicit ullum,
Nescia vel sanctis parcere dura viris.
Quin etiam credam, cum sacri pignora Cosmi
Ausu sit e medio tollere acerba gradu;
Hanc quoque perpetuos ausuram attingere divos,
Et natis orbum reddere posse Jovem.
Definite hic omnes quicquam sperare futurum
Longius humana conditione datum.
Postquam qui meritis totum complectitur orbem
Et trahit æternos in sua vota Deos,
Non potuit Medices natum defendere Cosmus,
Quo mirus infernos transnaret umbra lacus.
At potuit: quis enim Cosmo neget ulla petenti
Audeat aut tanto non dare cuncta viro?
Tristitia nam vitæ quæ rumpit flamina Clotho
Intrarat Medicos diva proterva lares.
Jamque propinquabat thalamo, quo dira Johanni
Inferret nigras Parca maligna manus.
Sed cum de nato divino in pectore curas
Vidisset patrem tunc agitare pias;
Usque adeo sacri fregit reverentia Cosmi,
Ut ceptum subito linquere vellet opus.
Sed verat hic sapiens Parcam discedere Cosmus,
Verbaque divina talia voce refert.
Ergo ubi tam firmus fatorum vertitur ordo,
Qui Jovis e medio defluit usque sinu.
Hactenus ut nullis hominum, nullisque Deorum
Contingerit celerem sistere posse rotam.

Hunc ego non patiar nostro nunc numine frangi,
Sed per me semper non temeratus eat?
Dixerat; inde suum servavit Parca tenorem,
Sed quater invito substitit ante pede.
Sic Medices cari constanti pectore Cosmus
Inspexit nati funera dura pater.
Ut nec Anaxagoræ nobis, nec sancta Catonis,
Qui invicti natos imposuere rogis,
Sint optanda magis tolerandi exempla doloris
Quam tua; nam Medices tu dare cuncta potes.
Experti hoc cives referunt te protinus omnes
Esse vel in tota fortius urbe nihil.
Nam functus quicumque gravis solatia casus
Officio voluit exhibuisse pio;
Invicti sensit fortissima pectora Cosmi
Nil, licet ingenti, succubuisse malo.
Sed graviter nati reliquos in morte dolentes
Solandi munus præripuisse magis.
Dicite Cecropiæ si quem vidistis Athenæ,
Aut vos Ausonii mœnia celsa Remi,
Dicite vos quæso, dum prisca ætate virorum
Clarorum vobis copia magna foret.
Si quem vidistis vultu qui immotus eodem,
Quo natum genuit, efferat inde pium.
Invictas & qui præberet luctibus aures,
Dum dolor afflictæ verberat astra domus.
Et quem dum mœstus lacrimas effundit acerbæ,
Non posset populus sede movere gravi.
Præcipue tanti præ se qui signa doloris
Feret, ut in lacrimas cogerat ire feras.
Nec tot Pompejo suscepit Apulia Magno
Vota nec ægroto tot pia Parthenope.
Quot nunc Etrusca populus Syllanus in urbe
Suscepit precibus maxima vota piis.
Ut tibi, cui vix dum Saturni exacta maligni
Alterius cursus tertia pars fuerat.
Ejusdem saltem binos evincere cursus
Concedat pensis livida Parca suis.

Tot sed vota cadent : quis vos , dum talia Divi
 Negligitis , possit esse putare Deos ?
 Nam modo qui navem jactatam fluctibus altis
 Ingrediet portum cernere visus erat .
 Hanc procul a terra rursus surgentibus undis
 Tristius inspexit edere naufragium .
 Heu quam fallaci stultum confidere sorti ,
 Aut dubio quemquam credere vela mari .
 Sed quamvis populus doleat spe captus inani
 Numina sic votis furda fuisse suis .
 Quo tamen ipse potest sequitur te mœstus honore ,
 Et sua dat cineri maxima dona tuo .
 Vexillis & quæ longi sint pignus amoris
 Pluribus exequitur urbs miseranda nimis .
 Maxima pars procerum mutata veste fuerunt ,
 Dum tanti subeunt funera acerba viri .
 Nec penitus tota civis fuit ullus in urbe ,
 In lacrimas qui se non daret usque pius .
 Quin & Fesuleo dicuntur vertice Nymphæ
 Tristitia mœstas dissoluisse comas .
 Heu quos clamores tota quos urbe dolentum
 Sensimus , & questus edere cuncta novos ?
 Ille dolet misero pertundens pectora planctu
 Heu tam munifico se caruisse viro .
 Hic petit a cunctis an cive humanius illo
 Omnibus audierint ante fuisse locis .
 Ille refert prisca Medicem pietate Johannem
 Plurima in æternos dona tulisse Deos .
 Et queritur post hæc magis indignatus in illos ,
 Talia tam sancto nil valuisse viro .
 Est quoque , qui patriam miserans , non desinit omnes
 Dicere Syllanos maxima damna pati .
 Ut nullus Thusca restat t civis in urbe ,
 Cum tibi supremas contulit inferias .
 Legitima exstiteris cui non heu causa dolendi
 Præstita dum memorat officiose tua ?
 Sic omnes mœsto dum spargunt ore querelas ,
 Quas dolor infandus cogit inire graves ;

Affirmant, si te pouterunt fata Johannes
 E medio patriæ præripuisse sinu,
 Non tamen hæc tantum cursu valitura perenni,
 Omnia se quamvis vertere posse putent.
 Tuscus ut æternos populus bene gratus in annos
 Desistat nomen commemorare tuum.
 Ex quo perpetua celebreris laude, futurus
 Pabulâ sideribus dum dabit Oceanus.
 Adde quod & fratris vires pietate: quis umquam
 Dicitur in fratrem plura tulisse pium?
 Cum nolit Latio quicquam celsisse Quirino,
 Germani celebrat dum monimenta sui.
 Nam velut ille Remi juxta se ponere sedem
 Jusserat, ut socio nomine jura daret;
 Sic Florentinas Petrus dum flectet habenas,
 Atque dabit patriæ dum bona tanta suæ;
 In fratrem mira ductus pietate Johannem,
 Quo nihil extiterat carius ante sibi;
 In cunctis, urbem spectent quæcumque tuendam,
 Consiliis referet quam bonus ille fuit.
 Hoc melius quam si consent simulachra perempti
 Fraterno vivet frater in ore diu.
 At nos de multis, quos jam reor esse futuros
 Carminibus celebrent qui tua busta novis.
 In te, quæ nostrum, Medices, testentur amorem,
 Hæc urnæ dedimus carmina pauca tuæ.
 Syllani cujus fleverunt morte Quirites,
 Dum premit infandus publica cuncta dolor,
 Hic situs est, prisca Medices pietate Johannes,
 Maxima germani, maxima curâ patris.

Ad eundem.

Jam tandem Italiæ fugientes prendimus oras,
 Hac Trojana tenus fors inimica tulit.
 Jam nimis heu rapidis jactatum fluctibus æquor
 Egreditur, portum fessa carina petens,

Cum Medicis placido spectentur carmina vultu,
 Lufimus in nomen quæ modo pauca suum.
 Nunc mihi seu flavas volvat Pactolus arenas,
 Quas mihi seu dentur Lydia novit opes.
 Seu quicquid reges Indi tenuisse putantur,
 Possideam, quicquid Persica regna ferunt.
 Non tamen hoc ausim tali præponere sorti:
 Sat, tibi si placeam, Cosme, beatus ero.

Cosmo Medico Patri Patriæ.

Quamvis nostra tibi veniat modo, Cosme, Camœna
 Heu Medicum tantis consurgens molibus impar,
 Posseque diffidat ludens tua dicere facta;
 Qualiscumque tamen Tuscam dum protinus urbem
 Incolet, hic cives inter versata modestos,
 Te canet in triviis, te tota semper in urbe
 Audebit verum Patriæ dictare parentem.
 At si quando captus amœni ruris amore
 Invisam valles Arni, montesque propinquos,
 Agrestes Cosmum silvas resonare docebo.
 Usque canent humiles mecum te, Cosme, myricæ,
 Principium dabis ipse mihi, finemque canendi:
 Primus eris nostri, tu carminis ultimus auctor.
 Tu modo, tu Medices, castis nunc annue votis,
 Et dubiæ rege navis iter: tu magnus Apollo:
 Tu mihi Calliope gravibus vocitabere ceptis.
 Auribus interea placidis te, Cosme, rogamus
 Alpheum, Gnomona, velis audire canentes,
 Pastores, minimum non dedignatus honorem,
 Simæ dum viridi pendebunt rupe capellæ.
 Jam jubar exortum noctis dimoverat umbram
 Inque novos latum radios diffuderat orbem,
 Gnomoni Alpheus cum primum talia dicens
 Insit, Fesuleo prospectans vertice pastor
Al. De senibus dudum priscis audire solebam,
 Ut locus hic magnis confertus cladibus olim

Et fuit, & multos hominum contrivit in armis,
Ut sæpe incurvus terram dum findit arator,
Enses inveniat scabra rubigine fractos.
Nunc & summa quies late tenet omnia montis
Pascua, lætitiaque omnis gestire videtur
Accola, nec pestem pecori timet inde malignam.
Hæc ego conspicio; tantæ sed causa salutis
Unde sit ignoro: cupio tamen, & mihi nunquam
Noscendi talis cessat de pectore cura.

Dixerat Alpheus: vos quæ responderit alter,
Pierides, vos hæc nobis memorate puellæ.

Gn. An sic sis bardus tu nunc, Alpheæ, rudisque,
Ut quæ non simæ tantum tua cura capellæ,
Sed lapides duri norint, silvæque profundæ,
Tu tamen ignores, humano semine natus?
Conspicis hanc oculis urbem, quæ proxima nostris
Constitit, & nitidis Arnus quam dividit undis,
Quæ pulchro varias extollit vertice moles.
Illic & stupeas fulvos ubi forte Leones
Videris, exitiumque lupis, leporique salutem;
Hic prope Laurenti templum, sedemque beati,
Quam Medicum dicunt opibus confurgere magnis,
Ingenti constant excelsa palatia muro;
Quam pulchri postes subsunt, quam pulchra nitescent
Atria, Fesuleis late suffulta columnis?
Aula sed interior regali ornata decore
Cernitur: auratis pendent laquearia testis,
Auratæque trabes nitido depicta colore
Contextunt tabulata modis splendentia miris.
Hæc ego dum caseum florentem pauper in urbem
Vendendum porto, pingues dum Civibus hædos,
Mirando plures consumpsi protinus horas,
Sed locus ipse domus, quo sunt penetralia patris
Divini, quamquam late patet ille volenti,
Cognitus est oculis non ullo in tempore nostris;
Tantus enim splendor sacro lucefcit ab antro,
Et rudibus tantus perstringit lumina fulgor,
Ut nisi qui magnam paulatim cernere lucem

Præparet ipse prius doctus spectare minorem,
 Non acies tanto possit durare nitore,
 Ut nequit ille novum tentat qui cernere solem,
 Ni prius assuetus tremulo sit fonte tueri,
 Quo vires minuisse suas lux magna videtur,
 Atque hebetes nobis oculos minus inde fatigat.
 Sed tamen e multis audiui sæpe, quis ille
 Et foret, & qualis manat de pectore virtus;
 Nam medio sedet ille senex grandævus in antro,
 Tam clarus cunctis hominum, cunctisque verendus,
 Ut manibus falcem, si prisca insigne tederet
 Saturni, queat ipse Deus, Deus ipse videri.
 Hunc alii heroes circumstant undique magni,
 Consiliisque petunt ex hoc responsa futuris;
 Non aliter quam cum pastores Tityrus ipsos,
 Fesuleis primus Pastorum in montibus unus,
 Convocat, & iusto cunctos moderamine servat.
 Hi pacem dudum nobis, hic tanta paravit
 Otia, securamque dedit traducere vitam.
 Proh scelus indignum! quin urbs pulcherrima rerum,
 Quæ manet, ut cernis, domibus constructa superbis,
 Culmine jam late bellis cecidisset ab alto,
 Ni Deus hic humeris sustentans mœnia sacris,
 Hinc procul, hinc propria Martem virtute tremendum
 Pelleret, extremaeque ferum religaret in oras,
 Quò nivibus gelidis campi, montesque rigescant
 Semper, & in nullis nascuntur gramina terris.
 Hæc Gnomon: caput inde movens Alpheus in altum.
Al. Prospiciens (inquit) nimirum hic ille beatus,
 Qui prope nos posuit sacras ditissimæ ædes,
 Quas habitent casta sub religione manentes
 Pullati Canones, & Christi numen adorent:
 Vah cœpi meminisse satus quò forte vir ille est
 Colle sub hoc Medices, miro qui captus amore
 Visere Fesuleos, dum late armenta sequuntur,
 Pastores; nobis, o quam mirissimus olim
 Ingenti villam construxerat ære decoram,
 Heu modo quem tristes etiam flere myricæ,
 Quem

Quem duræ quercus crudeli morte peremptum;
 Quin etiam credam, si rite audita recordor,
 Divini egregia doctum virtute parentis
 Hieronymo nuper sedem posuisse sacratam:
 Durus; qui monitis etiam Gnomons eorum
 Vix memini, quæ plura puer cecinisse solebam.

Gn. Cur tam præsentem cunctemur dicere divum?
 Dum saturæ fient arbusi e fronde capellæ.

Al. Grandior & cum sis, Gnomon, cantare prius me
 Incipe, te sequar usque diem dum claudet Olympus.
 Alternis ergo cœperunt versibus anbo,
 Insigni quorum lætata carmine nymphæ
 Saltantes movere pedem, Dryadesque puellæ.
 Fesuleas quæcumque colunt animæ silvas
 Excepere sacros numeros, quin potinus altum
 Motavere caput, vel duræ robora quercus.

Gn. Caulibus ut præstat longissima pñus in hortis,
 Esculus atque humiles vincit cerice myricas,
 Ut puto, sic omnes dedit hæc quæ tot bona nobis
 Exuperat, nullis hominum virtute secundus.

Al. Ipse licet faveat silvestri numine primus,
 Duras qui docuit cantu mitescere silvas,
 Non queat æternas hujus mea dicere laudes
 Fistula, nec possit modulis æquæ canendo.

Gn. Felix o nimium felix, si funera nati
 Non inspexisset, nuper quem viamur ipsi
 Efferrî nymphis ululantibus; improba quid mors
 Niteris aspectu sacrum temeræ parentem?

Al. Hujus in interitu quis non dedit ore querelas?
 Astra quis in tanto non dixit sæva dolore?
 Oscula cum gelido figens heu tristia nato
 Divelli nequit amplexu mœfissima mater.

Gn. Adde quod & tristes hac tempestate capellæ
 Faucibus extiterant siccis, nec pabula terræ
 Ulla dedere gregi misero, nec flumina cuiquam
 Extinxere sitim: tantus dolor attrigit omnes.

Al. Si juvenem luget quidquid mortale, peremptum
 Nobis, Fesulei vel dura cæcmina montis,

Sidera, quod teneant hunc, jam gestire videntur;
 Clarus & assumptum nuper lætatur Olympus.

Gn. O talis patrem nati satis usque beatum
 Erigis, ingenti dum candida templa decore,
 Dumque focismactas pingues castissimus agnos,
 Hinc tibi divinos jam nunc meditamur honores.

Al. Tu nemorum saltus curas, tu candide silvas,
 Per te matuis flavescit campus aristis:
 Liber & ipse pater tibi se debere facetur,
 Plurima quot per te turgescit vitibus uva.

Gn. Hoc duce pastores audent per prata juvencos
 Ducere secur pastum, simasque capellas,
 Nec pecori insidiasque lupi tristesque rapinas
 Horrescunt. Deus hic nobis bonus otia fecit.

Al. Rusticus &ylvas donec lustrabit & agros,
 Optabit fieri anos dum pastor & agnos,
 Hunc precibus vocet usque suis: huic sacra quotannis
 Instituat; Panique sacros largitus honores.

Gn. Quid referam nostras quantum colat ille Camœnas?
 Et nimis, heu quamquam rudibus tenuique lepore,
 Versibus exhibat placidas mitissimus aures?
 Neve levem dabit dignam se ducere Musam.

Al. Quale sibi, oGnomon, tali pro munere carmen
 Reddemus? nan si nobis armenta darentur
 Omnia; non magis est, quam si nos ille canentes
 Dignetur tenuem non aspernatus honorem.

Gn. Talia, pastore, at si non possumus ipsi,
 Qualia nunc illum deceant virgulta canemus,
 Alternis eadem nuper quæ lusimus ambo,
 Colle sub hoc gracili repetemus carmina voce.
 Finierat Gnomon cum jam nox humida currus
 Jungit equis, pastisque domum monet ire capellas.
 Hæc ego nunc lustrantem modulatus avena
 Pauca, sed ingenti Medicis percussus amore.
 Vos precor hæc mûte faciatis plurima Cosmo:
 Cosmo, qui mundi mensuram nomine complet.
 Si quando maior nostro de pectore surget
 Spiritus, & vates non dedignetur Apollo

Cyrrhæos tandem me delibare liquores,
Divinas ausus Cosmi pertingere laudes
Tentabo currus lato deflectere campo.

Ad Americum Corfinum.

Insultas nimium teneros dum ludis amores,
Sicque putas voto posse favere tuo.
Si versu cupiens placidam exorare puellam
Aonio credas scribere digna choro;
Namque levis primum blandis replet omnia verbis,
Et vacuas mentes leniter afflat amor.
Blandior & dulci perfundit corda veneno,
Nec venit hic musis cura molesta piis.
Sed si forte gravi pergat sævire sagitta,
Et nimis accensas inferat inde faces:
Tunc te non solitus risus, sed dira misellum
Circumstent sævi tela cruenta ducis.
Qui te cum duro transfixerit improbus arcu,
Iniiciet collo vincula quanta tuo!
Et sua captivum jurare in verba superbus
Coget, & invitum castra nefanda sequi.
Illic lascivo miserum puer ille furore
Imbuet, & nullo vindice liber eris.
Nam te non Musæ, non carminis auctor Apollo
Tam gravibus poterunt eripuisse malis.
Spiritus ille sacer, vatum qui pectora mulcet,
Deseret aligeri regna pudenda Dei.
Nec te Pieridum numeros cecinisse juvabit;
Amplius infelix carmina nulla canes.
Exemplo monet ecce sacra qui voce per ævum,
Quique novem cythara mulcet Apollo Deas.
Phœbus enim duri stimulis agitated amoris,
Dicitur athereas deseruisse domos.
Neve gregem puduit divum pavisse sub antris:
Pastor erat, Cœli qui modo rector erat.
Creditur ex illo chordas siluisse canoras
Tempore, nec sanctos concinuisse modos.

Si sapiēs igitur tantis edocte periclis;
Parces te duro credere velle Deo.

In carmen Petrarche, ad Renatum Pactium.

Si potero vitæ duros tolerare labores,
Et tandem gravibus tot superesse malis:
Ut quæ nunc ita resplendent tua lumina cernam
Languere, atque annis cedere mobilibus.
Auricomumque caput floccis albescere canis,
Ponere quas vestes læta juventa tulit.
Purpureos flore, & ferta relinquere, quæ nunc
Dependent capiti munera digna tuo,
Et faciem roseam croceo pallere colore,
Quæ mihi, ne, doleam, cuncta timenda facit,
Audebo saltem veteri compulsus amore
Dicere quæ tulerim vulnera dura miser.
Quique dies referam, & menses, & tempora duri,
Quæ dudum fuerint tristitia servitii,
Tempus erit placidis at si non lusibus aptum,
Cum veniet tardo curva senectæ pede
Nil tamen huic tanto solatia ferre dolori
Non poterit, quamquam sera, sed apta tamen.

Ad Petrum Nigrum.

Dulce mihi fatis est, acri quod mente voluto,
Id licet assiduo corda dolore premat.
Dulcis & ille dies, quo pocula mixta veneno,
Mixtaque tam tristi dulcia felle bibi.
Dulceque sunt oculi, qui splendida lumina præbent,
Lumina tam nostris insidiosa bonis.
Dulce tui resonant pulcherrima verba loquentis,
Unde fit, ut stupeat sensus & ora mihi.
Dulce quidem gestus, qui maxima causa fuerunt,
Dulcibus ut doleant pectora nostra malis,
Dulcis & hic error, vitam qui reddit amaram,
Qui mihi pro dulci tristitia melle parat.

Ut

Ut neque tam dubiam possim depellere sortem,
 Tamque graves fati sustinuisse vices.
 Sic igitur dulci ut perant mea membra veneno
 Convenit, hæc dulci sint quia danda neci.
 Nam si causa venit suavis morientibus ulla,
 Est opus, ut certe sit mihi dulce mori.

Ad Petrum Compagnum.

Lisia si cupido tibi nunc ita pulchra videtur,
 Ut tibi sit visum pulchrius esse nihil:
 Te curare decet cuncti ut mirentur, & ut te
 Urbe tua videant doctius esse nihil.
 Quod modo si facies, veluti cupis, inde futurum
 Polliceor verbis, tu Petre, crede meis.
 Ut quantum Gallo convenit pulchra Lycoris,
 Conveniat curæ Lisa pulchra tuæ.

In carmen Petrarchæ, ad Johannem Cavalcantem.

Permixtum gemmis aurum, nitidisque lapillis,
 Canaque puniceis lilia mixta rosis:
 Qualia deberet squalentia reddere bruma,
 Arenti siccans florea rura gelu.
 Sunt mihi sunt duri toto nunc corpore vepres,
 Qui pectus figunt, ilia quique graves,
 In lacrimis igitur vivam, brevioris & ævi;
 Maximus interimit nam brevè quisque dolor.
 Sed tamen incuso speculum, crudele misello,
 Cujus imaginibus facta superba venis.
 Hoc jussit Dominum verbis imponere finem,
 Dum supplex pro me funderet ille preces.
 Qui tacuit postquam te nil aliunde petentem
 Contentam propriis conspicit esse bonis.
 Hoc imis positus Lethæis fecerat oris,
 Merserat & tardis navita tristis aquis
 Ex quo principium longi fuit usque doloris,
 Nascitur & mortis causa nefanda meæ.

*Ad Laurentium Strozam, de Marietta
Sororis laudibus.*

Huc precor, huc venias nitidis intonse capillis,
 Huc age virgineas pectine finge comas.
 Pallantis canitur Strozæ dum candida proles,
 Huc ades aurata pulcher Apollo lyra.
 Non minor hic labor est, quam si tua facta referrem,
 Niterer aut laudes enumerare tuas.
 Namque ita formosos fulget Laurentius inter
 Editus in Stroza nobilitate puer;
 Ut tibi persimilis facie videatur & ore;
 Dignus qui æthereos ducit unum equos.
 Nam tibi si flavi pendent a fronte capilli
 Si premit auratas laurus amata comas:
 Hic pariter niveos enutrit vertice crines,
 Mox premet auricomum fronde virente caput.
 Si mulcet cythara Phœbus quæcumque canora,
 Produçens numeris quæque creanda suis:
 Te quoque fama volat, Laurenti, edocete canendis
 Versibus Aonios tot didicisse modos;
 Ut possis, veniet cum mox tibi serior ætas,
 Flectere vel numeris corda superba tuis.
 Maeste puer virtute tua: sic ibis ad astra;
 Sic puer illustres exuperabis avos.
 Nam si divino non es de semine natus,
 Neve potes patrem sorte referre Jovem;
 At possis geminos etiam memorare parentes,
 Æquent ut magnos nobilitate viros.
 Inde nepos cum sis equitis Pallantis, avitæ
 Nil est quod sorti præposuisse velis.
 Fac tamen hæc desunt: felix virtute sororis,
 Et felix forma tu potes esse tuæ.
 Ah quotiens vidi, peteret cum templa Deorum,
 Inter matronas casta puella piæ.
 Viseret ut cupide populum concurrere Tuscum,
 Undique per stratas dum ruit ille vias.

Et vidi egregia te tantum Strozia forma
Divina patrias sorte præire nurus.
Idalias quantum præstat Venus aurea matres,
Aut nymphas quantum Cynthia pulchra suas.
Te quoque præcedens sese tulit ante Cupido,
Telaque nunc torquens, nunc quatensque faces.
Inde quot in miseros heu spicula jecit amantes,
Dum loca cuncta jubet, Diva, patere tibi!
Dum facit, ut plebs ipsa frequens tibi cedat eunti,
Dum populi cuneos dividit illa graves.
Illinc longa mora est juvenes quot fecit amare,
Dicere, quot sembus vulnera dura dedit.
Hunc rapit auratus pendens a fronte capillus,
Et quas innodat candida vitæ comas.
Hic stupet ardentem nimis admiratus ocellos,
Qui possint geminos vincere Luciferos.
Candidulas videt ille genas, rapiturque videndo,
Datque cupidineo colla premenda iugo.
Inde vir est si quis dentes qui spectet eburnos,
Miratur lapides ut superent Parios.
Sic Florentini pariter juvenesque, senesque
Laudibus invigilant Strozia pulchra tuis.
Neve tuam tantum mirantur, candida, formam,
Illa satis quamvis causa furoris erat.
Quam mores castos laudant, vitamque pudicam,
Qua nurbus Tuscis tendis in astra prior.
Jure quidem, nam tu superam Marietta Dianam
Moribus & forma sola referre potes.
Nunc velut ipse potest imitatus numina Phœbi
Frater Apollineum fronte referre decus.
Ite igitur tantis insignes laudibus ambo,
Pergite: divinas sumat uterque vices.
Ut Titan veluti splendens, velut aurea Phœbe
Stelliferi superant cetera signa poli.
Vos ita mortales reliquos superetis honore,
Sitis & ut Strozæ lumina bina domus.



ANDREÆ NAUGERII

V E N E T I.



Vota Cereri pro terra frugibus.

A Spice, magna Ceres, tibi quos semente peracta
 Ducimus agrestes rustica turba choros.
 Tu face, ne nimio semen putrescat ab umbra:
 Neu sulcos rapido frigore rumpat hiems;
 Neu sterilis surgat silva infelicis avenæ:
 Et quæcumque bonis frugibus herba nocet:
 Neu terræ prostrata animosi flatibus Euri
 Decidat, aut densa grandine læsa seges.
 Neu direpta avidæ rapiant frumenta volucres,
 Monstrave, quæ terræ plurima sæpe ferunt.
 Sed quæ credidimus bene cultis semina campis,
 Uberius largo sænore reddat ager,
 Sic erit. interea nivei carchesia lactis
 Fundite, & annoso mella liquata mero.
 Terque satas circum felix eat hostia fruges;
 Cæsaque mox sanctos corruat ante focos.
 Nunc satis hæc, post messem alii reddentur honores;
 Et sacras cingent spicea ferta comas,

Vota ad Auras.

Auræ, quæ levibus percurritis aëra pennis,
 Et strepitis blando per nemora alta sono:
 Serta dat hæc vobis, vobis hæc rusticus Idmon
 Spargit odorato plena canistra croco.

Vos lenite æstum, & paleas sejungite inanes,
Dum medio fruges ventilat ille die.

Vota Jole Pani agresti Deo.

Ille tuus, Pan montivage, venator Jolas
Suetus in audaces cominus ire feras:
A quo adhuc rictusque suum, exuviasque leonum
Sacra tibi agrestis munera pinus habet:
Nunc jam annis gravis hæc deviæ cornua cervi
Dedicat, imbelli congrua dona seni.
Quum tamen Herculeæ facta inter fortia clavæ
Is quoque sit laudem visus habere labor:
Tu Dive, hæc inter viridis decora illa juventæ
Suscipe: neve illis esse minora puta.

Vota Damidis ad Bacchum pro vite.

Hanc vitem, multa quæ semper fertilis uva
Haud umquam domini fallere vota solet:
Nunc etiam large florentem consecrat ipse
Vineti cultor Damis, Jacche, tibi.
Tu face, Dive, tua hæc spem non frustretur: & hujus
Exemplo fructum vinea tota ferat.

Lyconis vota Pani Deo.

Longius a pecore errantem per devia taurum
Dum sequitur nemorum per juga longa Lycon,
Errantem scopulo capream conspexit ab alto:
Continuo certo dejicit hanc jaculo.
Mox etiam catulos sola sub rupe jacentes
Invenit: hos Crocale donat habere suæ.
E caprea in viridi statuit convivia luco:
Addidit & veteris pocula multa meri.
Quod reliquum est, Pan semicaper, cum omnibus ipsis
Suspensum e pinu hac tu tibi tergus habe.

Thyrsidis vota Veneri.

Quod tulit optata tandem de Leucade Thyrsis
 Fructum aliquem, has violas dat tibi sancta Venus.
 Post sepem hanc sensim obrepens, tria basia sumsi:
 Nil ultra potui, nam prope mater erat.
 Nunc violas; sed plena feram si vota, dicabo
 Inscriptam hoc myrtum carmine, Diva tibi:
 Hanc, Veneri, myrtum Thyrsis, quod, amore, potitus,
 Dedicat, atque, una, seque, suosque, greges.

Thyrsidis vota, & quercui, & silvæ.

Et quercum, & silvam hanc ante omnia Thyrsis amabit:
 Et certo feret his annua vota die: (bra
 Dum poterit memor esse, quod hac primum ille sub um-
 Ultima de cara Leucade vota tulit.

Augonis venatici canis Epitaphium.

Venator celerem mœrens Augona Melampus
 Confossum rapido dente ferocis apri,
 Hac illi in ripa tumulum, frondente sub umbra,
 Erigit: hoc ipso concidit ille loco.
 Non impune quidem prædo sceleratus abivit:
 Procubuit jaculis cæsus, & ore canum.
 Tu tamen e cunctis canibus præstantior, Augon,
 Fide Augon, silvis qui modo terror eras:
 Tu dilecte, jaces, sed ab alta hac fascia pinu,
 Millulque, & millo vincula juncta suo:
 Quin decisa feri cervix tibi pendeat hostis:
 Sintque una ex animo signa dolentis heri.

Invitatio ad amœnum fontem.

Et gelidus fons est: & nulla salubrior unda:
 Et molli circum gramine terra viret:

Et

Et ramis arcent soles frondentibus alni:
 Et levis in nullo gratior aura loco est:
 Et medio Titan nunc ardentissimus axe est:
 Exustusque gravi fidere fervet ager.
 Siste, viator, iter: nimio jam torridus æstu es:
 Jam nequeunt lassī longius ire pedes.
 Accubitu languorem, æstum aura, umbraque virenti,
 Perspicio poteris fonte levare sitim.

De obitu Hylacis canis Pastorii.

Ante canes omnes pastori carus Amyntæ
 Nuper ab Illyrico litore missus Hylax,
 Dum solitas agit excubias, & septa tuetur:
 Nec vigilant focii cetera turba canes:
 Qua rapidus sese media inter saxa Timavus
 Mergit, & inde iterum profilit amne novo:
 Ille quidem sæva vitulos tutatus ab ursa est,
 Ipse sed ingenti vulnere cæsus obit.
 Constituit viridi tumulum de cespite Amyntas:
 Hæc voluit raram præmia habere fidem.
 Mœsta gemunt armenta: mali furesque, lupique,
 Exstincto hoc, sibi jam cuncta licere putant.

*Vota Telephonis Cereri, Baccho, & Pali
 Dea.*

Dat Cereri has Telephon spicas, hæc ferta Lyæo,
 Hæc nivei lactis pocula bina Pali.
 Pro quibus arva Ceres, vites fecundet Jacchus:
 Sufficiat pecori pabula læta Pales.

Leucippen amica spe præmiorum invitat.

Quum primum clauso pecus emitteretur ovili,
 Urbs, mea Leucippe, cras adeunda mihi est.
 Huc ego venalemque agnum, centumque, Charicle
 Ipsa mihi mater quæ dedit, ova fero.

Afferri tibi vis croceos, niveosve cothurnos?
 Anne colum, qualem nata Lyconis habet?
 Ipse feram, quæ grata tibi, tu basia junge:
 Gaudia, Leucippe, nec mihi grata nega.
 Cras, ubi nox aderit, odiosæ elabere matri:
 Hasque inter corylos ad tua dona veni.

Vota Veneri, ut amantibus faveat.

Illi in amore pares, vicini cultor agelli
 Thyrsis, cumque suo Thyrside fida Nape,
 Ponimus hos tibi, Cypri, immortales amarantos,
 Liliaque in sacras ferta parata comas.
 Scilicet, exemplo hoc, nullo debilis ævo
 Floreat æternum fac, Dea, noster amor.
 Sit purus, talisque utriusque in pectore candor,
 In foliis qualem lilia cana ferunt.
 Utque duo hi flores ferto nectuntur in uno,
 Sic animos nectat una catena duos.

Vota Niconoës ad Dianam.

Candida Niconoë, viduæ spes una Terillæ,
 Montivagas jaculo figere certa feras,
 Hunc tibi, silvipotens, arcum, Latonia, ponit,
 Atque hæc in pharetra condita tela sua.
 Illam cara parens tenero sociat Icasto:
 Ignotique juber jura subire tori.
 Tu, Dea, si silvis ægre discedit ab altis:
 Si lacrimans cœtus deserit illa tuos:
 Tu bona sis, felixque illi: tu numine dextro;
 Optata lætam fac, Dea, prole domum.

Vota pro vite Baccho, & Satyris.

Quæ duo fert collis fecundi vinitor Acmon
 Expressi primum cymbia plena meri:

Hæc

Hæc avidis musti Satyris, mustique Parenti
 Dat, jucunde, tibi, vitis, Jacche, sator.
 Illi illæsa suis linquant vineta rapinis;
 Tu tua fac largis auctibus uva fluat.

Vota Acmonis Vulcano.

Has, Vulcane, dicat silvas tibi villicus Acmon:
 Tu sacris illas ignibus ure, pater.
 Crescebant ducta e Statî propagine silvis:
 Jamque erat ipsa bonis frugibus umbra nocens.
 Ure simul silvas: terra simul igne soluta
 Fertilior largo fœnore messis eat.
 Ure istas: Phrygio nuper mihi consita colle
 Fac, pater, a flammis tuta sit illa tuis:

Defectio Euphronis a Pallade ad Venerem.

Jam telas, calathosque, omnesque perosa labores,
 Quos vitæ quæstus pauperioris habet,
 Palladio radium quum templo appenderet Euphro,
 Jamque sequi Venerem constituisset, ait:
 Hactenus o mihi culta, vale, Dea; & hæc tua multi
 Instrumenta tibi plena laboris habe.
 Jam tua perpestam dudum mala lenis habebit
 Adjungetque suo me Cytherea choro.
 Nec mirum, quam prætulerit Phryx arbiter, a me
 Si prælata tibi nunc quoque Cypris erit.

In Almonem Alcippes fastidio mortuum.

Dum furit Alcippes forma Nonacrius Almon,
 Crudeli demum tæbe peresus obit.
 Almo capripedi non impar arundine Pani,
 Quo nullus Nymphis gratior Arcas erat.
 Spargite odorato, pastores, fl re sepulchrum:
 Et simul infusum lacque, merumque fluat.

Non jacet ille sub hac (ut vos male creditis) ulmo :
 In nemus Idalium transtulit alma Venus.
 Hic Veneris pascitque greges, cantatque : canentis
 Una adstant Charites versibus, adstat Amor.
 Quin etiam hunc Paphii Nymphe non ultima cœtus
 Deperit, & parilis fervor utrumque tenet.
 Nimirum felix Almon : modo perfida virgo
 Aspera sævitix det documenta suæ.
 Pastoris pereat succensa informis amore :
 Respuat assiduas surdior ille preces.
 Præbeat hinc sævis tam dura exempla puellis ;
 Formosa ut fastûs discat habere modum.

Acon.

Candida Nympha olim, & Pani dilecta Lyceo,
 Crinibus, & culto conspicienda sinu :
 Nunc vox, fleilibus quæ semper mœsta querclis
 Desertos scopulos, deviaque antra colis ;
 Salve, Echo officiosa : tibi sub rupe cavatâ
 Ipse ego lanigeri ductor Acon pecoris
 Constituam umbrosum frondenti ex ilice lucum :
 Molliæque ex hedera sertâ virente feram.
 Tu levibus allecta modis silvestris avenæ
 Expicis è summo carmina nostra jugo :
 Tu quoties querimur, duros miserata dolores,
 Nescio quid tristi flebile voce gemis.
 Nec mirum, quod tu lacrimis movearis amantum ;
 Perdidit infelix te quoque durus Amor.
 Ah misera, ipsa quidem & strophio subnectis olenti,
 Et longa molles excolis arte comas.
 Ipse puer cultus, ipse omnes odit amores :
 Insequiturque vagas per juga summa feras.
 Quin humiles addis voces : & verba precantis
 Effugit, atque omnes negligit ille preces.
 Siste gradum immiris, non te violenta leana,
 Non curvo sequitur dente timendus aper :
 Sed quæ cadenti facie, niveisque papillis
 Vel magno possit Nympha placere Jovi.

Hæc

Hæc aget & celeres tecum per saxa Lacænas,
 Eque suis tendet retia rara plagis
 Siste gradum immitis, & quas nunc tendis ad undas,
 Effuge: causâ tuâ fons erit ille necis.
 Heu miserande puer tales ten' solvere pœnas?
 Ten' decuit tam crudelia fata pati?
 Magna parens, quæ cuncta leves producis in auras;
 Totaque diverso germine picta nites;
 Quæ passim arboribus, passim surgentibus herbis
 Sufficis omnitero larga alimenta sinu:
 Excipe languentem puerum, moribundaque membra;
 Æternumque tuâ fac Dea vivat ope.
 Vivet, & ille vetus Zephyro redeunte quotannis
 In niveo candor flore perennis erit.
 Tu mecum socias Echo conjunge querelas:
 Et percussa novis fletibus antra sonent.
 Crudelis Telaira, meos quid spernis amores;
 Quid miseras surda despicias aure preces?
 Hei mihi nulla ovium tangit me cura mearum,
 Ex quo me iste tuus perfida terret amor.
 It miserum pecus; & feri sub vespers umbras
 Per se ipsi redeunt in sua tecta greges.
 Nec mihi jam niveo complent mulctralia lacte:
 Densaque promisso vellere terga gerunt.
 Quin etiam aucupii studium, quo clarus habebam,
 Languenti penitus excidit ex animo.
 Ite leves passim filvis impune volucres:
 Cuncta novus nostra è mente fugavit amor.
 Otia agunt pedicæ, & lento lita vimina visco:
 In tenebris amites, nexaque lina jacent.

Damon.

Vos mecum e vitreis Nymphæ Naucelides antris,
 Vos mecum viridi paulum confidite in herba:
 Atque hoc, quem canimus, dignum concedite carmen.
 Sic vobis patrias circum vernantia ripas
 Prata neque hibernis nivibus viduata, neque æstu,
 Sut-

Sufficiant varios in setta nitentia flores.
 Quis dolor ô silvæ, quæ vos ô prata tenebat
 Mœstities? quanto squalébant omnia luctu?
 Cùm ferus è gelidis descenderet alpibus ostis
 Assiduè, & Latias in prædam verteret oras.
 Tum [teor] invitâ creverunt pabula terrâ:
 Invitæ e densis ceciderunt frondibus umbræ.
 Quippe abigi raptas pecudes passimque videbant
 Pastorum rapidos testis involvier ignes.
 Ipsi etiam hircipedes Fauni, Satyrique bicornes,
 Ipsæ etiam in solos Nymphæ fugère recessus:
 Et sese ignotis occultavere latebris.
 Et furor is fines propè jam pervaserat omnes,
 Jamque fugæ deerat nobis locus, undique sævos
 Cernere erat latis hostes discurrere cæmpis:
 Nulla usquam tam secretis lustra abdita silvis,
 Nulla aditu est tam difficili, tamque invia rûpes,
 Quo non sæpe graves subitis incursibus acti
 Fessa reclinarint in nudo corpora saxo:
 Et tamen hinc etiam crebi ejecere tumultus:
 Insuetæque maris pecudes (miserabile visu)
 Qua pelagi mediis iter intercluditur undis,
 Adriacos videre sinus: & littore curvo,
 Pro viridi cytiso, pro molli graminis herbâ,
 Et spinis paliuri, & acuta carice pastæ,
 Potarunt falsas nitidis pro fontibus undas:
 Et sæpe irati timuerunt murmura ponti.
 Quod si non novus ex alto demissus Olympo
 Hanc cladem nostris Deus avertisset ab oris:
 Ausoniis esset nullus jam pastor in agris
 Nos miseri patria extorres, rerum omnium egeni,
 Ah dolor, externas longe extraremus ad urbes.
 Hic nobis dulces saltus, hic pascua nota
 Restituit: tutique inquit, jam nascere tauros;
 Jam solitas tuti collo suspendite avenas;
 Et desueta diu responent carmina colles.
 Ergo omnes veluti, & Phœbo, Panique, quotannis
 Pastores certis statuent tibi sacra diebus,

Magne pater; nostrisque diu cantabere filvis:
 Te rupes, te saxa, cavæ te maxime Juli
 Convalles nemorumque frequens iterabit imago.
 At verò nostris quæcumque in saltibus usquam
 Quercus erit; ut quæque suos dant tempora flores;
 Semper erit variis ramos innexa coronis:
 Inscriptumque geret felici nomine truncum.
 Tum quoties pastum expellet, pastasve reducet
 Nostrum aliquis pecudes, toties id mente revolvens,
 Ut liceat factum esse tuo pater optime ductu,
 Nullus erit, qui non liber tibi lacte recenti;
 Nullus erit qui non teneros tibi nutriat agnos.
 Quin audire preces nisi dedignabere agrestes;
 Tu nostra, ante Deos, in vota vocaberis omnes.
 Ipse ego bina tibi solenni altaria ritu,
 Et geminos sacra è quercu, lauroque virenti
 Vicino lucos Nauceli in littore ponam.
 Hic ripa passim in molli viridante sub umbrâ,
 Vere novo, dum floret ager; dum germinat arbos;
 Dum vario resonant volucrum nemora avia cantu,
 Annua constituam festis convivia ludis:
 Ductores pecudum hic omnes, rutisque coloni
 Contendent jaculo, & rapidi certamine cursus:
 Horridaque agresti nudabunt membra palæstra.
 Ipse pecu, & tenero victor donabitur hædo.
 Præterea dulci cantabit arundine Damon
 Carmina, quæ puerum docuit Sebetheus Ægon.
 Olim cum procul hinc illis habitaret in oris:
 Scilicet ut quondam Assyrii pastoris amore
 Capta Dea & cælum, & fulgentia sidera linquens,
 Omnibus his cari præferret Adonidis ignes.
 Fortunata puer, tecum formosa Dione
 Una tondet oves; una ad mulctralia ducit:
 Atque immunda premit cœlestibus ubera palmis,
 Dum te complexu teneat, non illa recusat,
 Tecum inter pecudes vili requiescere culmo:
 At Mars ipse Deæ curâ tabescit inani.
 Fortunata puer, mediis pecus errat in agris:

Tu viridi dejectus in umbra, aut carmina cantas:
 Aut posita in Veneris gremio cervice recumbis:
 Illa tibi amplexus molies, illa oscula jungit;
 Caraque odoratis exornat tempora fertis.
 Sed tu nimirum, sed felix tu quoque Damon,
 Cui licuit toties Ægonem audire canentem;
 Divinique senis sacros ediscere cantus.
 Quod mihi, magne pater, Divum si fata dedissent;
 O quales tibi cantaret mea fistula laudes.
 Et quodcumque tamen felix concedet Apollo,
 Hoc te unum canet, hoc uni tibi serviet omne.
 Nec quicquam magis optarim, quam digna triumphis
 Posse tuis: videorque canens tua maxima facta,
 Inferior nullo, non ipso Ægone futurus.
 Ipse suo certet mecum si carmine Daphnis,
 Ipse suo Daphnis cum carmine victus abibit.
 Interea agrestis dignatus sibila cannæ
 Dexter ades nobis: & quæ facis, otia serva.

De Cupidine, & Hyella.

Florentes dum forte vagans mea Hyella per hortos
 Texit odoratis lilia cana rosis:
 Ecce rosas inter latitantem invenit Amorem:
 Et simul annexis floribus implicuit.
 Luctatur primo; & contra nitentibus alis
 Indomitus tentat solvere vincla puer.
 Mox ubi lacteolas, & dignas matre papillas
 Vidit, & ora ipsos nata movere Deos;
 Impositosque comæ ambrosios ut sensit odores;
 Quosque legit diti melle beatus Arabs:
 I, dixit, mea quære novum tibi mater Amorem.
 Imperio sedes hæc erit apta meo.

Ad Noctem.

Nox bona, quæ tacitis terras amplexa tenebris
 Dulcia jucundæ furta regis Veneris;

Dum

Dum propero in caræ amplexus, & mollia Hyellæ
 Oscula: tu nostræ sis comes una viæ.
 Neve aliquis nostros possit deprendere amores;
 Aëra coge atras densius in nebulas.
 Gaudia qui credit cuiquam sua; dignus, ut umquam
 Dicier illius nulla puella velit,
 Non sola occultanda cavis sunt orgia cistis;
 Solave Eleusinæ sacra silenda Deæ:
 Ipse etiam sua celari vult furta Cupido;
 Sæpius & pœnas garrula lingua dedit.
 Una meos, quos & miserata est, novit amores
 Officiis nutritrix cognita fida suis;
 Hæc, quæ me foribus vigilans expectat in ipsis;
 Inque sinum dominæ sedula ducit anus.
 Hanc præter, tu sancta, latent qua cuncta, silentque,
 Tu, Dea, sis flammæ conscia sola meæ:
 Quæque libens adstat nostrorum testis amorum
 Nobiscum totâ nocte lucerna vigil.

Laurus.

Oppositæ obstabant nostris prius auctibus ædes,
 Nec nos cælum ulla, solve juvabat ope:
 Disiectis herus his, Solemque admisit: & aurâ
 Concessit nobis liberiore frui.
 Hinc nos in tenues certatim tollimur auras;
 Ornaturque novæ frondis honore caput.
 At tibi, cui sacris Musarum, & Apollinis umbris
 Extructas libuit posthabuisse domos;
 Perpetuo similes nostris sint frondibus anni:
 Nobiscum augefcant & tibi cuncta bona.

De Pythagoræ simulacro.

Quem toties vixisse anima redeunte renatum
 Mutato fama est corpore Pythagoram:
 Cerne iterum ut docti cælo generatus Asylæ
 Vivat; ut antiquum servet in ore decus.

Dignum aliquid certe voluit: sic fronte severa est;
 Sic in se magno pectore totus abit.
 Posset & ille altos animi depromere sensus:
 Sed veteri obstrictus religione, filet.

Veris descriptio, ad Turrium.

Jam tristi canos glaciæ concreta capillos
 Afflatu tepidi fugit hyems Zephyri.
 Jam nitidum os Ver molle auras in luminis audet
 Proferre, & teneros ferre per arva pedes:
 Tempora diversis tollens halantia sertis
 Purpureo matris Chloridos e gremio.
 Summittit varios tellus secunda colores,
 Convertit molles quo puer ipse gradus.
 Et passim, quacumque vagos deflectit ocellos,
 Diffugiunt toto nubila cuncta polo.
 It prope, & incutiens blandas in pectora flammæ,
 Omnia jucundo accendit amore Venus.
 Quam circum vario texunt e flore coronas
 Perfusæ Assyrio rore comam Charites.
 Hinc atque hinc mille aligeri pueri assultantes
 Conjiciunt certa spicula acuta manu.
 Concipiunt dulces animalia cuncta calores:
 Persultantque vagi pabula læta greges.
 Ipse suam de colle canens Amaryllida pastor
 Pascentes tenui carmine mulcet oves.
 Percussæque nova dulcedine corda, volucres
 Dant lætos passim per nemora alta sonos.
 Sola gemit, ramoque sedens miserabilis alto
 Absumptum mater Thracia plorat Ityn.
 Dii bene, quod nostræ tam longe a finibus oræ
 Exactum hoc dira est in regione scelus.
 Heu puer infelix, matri dum brachia tendit
 Assueto cupiens se implicuisse sinu:
 Illa ferox animi, cæcoque agitata furore
 Avulsum duro diripit ense caput.

Quid

Quid facis ah, demens? ferro quem perdis iniquo,
Is lac dulce tuis hausit ab uberibus.
Huic tu longinquam votis optare senectam,
Huic solita es teneras dicere blanditias,
Heu miserum, genitor, nati, infelixque Sepulchrum,
Ut tibi nunc toto pectore sensus abir;
Infandæ nosti quum conjugis impia facta,
Atque epulas mensis tristibus appositas!
Nempe furis: strictoque ruis violentior ense:
Sed sublata alis effugit illa novis.
Perpetuum fleat, ut merita est: longisque querelis
Antiqui pœnas persolvat sceleris.
Nos, Turri, dum florifero vere omnia ridet,
Spirat & e summis gratior aura jugis:
Nos hic, qua nitida pellucens rivulus unda
Labitur, & leni murmure dulce sonat:
Cantemus molles formosæ Amathusidos ignes:
Quidque ferox arcu, quid face possit Amor.
Armenias domat hic tigres, sævasque lænas:
Eripit hic summo, quum libet, arma Jovi.
Hoc duce pallentes umbras Oeagrius Orpheus,
Tristiaque horrendi limina Regis adit:
Nec timuit sævæ Hecates immania monstra,
Armataque atris Eumenidas facibus.
Hoc cogente, omni quum pectore consternatus
Abrupto nollet vivere conjugio;
Paulatim Eurydices, veterumque oblitus amorum,
In Calain tota mente Boreïadem
Exarsit: petitusque insano perditus igne
Sensit ferventes intima ad ossa faces.
Formosæ o Calai, pulchræ genus Orithyïæ,
Te virides silvæ, te cava saxa sonant.
In te suspirat, solum te cogitat Orpheus:
Per te sollicito nulla quies animo est,



Ad Gelliam rusticantem.

Dum te blanda tenent æstivas rura per umbras,
 Deliciis nimium rura beata tuis;
 Ecqua tui, mea lux, tangit te cura poëtæ?
 An meus e toto pectore cessit amor?
 Cessit amor certe: soliti cessere calores:
 Absentis meminit nulla puella viri.
 Non ita concussæ versantur in arbore frondes,
 Quum gravis adversum verberat aura nemus:
 Quam facile instabilem permutat femina mentem.
 Exclusus queritur, qui modo carus erat.
 Non sic Penelope, non sic Capaneia conjux
 Antiqui meruit temporis esse decus.
 Altera defuncti mœrens ad busta mariti,
 Noluit abrepto vivere sola viro:
 Altera bis denos potuit durare per annos,
 Dum cupidos cauta detinet arte procos.
 Femina nunc varias tantum connectere fraudes
 Novit, & in nulla certa manere fide.
 Quid queror hæc demens? duræ procul ite querelæ:
 Ite: decent tristes tristia verba viros.
 Lætus ego; hos neque enim sequitur mea Gellia mores:
 Mutare incertos nec solet illa toros.
 Quin & mansit amor: soliti mansere calores:
 Absentis meminit nostra puella viri.
 Multa tamen timeo: tu multa ignosce timenti.
 Hei mihi pars nostro nulla timore vacat.
 Ah quoties vereor, dum picta per arva vagaris,
 Dum rutilæ texit florida ferta comæ:
 Ne ruat e summis in te Saturnius astris:
 Sive alii cuivis grata rapina Deo.
 Pressit Amymonen mediis Neptunus in arvis,
 Dum premeret summum virginis urna caput.
 In mediis Io campis perpessa Tonantem est:
 Horridaque hirsuta cornua fronte tulit.

Hinc

Hinc quoque Tartareo raptam Deoïda curru
 Abstulit infernus in sua regna Pater.
 Sidonis errabat nitidos Europa per agros:
 Quum medium fîcto per mare vecta bove est.
 Non tamen hos tantum caussantur prata timores:
 Hei mihi quam multos dat quoque silva metus.
 Hinc habitant Satyrique, & agrestia numina Panes,
 Et timor errantum Faunus Hamadryadum.
 Hic versa in virides Daphne Peneïa frondes:
 Hic fera mutato Parrhalis ore fuit.
 Hic & semicaper spreta Nonacrius Ægla
 Arcadiæ forma Virginis incaluit.
 Quod si tecum iisdem pariter versarer in arvis;
 Et domus unanimes clauderet una duos.
 Non ego Cœlicolum fraudes, non furta timerem:
 Undique me socio, Gellia, tuta fores.
 Si versa est Daphne: Sicala Proterpina ab Ætna
 Si vecta est Stygiis in nova regna rotis:
 Quid mirum? facile est deceptas fraude puellas
 Fallere, nullius quas tueatur amor.
 Ipse ego perpetuo tecum, mea vita, manerem:
 Sic possem nullos extimuisse Deos.
 Sæpe pererrabat racitos Atalanta recessus:
 Tuta tamen fido Mimalione fuit.
 Cingeret obsessos seu curva indagine colles,
 Seu cuperet sævas cominus ire feras:
 Hærebat lateri semper comes ille: nec umquam
 A domina lato longius ungue fuit.
 Ergo huic non summi fraudes nocuere Tonantis:
 Inque suo nullos sensit amore dolos.
 Sic ego per silvas tecum, & per prata vagarer:
 Grata essent sine te gaudia nulla mihi.
 Nunc pariter nitida recubare juvaret in umbra,
 Et capere in viridi somnia grata toro.
 Nunc pariter nuda fontes invadere sura,
 Torrida dum fîctus funderet arva Canis.
 Sæpius in filvis lepores captare fugaces,
 Et volucres fîctis fallere carminibus.

Sæpius in denso convicia dicere luco,
 Et madidas verno flore ligare comas.
 Sæpius umbroso choreas ductare sub antro,
 Quum daret agrestes tibia pulsa sonos.
 Ah quoties tales inter, mea Gallia, lusus
 Injicerem cupidas in tua colla manus.
 Dulciaque e roseis furarer basia labris,
 Basia mihi cunctis anteferenda bonis.
 O niveam, si qua hæc referet mihi gaudia, lucem!
 Gravior optatis non erit ulla meis.
 Semper Erythræis signabitur illa lapillis:
 Semper erit sacros inter habenda dies.
 Nunc, quoniam tecum me non licet esse, caverò,
 Mutuus extincto ne cadat igne calor.

Folas.

Pascite, oves, teneras herbas per pabula læta,
 Pascite, nec plenis ignavæ parcite campis:
 Quantum vos totâ minuetis luce, refectum
 Fecundo tantum per noctem rore resurget:
 Hinc dulci distenta tumescunt ubera lacte:
 Sufficiensque simul fiscellæ, & mollibus agnis,
 Tu vero vigil, atque canum fortissime Teuchon,
 Dum pascunt illæ latè per prata, luporum
 Incurfus subitos, sævasque averte rapinas.
 Interea hic ego muscoso prostratus in antro
 Ipse meos solus mecum meditabor amores;
 Atque animi curas dulci solabor avenâ.
 O formosa Amarylli, nihil te absente videtur
 Dulce mihi nunc & nitido Vere omnia rident;
 Et vario resonant volucrum nemora avia cantu;
 Exultant virides ludunt armenta per herbas;
 Lascivique agni, infirmisque arrubus hædi
 Cornigeras matres per florida prata sequuntur.
 Non tamen ista magis sine te mihi læta videntur,
 Quam si tristis hiems, nimbiisque rigentibus horrens,
 Agglomeret gelido canas Aquilone pruinas.

Dul.

Dulce apibus flores, rivi sitientibus herbis,
 Gramen ovi, capræ cytisus, Amaryllis Jolæ.
 Non ego opes mihi, non cursu prævertere ventos
 Optarim magis, aut pecoris quodcumque per orbem est,
 Quam te Amarylli meis vinctam retinere lacertis,
 Et tecum has inter vitam deducere silvas.
 Est mihi præruptis ingens sub rupibus antrum,
 Quod croceis hederæ circum sparsere corymbis;
 Vestibulumque ipsum silvestris obumbrat oliva:
 Hanc prope fons, lapide effusus qui desiliit alto,
 Defertur rauco per levia saxa susurro:
 Hinc late licet immensi vasta æquora ponti
 Despicere, longe venientes cernere fluctus.
 Hoc mecum simul incoleres Amarylli simulque
 Mecum ageres primo pecudes in pascua sole:
 Mecum abeunte die pecudes cava in antra vocares,
 Sæpe etiam denso in nemore, aut convalle virenti,
 Dum tenue arguta modularer arundine carmen:
 Tu mecum ipsa esses simul, astansque canenti:
 Quin & nunc pariter caneres: nunc dulcia nostro
 Baliaque & Veneris misceres gaudia tantum.
 O solum hoc Superi misero concedite amanti!
 Tum licet & rapiantur oves, rapiantur & agni,
 Ipse tamen Cræto mihi ditior esse videbor.
 Mollibus in pratis Lycidæ, post Daphnidis hortos,
 Purpureos flores texenda in ferta legebas:
 Cum te succincta tunica, fuscisque capillis
 Et vidi simul & totis simul ossibus arsi.
 Pone sequebatur Gorge soror, & tamen audax
 Accessi: sumque ipse meos tibi fassus amores.
 Risisti, & sertum, nitida quod fronte gerebas,
 Tamquam ex se cecidisset humi, jecisti, abiensque
 Liquisti, advertens collegi protinus ipse:
 Servavique, & adhuc tamquam tua munera servo.
 Et quamvis dudum foliis languentibus aret:
 Non tamen est sertum quicquam mihi carius illo.
 Ex illo semperque fui tibi deditus uni,
 Pulchraque nulla meis oculis te præter habetur.

Sæpe mihi Alcippe vicina & munera misit:
 Et dixit, formosæ puer, quæ munera mittit,
 Mittit & ipsum animum: tu & munera suspice, & illum,
 Sed potius Amarylli alio quam tangar amore,
 Sudabunt humiles flaventia mella genistæ;
 Et molles violæ dura nascentur in orno,
 Incultique ferent candentia lilia vepres.
 Et mœstis ululæ cedit philomela querelis:
 Quantum ver formosum hieme est jucundius atra;
 Quantum mite pyrum forbis est dulcius ipsis;
 Quantum hirsuta capella suo setosior hœdo;
 Quantum nocturnis obscuri vesperis umbris
 Puniceo exurgens Aurora nitentior ortu est:
 Tantum, Amarylli, aliis mihi carior ipsa puellis,
 Hæ testes mihi sunt silvæ, vicinaque silvis
 Populus hæc: cujus tale est in cortice carmen:
 Vellera. cum. setis. aries. mutarit. &. hircus
 Velleribus. setas. Amaryllida. linquet. Iolas.
 Sed nos dum longum canimus, jam rosida Luna
 Apparet cœlo; & rapidus deferbuit ardor
 Demerso jam Sole. tamen miser ardet Iolas.
 Nimirum nostros nequeunt lenire calores,
 Nec quæcumque rigent Riphæo in monte pruinae,
 Nec quæcumque simul gelido durantur in Hebro.
 Fors tamen hos illa ipsa potest quæ sola levabit:
 Sperando interea duros solabimur ignes:
 At vos, ne sero dum nox insurgit Olympo,
 Præsidio umbrarum fretus malus ingruat hostis,
 Jam pastri secura greges in ovilia abite.

Ad Hyellam.

Quam tibi nunc Jani donamus, Hyella, calendis,
 Exprimit hæc vultus parva tabella meos.
 Nulla fuit cuiquam similis mage: pallet imago;
 Assiduus nostro pallor in ore sedet.
 Est excors; sine corde & ego, quod pectore nostro
 Ipse amor ereptum sub tua jura dedit.

Non

Non loquitur; mihi sic tua cum datur ora tueri:
 Torpet nescio quo lingua retenta metu.
 Unum dissimile est nobis: felicior uno est
 Tam sæva quod non uritur illa face.
 Quod si etiam uretur (tuo enim sub lumine quidquam
 Illæsum flammis non licet ire tuis)
 Non ut ego assiduo infelix torrebitur igne;
 In cinerem primo corruet illa foco.


Ad Somnum.

Beate Somne, nocte qui hesternæ mihi
 Tot attulisti gaudia:
 Utinam Deorum rector ille cœlitum
 Te è cœtu eorum miserit,
 Quæ sapius mortalibus vera adsolent
 Mitti futuri nuntia:
 Tu, quæ furenti furdior freto meas
 Superba contemnit preces,
 Facilem Neæram præbuiſti: quin mihi
 Mille obtulit sponte oscula:
 Oscula, quæ Hymetti dulciora sint favis:
 Quæ suaviora nectare:
 Verè beate Somne, quod si sapius
 His dive me afficias bonis:
 Felicior cœlestibus Deis ero,
 Summo nec infetior Jove,
 At tu proterva quo libet fugè, eripe
 Complexibus terè meis:
 Si Somnus iste me frequens reviserit;
 Tenebo te, invitam licet:
 Quin dura sis quam libet ferox: eris
 Et mitis, & facilis tamen.

Ad Canalem, & Bembum.

Canale optime, tuque Bembe, nostri
 Amantissimi utrique, amati utrique

A me non minus atque utrique ocelli,
 Quid rerum geritis? valetis? atque
 Ab'entis memores sodalis estis?
 Quid vestræ faciunt bonæ Camœnæ?
 Scripseruntne aliquid novi meum post
 Discessum? puto: jamque quidquid otî
 Per vestras datur occupationes,
 Id vos in studiis bonis locatis.
 Ad me mittite si quid edidistis,
 Oro: nec socium bonum negate
 Vestri participem leporis esse.
 Sed quî cum Venere ipsa, amoribusque
 Quam vobis bene convenit? caletis;
 Amatisne? Dei Deæque faxint
 Et feliciter, & bene ipsi ametis;
 Quamque ego leviusque leniusque.
 Heu heu me miserum mei sodales,
 Quàm sævo teneor furore: quàm mi
 Totus, quam gravis incubat Cupido.
 Non quod non amer: intimis mœdullis
 Ardet me mea Hyella, perditeque
 Quantum quid pote perditissimum esse.
 Verum hoc me excruciat; magis potiri
 Mea nam vetitum mihi puella.
 Quod si quando licet; nihil levatur,
 Sed ferus magis excitatur ardor.
 Nam cùm nec saturum recedat inde
 Cor mî; nec furor expleatur umquam
 Caris basiolis, papillulisque,
 Atque his, qui miserum necant, ocellis:
 Augescit magis, & magis: quid heu heu
 Adverso paterer Deo atque iniquo,
 Si hæc incommoda sunt secundo amore?



In Vancium vicam Patavinum amœnissimum.

*Carmen a Laurentio Pignorio primum editum in calce
libri Originum Patavii.*

Blanda o Naiadum cohors sororum,
Quæ Vanci nitido latetis amne,
Fulse colla decentibus capillis,
Quos large ambrosii rigant liquores:
Comtæ & carbaseo sinus amictu:
Exite e liquidis simul latebris,
In vestros simul hic adeste lusus,
Quos large Zephyro favente tellus
Vernos florida suggerit per agros.
En scandentibus hinc & hinc flagellis
Per flavas falicum comas pererrans
Vitis pampineas ministrat umbras;
Per quas sibila murmurantis auræ
Jucundum tenero strepunt susurro.
Hic gemmantibus hinc & hinc rosetis
Cultas texere vos licet coronas:
Et passim simul omnium colorum
Lectos in calathis referre flores.
Queis comtas pariter comas revinctæ,
Queis sparsæ teretes simul papillas,
Ductetis pariter choros libentes:
Ductetis hilares simul choreas.
Sed quid splendidius nitefcit aër!
Quid fragrantius huc feruntur auræ?
Rident omnia, & aëre in sereno
Spirarunt Cyprii, Syrique odores.
Agnosco: resonis strepunt querelis
Olores Paphii, Cupidinumque:
Concussæ ex humero sonant pharetræ.
Ad flores properat suos Dione.
Nunc vos Vanciades simul sorores
Instaurate choros licentiores
Et novæ Venerem . . . choreæ,

* decent
fortasse

Et chori Venerem licentiores.
 Huc mitis, Dea miriorque semper
 Adsis muneribus benigna nostris,
 Quæ versis tibi fundimus quasillis:
 Quæ pictis tibi teximus coronis.
 Incultis, face, Vancium rosetis
 Pæstum vincere, floridumque Tibur.
 Hæc non bruma rigens calorque lædat:
 Hæc non flamina pestilentis Austri;
 Sed semper tibi cultius nitescant:
 Sed semper genitalibus Favoni
 Tua in munera mulceantur auris.

In Hyella ocellos.

Quamvis te peream æque, Hyella, totam:
 Nec pars sit, mea lux, tui nila, quæ me
 Sævo non penitus perurat igne:
 Fulgentes tamen illi, amabilesque
 Illi sideribus pares ocelli,
 Nostri maxima causa sunt furoris.
 O cari nimis, ô benigni ocelli,
 O dulci mihi melle dulciores,
 Quando vos mihi mihi licebit
 Usque ad millia millies trecenta,
 Aut ultra hæc etiam, fraviari?
 Dii concedere mî hoc misello amanti;
 Dein nil grave perpeti recuso:
 Quin & si peream, lubens peribo.

Ad Hyellam.

Dispeream nisi tu vitâ mihi carior ipsâ,
 Atque animâ, atque oculis es, mea Hyella, meis.
 Dispeream nisi ego vitâ tibi carior ipsâ,
 Atque animâ, atque oculis sum, mea Hyella tuis.
 Nec satis hoc: vellem pote quidquam his esset haberi
 Carius, ut posses carior esse mihi.

Tu

Tu quoque idem velles, pote quidquam his esset haberi
 Carius, ut possem carior esse tibi.
 Dii facite, hæc longos concordia duret in annos,
 Tanique bonos mutent sæcula nullam animos.

Hymnus in Gabrielem Archangelum.

Jam cœli referat fores
 Aurato è thalamo exiens
 Mater Memnonis, & diem
 Læto provocat ore.
 Nos te maxime Maximi
 Minister canimus patris:
 Quo nullus qui hominum genus
 Tam præsens juvet, usquam est.
 Tu nostras celer ad preces,
 Aures protinus ad Deum has
 Defers: nec tenues finis
 Evanescere in auras.
 Tu dum fers nova nuntia
 Virgini æthereo patri
 Dilectæ, quibus indicas
 Magni vota Tonantis:
 Nobis fers nova nuntia:
 Queis è faucibus impij
 Erepti hostis, in aurea
 Cœli templa vocamur.
 Adsis ô bone: & in dies
 Semper nos propius juvas:
 Nec patrocínio tuo
 Umquam mitte tueri.

De Patavio a militibus vastato.

Urbs, quam vetusto vinctus ab Illo
 Post fata Troium tristitia, post graves
 Tot patriæ exhaustos iniquo
 Tempore, tot pelago labores,

Ducente demum Pallade, qua rapax
Cultos per agros Medoacus fluit,
Diis fretus Antenor secundis

Condidit Euganeis in oris:

Tu nuper & flos, & decus urbium,
Quascumque tellus Itala continet;

Magnas tot artes, tot virorum

Ingenia, & studia una alebas.

Te septicornis Danubii accola,

Te fulva potant flumina qui Tagi,

Longeque semoti Britanni

Cultum animi ad capiendum adibant.

At nunc, acerbi heu sæva necessitas

Fati, severas ut pateris vices:

Ut te ipse vastatam vel hosti

Conspicio miserandam iniquo!

Quid culta tot pomaria conquerar?

Tot pulchra flammis hausta suburbia?

Quid glande deturbata athena

Mænia, præcipitemque sævi

Mavortis iram, bellaque persequar

Horrenda? squammis ille adamantinis,

Ferroque conferram rigenti

Induerat chlamydem trilineam.

Fremensque, & atrum letifera manu

Telum coruscans, secum odia, & necis

Contemptum, & insanos tumultus,

Secum animos, rabiemque agebat.

Ille Urbe ab imis sedibus eruta

Impleisset omnes funeribus domos:

Non ille vel sexu, vel ullo

Efferus abstinuisset ævo.

Ad Bembum.

Qui modo ingentes animo parabam,

Bembe, Bellorum strepitusque, & arma

Scribere, hoc vix exiguo male audax

Carmine serpo.

Nem-

Nempe Amor magnos violentus ausus
Fregit iratus : velut hic Tonantem
Cogit & fulmen trifidum rubenti
Ponere dextra .

Sic eat : fors & sua laus sequetur
Candidæ vultus Lalages canentem , &
Purius claro radiantis astro
Frontis honores .

Nota Lesbæ lyra blanda Sapphus :
Notus Alcæi Lycus : altiori
Scripserit quamvis animosum Homerus
Pectine Achillem .

In Auroram.

Dia Tithoni senioris uxor ,
Quæ diem vultu radiante pandis :
Quum genas effers roseas rubenti
Prævia soli :

Roscidos ut nunc per agros vagari
Sub tuò adventu juvat : & recentes ,
Quæ tuos semper comitantur axes ,
Excipere auras !

Sicca jam sævus calor uret arva :
Jam vagi aurarum levium fiescent
Spiritus : jam sol rapidus furens
Exferet ignes .

Dum licet , læti simul ite amantes :
Dum licet , molles pariter puellæ
Ite * flaventes vario capillos * *lucentes in*
Nescite ferto . *nonnul. edit.*

Nunc simul telis positis Amores
Matris hærentes lateri , & decentes
Gratiæ plenos referunt refecto
Flore quasillos .

Per feros saltus , per iniqua lustra
Undique occultas agitans latebras
Fertur , & silvas varia ferarum
Strage cruentat

Clara Latonæ soboles: nitenti
 Huic comæ in nodum religantur auro:
 Pendet aurata ex humeris pharetra,
 Pendet & arcus.
 Circum eunt Nymphæ simul: illa cursu
 Gaudet effusos agitare cervos:
 Hanc juvat certis jaculis fugaces
 Figere lyncas.
 Nunc ab umbroso simul esculeto;
 Daulias late queritur: querelas
 Consonum circa nemus, & jocosa
 Reddit imago.

De Hyella.

Nil tecum mihi jam, Phœbe, est, nil, Nox, mihi tecum:
 A vobis non est noxve, diesve mihi.
 Quantum ad me, ut libet, auricomo Sol igneus axe
 Exeat Eoæ Tetyos e gremio:
 Ut libet, inducat tacitas Nox atra tenebras;
 Fert mihi noctem oculis, fert mihi Hyella diem.
 Nam quoties a me nitidos avertit ocellos,
 Ipsa in luce etiam nox tenebrosa premit.
 At quoties in me nitidos convertit ocellos,
 Candida & in media fit mihi nocte dies.

De Menalca.

Iverat ad Phyliren media de nocte Menalca,
 Posset ut ad patrios mane redire greges:
 Jamque fores lento religatas vimine pressa,
 Suspensis manibus, solverat ille anima.
 Prospectansque oculis... per ostia, limen
 Protenso poterat transilisse pede.
 Quum sensere canes: quo murmure victus, ut ira
 Ardebat, tales jecit in astra sonos:

Cin

Cinge triumphali, puer o, tua tempora lauro,
 Qui ad patrios tendis tutus, ut ante, greges.

De Ludovico Pannonia Rege.

Danubii ad ripas primo Rex flore juventæ,
 Cesus pro patriâ, cum patria hic jaceo.
 Nec queror, immiti quod sim prostratus ab hoste,
 Sed quod me Reges deseruere pii:
 Qui dum alia ex aliis inter se prælia miscent,
 Et me, & se rabidis hostibus objiciunt

Ad Venerem, ut pertinacem Lalagen mollias.

Diva, quæ has cœli generatim in auras
 Cuncta producis: cupidumque amorem
 Undique infundens, facis, ut perenne
 Sæcla propagent:
 Qua nihil lætum sine, amabile est nil,
 Nilque jucundum: sine qua nec ipsæ
 Grææ erunt cuiquam Charites, nec ipsa
 Blanda Voluptas:
 Dum tibi lætus reparatur orbis:
 Dum per herbosos pecus omne campos
 Vim tuam sentit: tibi plaudit omnis,
 Diva, volucris:
 Dum nihil, quamvis rigidum, feroxque, est
 Ossibus quod non penitus sub imis
 Sit tua tactum face: quod tuos non
 Sentiat ignes:
 Una erit flammæ, & amoris expers?
 Una secura his Lalage resistet?
 Tange age ultrici, Dea, pertinacem
 Tange flagello.
 Quod si ita tanger, fera ut obstinatum
 Applicet nostris animum querelis,
 Nec preces ultra miseras superba
 Negligat aure:

Conferam lætam tibi, Diva, myrtum,
 Vancius qua se rosifer revolvit:
 Hanc mero supplex, niveo & rigabo
 Lacte quotannis.

Hanc & immistæ pueris puellæ
 Circum agent lætas pariter choreas:
 Teque prima unam, simul ultima unam
 Voce canent te.

Te canent unam, volucremque natum:
 Qui ferox, duro & similis parenti,
 Acer & flamma est, & agente certum
 Cuspide vulnus.

Spargam odoratas violas, rosasque
 Ipse ego, votique reus fecabo
 Grata torquatæ ante tuas columbæ
 Gutturæ flammæ.

De imagine sui armata.

Quid magis adversum bello est, bellique tumultu,
 Quam Venus? ad teneros aptior illa jocos.
 Et tamen armatam hanc magni pinxere Lacones,
 Imbellique data est bellica parma Deæ.
 Quippe erat id signum: forti Lacedæmone natum,
 Sæpe & femineum bella decere genus.
 Sic quoque, non quod sim pugna versatus in ulla,
 Hæc humeris pictor induit arma meis.
 Verum hoc quod bello, hoc Patriæ quod tempore iniquo
 Ferre vel imbellem quemlibet arma decet.

In obitum Borgetti catuli.

Borgettus lepidus catellus ille,
 Cujus blanditias proterviores,
 Et lusus herus ipse tantum amabat,
 Quantum tale aliquid potest amari.
 Nec mirum; dominum suum ipse norat,
 Caram bima velut puella matrem:

Et

Et nunc illius in sinu latebat;
Nunc blande assiliebat huc & illuc
Ludens, atque avido appetebat ore,
Erectis modo cruribus, bipeique,
Mentæ adstabat herili, heroque ab ipso
Latratu tenero cibum petebat.
Nunc raptus rapido, maloque fato
Ad Manes abiit tenebricosos.
Mitte o canis, o miser catelle,
Nigras parvulus ut timebis umbras!
Ut sæpe & dominum tuum requires!
Cui pro deliciis, jocisque longum
Heu desiderium tui relinquis.

Geneithiacon Pueri Nobilis.

Vos mihi nunc magnos partus, ortusque beatos
Felicis pueri, quo pingua culta vetusti,
Naonis exultant, quo Carnia tota superbit:
Dicite Pierides: vos illum è matre cadentem
Excepstis sine & vestris fovistis in ulnis.
Et teneram molli cinxistis baccare frontem.
Nec vero vos tantum has accessistis ad oras,
Nec solæ venistis ad hæc vos munera, Musæ;
Affuit ipsa etiam pariter, spargensque salubres
Pyxidos arcane succos, partusque dolores
Leniit, & matrem fœtu Lucina levavit:
Affuit Idalio veniens è colle Dione,
Nectare odorato crines perfusa fluentes,
Assuetæque leves Charites ductare choreas.
Hæ simul ambrosia puerum lavere liquenti,
Et parvas tenui cunas stravere ligustro,
Venit & undisfluis properans Naucelus ab antris,
Quem prope cæruleo fluctu formosa Metone
Ibat, eos circum violasque rosasque rubentes.
Vimineis Nymphæ calathis, &serta ferebant
Purpureo è narcisso, eque auricomo crysantho.
Quæ postquam totas passim sparsere per ædes,

Jucundoque domus late fragravît odore,
 Protinus ecce Jovis magni de limine Parcæ,
 Antiquæ Parcæ; niveo queis corpora amictu,
 Canaque Chaonia velantur tempora quercu.
 Hæ postquam & matrem complexæ, & fronte serenâ
 Oscula junxerunt parvo felicia nato,
 Candida versato torquentes vellera fuso,
 Fatidico tales fuderunt pectore voces.
 O fausto nimium cœlo Divisque benignis,
 Nate puer, cresce, & dulces solare parentes,
 Et fatis lætare tuis, tuque optima mater,
 Tuque boni genitor pueri, quos omine dextro
 Castus hymen quondam thalamo fociavit in uno,
 Accipite hæc lætis animis, neu posse moveri
 Credite, quæ vero concordēs ore canemus.
 Qualis in aprico se tollit amaracus horto,
 Quam studio solers omni formosa puella
 Ipsa suos alit in ludos, & lenibus undis
 Irrigat: illa leves paulatim surgit in auras
 Pulchrior, & dulcem late diffundit odorem;
 Sic puer augefcens primo se tollit in ævo,
 Nec se quisquam illi formoso conferet ore.
 Mox ubi jam validus teneris excesserit annis.
 Tunc illum sacras artes, doctæque docebunt
 Aonides, princeptque chori formosus Apollo.
 Illi & divini latices Aganippidos undæ,
 Et virides Hæmi saltus, Pindique patebunt.
 Mars quoque bellipotens simul, & Tritonia virgo
 Muneribus bellorum, & sævis instruet armis.
 Doctior haud illo quisquam seu comminus ense,
 Seu sit opus valida concurrere longius hasta,
 Sive inflectere equum, atque arctis compefcere habenis,
 Seu libeat laxare, & aperto currere campo.
 O quoties medio ferventem in turbine belli
 Conversæ fugient acies! at percitus ille
 Obvia quæque metet infesto corpora ferro.
 Non secus ac præceps hyberno flumine torrens,
 Cum tumidus latè, pluviis hiemalibus auctus

Proruit adversas infano vortice silvas,
 Obstantesque trahit ripas, camposque per omnes
 Cum sonitu ruit, & rapido rotat omnia fluctu.
 Fortunata puer, numquam non victor in hostem
 Bella geres, magnique æquabis facta parentis.
 Ille olim magnos Gallorum stravit acervos,
 Italaque hostili manarunt arva cruore
 Tum, cùm cæsa virum serpens per corpora Liris
 Æquoreas cursum vis tandem invenit in undas.
 Ille idem gelidâ cum gens immanis ab Arcto
 Ausonios passim sese effudisset in agros,
 Audaces animos ingenti strage repressit,
 Alpinaeque nives Germano sanguine tinxit.
 Nunc quoque fallaces abrupto fœdere Gallos
 In Latios iterrum fines, prædamque ruentes
 Proteret, & victos (divinis credite Parcis)
 Italia expellet cœloque æquabit honores.
 At tu, si qua tuo restabunt bella parenti,
 Ausoniam infenso nec dum pacarit ab hoste,
 Ipse tua fidens animi virrute subibis.
 Hæc primum: mox externas egressus in oras
 Implebis totum factis audacibus orbem.
 Te duce & Ausoniæ rursus rediviva resurget
 Gloria, & antiquum latè victricibus armis
 Reddetur Latio imperium tua signa timebunt
 Una omnes passim populi, quaque incidit alto
 Æquore, & Oceano ferventes abluit axes,
 Quaque coloratis effert se Phœbus ab Indis.
 Tum demum placida contentus pace quiesces,
 Sævaque mitescet posito Discordia ferro.
 Aurea tum veniet sæclis melioribus æras,
 Felicesque anni & Saturnia regna redibunt.
 Tum pax alma colet terras, Astræaque virgo,
 Immersumque gemet Stygio scelus omne barathro.
 Felices, qui tam læto nascentur in ævo.
 Tu vero ante alias Superis gratissima tellus,
 Quam tanto Divum genitor dignatur alumno,
 Tu nitidas passim fuges, arbutaque læta

Sponte tua, nulloque hominum cogente labore
 Produces, humiles sudabunt mella genistæ,
 Incultique ferent candentia lilia vepres.
 Finierant Parcæ: tum Juppiter æthere ab alto
 Intonuit lævum, & cœli de parte ferenâ
 Perspicuus multo fulgor cum lumine fulsit.

Ex Philemone.

Si quid remedi lacrimæ afferrent malis,
 Minorque semper fieret lugenti dolor,
 Auro parandæ lacrimæ nobis forent.
 Sed nil, here, istæc profunt: res ipsæ nihil
 Moventur istis, sive tu semper fleas,
 Seu numquam, eandem pergere insistens viam.
 Quid his juvamus ergo? nil certe: at dolor,
 Ut ipsa fructus arbor, sic lacrimas habet.

Ex Menandro

Nam si te, alumne, genitrix cum peperit tua,
 Hac forte es unus omnium in lucem editus,
 Tibi cuncta ut evenirent quæ velles, bona,
 Idque annuit magnorum quispiam Deum:
 Jure optimo indignaris: valde enim is tibi
 Fallax repertus: quod si eisdem legibus,
 Quibus nos omnes (tragicis ut verbis loquar)
 Æque patentem cunctis aërem trahis,
 Ferenda sunt hæc levius, & omnis rectius
 Habenda ratio: denique hæc summa est, puta
 Hominem esse te, quo nullum animantium omnium
 Extolli, itemque deprimi citius solet.
 Ipsumque id haud injuria: minimarum enim
 Id virium est, & maximis semper studet,
 Plurimaque secum commoda conterit cadens.
 Tu vero & magna non amisisti bona,
 Et mediocria sunt ipsa ea, quæ pateris mala.
 Ergo & modeste alumne quod reliquum est feras.

Cum

Cum ex Hispanica legatione in Italiam reverteretur.

Salve cura Deum, mundi felicior ora,
Formosæ Veneris dulces salvet recessus,
Ut vos post tantos animi, mentisque labores
Aspicio, lustroque libens. ut munere vestro
Sollicitas toto depello pectore curas!
Non aliis Charites perfundunt candida lymphis
Corpora, non alios contexunt ferta per agros.

Desunt nonnulla, quæ erant in litura.

BERNARDI NAUGERII

V E N E T I.



HAs, Neptune, tibi conchas dat Battus, honores
Æquoris; hæc Lycidas ostrea, Glauce, tibi.
Vos facite irati deponant murmura fluctus,
Dum medio jactant humida lina mari.
Hoc dulces natiq̃ue rogant parvique nepotes,
Ludere quæ vestro littore turba solet.
Nunc voces parui tantum, mox munera grati
Ipsi etiam vobis, Numinâ magna, dabunt.





FRIDERICI NAUSÆ

BLANCICAMPIANI.



*Libellus ad Auctorem quo sibi eundem sit querens
Illo subinde respondente .*

- L.** Quo vis , degrediar ? **A.** Vetustam ad urbem .
Atque Antenoream . **L.** Rei quid istic ?
A. Illustrem tibi quempiam patronum
Quæras **L.** quem ? **A.** tibi censeo petendum
Urbis Pontificem . **L.** Quod illius , dic ,
Est nomen ? **A.** Rogitas ubique notum
Nomen . stelligerum vel usque Olympum ?
L. Quî scirem , veluti rudis latebris
Domi qui latui , timore labis
Clausus ? tu vel ob id mihi negabis
Haud quicquam veniæ ? **A.** minus negarim .
Nomen Pontifici , viro verendo ,
Est Paulo , ex genere ille Zabarello
Illustri . simul inclytoque , sanctus
Vita , & moribus , estque disciplinis
Clarus tam variis , ut hæreo ipse
Illum quem vocitem . Dei Sophiæ
Est doctor , tenet omniumque legem
Prudentum , & canonum responsa patrum
Novit , quem media vel ex sophia
Depromptum nihil effugit sacrata :
Callet carmina , Apollinisque pandit
Phœbi oracula . Pluribus quid utor ?
Hic tantus , facile ut minus putarim
Illum olim Cicerona vel laboris

Hunc ,

Hunc, vel tantum operæ tulisse in ipso
 Oratore bono excolendo, quantum
 Ille infumeret, aut laboris, ævo
 Hoc nostro aut olei, stylo eloquenti
 Si vellet modo Præfulem referre
 Hunc. Succumberet ille, opem negarent
 Vires ingenii. Adde Xenophontis
 Nec tot connumerasse παιδείαν quot
 Hoc in præfule sunt, vigent, nitentque
 Virtutes. Sileant Numam, Catonem,
 Aristidem (etenim licet minutis
 Mihi magna modo referre rebus)
 Quos hoc exuperat viros, vel omnes
 Hic præful Reverendus undecumque,
 Quo illorum superat referta vanis
 Instituta dolis fides, sacra atque
 Christi religio. Ast libet supremum
 Jam tandem κολοφῶνι jungere. Haud dum
 Hercle proposui tribus (quod ajunt)
 Bolis hic panegyrim inops canendi
 Rhetor dicere, cujus ipsa laudum
 Nec Demosthenis ora scripta posse
 Partem vel minimam referre credam.
 Non ignota cano, tibi fatebor
 Verum. Ecce est adeundus ille præful,
 Quem si dicere tentem iners aperto,
 Est totum ille σοφός & illa summa est.
 Habes rem, Iro citus. L. Viam reclude
 A. Urbem ingressus, eas ubi vetustum
 Ad templum est iter, hoc, tenet quod almaris
 Sedem præfulis, & patrum priorum.
 Quo delatus, Eundum erit secundam
 Per portam, e regione collocatam,
 Illac, qua egredientibus videntur
 Extemplo ad latus, & manum sinistram
 Ædes conspicuæ, modisque miris
 Structæ, Cæsareis pares ut aulis
 Posses dicere, quasque posse credas

Pulchræ mœnia Trojæ decora
 Omnino æquiparare, quisque credat
 Urbis cedere regiæ superba
 Phœniissæ atria, nec venustiora
 His palatia splendidam fovere
 Romam crediderim, vel est quid illis
 Iphis pulchrius, aut fuit quid umquam.
 Testes sunt Parii, quibus columnæ
 Instructæ radiant, quibus figuris
 Substant pegmata lucidis Colossi.
 Quæ cœlo usque ferunt superbientes
 Hi supra Rhodiæ venusta molis
 Miræ limina, L. Verum opus quid illis?

A. Illuc ingreditor, roges per ampla
 Mox cænacula, qua datur subire
 Præcelsi thalamosque præsulisque
 Ad conclave, Ubi mox videbis illum
 Ipsum Pontificem, Senem verendum.
 Cujus calvities caput decorat
 Nimirum reverenda, honore plenam
 Et frontem, atque oculos virum decentes.
 Magnum, magnificum, pium gravemque.
 Hunc accede. manu osculare dextram.
 Flexo poplite dicere hæc memento.
 Te clarissime Pontifex, me adire
 Jussit Nausea, me tibi que totum
 Et se dedicat, & tuo benigno,
 Et fausto auspicio virum per ora
 Me prodire cupit, tuo mihi quo
 Major nomine gloria atque scriptis
 Effet præsidium, foretque secula
 Nomen cuncta tuum, inclitum decusque,
 Et victura tuæ diu sacratæ
 Laus famæ, pariter futura grates
 Effet posteritas tibi parono
 Relatura, quod ipsa quotque adepra
 Ex me sit duce te, bonum modo sit
 In me parvo aliquid boni. Proinde,

Oro, fume libens, Verende preful,
 Antistes genereſe, me puſillum,
 Mox majora tibi (Deo favente)
 Mirtet Nauſea, totus auſtor iſte
 Tuum mancipium, cliens fidelis,
 Conſtans Verna, modo tibiſque gaudens
 Seſe perplacuiſſe, meque Saluus
 Sis, & Noſtoreum; peropto tempus
 Viſturus, ſuper inde regna cœli
 Scanſurus. Fruitor Deo beatus.

Encomium Patavii Urbis.


Cur felicior omnibus per orbem
 Terrarum urbibus (ut ferunt ubique)
 Urbs dicor Patavina, quæris? an non
 Felix, cui ſuperi nihil negare,
 Omnem quod tribuit beatitatem,
 Et cui virgula cuncta largiatur
 Divina. immo cui quod eſt ubique
 Divûm propitiatur, & benigno
 Ridet numine, noſtra Cœlitesque
 Cuncti tecta colunt, agrosque latos
 Cœlum Juppiter aureo ſerenat
 Aſtro, fundit aquasque largiores
 Neptunus, Ceres alma adeſt, frequentat
 Liber colliculos, cuiqueque noſtrum
 Infundens gravibus merumque labris.
 Mavors mœnia, quæ oppido eleganti
 Sunt conſtructa manu, queat quibusque
 Roma ipſa aurea cedere, acer armat
 Tutaturque vides? Quid ipſa multis?
 Mille en tranſierim, quibus meopte
 Poſſem jure ſub orbe ſolis inter
 Omnes tollere me vel ampliores
 Urbes, nec mihi terra par referri.
 Unum non ſileam, parens virorum
 Quod paſſim canor, atque alumna, quales


Vix doctæ meruere Athenæ, & orbis
 Vel Roma ipsa caput videre magni.
 Ex me sunt geniti (fides verenda
 Est mi) Livius, alterum deserti
 Romani eloqui, nitens ut astrum,
 Lumen, quem sapiens secutus ipse
 Paulus juris apex. subinde Stella
 Quem musis comitatur. hucque magne
 Par gressu Volusi poëta. Flacco
 Sedes altera. Petre quis mihi re
 Negat municipem? videns. legensque
 Miro quæ ingenio tuo reponis, & cui
 Nomen fons Aponi dedit nitentis.
 Nec non vos patriam extitisse vobis
 Nec me vos pudeat Lovatte doctæ,
 Muslate, & Zabarella maximorum
 Princeps cardineo nitens honore,
 Quo Respublica floruit vel uno,
 Christi Ecclesia vertiturque quodam
 Sicut cardine, Roma cujus ipsa
 Doctrinis radiat, simul manebit
 Aeternum, velut is manebit usque.
 Adest Marsiliusque Galeati,
 Perdoctus Pileusque Gulielmus,
 Tecum sint Sophiæ incliti parentes.
 Superfuntque duo celebriores
 Cunctis quotve fuere, quotque nostro
 Sunt seculo. reverende principalem
 Locum Paule teneto Zabarella
 Antistes, cathedras Episcopalis
 Sanctas culminis, eruditionis
 Præsul, relligionis almæ & ipse
 Exemplar. Specimen verendæ & ingens
 Virtutis, generisque imago vere
 Antiqui referens σῶφρον ad assem.
 Huc Francisce decus, jubar, corona
 Doctrinæ, tibi proinde nomen extat
 De Doctoribus, hoc in omne tempus

Illustras gemini eruditione
 Juris, consilio, fidelitate
 Virtute, ingenio: subinde fama
 Manebit tua gloriosa semper.
 Multos transeo, quos suum recenser.
 Ævum, tempore quos brevi recondo.
 Sat sit te moneam viator, inde
 Ne mireris, ubi beatiorum
 Dicent me urbibus omnibus, refertam at
 Me tot nosce bonis, quot haud & ulla.

Ad Mariam Virginem.

Quid mihi vis fiat misero? quo crimine pauper
 Destituor verbis, virgo beata, meis?
 En quæ clarifono suevit resonare palato,
 Et mea vox grato, verba diserta, tono.
 Hæc (hei) nunc querulam sequitur miseranda columbi,
 Quæ nisi dat gemitum cordis amara sui.
 Hæc sequitur balbam, nulla dulcedine, picam
 Fingentem humanos, arte docente, modos.
 Organa conversis utuntur partibus. Et quæ
 Est cerebri pars, hæc pectoris esse cupit.
 Namque cibum nares capiunt, & verba remittunt,
 Unde fluit versis potus & ordinibus.
 Te precor hanc pestem, Patrona, coercere cruentam
 Qua crucior tantis pauper ubique malis,
 Da quoque apud summum pro me suffragia patrem.
 Parcere peccatis quo velit ille meis.
 His equidem (ut credo) pulsus, pelletur & omnis
 Morbus. Ab iis etenim est causa & origo mali.
 Verum, si diis est visum, ut mea crimina pendam,
 Fac aliis solvam, facta scelestis locis.





FLAMINII NOBILII

LUCENSIS.



*Ad Franciscum Medicem Flor. & Senen.
Principem.*

PPrinceps floscule Principum, decusque,
 Quem virtus, probitasque singularis,
 Cœleste ingenium optime expolitum,
 Et clarum genus, evehunt ad astra:
 Ago nunc tibi gratias, agamque,
 Dum pars ulla animæ meæ vigebit,
 Quod tua eximia benignitate
 Tuorum numero inferor clientum,
 Tam plane infimus omnium clientum,
 Quam tu maximus omnium patronus.
 Sed quamquam infimus omnium clientum,
 Illud asserere haud tamen verebor,
 Quod præstare potis sum, amantiozem
 Non ullum esse tui, aut magis colentem.
 Me sol ignea noctis astra vitans,
 Me rebus nitidum asserens colorem,
 De te perpetuo, tuaque laude
 Linquet, invenietque cogitantem.





LUDOVICI NOGAROLÆ

VERONENSIS.



Ad Paulum Rhamnusium Venetum.

Fastorii monumenta hoc tu dum, Paule, libello
 Colligis, e cæcis eripiens tenebris,
 Scilicet ut Vates. Medicaque excellunt arte,
 Percurritque domos ætherias animo,
 Ingentes Verona refert tibi nunc mea grates
 Cum Baldo, Benacoque suo, atque Athesi.
 Qui tanto assurgens plausu, quantum ipsa labore
 Fama sui civis se efferet aucta tuo.

HIERONYMI NOMII

BURGENSIS.



Ad Musas. De Laurentio Frizolio.

Supremi soboles Jovis
 Musæ, Pierii gloria verticis,
 Parnassi egregium decus.
 Et græ comites candidi Apollinis;
 Quæ cultus hominum feros
 Formatis numeris, & fidibus novis,

Cantu flumina sistitis,
Mulcetis rapidi flaminis impetum;
Quæ dulci scopulos lyra,
Et duras nemorum ducitis arbores:
Vobis Pierides datur,
Et mœstis hominum pellere mentibus
Ægras sollicitudines
Doctis carminibus, voceque Olympica.
Vestreo numine vertitur
Quidquid stelligero cernitur ambitu:
Vos quantum tegitur polo
Terrarum, ætheris, atque æquoris humidi,
Innuptæ regitis Deæ.
Quid? nos quod sapimus, quodque homines sumus
Vestro omne hoc operi damus.
Quin & vaticinis acta furoribus
Vestri pectora numinis,
Et laudes superûm, & nomina grandibus
Heroum recinunt modis,
Magnorum & celebrant facta decentis
Regum. vestra ope Pindarus
Hostiles animi molliit impetus
Cessisse arbiter inferûm
Poscenti Eurydicen dicitur Orpheo,
Omnis cum obstupuit domus
Plutonis Stygii, motaque Tartari
Imis Regia sedibus,
Latratufque inhians ore coërcuit
Nigri janitor atrii.
Sed vates memorem quid veteres? modo
Laurenti prece, nubila
Quæ multis fuerant condita mensibus,
Sparfere imbribus humidis
Terras assiduis solibus aridas:
Magnisque usta caloribus
Quæ nuper fuerant prata, virentibus
Gaudent graminibus: modo
Nudatæ solitis frondibus arbores

Ornamenta vident sua;
 Et nobis redeunt flumina fontibus.
 Fortunate ter, & quater,
 Cui laurus dedit & nomina, & omina;
 Quem non vel superet Linus,
 Quique æquet numeris Orphea Thracium;
 Quamquam Calliope Parens
 Est huic, ille patrem jactat Apollinem;
 Certet Calliope Linus,
 Certet Threicius judice Apolline.
 Is namque ut pluvias potest,
 Sic cœlo poterit ducere sidera;
 Sic solis jubar aureum,
 Sic irata Jovis flectere flumina.
 Vos hoc Pierides datis:
 Vestris nam imperiis omnia subjacent.

*In Julium Parisanum Episcopum Ariminensem.
 Navis. Ad Pium V. Pont. Max.*

Secura insolitum quæ maris avii
 Carpsi navis iter, dum Parisanius
 Rectum navita clavum
 Felici tenuit manu,
 Nunc, postquam rapidis orta Aquilonibus
 Tempestas celeri turbine depulit
 Alta puppe magistrum,
 Mergenda in mare turgidum
 Adversis rapior flatibus Africus
 Infirmas validis verberat ictibus
 Antennas: solidamque
 Pinum cum fremitu quatit.
 Interdum horrifono murmure corrui
 In puppim pelagus: nunc celeri latus
 Torquens vortice creber
 Eurus præcipitem rapit.
 Tam laxis laterum permeat undique
 Costis perniciēs æquoris humida;

Pressaque ima carinæ
Salso pondere degravat.

Heu jam remigii nulla, nec anchoræ
Spes fessæ superest: strenuus arduo
Me vix Galba tueri
Conatu, & studio valet.

Vos, o vos laceram queis valido est ratem
Servare auxilio, & nubila, & asperam
Vim sedare, precantis
O tandem miserescite.

Tuque o dexter ades, numine qui Dei,
Irati rabiem comprimis Adriæ.
Infanosque coërces
Sanctis imperiis Notos;

Imis qui potes aut concita sedibus
Demulcere freta, aut tollere flamine;
Qui lætam potes atris
Aut obducere nubibus

Lucem, aut appositas
Umbras æthereis: te duce territus
Duris nauta periclis,
Optato lare denique

Securus potitur. Te mea si Pium
Quid tangit pietas, si lacrimæ, & preces
Flectunt, anne erit ulla
Nostris meta laboribus?

Jam, jam parce tuæ: jam Parisanium
Pacato aspiciens lamine Julium
Tantis siste procellis
Actum litore sospitem.

In Cardinalem Paleottum, Vaticinium.

Sedula divinum nutrix cum numen adisset,
Eque aditis fatum peteret Gabrielis alumni,
Talia fatidico correpta furore Sybilla
Protulit, & pueri cecinit felicia fata.
Fortunata domus, fortunatique parentes,

Et

Et felix ortu Gabrielis Felsina, & orbis
 Roma olim Regina potens, atque Italia tellus:
 O felix hominum genus, o felicia vere
 Tempora, læta dies, & dextera sidera, talem
 Quæ puerum, tanta insignem virtute tulere.
 Quem cum summa fides, vitæque exemplar honestæ,
 Et morum probitas, atque omni in munere præstans
 Ingenium, tum rara sacri prudentia juris,
 Et sophiæ studium, & linguæ facundia doctæ,
 Ad summos olim tollet virtutis honores.
 Jamque illum summa videor cum laude docentem
 Aspicere; & multos cunctis concurrere ab urbis
 Partibus adductos fama Gabrielis, ad urbem
 Felsineam: (sic fata monent) jam cernere gentem
 Romanam videor, sella dicentis ab alta
 Servantem leges, & judicis ora verentem.
 Jam, (si vera mihi cœlestia numina distant,
 Nec vatem superi fallunt) majoribus illum
 Extollet virtus titulis: spectabilis ostro
 Incedet Gabriel Tyrio, patrumque sacrorum
 Ornabit numerum: sed adhuc majora supersunt
 Fata viro: illum olim liceat spectare beato
 Alte subnixum folio, Petrique gerentem
 Munus, & hæreticas gentes, Turcasque superbos
 Debellantem armis; & relligione sub una
 Errantem populum Mosis, durataque corda,
 Surgentem nobis, atque auspice denique Christo
 Prisca renascenti reddentem secula Mundo.

*In Pium V. Pont. Maxim. & Cardinalem
 Alexandrinum.*

Impia sacrilegi jamdudum crimina secli
 Fugerat exosa hinc Relligio, & Pietas.
 Viderat innumeris fœdatum sordibus orbem;
 Et ficto superum numina honore coli.

Sacra quoque ipsa animis, manibusque litata profani
 Et pia pollucis thura cremata focis.
 Turpatas etiam scelerata cuspide Divum
 Effigies, & jam nil superesse pium.
 Vidit & ingemuit, terrarumque exosa nocentes
 Æthereas petiit, non reditura, domos,
 Nunc patrum mirata Pium, mirata nepotem,
 Læta redit rursus Relligio, & Pietas.

*In obitum Julii Caesaris Gozadini
 Abbatis.*

Quid me lugetis? mea cur vos funera turbant,
 Ægraque sollicitat corda, premitque dolor?
 Cur tristes lacrimas hic turgida lumina fundunt!
 Cur plangunt crebræ pectora fida manus?
 Nescitis quanta hoc adducat gaudia lethum?
 Nescitis quanti hæc funera sint oneris?
 Me facit interitus meliorem vivere vitam,
 Vitam, quæ nullum sentiet interitum.
 Spiritus usque viget, magis & magis usque vigebit:
 Nec minuent nostros secula futura dies.
 Ergo meam quicumque vicem, quicumque doletis,
 Spargitis & lacrimis nostra sepulchra piis:
 Parcite jam fletu, & curis imponite finem:
 Vita etenim hæc est, haud dixeris interitum.

Ad Antonium Sulphrinium.

Judex candide carminum meorum
 Antoni, hendecasyllabos lepores
 Qui censes merito locum priorem
 Inter cuncta poemata obtinere,
 Mellitosque adamas sales Catulli,
 Quæque & ipse facis nova, & diserta,
 Et perpulchra poemata, & venusta:

Insulsa, illepidissima, invenusta
Nostra hæc accipe: quæ legas, petoque &
Quæso, lectaque corrigas benigne:
Et si diligis hunc, amice, amicum,
Qui vere ex animo te amat colitque,
Condita referas sale atque melle,
Omnibusque leporibus Catulli,
Judex candide carminum meorum,


F I N I S.





INDEX

Rerum notabilium, quæ continentur
IN TOMO SEXTO.



A

- A** *Coltus Benedictus* pag. 340. 345.
Adonis ab apro interemptus 319.
Adorni obitus 37.
Albertus Leo Baptista 84.
Albitia Albiera 426. 429.
Aldobrandus Carolus 122.
Alexandrinus Cardinalis 511.
Amantis effigies 484.
Amatorum vita laboriosa 266.
Ambrosius Monachus 407.
ad Amicum discedentem 35.
Amor virtutis 176. *Amor non est mutuus* 181. *bonestus felix* 184. *insanus* 189. 193. *terrenus infelix* 292. 301. *ejus vires otium, & vinum* 293. *onus sibi captivos facit* 295. *divinus* 397. 399.
ad Amorem invitatus redit poëta 180.
Amoris potentia 479.
Amicus ab amicis adjuvatur 241.
Anacreon poëta 310.

- Anconitanus Cyriacus* 262. 277. 278.
Angelus ad Pastores 393.
 de *Animantibus variis* 131.
Annibal Albanus laudatus 309.
Antella Philippus 433.
Apum Alvearia ex rostris navium 365.
Archangelus Gabriel 489.
Areostus Ludovicus 335.
Aretinus Leonardus 85. 251. 252. 260. 267.
Aretinus Carolus laudatus 109. 255. 432.
Afinarii Montis descriptio 95.
 in *Avaros* 91.
Augustus Antonius Maria 378.
Avila Aloysius 248.
 ad *Auroram* 491.
Austriacus Joannes laudatus 152.
Azanellus Stephanus 380.

B

- B** *Acchanalia descripta pag.* 47.
Bacchus 467. 469. 470.
Barbadicus Augustinus 146.
Barbarus laudatus 80.
Barbovius Caesar 378.
Baroncius Antonius 433.
Bartolus 409.
Beccatellus Ludovicus 78.
Bellum detestatum 39. 272.
Bembus Petrus 71. 485. 490.
Bentius Tryphon 365.
Beroaldus Philippus 410.
Bobbius Theodosius 379.
Boccaccius Joannes laudatus 116. 410.
Boldunius 80.

- Bombasius* 17.
Bonamicus Lazarus laudatus 44.
Bonettus Alexander 381.
Bonsadius laudatus 241.
Borromeus D. Carolus, & varia ejus gesta 403.
Bossius 17.
Brambillaſchus Franciſcus 383.
Brunelleſchius Philippus 97.

C

- C***æſaris in Galliam adventus* pag. 375.
Campaldina pugna 87.
Canis Epitaphium 468. 469.
Canifianus Antonius 101. *Joannes* 120.
Caponius Neriſus Gini fil. 120.
Caracciolus Elyſius 325.
Cardinalis Alexandrinus 511.
Caroli VIII. Regis Gallorum in Italiam adventus.
Carolus V. abdicans imperium 142. *laudatus* 376.
Casaburus Petrus laudatus 142.
Casonius Laurentius laudatus 310.
Cassalius Baptiſta laudatus 54.
Caſtilionius Balthaſſar 22.
Caſtor, & Pollux 430. 431.
Cataneus Jo: Marius 411.
D. *Catharine Virgo* 392.
Catonis tumulus 309.
Cavalcantes Joannes 463.
Celanus Carolus laudatus 141.
Cenninus Petrus 430.
Ceres 361. 466. 469.
Charon 19.
Chriſtine Suecorum Regina Panegyricus 302.
Cbizola Franciſcus 380.

- Cinellus Maximianus* 383.
Civium disceptatio cum rusticis 211.
Clemens VII. Pont. Max. 362.
Cocciniglia vermiculus Americanus 140.
Cogitationes secunda sapientiores 398.
Columna M. Antonius 18. *Victoria laudata* 56. 384.
Hieronymus 126. 150. *Hieronyma* 243. *Prosperus* 380.
Compagnus Petrus 463.
Corius Nicolaus 382.
Corfinius Philippus, & Amerigus 430. 461.
Covus Jacobus 375.
Cremona laudes 2.
Crescius Laurentius 95.
Crinitus Petrus 408.
Crux Domini 362.
Cupido fugitivus 29.
Cursius Petrus 51.

D

- D** *Antis epitaphium pag.* 114. 115.
Deucalionis fabula 44.
Diane laudes 85. 360. 470.
Divitum consuetudo cum poetis 206.
Donatus Hieronymus 409.
Duodus Franciscus 371.

E

- E** *Cloge pag.* 184. 245. 315. 404. 456. 482.
Effigies amantis 484. *Veneris armata* 494.
Elsa flamen 16.
Ennius potus cecinit 22.

- Epicteti Philosophi sententia* 399.
Epistola Lampridii 66. 78.
Epitaphium Bartholomaei Mayssi 379. *Galbani* 379.
Franci Treini ibid Theodosii Bobbii ibid. Stephani Azanelli 380. *Francisci Chizola ibid. Prosperi Columna ibid. Benedicti Fodrii ibidem. Valentinae Stange* 381. *Pueri ibid. Homoboni Offredi ibid. Alexandri Bonetti ibid. Petri Manna* 382. *Galeatii Zuchi ibid. Nicolai Corii* 382. 383. 384. 407. 408. 409. 429. 432. 433. 468. *Epitaphia Variorum* 84. *Philippi Architecti* 97. 114. 115. *Petrarcha ibid. Catonis Uticensis* 309. *Basilii Zanchii* 331. *Petri Stroza* 332. *Puella* 333. *Ludovici Areosti* 335. *Cosmi Etruria Ducis* 336. *Lascaris* 368. *Pompèii* 369. *Tristani* 378. *Casaris Barbovis* 378.
Equites Melitenses contra Turcas opem exposcunt 163. *laudati* 166. *D. Jacobi obfessi in Melita* 167.
ad Equum adlocutio 472.
Estensis Hercules 433.
Eucharistiae Sacramentum 399.

F

- F** *Arnesius Alexander* 338. 361. *Cardinalis pag.* 364. *Fasanus laudatus, qui Tassum in Neapolitanum sermonem transtulit* 141.
Femina apta sunt litteris 392. *castissimæ laudes* 424.
Ferraria Dux 264. *Hercules* 357.
Fesula 24. 87.
Florentia laudata 97. *loca Urbis Florentiae descripta* 100. *primordia ipsius* 101. *poëtæ celebres* 106.
Fodrus Benedictus 380.
Fontis Gai laus 251. 333. *Fontis cujusdam descriptio* 468.

Fortibraccius 286.

Fortiguerra Octavianus 181.

Fortuna simulacrum 157.

Fracastorius Hieronymus 244.

Franciscus Galliarum Rex captivus 376.

Frizolius Laurentius 507.

Furia 259.

G

G *Abriel Archangelus* pag. 489.

Gauricus Pomponius 409.

Genethliacon pueri nobilis 495.

Gibertus laudatus 14. 25.

Gozadixus Julius Caesar 512.

Grandis Alexandri hortus 333.

Gualteruccius Horatius 334.

Guarinus laudatus 261.

Guelfæ partis insigne 110.

H

de **H** *Erbis variis* pag. 128.

Hercules feras occidit 7.

Hiemis descriptio 211.

Hirundinum reditus 396.

Homerus potus cecinit 22.

Hydra Lerneæ 435.

I

I *o in Vaccam mutata* pag. 126.

D. Jo: Baptiste laudes 385.

D. Jo: Equites adhortantur contra Turcas bellum moveant 163. 166.

D. Jo-

D. Joseph laudatus 400.

Jovius Paulus 406.

Italia laus 499.

ad Italos 375.

Julius secundus 158.

Juvenalis Latinus 66.

L

L *Ampridius Benedictus* pag. 410.

Lascarus Janus laudatus 61. 368.

Laus Poëta 141. 142. V. Poëta.

Laus Cardinalis 311. 370. *Classis Pref.* 371. *Imperatoris strenui* 382. *Pontif. Maxim.* 389. *Medici* 433.

Lectio librorum impurorum 143.

Leo X. V. Medices.

Linus poëta 509.

Lippius Laurentius 430.

Litteræ. V. Studia.

Ludovicus Pannonia Rex 493.

Luxus in cibis 294.

M

M *Acignus laudatus* pag. 80.

Malagninus Christophorus 383.

Mantella Lucretia 384.

Maria Virgo Deipara in Templo presentatur 403.
ad eam precatio 505.

Maro Jo: Marius 375.

Marsupinus Carolus. V. Aretinum Carolum.

Martellus Braccius 423.

Mayssius Bartholomeus 379.

Me-

- Medices Cosmus Pater Patriæ laudatus* 23. 30. 90.
 91. 123. 412. &c. *Leo X. Pont. Max.* 23. 24.
 25. 28. 30. 63. 81. 389. *Laurentius* 31. 71.
 90. 127. 408. *Julius* 30. *Cosmus Dux* 174.
Petrus 92. 115. 412. *Hippolytus* 361. 364.
Laurentius 436. *Leo X.* 442. *Franciscus* 506.
Cosmus Pater Patriæ 451. 456. *Foannes* 452.
 454. *Mediceum genus laudatum* 62.
Melinus Petrus 19.
 ex *Menandro versio* 498.
Messirotus Baptista 373.
Minerva e capite Jovis nata 48.
Mors malorum finis 156.
 in *Morte Cardinalis Sedunensis* 13. *M. Antonius Co-*
lumna 18. *Adorni* 37. *Puella* 330. *Philippi Be-*
roaldi 410. *Andrea Maronis* 411. *Albiera Albi-*
tia 426. *Canis* 468. 469. 494. *Pastoris* 46. 471.
Gozadini 512.
Mulierum natura 199.
Musarum invocatio 93. 507.
Musconius Jo. Baptista 384.
Musonius Foannes 371.
Musurus laudatus 72.

N

- N** *Aldinus Eques poë.* 292.
Nardius Jacobus 123.
Nativitas Jesu 402.
Neapolitanus terramotus 143.
Nebrissensis Antonius 409.
Nereidum cantus 152.
Nerettus Foannes 365.
D. Nerius Philippus *quæritur præ nimio ardore Divini*
Amoris 397.

Ner.

Nerlius 17.

Neptuno vota 499.

Nigrus Petrus 462.

de Nobilitate 282.

de Nomine Jesu 401.

Nox deprecatur 476.

ad Nymphas Bononienses 250. *flumina colunt* 263. *In-
vocatio* 473.

O

O *Culi puella* pag. 488.

Offredus Homobonus 381.

Orphei fabula 11. 508. 479. *ejus pater* 509.

P

ad P *Acem cohortatio* pag 178. 272. &c.

Paleottus Cardinalis 510.

Pales Dea 469.

Pallavicinus Jo: Baptista 377.

Pan Deus 467.

Parca nentes 7. 44.

Parisianus Julius 509. 511.

Parmensis Caspar 382.

Parnassi fons 66.

Paschalis tertius 158.

Pasquinus ex Marte factus 366.

Pastoralis vita laus 218.

Pastorum vota 226. 466.

Patavium a militibus vastatum 489. *laudatum* 503.

Pactia D. Maria Magdalena pati non mori postulat
399.

Pactius Renatus 462.

Paulus III. Pont. Max. 343. 360. 367.

Pe-

- Penelopes casta* 480.
Perottus Nicolaus 408.
Petrarchæ epitaphium 115. *laudatus* 116. *ex ejus carmine* 462. 463.
Philelphi certamen cum Timotheo Graculo 407.
ex Philemone versio 498.
Philippus IV. Hispaniarum Rex 140.
Philosophiæ naturalis studia 80. 111.
Phæbus 360. 362.
de Pindarum carpente 143.
de Piscibus variis 135.
D. Pius V. Pont. Max. 509.
de Plautum lectitante 140.
Plemmirius Marcus 249.
Pœta laudati 12. 115. 234. 244. *de eorum consuetudine cum divitibus* 206. *laudatus* 252. 253. 254. &c. 267. &c. 281. 287. 432.
de Podagra 298.
Poggius laudatus 115. 278. 410.
Pontanus laudatus 272. 276. 408.
Pontifex summus, ejusque potestas, & dignitas 55.
Puccius Laurentius 16. *Antonius* 431.
Puella dura 82. 94. 493. *amans* 156. *venusta* 367. *rusticatur* 480.
Puella rapta a Diis 481. *deludens* 179. 180. *ejus mores digni amore* 263. *deprecatur ab amante* 266. *amicis charior* 288. *ejus coma recisa* 321. *ejus mors* 330. *tumulus* 333. *plorans* 341. *oculi* 488.
ad Puerum monita 158. 179.
Pythagoræ simulacrum 477.

R

- R** *Adzovius Michaël Cardinalis* pag. 311.
Rangonius Heraules 24.
Rhamnusus Paulus 507.

- Roma diruta* 100.
ad Roncionem Hieronymum 287.
Rosa Joannes 330.
Rosa puellam, & Venerem sauciant 35.
Rosæ Autumnales 151. *intempestivæ* 174.
Rostra navium in alvearia versa 365.
Rufus Janus laudatus 7.
Rus. V. Villa. preponenda Urbi 288.
Rusticerum vita 211.

S

- Salutatus Coluccius pag.* 116.
Sanseverina Maria 321. 325.
Sapientia labore acquiritur 144.
Scala Bartholomæus 82. 87.
Sedunensis Cardinalis 13.
Senarii ad imitationem Petrarce 83.
Sfortia Franciscus 3. 5.
Silviades Æneas 259.
Similitudo aquilæ, & corvi 68. *quercus* 310. *venti concutientis frondes* 480.
Simulacrum Fortunæ 154. *Ciceronis* 333. *Veneris* 365.
Sirius canis 177.
ad Somnum adloquutio 485.
Stampa Hermes laudatus 373. 376.
Stangæ Valentina tumulus 381.
Stroza Titus 432. *Laurentius, & Marietta* 464.
Studia Philosophiæ naturalis 79. 80. 111. *remittenda in diebus canicularibus* 177. *humanitatis laudata* 258. *humanitatis non abhorrent a feminis* 392. *humanitatis descripta.*
in Studiis constantia 176.

Stapha Sigismundus 426,
Sulphurinus Antonius 512.

T

- T** *Allanus Franciscus* pag. 263.
Tassi Poëma in Neapolitanum sermonem translatum 141.
Tebaldeus Antonius laudatus 12.
Tempestas descripta 509.
D. Thomas Aquinas laudatus 400.
D. Thomas Apostolus 402.
Trecchus Hieronymus 374.
Tridento Antonius 430.
Trinius Francus 379.
Truchses Otho Cardinalis 370.
Turce victi 145. &c. 167. 511. *contra Turcas* 163.
obsident Equites D. Jacobi in Melita 167. *ex Italia discendentes* 356.

V

- U** *Bertus Farinata* pag. 115.
Vegius Maffæus 254. 281. 284.
ad Vejos 21.
Venatio descripta 96.
Veneris candor 81. *Adonidem amans Venus* 87. *de ipsa, & Cupidine fugitivo* 29. *opus infirmitatum causa* 297. *armata* 318. 494. *Praxitelis* 318. *ad eam elegia* 359. *ejus simulacrum* 365. *Martem amans* 366. *amantibus favet* 470. *ad eam ut puellam molliat* 493.
Venetiis sedem eligit Venus 369. *nomen a Venere habet* 376.

Ven-

- Ventorum pugna* 509.
Veris descriptio 478.
ad Vesperum 250.
Victoria Navalis 152. *de Turcis* 167.
Vida Hieronymus laudatus 373.
Villa Oliveta laudata 16. *Nicolai Perotti* 408.
Vini laudes 122.
Virgilius 361.
Voluptas redigit in servitutem 397.
Vota Pastoralia variis diis 466. 467. &c.


X

- X** *Anthius Bernardus* pag. 406.

Z

- Z** *Abarella Paulus* pag. 504.
Zanchii Basilii epitaphium 331.
Zuchius Galeatius 382.





851.08 B751C v.6 376489

Bottari

Carmina

DATE

ISSUED TO

851.08 B751C v.6 376489

